

Namo tassa bhagavato arahato sammāsambuddhassa

# Mahāvamsapāli

## Pathamapariccheda

### Mahiyaṅgaṇāgamaṇaṃ

1. Namassitvāna sambuddhaṃ, susuddhaṃ suddhavaṃsajaṃ;  
Mahāvamsaṃ pavakkhāmi, nānānūnādhikārikaṃ.
2. Porāṇehi kato'peso, ativitthārito kvaci;  
Atīva kvaci saṃkhitto, anekapunaruttako.
3. Vajjitaṃ tehi dosehi, sukhaḡgahaṇadhāraṇaṃ;  
Pasādasamvegakaraṃ, sutito ca upāgataṃ.
4. Pasādajanaḡe ṡhāne, tathā samvegakārake;  
Janayanto pasādaṅca, samvegaṅca suṅātha taṃ.
5. Dīpaṅkaraṅhi sambuddhaṃ, passitvā no jino purā;  
Lokaṃ dukkhā pamocetuṃ, bodhāya paṇidhiṃ akā.
6. Tato taṅceva sambuddhaṃ, koṇḡaṅṅaṃ maṅgalaṃ munijaṃ;  
Sumanam revataṃ buddhaṃ, sobhitaṅca mahāmunijaṃ.
7. Anomadassiṃ sambuddhaṃ, padumaṃ nāradaṃ jinaṃ;  
Padumuttarasambuddhaṃ, sumedhaṅca tathāgataṃ.
8. Sujātaṃ piyadassiṅca, atthadassiṅca nāyakaṃ;  
Dhammadassiṅca siddhatthaṃ, tissaṃ phussaṅgamaṃ tathā.
9. Vipassiṃ sikhīsambuddhaṃ, sambuddhaṃ vessabhuṃ vibhuṃ;  
Kakusandhaṅca sambuddhaṃ, koṅāgamaṇameva ca.
10. Kassapaṃ sugataṅca' me, sambuddhe catuvāsati;  
Ārādhetvā mahāvīro, tehi bodhāya byākato.
11. Puretvā pāramī sabbā, patvā sambodhimuttamaṃ;  
Uttamo gotamo buddho, satte dukkhā pamocayi.
12. Magadhesu ruvelāyaṃ, bodhimūle mahāmuni;  
Visākhapuṅṅamaṃ so, patto sambodhimuttamaṃ.
13. Sattāhāni tahiṃ satta, so vimuttisukhaṃ paraṃ;  
Vindantaṃ madhurattaṅca, dassayanto vasī vasi.
14. Tato bārāṇasiṃ gantvā, dhammacakkaṃ pagattayi;  
Tattha vassa vasanto' va, saṡṡhiṃ arahataṃ akā.
15. Te dhammadesanattāya, vissajjetvāna bhikkhavo;  
Vinetaṃ ca tato tiṃsa-sahā ye bhaddavaggiye.
16. Sahassajaṡiḡe nātho, vinetuṃ kassapādike;

- Hemante uruvelāyaṃ, vasite paripācayaṃ.
17. Uruvelakassapassa, mahāyaññe upaṭṭhite;  
Tassa'ttano nāgamane, icchācāraṃ vijāniya.
  18. Uttarakuruto bhikkhaṃ, āharitvā rimaddano;  
Anotattadahe bhutvā, sāyanhasamaye sayāṃ.
  19. Bodhito navame māse, phussapuñṇamiyaṃ jino;  
Laṅkādīpaṃ visodhetuṃ, laṅkādīpamupāgami.
  20. Sāsanujjotanaṃ ṭhānaṃ, laṅkā ñātā jinena hi;  
Yakkhapuñṇāya laṅkāya, yakkhā nibbā siyāti ca.
  21. Ñātova laṅkāmajjhamhi, gaṅgābhīre manorame;  
Tiyojanāya te ramme, ekayojanavitthate.
  22. Mahānāgavanuyyāne, yakkhasaṅgāabhūmiyā;  
Laṅkādīpaṭṭhayakkhānaṃ, mahāyakkhasamāgamo.
  23. Upāgato taṃ sugato, mahāyakkhasamāgamaṃ;  
Samāgamaṃ majjhamhi, tattha tesāṃ siropari.
  24. Mahiyaṅgaṇathūpassa, ṭhāne vehāyasaṃ jino;  
Vuṭṭhivātandhakāresi, tesāṃ saṃvejanaṃ akā.
  25. Te bhayaṭṭhā'bhayaṃ yakkhā, ayācuṃ abhayaṃ jinaṃ;  
Jino abhayado āha, yakkhe te'ti bhayaddīte.
  26. Yakkhā bhayaṃ vo dukkhañca, harissāmi idaṃ ahaṃ;  
Tumhe nisajjathānaṃ me, samaggā detha no idha.
  27. Āhu te sugataṃ yakkhā, dema mārisa te idha;  
Sabbepi sakalaṃ dīpaṃ, dehi no abhayaṃ tuvaṃ.
  28. Bhayaṃ sītaṃ tamaṃ tesāṃ, hantvā taṃ dinnabhūmiyaṃ;  
Cammakkhandhaṃ attharivā, tathā' sīno jino tato.
  29. Cammakkaṇḍaṃ pasāresi, ādittaṃ taṃ samantato;  
Ghammābhībhūtā te bhītā, ṭhitā ante samantato.
  30. Giridīpaṃ tato nātho, rammaṃ tesāṃ idhā'nayi;  
Tesu tattha pavitṭhesu, yathāṭhāne ṭhapesi ca.
  31. Nātho taṃ saṃkhipi dhammaṃ, tadā devā samāgamaṃ;  
Tasmiṃ samāgame tesāṃ, satthā dhamma madesayi.
  32. Nekesaṃ pāṇakoṭīnaṃ, dhammābhīsamayo ahu;  
Saraṇesu ca sīlesu, ṭhitā āsuṃ asaṃkhiyā.
  33. Sotāpattiphalāṃ patvā, sele sumanakūtake;  
Mahāsumanadevindo, pūjīyaṃ yāci pūjīyaṃ.
  34. Siraṃ parāmasitvāna, nīlāmalasiroruho;  
Pāṇimatteadā kese, tassa pāṇa hito jino.

35. So taṃ suvaṇṇacaṅkoṭṭa-varenādāya satthuno;  
Nisinnaṭṭhānaracite, nānāratanasañcaye.
36. Sabbato sattaratane, te ṭhapetvā siroruhe;  
So indanīlathūpena, pidahesi namassi ca.
37. Parinibbutamhi sambuddhe, citakato ca iddhiyā;  
Ādāya jinagīvaṭṭhiṃ, thero sarabhūnāmako.
38. Therassa sārīputtassa, sisso ānīya cetīye;  
Tasmīṃyeva ṭhapetvāna, bhikkhūhi parivārito.
39. Chādāpetvā medavaṇṇa-pāsāṇehi mahiddhiko;  
Thūpaṃ dvādasahatthuccaṃ, kārapetvāna pakkami.
40. Devānaṃpiyatissassa, rañño bhātukudhārako;  
Uddhacūlābhayo nāma, disvā cetīya mabbhutaṃ.
41. Taṃ chādayitvā kāresi, tiṃsahatthucca cetīyaṃ;  
Maddanto damīle rājā, tatraṭṭho dukkhagāmaṇi.
42. Asītihatthaṃ kāresi, tassa kaṅjukacetīyaṃ;  
Mahiyaṅgaṇathūpoya-meso evaṃ patiṭṭhito.
43. Evaṃ dīpamimaṃkatvā, manussārahamissaro;  
Uruvelamagā dhīro, uruvīra parakkamoti.

Mahiyaṅgaṇāgamaṇaṃ niṭṭhitaṃ.

### Nāgadīpāgamaṇa

44. Mahākāruṇiko satthā, sabbalokahite rato;  
Bodhito pañcame vasse, vasaṃ jetavane jino.
45. Mahodarassa nāgassa, tathā cūḷodarassa ca;  
Mātulabhāgineyyānaṃ, maṇipallaṅkahetukaṃ.
46. Disvā sapārisajjānaṃ, saṅgāmaṃ paccupaṭṭhitaṃ;  
Sambuddho cittaṃāsassa, kāḷapakke uposathe.
47. Pātoyeva samādāya, pavaraṃ pattacīvaraṃ;  
Anukampāya nāgānaṃ, nāgadīpamupāgami.
48. Mahādaro'piso nāgo, tadā rājā ahiddhiko;  
Samudde nāgabhavane, dasaddhasatayojane.
49. Kaṇiṭṭhikā tassa kaṇhā, vaḍḍhamānamhi pabbate;  
Nāgarājassa dinnā'si, tassa cūḷodaro suto.
50. Tassa mātā mahāmātu, maṇipallaṅkamuttamaṃ;  
Datvā kālakatā nāgī, mātulena tathā hi so.
51. Ahosi bhāgineyyassa, saṅgāmo paccupaṭṭhito;  
Pabbateyyā'pi nāgā te, ahesuñhi mahiddhikā.

52. Samiddhisumano nāma, devo jetavane t̥hitam;  
Rājāyatanaṃādāya, attano bhavanam̐ subham̐.
53. Buddhānumatiyāyeva, chattākāram̐ jinopari;  
Dhārayanto upāgañchi, t̥hānam̐ tam̐ pubbavutt̥hakam̐.
54. Devo hi so nāgadīpe, manusso' nantare bhava;  
Ahosi rājāyatana-t̥hitat̥hāne sa addasa.
55. Paccekabuddha bhuñjante, disvā cittaṃ pasādiya;  
Pattasodhanasākhāyo, tesam̐ pādāsi tena so.
56. Nibbattitasmiṃ rukkhasmiṃ, jetuyyāne manorame;  
Dvārakoṭṭhakapassamhi, pacchā bahi ahosi so.
57. Devātidevo devassa, tassa vuddhiñca passiya;  
Idam̐ t̥hāna hitat̥thañca, tam̐ sarukkham̐ idhānaya.
58. Saṅgāmamajjhe ākāse, nisinno tattha nāyako;  
Tamaṃ tamonudo tesam̐, nāgānam̐ hiṃsanam̐ akā.
59. Assāsento bhayaṭṭe te, ālokaṃ paviddham̐sayi;  
Te disvā sugataṃ tuṭṭhā, pāde vandim̐su satthuno.
60. Tesam̐ dhammamadesesi, sāmaggikaraṇam̐ jino;  
Ubho' pi te patitā tam̐, pallaṅkam̐ munino aduṃ.
61. Satthā bhūmigato tattha, pasīdisvāna āsane;  
Tehi dibbannapānehi, nāgarājehi tappito.
62. Te jalaṭṭhe talaṭṭhe ca, bhujage' sītikoṭiyo;  
Saraṇesu ca sīlesu, patit̥ṭhāpesi nāyako.
63. Mahodarassa nāgassa, mātulo maṇiakkhiko;  
Kalyāṇiyam̐ nāgarājā, yuddham̐ kātuṃ tahiṃ gato.
64. Buddhagāmamhi paṭhame, sutvā saddhammadesanam̐;  
T̥hito saraṇasīlesu, tatthā'yāci tathāgataṃ.
65. Mahatī anukampāno, katā nātha tayā ayam̐;  
Tavānāgamane sabbe, mayam̐ bhasmī bhavāmahe.
66. Anukampā mahī pite, visuṃ hotu mahodaya;  
Punarāgamanenettha, vāsabhūmiṃ mamā mama.
67. Adhivāsaitvā bhagavā, tuṇhibhāve nidhāgamam̐;  
Patit̥ṭhāpesi tattheva, rājāyatana cetiyam̐.
68. Tañcapi rājāyatanaṃ, pallaṅcaṅka mahārahaṃ;  
Appesi nāgarājūnam̐, lokanātho namassituṃ.
69. Paribhogacetiyam̐ mayham̐, nāgarājā namassatha;  
Tam̐ bhavissati votātā, hitāya ca sukhāya ca.
70. Icevamādiṃ sugato, nāgānam̐ anusāsanam̐;  
Kavā jetavanam̐ eva, gato lokānukampakoti.

## Nāgadīpāgamaṇaṃ

**Kalyāṇāgamaṇaṃ**

71. Tato so tatiye vasse,  
Nāgindo maṇiakkhiko;  
Upasaṅkamma sambuddhaṃ,  
Satasāṅghaṃ nimantayi.
72. Bodhito aṭṭhame vasse, vasaṃ jetavane jino;  
Nātho pañcahi bhikkhūnaṃ, satehi parivārito.
73. Dutiye divase bhatta-kāle ārocite jino;  
Ramme vesākhamāsamhi, puṇṇamāyaṃ munissaro.
74. Tattheva pārūpitvāna, saṅghāṭiṃ pattamādiya;  
Āgā kalyāṇidesaṃ taṃ, maṇiakkhinivesanaṃ.
75. Kalyāṇi cetiyaṭṭhāne, kate ratanamaṇḍape;  
Mahārahamhi pallaṅke, sahasāṅghenu'pāvisi.
76. Dibbehi khajjabhojjehi, sagaṇo sagaṇaṃ jinaṃ;  
Nāgarājā dhammarājaṃ, santappesi sumānaso.
77. Tattha dhammaṃ desayitvā, sathā lonukampako;  
Uggantvā sumane kūṭe, padaṃ dassesi nāyako.
78. Tasmīṃ pabbatapādamaṃ, sahasāṅgho yathāsukhaṃ;  
Divā vihāraṃ katvāna, dīghavāpi mupāgami.
79. Tattha cetiyaṭṭhānamhi, sasaṅghova nisīdiya;  
Samādhīṃ appayī nātho, ṭhānāgāravapattiyā.
80. Tato vuṭṭhāya ṭhānamhā, ṭhānāṭṭhānesu kovido;  
Mahāmeghavanārāma-ṭhānamāga mahāmuni.
81. Mahābodhiṭṭhāṇe, nisīditvā sasāvako;  
Samādhīṃ appayī nātho, mahāthūpaṭṭhite tathā.
82. Thūpārāmamaṃhi thūpassa, ṭṭhāṇe tatheva ca;  
Samādhito'tha vuṭṭhāya, silācetiyaṭṭhānago.
83. Sahāgate devagaṇo, gaṇī samanūsāsīya;  
Tato jetavanaṃ buddho, buddhasabbatthako agā.
84. Evaṃ laṅkāya nātho, hitamamitamati āyatīṃ pekkhamāno;  
Tasmīṃ kālamhi laṃkāsurabhujagagaṇādīnamatthañca passaṃ;  
Āgā tikkhattumetaṃ ativipuladayo lokadīpo sudīpaṃ;  
Dīpo tenāyamāsī sujanabahumano dhammadīpāva bhāsīti.

## Kalyāṇāgamaṇaṃ

Sujanappasādasamaṃvegatthāya kate mahāvamse

Tathāgatābhigamaṇaṃ nāma

Paṭhamo paricchedo.

## Dutiyapariccheda

### Mahāsammatavaṃsa

1. Mahāsammata rājassa, vaṃsajo hi mahāmuni;  
Kappassādimhi rājā'si, mahāsammatanāmako.
2. Rojo ca vararojo ca, tathā kalyāṇakā duve;  
Uposatho ca mandhātā, carako'pacarā duve.
3. Cetīyo mucalo ceva, mahāmūcalanāmako;  
Mucalindo sāgaro ceva, sāgaro deva vanāmako.
4. Bharato bhagīratho ceva, ruci ca suruci pica;  
Patāpo mahāpatāpo, panādā ca tathā duve.
5. Sudassano ca neru ca, tathā eva duve duve;  
Pacchimā cā'ti rājāno, tassa puttapaputtakā.
6. Asaṃkhiyāyukā ete, aṭṭhavīsati bhūmipā;  
Kusāvatiṃ rājagahaṃ, mithilañcāpi āvasuṃ.
7. Tato satañca rājano, chappaññāsa ca saṭṭhi ca;  
Caturāsīti sahasāni, chattiṃsā ca tato pare.
8. Dvattiṃsa aṭṭhavīsā ca, dvāvīsati tato pare;  
Aṭṭhārasa sattarasa, pañcadasa catuddasa.
9. Nava satta dvādasa ca, pañcavīsa tatopare;  
Pañcavīsaṃ dvādasa ca, dvādasañca navā pica.
10. Caturāsītisahassāni, makhādevādikāpi ca;  
Caturāsītisahassāni, kaḷārājanakādayo.
11. Soḷasa yāva okkātaṃ, paputtā rāsito ime;  
Visuṃ visuṃ pure rajjaṃ, kamato anusāsisaṃ.
12. Okkāmuḷho jeṭṭhaputto, okkākasā'si bhūpati;  
Nīpuro candīmā candaṃ-muḷho ca sivi sañjāyo.
13. Vessantara mahārājā, jālī ca sīhavāhano;  
Sīhassaro ca iccete, tassa putta pa puttakā.
14. Dveasīti sahasāni, sīhassarassa rājino;  
Putta pa putta rājāno, jayaseno tadantimo.
15. Ete kapilavatthusmiṃ, sakyarājāti vissutā;  
Sīhahanu mahārājā, jayasenassa atrajo.
16. Jayasenassa dhītā ca, nāmenā'si yasodharā;  
Devadaye devadaha-sakko nāmā'si bhūpati.
17. Añjano cā'tha kaccānā, āsuṃ tassa sutā duve;

Mahesīcā'si kaccānā, rañño sīhahanussa sā.

18. Āsī añjanasakkassa, mahesī sā yasodharā;  
Añjanassa duve dhītā, māyā cātha pajāpati.
19. Puttā duve daṇḍapāṇī, suppabuddho ca sākiyo;  
Pañca puttā duve dhītā, āsuṃ sīhahanussare.
20. Suddhodano dhotodano, sakkasukkamitodano;  
Amitā pamitācā'ti, ime pañca imā duve.
21. Suppabuddhassa sakkassa, mahesī amitā ahu;  
Tassā'suṃ bhaddakaccānā, devadatto duve sutā.
22. Māyā mahāpajāpati ceva, suddhodana mahesīyo;  
Suddhodana mahārañño, putto māyāya so jino.
23. Mahā sammatavaṃsamhi, asambinne mahāmuni;  
Evaṃ pavatte sañjāto, sabba khatthiya muddhani.
24. Siddhatthassa kumārassa, bodhisattassa sā ahu;  
Mahesī bhaddakaccānā, putto tassā'si rāhulo.
25. Bimbisāro ca siddhattha-kumāro ca sahāyakā;  
Ubhinnaṃ pitaro cāpi, sahāyāeva te ahuṃ.
26. Bodhisatto bimbisārā, pañcavassādhiko ahu;  
Ekūnatimso vayasā, bodhisatto'bhinikkhami.
27. Padahitvāna chabbassaṃ, bodhiṃ patvā kamena ca;  
Pañcatimso tha vayasā, bimbisāramupāgami.
28. Bimbisāro pannarasa-vasso'tha pītaraṃ sayam;  
Abhisitto mahāpañño, patto rajjassa tassa tu.
29. Patte soḷasame vasse, sathā dhammadesayi;  
Dvāpaññāseva vassāni, rajjaṃ kāresi so pana.
30. Rajje samā pannarasa, pubbe jinasamāgamā;  
Sattatimsa samā tassa, dharamāne tathāgate.
31. Bimbisārasuto'jāta-sattutaṃ ghātīyā'mati;  
Rajjaṃ dvattimsavassāni, mahāmittaddukārayī.
32. Ajātasattuno vasse, aṭṭhame muni nibbuto;  
Pacchā so kārayī rajjaṃ, vassāni catuvīsati.
33. Tathāgato sakalalokaggataṃ gato;  
Aniccatāva samavaso upāgato;  
Iti'dha yo bhayajananiṃ aniccatam,  
Avekkhate sa bhavati dukkhapāragūti.

Sujanappasādasamvegatthāya kate mahāvaṃse

Mahāsammatavaṃso nāma

Dutiyo paricchedo.

## Tatiya pariccheda

### Paṭhamadhammasaṃgīti

1. Pañcanetto jino pañca-cattālīsasamā'samo;  
Thatvā sabbāni kiccāni, katvā lokassa sabbathā.
2. Kusinārāyayamaka-sālānamantare vare;  
Vesākhapuṇṇamāyaṃ so, dīpo lokassa nibbuto.
3. Saṅkhyāpathamatikkantā, bhikkhū tattha samāgatā;  
Khattiyā brāhmaṇā vassā, suddhā devā tattheva ca.
4. Sattasatasahassāni, tesu pāmokkhabhikkhavo;  
Thero mahākassapova, saṅghatthero tadā ahu.
5. Satthusarīrasārīra-dhātukiccāni kāriya;  
Icchanto so mahāthero, satthu dhammaciraṭṭhitim.
6. Lokanāthe dasabale, sattāhparinibbuto;  
Dubbhāsitaṃ subhaddassa, buddhassa vacanaṃ saraṃ.
7. Saraṃ cīvaradānañca, samatte ṭhapanam tathā;  
Saddhammaṭhapanatthāya, muninā'nuggahaṃ kataṃ.
8. Kātuṃ saddhammasaṃgītiṃ, sambuddhānamate yati;  
Navaṅgasāsanadhare, sabbaṅgasamupāgate.
9. Bhikkhū pañcasateyeva, mahākhīṇāsava vare;  
Sammanni ekenūne tu, ānandattherakāraṇā.
10. Puna ānandattherā'pi, bhikkhūhi abhiyācīto;  
Sammanni kātuṃ saṃgītiṃ, sā na sakkā hi taṃ vinā.
11. Sādhukīḷanasattāhaṃ, sattāhaṃ dhātubhājanaṃ;  
Iccaddhamāsaṃ khetvā, sabbalokānukampakā.
12. Vassaṃ vasaṃ rājagahe, kassāma dhammasaṅgahaṃ;  
Nāññehi tatta vatthabba-mitī katvāna nicchayaṃ.
13. Sokāturaṃ tattha tattha, assāsento mahājanaṃ;  
Jambudīpamhi te therā, vicarivāna cārikaṃ.
14. Āsaḷhisukkapakkhamhi, sukkapakkaṭṭhitatthikā;  
Upāgamuṃ rājagahaṃ, sampannacatupaccayaṃ.
15. Tattheva vassūpagatā, te mahākassapādayo;  
Therā thiraguṇūpetā, sambuddhamatakovidā.
16. Vassānaṃ paṭhamaṃ māsaṃ, sabbasenāsanesu'pi;  
Kāresuṃ paṭisaṅkhāraṃ, vatvānā'jātasattuno.
17. Vihārapaṭisaṅkhāre, niṭṭhite ahu bhūpati;



Idāni dhammasaṃgītiṃ, karissāmi mayaṃ iti.

18. Kattabbaṃ kintipuṭṭhassa, nisajjaṭṭhānamādisuṃ;  
Rājā katthāti pucchitvā, vuttaṭṭhānamhi tehi so.
19. Sīghaṃ vebhāraselassa, passe kāresi maṇḍapaṃ;  
Sattapaṇṇiguhādvāre, rammaṃ devasabhopamaṃ.
20. Sabbathā maṇḍayitvā taṃ, attharāpesi tattha so;  
Bhikkhūnaṃ gaṇanāyeva, anagghattharaṇāni ca.
21. Nissāya dakkhiṇaṃ bhāgaṃ, uttarāmukhamuttamaṃ;  
Therāsaṇaṃ supaññattaṃ, āsi tattha mahārahaṃ.
22. Tasmaṃ maṇḍapamajjhasmiṃ, puratthamukhamuttamaṃ;  
Dhammāsaṇaṃ supaññattaṃ, ahosi sugatārahaṃ.
23. Rājā'rocayi therānaṃ, kammaṃ no niṭṭhitaṃ iti;  
Te therā theramānanda-mānandakaramabravum.
24. Sve sannipāto ānanda, sekkena gamanaṃ taḥiṃ;  
Na yuttante sadatthe tvam, appamatto tato bhava.
25. Icevaṃ codito thero, katvāna vīriyaṃ samaṃ;  
Iriyāpathato muttaṃ, arahattamaṃpāpuṇi.
26. Vassānaṃ dutiye māse, dutiye divase pana;  
Rucire maṇḍape tasmaṃ, therā sannipatiṃsu te.
27. Ṭhapetvā'nandattherassa, anucchavikamāsaṇaṃ;  
Āsanesu nisīdiṃsu, arahanto yathārahaṃ.
28. Thero'rahattapattiṃ so, nāpetuṃ tehi nāgamā;  
Kuhim ānandatthero'ti, vuccamāne tu kehici.
29. Nimmujjitvā pathaviyā, gantvā jotipathena vā;  
Nisīdi thero ānando, attano ṭhapitāsane.
30. Upālithero vinaye, sesadhamme asesake;  
Ānandattheramakarum, sabbe therā dhurandhare.
31. Mahāthero sakattānaṃ, vinayaṃ pucchituṃ sayam;  
Sammannu'pālithero ca, vissajjetuṃ tameva tu.
32. Therāsane nisīditvā, vinayaṃ tamapucchi so;  
Dhammāsane nisīditvā, vissajjesi tameva so.
33. Vinayaññūnamaggena, vissajjitakamena te;  
Sabbe sajjhāyamaṃkarum, vinayaṃ nayakovidā.
34. Aggaṃ bahussutādīnaṃ, kosārakkhaṃ mahesino;  
Sammannitvāna attānaṃ, thero dhammamapucchi so.
35. Tathā sammanniya'ttānaṃ, dhammāsanāgato sayam;  
Vissajjesi tamānanda-tthero dhammamasato.

36. Vedehamuninā tena, vissajjitakamena te;  
Sabbe sajjhāyamakarum, dhammaṃ dhammatthakovidā.
37. Evaṃ sattahi māsehi, dhammasaṃgīti niṭṭhitā;  
Sabbalokahitathāya, sabbalokahi tehi sā.
38. Mahākassapatherena, idaṃ sugatasāsanam;  
Pañcavassasahassāni, samattham vattane kataṃ.
39. Atīva jātapāmojjā, sandhāarakajalantikā;  
Saṃgītipariyosāne, chaddhākampi mahāmahī.
40. Acchariyāni cā'hesum, lokenekāninekadhā;  
Thereheva katattā ca, theriyāyam paramparā.
41. Paṭhamam saṅgaham katvā, sabbalokahitam bahum;  
Te yāvatāyukam ṭhatvā, therā sabbepi nibbutā.
42. Therā'pi te matipadīpahatandhakārā,  
Lokandhakārahananamhi mahāpadīpā;  
Nibbāpitā maraṇaghoramahānilena,  
Tenāpi jīvitamadaṃ matimā jaheyyāti.

Sujanappasādamsaṃvegatthāya kate mahāvamse

Paṭhamadhammasaṃgītināma

Tatiyo paricchedo.

## Catuttha pariccheda

### Dutiya saṃgīti

1. Ajātasattu putto taṃ, ghātetvā'dāyi bhaddako;  
Rajjam soḷasavassāni, kāresi mittadūbhiko.
2. Udayabhadda putto taṃ, ghātetvā anuruddhako;  
Anuruddhassa putto taṃ, ghātetvā muṇḍanāmakko.
3. Mittadduno dummatino, te'pi rajjamakārayum;  
Tesaṃ ubhinnaṃ rajjesu, aṭṭhavassāna'tikkamum.
4. Muṇḍassa putto pitaram, ghātetvā nāgadāsako;  
Catuvīsativassāni, rajjam kāresi pāpako.
5. Pitughātakavaṃso'ya, mītikuddhā'tha nāgarā;  
Nāgadāsaka rājānam, apanetvā samāgatā.
6. Susunāgoti paññātam, amaccaṃ sādhusammatam;  
Rajje samabhisiñjimsu, sabbesaṃ hitamānasā.
7. So aṭṭhārasavassāni, rājā rajjamakārayi;  
Kālāso ko tassa putto, aṭṭhavīsati kārayi.
8. Atīte dasame vasse, kāḷāsokassa rājino;

Sambuddhparinibbānā, evaṃ vassasataṃ ahu.

9. Tadā vesāliyā bhikkhū, anekā vajjiputtakā;  
Siṅgiloṇaṃ dvaṅgulañca, tathā gāmantarammi ca.
10. Āvāsā'numatā'ciñṇaṃ, amathitaṃ jalogi ca;  
Nisīdanaṃ adasakaṃ, jātarūpādikaṃ iti.
11. Dasavatthūni dīpesuṃ, kappantīti alajjīno;  
Taṃ sutvāna yasatthero, evaṃ vajjīsu cārikaṃ.
12. Chaḷabhiñño balappatto, yaso kākaṇḍakatrajo;  
Taṃ sametuṃ saussāho, tatthāgami'mahāvanaṃ.
13. Ṭhapetvā'posathagge te, kaṃsapātiṃ sahodhakaṃ;  
Kahāpaṇādiṃ saṅghassa, detha'nā'hu upāsake.
14. Na kappate taṃ mā detha, iti thero savārayi;  
Paṭisāraṇīyaṃ kammaṃ, yasattherassa te karuṃ.
15. Yācitvā anudūtaṃ so, saha tena puraṃ gato;  
Attano dhammavādittaṃ, saññāpetvā'ga sāgare.
16. Anudūtavaco sutvā, tamukkipitumāgatā;  
Parikkhipiya aṭṭhaṃsu, saraṃ therassa bhikkhavo.
17. Thero uggamma nabhasā, gantvā kosambiyaṃ tato;  
Pāveyyakā vantikānaṃ, bhikkhūnaṃ santikaṃ lahuṃ.
18. Vesesi dūtetu sayāṃ, gantvā'ho gaṅgapabbataṃ;  
Āha sambhūtattherassa, taṃ sabbaṃ sāṇavāsino.
19. Pāveyyakā saṭṭhitherā, asitā'vantikāpi ca;  
Mahākhīṇāsavā sabbe, ahogaṅgamhi otaruṃ.
20. Bhikkhavo sannipatitā, sabbe tattha tato tato;  
Āsuṃ navutisahassāni, mantetvā akhilā'pi te.
21. Soreyya revatattheraṃ, bahussuta manāsavaṃ;  
Taṃ kālapamukhaṃ ñatvā, passituṃ nikkhamiṃsu taṃ.
22. Thero tammantaṃ sutvā, vesāliṃ gantumeva so;  
Icchanto phāsugamaṃ, tato nikkhami taṅkhaṇaṃ.
23. Pāto pātova nikkhanta-ṭṭhānaṃ tena mahattānā;  
Sāyaṃ sāyamupentānaṃ, saḥajotiyamaddasuṃ.
24. Tattha sambhūtattherena, yasatthero niyojito;  
Saddhammasavanante taṃ, revatathera muttamaṃ.
25. Upecca dasavatthūni, pucchi thero paṭikkhipi;  
Sutvā'dhikaraṇaṃ tañca, nisedhemāti abravi.
26. Pāpāpi pakkhaṃ pekkhantā, revatathera muttamaṃ;  
Sāmaṇakaṃ parikkhāraṃ, paṭiyādiya te bahuṃ.

27. Sīghaṃ nāvāya gantvāna, sahaḷāṭṭisamīpagā;  
Karonti bhattavissaggaṃ, bhattakāle upaṭṭhite.
28. Sahajātiṃ āvasanto, sāḷathero vicintiyā;  
Pāveyyakā dhammavādī, iti passi anāsavo.
29. Upecca taṃ mahābrahmā, dhamme niṭṭhāti abravi;  
Niccaṃ dhamme ṭhitattaṃ so, attano tassa abravi.
30. Te parikkhāramādāya, revatattheramaddasū;  
Thero na gaṇhi tappakkha-gāhī sissaṃ paṇāmayī.
31. Vesāliṃ te tato gantvā, tato pupphapuraṃ gatā;  
Vadimsu kāḷāsokassa, narindassa alajjīno.
32. Sathussa no gandhakuṭiṃ, gopayanto mayaṃ tahiṃ;  
Mahāvanavihārasmiṃ, vasāma vajjībhūmiyaṃ.
33. Gaṇhissāma vihāra'nti, gāmaṃvāsikasikkhavo;  
Āgacchanti mahārāja, maṭisedhaya te iti.
34. Rājānaṃ duggahitaṃ te, katvā vesālimāgamaṃ;  
Revatatthera mūlamhi, sahaḷāṭṭiyamettha tu.
35. Bhikkhū sataśassāni, ekādasa samāgatā;  
Navutiṅca śassāni, ahu taṃ vatthu santiyā.
36. Mūlaṭṭhehi vinā vatthu-samaṇaṃ neva rocayī;  
Thero sabbepi bhikkhū te, vesālimāgamaṃ tato.
37. Duggahitova so rājā, tatthāmacce apesayi;  
Mūlā devānubhāvena, aññattha agamiṃsu te.
38. Pesetvā te mahīpālo, taṃ rattiṃ supinenaso;  
Apassi sakamattānaṃ, pakkhittaṃ lohakumbhiyaṃ.
39. Atibhīto ahu rājā, tamassā setu māgamā;  
Bhaginī nandatherī tu, ākāseṇa anāsavā.
40. Bhāriyaṃ te kataṃ kammaṃ, dhammike'yye khamāpaya;  
Pakkho tesāṃ bhavitvā tvaṃ, kuru sāsanaṃ paggaṃ.
41. Evaṃ kate sotthi tuyhaṃ, hessatīti apakkami;  
Pasāteyeva vesāliṃ, gantaṃ nikkhāmi bhūpati.
42. Gantvā mahāvanaṃ bhikkhū-saṅghaṃ so sannipātiya;  
Sutvā ubhinnaṃ vādaṅca, dhammapakkhaṅca rociya.
43. Khamāpetvā dhammike te, bhikkhū sabbe mahīpati;  
Attano dhammapakkhattaṃ, vatvā tumhe yathāruci.
44. Sampaggaṃ sāsanaṃ, karoṭhāti ca bhāsīya;  
Datvā ca tesāṃ ārakkhaṃ, agamāsi sakaṃ puraṃ.
45. Nicchetuṃ tāni vatthūni, saṅgho sannipatī tadā;  
Anaggāni tattha bhassāni, saṅghamajjhe ajāyisū.

46. Tato so revatatthero, sāvetvā saṅghamajjhago;  
Ubbhāhikāya taṃ vatthum, sametum nicchayaṃ akā.
47. Pācinakeca caturo, caturo pāveyyakepi ca;  
Ubbhāhikāya sammanni, bhikkhū taṃ vatthu santiyā.
48. Sabbakāmī ca sālho ca, khujjasobhitanāmako;  
Vāsabhagāmiko cāti, thero pācinakā ime.
49. Revato sāṇasambhūto,  
Yaso kākoṇḍakatrajo;  
Sumano cāti cattāro,  
Therā pāveyyakā ime.
50. Sametum tāni vatthūni, appasaddaṃ anākulam;  
Agaṃ vālukārāmaṃ, aṭṭhattherā anāsavā.
51. Daharenā'ji te nettha, paññatte āsane subhe;  
Nisīdimṣu mahātherā, mahāmuni matañño.
52. Tesu vatthūsu ekekaṃ, kamato revato mahā;  
Thero theram sabbakāmim, pucchi pucchāsu kovido.
53. Sabbakāmī mahāthero, tena puṭṭho'tha byākari;  
Sabbāni tāni vatthūni, na kappantīti suttato.
54. Nihanitvā'dhikaraṇaṃ, taṃ te tattha yathākkamaṃ;  
Tattheva saṅghamajjhepi, pucchāvissajjanaṃ karuṃ.
55. Niggahaṃ pāpabhikkhūnaṃ, dasavatthukadīpanaṃ;  
Tesaṃ dasasahassānaṃ, mahāthero akaṃsu te.
56. Sabbakāmī puthaviyā, saṅghatthero tadā ahu;  
So vīsaṃ vassasatiko, tadā'si upasampadā.
57. Sabbakāmī ca sālho ca,  
Revato khujjasobhito;  
Yaso kākoṇḍakasuto,  
Sambhūto sāṇavāsiko.
58. Therā ānandattherassa, ete saddhivihārino;  
Vāsabhagāmiko ceva, sumano ca duve pana.
59. Therā'nuruddhattherassa, ete saddhivihārino;  
Aṭṭha therā'pi dhaññā te, diṭṭhapubbā tathāgataṃ.
60. Bhikkhū satasahassāni, dvādasāsum samāgatā;  
Sabbesaṃ revatatthero, bhikkhūnaṃpamukhotadā.
61. Tato so revatatthero, saddhammaṭṭhitiyā ciraṃ;  
Kāretum dhammasaṃgītiṃ, sabbabhikkhusamūhato.
62. Pabhinnatthādiññānaṃ, piṭakattayadhāriṇaṃ;  
Satāni satabhikkhūnaṃ, arahantānamuccini.

63. Te sabbe vālukārāme, kāḷāsokena rakkhitā;  
Revatattherapāmokkhā, akarum dhammasaṅgahaṃ.
64. Pubbe kataṃ tathā eva, dhammaṃ pacchā ca bhāsitaṃ;  
Ādāya niṭṭhapesuṃ taṃ, etaṃ māsehi aṭṭhahi.
65. Evaṃ dutiyasaṃgītiṃ, katvā tepi mahāyasā;  
Therā dosakkhayaṃ pattā, pattākālena nibbutiṃ.
66. Iti paramamaṭīnaṃ pattipattabbakānaṃ,  
Tibhavahitakarānaṃ lokanātherasānaṃ;  
Sumariyamaraṇaṃ taṃ saṅkhatā sarakattaṃ,  
Parigaṇiyamasesaṃ appamatto bhavyeyāti.

Sujanappasādasamvegatthāya kate

Mahāvamse dutiyasaṃgīti nāma

Catuttho paricchedo.

## Pañcama pariccheda

### Tatīyadhammasaṃgīti

1. Yā mahākassapādīhi, mahātherehi ādito;  
Katā saddhamma saṃgīti, theriyā'ti pavuccati.
2. Eko'va theravādo so, ādivassasate ahu;  
Aññācariyavādātu, tato oraṃ ajāyisuṃ.
3. Tehi saṃgītikārehi, therehi dutiyehi te;  
Niggahitā pāpabhikkhū, sabbe dasasahassakā.
4. Akamsā'cariyavādaṃ te, mahāsaṃgītināmakā;  
Tato gokulikā jātā, ekabbohārikāpi ca.
5. Gokulikehi paṇṇatti-vādā bāhulikāpi ca;  
Cetiavādā tesveva, samatāsaṅghikā cha te.
6. Punāpi theravādehi, mahiṃsāsakabhikkhavo;  
Vajjīputtakabhikkhū ca, duve jātā ime khalu.
7. Jātā'tha dhammuttariyā, bhadrāyānikabhikkhavo;  
Channāgarā sammitiyā, vajjīputtiyabhikkhūti.
8. Mahiṃsāsakabhikkhūhi, bhikkhū sabbattha vādino;  
Dhammaguttiyabhikkhū ca, jātā khalu ime duve.
9. Jātā sabbatthivādīhi, kassapiyā tato pana;  
Jātā saṅkantikā bhikkhū, suttavādā tato pana.
10. Theravādena saha te, honti dvādasi'mepi ca;  
Pubbe vuttachavādā ca, iti aṭṭhārasā khilā.
11. Sattarasāpi dutiye, jātā vasassate iti;

Aññācariyavādā tu, tato oramajāyisum.

12. Hematā rājagiriya, tathā siddhatthikāpi ca;  
Pubbaseliyabhikkhū ca, tathā aparaseliyā.
13. Vājiriyā cha etehi, jambudīpamhi bhinnakā;  
Dhammaruci ca sāgaliyā, laṃkādīpamhi bhinnakā.

Ācariyakulavādakathā niṭṭhitā.

### Dhammāsokābhiseka

14. Kālāsokassa puttā tu, ahesum dasabhātikā;  
Bāvīsatiṃ te vassāni, rajjam samanūsāsīsum.
15. Nava nandā tato āsum, kameneva narādhipā;  
Te'pi bāvīsavassāni, rajjam samanūsāsīsum.
16. Moriyānaṃ khattiyānaṃ, vaṃse jātaṃ siridharaṃ;  
Candaguttoti paññātaṃ, cāṇakko brāhmaṇo tato.
17. Navamaṃ dhananandaṃ taṃ, ghātetvā caṇḍakodhasā;  
Sakale jambudīpasmīṃ, rajje samabhisiñcī so.
18. So catuvīsavassāniṃ, rājā rajjamakārayi;  
Tassa putto bindusāro, aṭṭhavīsati kārayi.
19. Bindusārasutā āsum, satam eko ca vissutā;  
Asoko āsi tesam tu, puññatejobaliddhiko.
20. Vemātike bhātaro so, hantvā ekūnakaṃ satam;  
Sakale jambudīpasmīṃ, ekarajjamapāpuṇi.
21. Jinanibbānato pacchā, pure tassābhisekato;  
Sāṭṭhārasaṃ vassasata-dvayamevaṃ vijāniya.
22. Patvā catūhi vassehi, ekarajjam mahāyaso;  
Pure pāṭaliputtasmīṃ, attānamabhisecayī.
23. Tassā'bhisekena samam, ākāse bhūmiyaṃ tathā;  
Yojane yojane āṇā, niccaṃ pavattitā ahu.
24. Anotatto dakākāje, aṭṭhanesum dine dine;  
Devā devo akā tehi, saṃvibhāgaṃ janassaca.
25. Nāgalatādantakaṭṭhaṃ, ānesum himavantato;  
Anekesaṃ sahasānaṃ, devā eva pahonakaṃ.
26. Agadā'malakañceva, tathāgada haritakaṃ;  
Tato'va amapakkañca, vaṇṇagandharasuttamaṃ.
27. Pañcavaṇṇāni vatthāni, tatthapuñjanapaṭṭakaṃ;  
Pītañca dībbapānañca, chaddantadahato maru.
28. Marantā nagare tasmīṃ, migasūkarapakkhino;

Āgantvāna mahānasam, sayameva maranti ca.

29. Gāvo tattha carāpetvā, vajamānenti dīpino;  
Khetta vatthutaḷākādiṃ, pāleni migasūkarā.
30. Sumanam pupphapaṭakam, abhuttam dibbamuppalam;  
Vilepanam añjanañca, nāgānāgāvīmānato.
31. Sālivāhasahassāni, navutiṃ tu suvā pana;  
Chaddantadahatoyeva, āhariṃsu dine dine.
32. Te sālinitthusakāṇe, akhaṇḍetvāna taṇḍule;  
Akāṃsu mūsikā tehi, bhattam rājakule ahu.
33. Akāṃsu sassatam tassa, madhūni madhumakkhikā;  
Tathā kammārasālāsu, acchākūṭāni pātayum.
34. Karavikā sakuṇikā, manuññamadhurassarā;  
Akāṃsu tassā'gantvāna, rañño madhuravassitam.
35. Rājā'bhisitto so'soko,  
Kumāram tissasavhayam;  
Kaṇiṭṭham saṃsodariyam, uparajje'bhisecayi.

Dhammāsokābhiseko niṭṭhito

### **Nigrodhasāmaṇera dassana**

36. Pitā saṭṭhisahassāni, brāhmaṇe brahmapakkhike;  
Bhojesi sopi teyeva, tīṇi vassāni bhojayi.
37. Disvā'nupasamam tesam, asoko parivesane;  
Viceyya dānam dassanti, amacce sanniyojjiya.
38. Āṇāpayitvā matimā, nānāpāsaṇḍike visum;  
Vīmaṃsitvā nisajjāya, bhojāpetvā visajjayi.
39. Kāle vātāyanagato, santam racchāgataṃ yatim;  
Nigrodhasāmaṇeram so, disvā cittaṃ pasādayi.
40. Bindusārassa puttānam, sabbesam jeṭṭhabhātuno;  
Sumanassa kumārassa, putto so hi kumārako.
41. Asoko pitarā dinnam, rajjamujjeniyañhi so;  
Hitvā'gato pupphapuram, bindusāre gilānake.
42. Katvā puram sakāyattam, mate pitari bhātaram;  
Ghātetvā jeṭṭhakam rajjam, aggahesi pure vare.
43. Sumanassa kumārassa, devī tannāmikā tato;  
Gabbhinī nikkhamitvāna, pācinadvārato bahi.
44. Caṇḍālagāma magamā, tattha nigrodhadevatā;  
Tamālapīyanāmena, mā patvā gharakam adā.



45. Tadahe'va varam puttaṃ, vijāyitvā sutassa sā;  
Nigrodhoti akā nāmaṃ, devatā nuggahānugā.
46. Disvā taṃ jeṭṭhacaṇḍālo, attano sāmīniṃ viya;  
Maññanto taṃ upaṭṭhāsī, sattavassāni sādhukaṃ.
47. Taṃ mahāvaruṇo thero, tadā disvā kumārakaṃ;  
Upanissaya sampannaṃ, arahā pucchi mātaraṃ.
48. Pabbājesi khuragge so, arahattamaṃpāpuṇi;  
Dassanāyo'pa gacchanto, so tato mātudeviyā.
49. Dakkhiṇena ca dvārena, pavisitvā puruttamaṃ;  
Taṃ gāmagāmiṃmaggena, yāti rājaṅgaṇe tadā.
50. Santāya iriyā yasmīṃ, pasīdi samahīpati;  
Pubbe'va sannivāsena, pemaṃ tasmīṃ ajāyatha.
51. Pubbe kira tayo āsuṃ, bhātaro madhu vāṇijā;  
Eko madhuṃ vikkiṇāti, āharanti madhuṃ duve.
52. Eko paccekasambuddho, vaṇarogāturo ahu;  
Añño paccekasambuddho, tadatthaṃ madhuvatthiko.
53. Piṇḍacārikavattena, nagaraṃ pāvisī tadā;  
Tittthaṃ jalatthaṃ gacchanti, ekā ceṭī tamaddasa.
54. Pucchitvā madhukāmattaṃ, ñatvā hatthena ādisi;  
Eso madhvāpaṇo bhante, tattha gacchā'ti abravi.
55. Tattha pattassa buddhassa, vāṇijo so pasādavā;  
Vissandayanto mukhato, pattapuraṃ madhuṃ adā.
56. Puṇṇaṅga uppatantaṅga, patitaṅga mahītale;  
Disvā madhuṃ pasanno so, evaṃ paṇidahī tadā.
57. Jambudīpe ekarajjaṃ, dānenā'nena hotu me;  
Ākāse yojane āṇā, bhūmiyaṃ yojaneti ca.
58. Bhātare āgate āha, edisassa madhuṃ adamaṃ;  
Anumodatha tumhe taṃ, tumhākaṅga yato madhu.
59. Jeṭṭho āha atuṭṭho so,  
Caṇḍālo nūna sosiyaṃ;  
Nivāsenti caṇḍālā,  
Kāsāyāni sadā iti.
60. Majjho paccekabuddhaṃ taṃ, khipapāraṇṇave iti;  
Pattidānavaco tassa, sutvā te cānumodisuṃ.
61. Āpaṇā desikaṃ yātu, devittaṃ tassa patthayi;  
Ādissamānasandhi ca, rūpaṃ atimanoramaṃ.
62. Asoko madhudo'sandhi-mittādevī tu ceṭikā;  
Caṇḍālavādī nigrodho, tisso so pāravādiko.

63. Caṇḍālavādī caṇḍāla-gāme āsi yato tu so;  
Patthesi mokkhaṃ mokkhañca, satta vassova pāpuṇi.
64. Niviṭṭhapemo tasmim so, rājā'ti turito tato;  
Pakkosāpesi taṃ so tu, santavuttī upāgami.
65. Nisida tātā'nurūpe, āsane tā'ha bhūpati;  
Adisvā bhikkhumaññaṃ so, sīhāsanamupāgami.
66. Tasmim pallaṅkamāyāte, rājāiti vicintayi;  
Ajjā'yaṃ sāmaṇero me, ghare hessati sāmiko.
67. Ālambitvā karaṃ rañña, so pallaṅke samāruhi;  
Nisīdi rājapallaṅke, setacchattassa heṭṭhato.
68. Disvā tathā nisinnaṃ taṃ, asoko so mahīpati;  
Sambhāvetvāna guṇato, tuṭṭho'tīva tadā ahu.
69. Attano paṭiyattena, khajjabhojjena tappiya;  
Sambuddhadesitaṃ dhammaṃ, sāmaṇeramapucchitaṃ.
70. Tassa'ppamādavaggaṃ so, sāmaṇero abhāsatha;  
Taṃ sutvā bhūmipālo so, pasanno jinasāsane.
71. Aṭṭha te niccabhattāni, dammi tātā'ti āha taṃ;  
Upajjhāyassa me rāja, tāni dammīti āha so.
72. Puna aṭṭhasu dinnesu, tāna'dā cariyassa so;  
Puna aṭṭhasu dinnesu, bhikkhusaṅghassa tāna'dā.
73. Puna aṭṭhasu dinnesu, adhvāsesi buddhimā;  
Dvattimsabhikkhū ādāya, dutiyadivase gato.
74. Sahatthā tappito rañña, dhammaṃ desiya bhūpatiṃ;  
Saraṇesu ca sīlesu, ṭhapesi samahājanaṃ.

Nigrodhasāmaṇeradassanaṃ

### Sāsanappavesa

75. Tato rājā pasanno so, diguṇena dine dine;  
Bhikkhū saṭṭhisahassāni, anupubbenu'paṭhahi.
76. Tatthiyānaṃ sahasāni, nikaḍḍhitvāna saṭṭhiso;  
Saṭṭhibhikkhusahassāni, ghare niccamabhojjayi.
77. Saṭṭhibhikkhusahassāni, bhojetuṃ turito hi so;  
Paṭiyādāpayitvāna, khajjabhojjaṃ mahārahaṃ.
78. Bhūsāpetvāna nagaraṃ, gantvā saṅghaṃ nimantiya;  
Gharaṃ netvāna bhojetvā, datvā sāmaṇakaṃ bahuṃ.
79. Satthārā desito dhammo, kittakoti apucchatha;  
Byākāsi moggaliputto, tissatthero tadassataṃ.

80. Sutvāna caturāsīti, dhammakkhandhā'ti so'bravi;  
Pūjemi te'haṃ paccekam, vihārenā'ti bhūpati.
81. Datvā tadā channavuti-dhanakoṭiṃ mahīpati;  
Puresu caturāsīti-sahassesu mahītale.
82. Tattha tatthe'va rājūhi, vihāre ārabhāpayi;  
Sayam asokārāmaṃ tu, kārāpetuṃ samārabhi.
83. Ratanattayanigrodha-gilānānanti sāsane;  
Paccekam satasahassaṃ, so dāpesi dine dine.
84. Dhanena buddhadinnena, thūpapūjā anekadhā;  
Anekesu vihāresu, aneke akarum sadā.
85. Dhanena dhammadinnena, paccaye caturo vare;  
Dhammadharānaṃ bhikkhūnaṃ, upanetuṃ sadā narā.
86. Anotattodakājesu, saṅghassa caturo adā;  
Te piṭakānaṃ therānaṃ, saṭṭhiye'kaṃ dine dine.
87. Ekaṃ asandhimittāya, deviyā tu adāpayi;  
Sayam pana duveyeva, paribhuñji mahīpati.
88. Saṭṭhibhikkhusahassānaṃ, dantakaṭṭhaṃ dine dine;  
Soḷasitthisahassānaṃ, adā nāgalatāvhaṃ.
89. Athekadivasaṃ rājā, catusambuddhadassinaṃ;  
Kappāyukaṃ mahākāḷaṃ, nāgarājaṃ mahiddhikaṃ.
90. Suṇitvā tamānetuṃ, soṇḍasaṅkhalibandhanaṃ;  
Pesayitvā tamānetvā, setacchattassa heṭṭhato.
91. Pallaṅkamhi nisīdetvā, nānāpupphehi pūjīya;  
Soḷasitthisahassehi, parivāriya abravi.
92. Saddhammacakkavattissa, sambuddhassa mahesino;  
Rūpaṃ anantañāssa, dassahi mama bho iti.
93. Dvattiṃsalakkhaṇūpetam, asītibyañjanujjalam;  
Byāmapabhāparikkhittam, ketumālāhi sobhitam.
94. Nimmāsi nāgarājā so, buddharūpaṃ manoharam;  
Tam disvā'ti pasādassa, vimhayassa ca pūrito.
95. Etena nimmitam rūpaṃ, īdisam kīdisam nukho;  
Tathāgatassa rūpanti, āsi pitunnatunnato.
96. Akkhipūjanti saññātam, tam sattāham nirantaram;  
Mahāmaṃ mahārāja, kārāpesi mahiddhiko.
97. Evaṃ mahānubhāvo ca, saddho cāpi mahīpati;  
Thero ca moggaliputto, diṭṭhā pubbe vasīhi te.

Sāsanappaveso niṭṭhito.

### Moggaliputtatissatherādayo

98. Dutiye saṅgahe therā, pekkhantā'nāgatehi te;  
Sāsanopaddavaṃ tassa, rañño kālamhi addasaṃ.
99. Pekkhantā sakale loke, tadupaddavaghātakam;  
Tissabrahmānamaddakkhum, aciraṭṭhāyi jīvitam.
100. Tesam samupasankamma, āyācimsu mahāpatim;  
Manussesu'papajjitvā, tadupaddavaghātanam.
101. Adā paṭiññaṃ tesam so, sāsanujjotanatthiko;  
Siggavaṃ caṇḍavajjiñca avocum dahare yati.
102. Aṭṭhārasādikā vassa-satā upari hessati;  
Upaddavo sāsanassa, na sambhossāma taṃ mayaṃ.
103. Imaṃ tumhā'dhikaraṇam, nopagañchittha bhikkhavo;  
Daṇḍakammārahā tasmā, daṇḍakammapadañhi vo.
104. Sāsanujjotanatthāya, tissabrahmā mahāpati;  
Moggalibrāhmaṇaghare, paṭisandhiṃ gahessati.
105. Kāle tumhesu eko taṃ, pabbājetu kumārakam;  
Eko taṃ buddhavacanaṃ, uggaṇhāpetu sādhuṇam.
106. Ahu upālitherassa,  
Thero saddhivihāriko;  
Dāsako soṇako tassa,  
Dve therā soṇakassime.
107. Ahu vesāliyaṃ pubbe-dāsako nāma sotthiyo;  
Tisissasatajeṭṭho so, vasaṃ ācariyantike.
108. Dvādasavassikoyeva, vedapāragato caraṃ;  
Sasisso vālikārāme, vasantaṃ katasāṅgahaṃ.
109. Upālitheraṃ passivā, nisīditvā tadantike;  
Vedesu gaṇṭhiṭhānāni, pucchi so tāni byākari.
110. Sabbadhammānupatito, ekadhammo hi māṇava;  
Sabbe dhammā osaranti, ekadhammo hi ko nu so.
111. Iccāha nāmaṃ sandhāya, thero māṇavako tu so;  
Nā'ññāsi pucchito manto, buddhamantoti bhāsito.
112. Dehīti āha so āha, dema no vesadhārino;  
Gurum āpucchi mantatthaṃ, mātaraṃ pitaraṃ tathā.
113. Māṇavānaṃ satehe'sa, tīhi therassa santike;  
Pabbajitvāna kālena, upasampajji māṇavo.
114. Khīṇāsavasahassaṃ so, dāsakattherajeṭṭhakaṃ;  
Upālithero vācesi, sakalaṃ piṭakattayaṃ.

115. Gaṇanā vītivattā te, sesā'riya puthujjanā;  
Piṭakānuggahitāni, yehi therassa santike.
116. Kāsīsu kosalo nāma, satthavāhasuto ahu;  
Giribbajaṃ vaṇijjāya, gato mātāpitūhi so.
117. Agā veḷuvanaṃ pañca-dasavaso kumārako;  
Māṇavaṃ pañcapaññāsa, parivāriya taṃ gatā.
118. Sagaṇaṃ dāsakaṃ theramaṃ, tattha disvā pasīdiya;  
Pabbajjaṃ yāci so āha, tavā'puccha gurumaṃ iti.
119. Bhattattayamabhuñjitvā, soṇako so kumārako;  
Mātāpitūhi kāretvā, pabbajjānuññamāgato.
120. Saddhiṃ tehi kumārehi, dāsakattherasantike;  
Pabbajjaṃ upasampajja, uggaṇhi piṭakattayaṃ.
121. Khīṇāsavasahassassa, therasissa gaṇassa so;  
Ahosi piṭakaññussa, jeṭṭhako soṇako yati.
122. Ahosi siggavo nāma, pure pāṭalināmako;  
Paññavā'maccatanayo, aṭṭhārasasamo tu so.
123. Pāsādesu vasaṃ tīsu, chaḷaḍḍhautusādhusu;  
Amaccaputtaṃ ādāya, caṇḍavajjiṃ sahāyakaṃ.
124. Purisānaṃ dasaddhehi, satehi parivārito;  
Gantvāna kukkuṭārāmaṃ, soṇakattheramaddasa.
125. Samāpattisamāpannaṃ, nisinnaṃ saṃvutindriyaṃ;  
Vandi tenālapantaṃ taṃ, ñatvā saṅghamapucchitaṃ.
126. Samāpattisamāpannā, nālapantī'ti āhu te;  
Kathanna vuṭṭhahantīti, vuttā āhamsu bhikkhavo.
127. Pakkosanāya satthussa, saṅghapakkosanāya ca;  
Yathā kālaparicchedā, āyukkhayavasena ca.
128. Vuṭṭhahantīti vatvāna, tesamaṃ disvo'panissayaṃ;  
Pāhesumaṃ saṅghavacanaṃ, vuṭṭhāya sa taṃ agā.
129. Kumāro pucchi kiṃ bhante, nālapitthāti āha so;  
Bhuñjimha bhuñjitabbanti, āha bhojetha no api.
130. Āha amhādise jāhe, sakkā bhojayitumaṃ iti;  
Mātāpitu anuññāya, so kumārotha siggavo.
131. Caṇḍavajjī ca tepañca-satāni purisāpi ca;  
Pabbajjitvo'pasampajjumaṃ, soṇattherassa santike.
132. Upajjhāyantikeyeva, te duve piṭakattayaṃ;  
Uggaḥesuñca kālena, chaḷabhiññaṃ labhiṃsu ca.
133. Ñatvā tissa paṭisandhiṃ, tato pabhuti siggavo;  
Thero so sattavassāni, taṃ gharaṃ upasaṅkami.

134. Gacchāti vācāmatampi, sattavassāni nālabhi;  
Alattha aṭṭhame vasse, gacchāti vacanaṃ taṃ.
135. Taṃ nikkhamantaṃ pavisanto, disvā moggalibrāhmaṇo;  
Kiñci laddhaṃ ghare noti, pucchi āmāti so'bravi.
136. Gharaṃ gantvāna pucchitvā, dutiye divase tato;  
Musāvādena niggaṇhi, therāṃ gharamupāgataṃ.
137. Therassa vacanaṃ sutvā, so pasannamano dvijo;  
Attano pakatena'ssa, niccaṃ bhikkhaṃ pavattayi.
138. Kamena'ssa pasīdīmsu, sabbe'pi gharamānusā;  
Bhojāpesi dijo niccaṃ, nisīdāpiya taṃ ghare.
139. Evaṃ kamena gacchanto, kāle soḷasavassiko;  
Ahu tissakumāro so, tivedodadhipārago.
140. Thero kathāsamuṭṭhānaṃ, hessate'va ghare iti;  
Āsanāni na dassesi, ṭhapetvā māṇavāsanaṃ.
141. Brahmālokagatattāva, sucikāmo ahosi so;  
Tasmā so tassa pallaṅko, vāsavitvā lagīyati.
142. Aññāsanaṃ apassanto, ṭhite there sasambhāmo;  
Tassa taṃ āsanaṃ tassa, paññāpesi ghare jano.
143. Disvā tattha nisinnaṃ taṃ, āgammā'cariyantikā;  
Kujjhivā māṇavo vācaṃ, amanāpaṃ udīrayi.
144. Thero māṇava kiṃ mantāṃ, jānāsīti tamabravi;  
Tameva pucchaṃ therassa, pacchā rocesi māṇavo.
145. Jānāmīti paṭiññāya, there therāṃ apucchiso;  
Gaṇṭhiṭṭhānāni vedesu, tassa thero'tha byākari.
146. Gahaṭṭhoyeva thero so,  
Vedapāragato ahu;  
Na byākareyya kiṃ tassa,  
Pabhinnapaṭisambhido.
- Yassa cittaṃ uppajjati na nirujjhati,  
Tassa cittaṃ nirujjhissati; Na uppajjissati,  
Yassa vā pana cittaṃ nirujjhisati na uppajjissati;  
Tassa cittaṃ uppajjati, na nirujjhatīti.
147. Taṃ cittayamake pañhaṃ, pucchi thero visārado;  
Andhakāro viya ahu, tassa so tamavoca so.
148. Bhikkhuko nāma mantoti, buddha mantoti so bravi;  
Dehīti vutte novesa-dhārino dammi taṃ iti.
149. Mātāpitūhi'nuññāto, mantatthāya sa pabbajji;  
Kammaṭṭhānamadā thero, pabbājetvā yathārahaṃ.

150. Bhāvanam anuyuñjanto, acirena mahāmatī;  
Sotāphattiphalaṃ patto, thero ñatvāna taṃ tathā.
151. Pesesi caṇḍavajjissa, therassantikamuggahaṃ;  
Kātuṃ suttābhidhammānaṃ, sotatthā'kātaḍḍahaṃ.
152. Tato so tissadaharo, ārabhitvā vipassanaṃ;  
Chaḷabhiñño ahu kāle, therabhāvañca pāpuṇi.
153. Atīva pākaṭo āsi, cando'va sūriyo'vaso;  
Loko tassa vaco'maññī, sambuddhassa vacopiya.

Moggaliputtatissatherodayo niṭṭhito.

154. Ekāhaṃ uparājā so, adakkhi migavaṃ gato;  
Kīḷamāne mige'raññe, disvā etaṃ vicintayi.
155. Migāpi evaṃ kiḷanti, araññe tiṇagocārā;  
Na kiḷissanti kiṃ bhikkhū, sukhāhāravihārino.
156. Attano cintitaṃ rañño, ārocesi gharaṃ gato;  
Saññāpetuṃ tu sattāhaṃ, rajjaṃ tassa adāsi so.
157. Anubhoḥi ime rajjaṃ, sattāhaṃ tvaṃ kumāraka;  
Tato taṃ ghātayissāmi, icca'voca mahīpati.
158. Āhā'ti tamhi sattāhe,  
Tvaṃ kenā'si kiso iti;  
Maraṇassa bhayenāti,  
Vutte rājā'ha taṃ puna.
159. Sattāhā'haṃ marissaṃti, tvaṃ na kīḷi ime kathaṃ;  
Kīḷissanti yati tāta, sadā maraṇasaññino.
160. Icevaṃ bhākarā vutto, sāsanaṃ pasīdi so;  
Kālena migavaṃ gantvā, theramadakkhi saññataṃ.
161. Nisinnaṃ rukkhamūlasmiṃ, so mahādhammarakkhitaṃ;  
Sālasākhāya nāgena, bījāyanta manāsavaṃ.
162. Ayaṃ thero viyā'hampi, pabbajja jina sāsane;  
Viharissaṃ kadā raññe, iti cintayi paññavā.
163. Thero tassa pasādatthaṃ,  
Upatitvā vihāyasā;  
Gantvā asokārāmassa,  
Pokkharāñño jale ṭhito.
164. Ākāse ṭhapayitvāna, cīvarāni varāni so;  
Ogāhitvā pokkharāṇi, gattāni parisīncatha.
165. Taṃ iddhiṃ uparājā so, disvā'tīva pasīdiya;  
Ajjeva pabbajissaṃti, buddhiṃcā'kāsi buddhimā.
166. Upasaṅkamma rājānaṃ, pabbajjaṃ yāci sādaro;  
Nivāretumasakkonto, tamādāya mahīpati.

167. Mahatā parivārena, vihāramagamā sayam;  
Pabbaji so mahādhamma-rakkhitattherasantike.
168. Saddhiṃ tena catusata-sahassāni narāpi ca;  
Anupabbajitānantu, gaṇanā ca na vajjati.
169. Bhāgineyyo narindassa, aggi brahmāti vissuto;  
Ahosi rañño dhītāya, saṅghamittāya sāmiko.
170. Tassā tassa suto cāpi,  
Sumano nāma nāmaso;  
Yācitvā so'pi rājānaṃ,  
Uparājena pabbaji.
171. Uparājassa pabbajjā, tassā'sokassa rājino;  
Catutthe āsivassesā, mahājanahitodayā.
172. Tattheva upasampanno, sampannaupanissayo;  
Ghaṭento uparājā so, chaḷa'bhiñño'rahā ahu.
173. Vihāre tesamāradde, sabbe sabbapuresupi;  
Sādhukaṃ tīhi vassehi, niṭṭhāpesuṃ manorame.
174. Therassa indaguttassa, kammādiṭṭhāyakassa tu;  
Iddhiyā cā'su niṭṭhāsi, asokārāmasavhayo.
175. Janena paribhutesu, ṭhānesu ca tahiṃ tahiṃ;  
Cetiyāni akāresi, ramaṇīyāni bhūpati.
176. Purehi caturāsīti-sahasseehi samantato;  
Lekhe ekāhamānesuṃ, vihārā niṭṭhitā iti.
177. Lekhe sutvā mahārājā, mahātejiddhi vikkamo;  
Kātukāmo sakiṃyeva, sabbārāma mahāmahaṃ.
178. Pure bheriṃ carāpesi, sattame divase ito;  
Sabbārāmamaho hotu, sabbadesesu ekadā.
179. Yojane yojane dentu, mahādānaṃ mahītale;  
Karontu gāmārāmānaṃ, maggānañca vibhūsaṃ.
180. Vihāresu ca sabbesu, bhikkhusaṅghassa sabbathā;  
Mahādānāni vattentu, yathākālaṃ yathābalaṃ.
181. Dīpamālā pumphamālā-laṅkārehi tahiṃ tahiṃ;  
Tūriyehi ca sabbehi, upahāraṃ anekadhā.
182. Uposathaṅgānā'dāya, sabbe dhammaṃ suṇantu ca;  
Pūjāviseena'neke ca, karontu tadahepi ca.
183. Sabbe sabbattha sabbathā, yathāṇattādhikāpi ca;  
Pūjā sampaṭiyādesuṃ, devalokamanoramā.
184. Tasmim dine mahārājā, sabbālaṅkāra bhūsito;  
Sahorodho sahāmacco, balogha parivārīto.



185. Agamāsi sakārāmaṃ, bhindanto viya mediniṃ;  
Saṅghamaññhamhi aṭṭhāsi, vanditvā saṅghamuttamaṃ.
186. Tasmim samāgame āsuṃ, asīti bhikkhukoṭi yo;  
Ahesuṃ satahassaṃ, tesu khīṇāsavā yati.
187. Navuti bhikkhusahassāni, ahū bhikkhuniyo tahiṃ;  
Khiṇāsavā bhikkhuniyo, sahassaṃ āsu tāsu tu.
188. Lokavivaraṇaṃ nāma, pāṭihīraṃ akaṃsu te;  
Khiṇāsavā pasādatthaṃ, dhammāsokassa rājino.
189. Caṇḍāsokoti ñāyittha, pubbe pāpena kammunā;  
Dhammāsokoti ñāyittha, pacchā puññaṃ kammunā.
190. Samuddapariyantaṃ so, jambudīpaṃ samantato;  
Passi sabbe vihāre ca, nānāpūjā vibhūsite.
191. Atīva tuṭṭho te disvā, saṅghaṃ pucchi nisīdiya;  
Kassa bhante pariccāgo, mahāsugata sāsane.
192. Thero so moggaliputto, rañño pañhaṃ viyākari;  
Dharamāne'pi sugate, natthi cāgī tayāsamo.
193. Taṃ sutvā vacanaṃ bhiyyo, tuṭṭho rājā apucchi taṃ;  
Buddhasāsana dāyādo, hoti kho mādiso iti.
194. Thero tu rājaputtassa, mahindassū'panissayaṃ;  
Tatheva rājadhītāya, saṅghamittāya pekkhiya.
195. Sāsanassā'bhi vuddhiñca, taṃ hetukama vekkiya;  
Paccābhāsatha rājānaṃ, so sāsanadhurandharo.
196. Tādiso'pi mahācāgī, dāyādo sāsanassa na;  
Paccayadāyako'cceva, vuccate manujādhīpa.
197. Yo tu puttaṃ dhītaraṃ vā,  
Pabbajjāpeti sāsane;  
So sāsanassa dāyādo,  
Hoti no dāyako api.
198. Atha sāsana dāyāda-bhāvamicchaṃ mahīpati;  
Mahindaṃ saṅghamittañca, ṭhite tatra apucchatha.
199. Pabbajissatha kiṃ tātā, pabbajjā mahatī matā;  
Pituno vacanaṃ sutvā, pitaraṃ te abhāsisuṃ.
200. Ajjeva pabbajissāma, sace tvaṃ deva icchasi;  
Amhañca lābho tumhañca, pabbajjāya bhavissati.
201. Uparājassa pabbajja-kālabho pabbutīhi so;  
Sā cāpi aggibrahmassa, pabbajjā katanicchayā.
202. Uparajjaṃ mahīndassa, dātukāmo'pi bhūpati;  
Tato'pi adhikāsā'ti, pabbajjaṃyeva rocayī.

203. Piyam puttam mahindañca, buddhirūpabaloditam;  
Pabbajjā pesi samahaṃ, saṅgha mittañca dhītaṃ.
204. Tadā vīsativasso so, mahindo rājanandano;  
Saṅghamittā rājadhītā, aṭṭhārasasamā tadā.
205. Tadaheva ahu tassa, pabbajjā upasampadā;  
Pabbajjā sikkhādānañca, tassā ca tadahu ahu.
206. Upajjhāyo kumārassa, ahu moggalisavhayo;  
Pabbājesi mahādeva-tthero majjhantiko pana.
207. Kammavācaṃ akā tasmim, so'pasampadamaṇḍale;  
Arahattaṃ mahindo so, patto sapaṭisambhidam.
208. Saṅghamittā'hu'pajjhāyā, dhammapālāti vissutā;  
Ācariyā āyupāli, kāle sā'si anāsavā.
209. Ubho sāsanapajjotā, lamkādiṭṭopakārino;  
Chaṭṭhe vasse pabbajjimsu, dhammāsokassa rājino.
210. Mahāmahindo vassehi, tīhi dīpappasādako;  
Piṭakattayaṃ muggaṇhi, upajjhāyassa santike.
211. Sā bhikkhunī candalekhā, mahindo bhikkhū sūriyo;  
Sambuddha sāsanākāsaṃ, te sadā sobhayaṃ tadā.
212. Vane pāṭaliputtamhā, vane vanacaro caraṃ;  
Kuntakinnariyā saddhim, saṃvāsaṃ kappayī kira.
213. Tena saṃvāsamanvāya,  
Sā putte janayī duve;  
Tisso jeṭṭho kaṇiṭṭho tu,  
Sumitto nāma nāmato.
214. Mahāvaruṇattherassa, kāle pabbajja santike;  
Arahattaṃ pāpuṇimsu, chaḷabhiññaṃ guṇaṃ ubho.
215. Pāde kīṭavisenā'si, phuṭṭho jeṭṭho savedano;  
Āha puṭṭho kaṇiṭṭhena, bhesajjaṃ pasataṃ ghaṭaṃ.
216. Rañño nivedanaṃ thero, gilānavattato'pi so;  
Sappisatthañca caraṇaṃ, pacchābhattaṃ paṭikkhipi.
217. Piṇḍāya ce caraṃ sappiṃ, labhase tvaṃ tamāhara;  
Icchāha tissathero so, sumittaṃ theramuttamaṃ.
218. Piṇḍāya caratā tena, na laddhaṃ pasataṃ ghaṭaṃ;  
Sappikumbhasatenāpi, byādhijāto asādhiyo.
219. Teneva byādhinā thero, patto āyukkhayantikam;  
Ovaditvāppamādena, nibbātuṃ mānasaṃ akā.
220. Ākāsamhi nisīditvā, tejjodhātuvasena so;  
Yathāruci adhiṭṭhāya, sarīraṃ parinibbuto.

221. Jālāsarīrā nikkhamma, nimmamsachārikaṃ ḍahi;  
Therassa sakalaṃ kāyaṃ, aṭṭhikānituno ḍahi.
222. Sutvā nibbūtimetassa, tissatherassa bhūpati;  
Agaṃsī sakārāmaṃ, janogha parivārito.
223. Hattikkhandhagato rājā, tānaṭṭhina'varopiya;  
Kāretvā dhātusakkāraṃ, saṅghaṃ byādhimapucchitaṃ.
224. Taṃ sutvā jātasaṃvego, puradvāresu kāriya;  
Sudhācitā pokkharaṇī, bhesajjānañca pūriya.
225. Pāpesi bhikkhusaṅghassa, bhesajjāni dine dine;  
Mā hotu bhikkhusaṅghassa, bhesajjaṃ dullabhaṃ iti.
226. Sumittathero nibbāyi, caṅkamanto'va caṅkame;  
Pasīdi sāsane'tīva, tenāpi ca mahājano.
227. Kuntiputtā duve therā,  
Te lokahitakārino;  
Nibbāyiṃsu asokassa,  
Rañño vassamhi aṭṭhame.
228. Tato pabhuti saṅghassa, lābho'tīva mahā ahu;  
Pacchā pasannā ca janā, yasmā lābhaṃ pavattayaṃ.
229. Pahīnalābhasakkārā, titthiyā lābhakāraṇā;  
Sayam kāsāyamādāya, vaṣiṃsu saha bhikkhūhi.
230. Yathāsakañca te vādaṃ, buddhavādo'ti dīpayam;  
Yathāsakañca kiriyā, akariṃsu yathāruci.
231. Tato moggaliputto so,  
Thero thira guṇodayo;  
Sāsanabbudamuppannaṃ,  
Disvā tamatikakkhalaṃ.
232. Tasso'pasamane kālaṃ, dīghadassī avekkhiya;  
Datvā mahindatherassa, mahābhikkhugaṇaṃ sakaṃ.
233. Uddhaṃ gaṅgāya eko'va, ahogaṅgamhi pabbate;  
Vihāsi sattavassāni, viveka manubrūhayaṃ.
234. Titthiyānaṃ bahucattā ca, dubbaccattā ca bhikkhavo;  
Tesaṃ kātuṃ na sakkhiṃsu, dhammena paṭisedhanaṃ.
235. Teneva jambudīpamhi, sabbārāmesu bhikkhavo;  
Sattavassāni nākaṃsu, uposatha pavāraṇaṃ.
236. Taṃ sutvā mahārājā, dhammāsoko mahāyaso;  
Ekaṃ amaccaṃ pesesi, asokārāma muttamaṃ.
237. Gantvā'dhikaraṇaṃ etaṃ, vupasamma uposathaṃ;  
Kārehi bhikkhusaṅghena, pamā'rāme tuvaṃ iti.

238. Gantvāna sannipātetvā, bhikkhusaṅghaṃ sadummati;  
Uposathaṃ karothāti, sāvesi rājasānaṃ.
239. Uposathaṃ tittiyehi, na karoma mayaṃ iti;  
Avo ca bhikkhusaṅgho taṃ, amaccaṃ mūlhamānaṃ.
240. So'macco katipayānaṃ, therānaṃ paṭipāṭiyā;  
Acchindi asinā sīsaṃ, kāremīti uposathaṃ.
241. Rājabhātā tissatthero, taṃ disvā kiriyāṃ lahuṃ;  
Gantvāna tassa āsanne, sāsanamhi nisidi so.
242. Theraṃ disvā amacco so, gantvā rañño nivedayi;  
Sabbāṃ pavattiṃ taṃ sutvā, jātadāho mahīpati.
243. Sīghaṃ gantvā bhikkhusaṅghaṃ, pucchi ubbiggamānaso;  
Evaṃ katena kamma, kassa pāpaṃ siyā iti.
244. Tesāṃ apaṇḍitā keci, pāpaṃ tuyhanti keci tu;  
Ubhinnaṃcā'ti āhaṃsu, natthi tuyhanti paṇḍitā.
245. Taṃ sutvā'ha mahārājā, samattho atthi bhikkhuna;  
Vimatiṃ me vinodetvā, kātuṃ sāsanapaggahaṃ.
246. Atthi moggaliputto so,  
Tissatthero rathesabha;  
Icchāha saṅgho rājānaṃ,  
Rāja tathā'si sādaro.
247. Visuṃ bhikkhusahassena, caturo parivārite;  
Thero narasahassena, amacce caturo tathā.
248. Tadaheyeva pesesi, attano vacanena so;  
Theraṃ ānetu me tehi, tathā vutte sanāgami.
249. Taṃ sutvā puna aṭṭha'ttha, there'macce ca pesayi;  
Visuṃ sahasapurise, pubbe viya sanāgami.
250. Rājā pucchi kathaṃ thero, āgaccheyya nu kho iti;  
Bhikkhū āhaṃsu therassa, tassa'gamanakāraṇaṃ.
251. Hoti bhante upatthambho, kātuṃ sāsanapaggahaṃ;  
Iti vutte mahārāja, thero essati so iti.
252. Punāpi thero'macce ca, rājā soḷasa soḷasa;  
Visuṃ sahassa purise, tathā vatvāna pesayi.
253. Thero mahallatte'pi, nārohissati yānakaṃ;  
Theraṃ gaṅgāya nāvāya, ānethā'ti ca abravi.
254. Gantvā te taṃ tathā'vocuṃ,  
So taṃ sutvā'va uṭṭhahi;  
Nāvāya theraṃ ānesuṃ,  
Rājā paccuggamī tahiṃ.

255. Jāṇumattaṃ jalaṃ rājo'gahetvā dakkhiṇaṃ karaṃ;  
Nāvāya otarantassa, therassā'dāsi gāravo.
256. Dakkhinaṃ dakkhiṇeyyo so, karaṃ rañño'nukampako;  
Ālambitvā'nukampāya, thero nāvāya otari.
257. Rājā theram nayitvāna, uyyānaṃ rativaḍḍhanaṃ;  
Therassa pāde dhovitvā, makkhetvā ca nisīdiya.
258. Samatthabhāvaṃ therassa, vīmaṃsanto mahīpati;  
Daṭṭhukāmo ahaṃ bhante, pāṭihīranti abravi.
259. Kanti vutte mahīkampaṃ, āha taṃ puna rāhaso;  
Sakalāye'ka desāya, kataraṃ daṭṭhummicchasi.
260. Ko dukkaroti pucchitvā, eka desāya kampanaṃ;  
Dukkaranti suṇitvāna, taṃ duṭṭhukāmatam bravī.
261. Rathaṃ assaṃ manussaṅca, pāṭiṅcodaka pūritaṃ;  
Thero yojana sīmāya, antaramhi catuddise.
262. Ṭhapāpetvā tadaḍḍhehi, saha taṃ yojanaṃ mahiṃ;  
Cālesi iddhiyā tatra, nisinnassa ca dassayi.
263. Tenā'maccena bhikkhūnaṃ, maraṇena'ttanopi ca;  
Pāpassa'tthitta natthittaṃ, theram pucchi mahīpati.
264. Paṭicca kammaṃ natthīti, kiliṭṭhaṃ cetanaṃ vinā;  
Thero bodhesi rājānaṃ, vatvā tittirajātaṃ.
265. Vasanto tattha sattāhaṃ, rājuyyāne manorame;  
Sikkhāpesi mahīpālaṃ, sambuddhasamayaṃ subhaṃ.
266. Tasmimyeva ca sattā he, duve yakkhe mahīpati;  
Pesetvā mahiyaṃ bhikkhū, asese sannipātayi.
267. Sattame divase gantvā, sakārāmaṃ manoramam;  
Kāresi bhikkhusaṅghassa, sannipātamasesato.
268. Therena saha ekante, nisinno sāṇiantare;  
Ekekaladdhike bhikkhu, pakkosivāna santikaṃ.
269. Kiṃvādī sugato bhante, iti pucchi mahīpati;  
Te sassatādikaṃ diṭṭhiṃ, byākariṃsu yathāsakaṃ.
270. Te micchādiṭṭhike sabbe, rājā uppabbājāpayī;  
Sabbe saṭṭhisahassāni, āsuṃ uppabbajāpitā.
271. Apucchi dhammike bhikkhū, kiṃvādī sugato iti;  
Vibhajjavādī tāhaṃsu, taṃ theram pucchi bhūpati.
272. Vibhajjavādī sambuddho,  
Hoti bhante'ti āha so;  
Thero' āmā'ti taṃ sutvā,  
Rājā tuṭṭhamano tadā.

273. Saṅgho pisodhito yasmā,  
Tasmā saṅgho uposatham;  
Karotu bhante iccevaṃ,  
Vatvā therassa bhūpati.
274. Saṅghassa rakkhaṃ datvāna, nagaraṃ pāvisī subhaṃ;  
Saṅgho samaggo hutvāna, tadā'kāsi uposatham.
275. Thero aneka saṅkhamhā, bhikkhusaṅghā visārade;  
Chaḷabhiññe tepiṭake, pabhinnapaṭisambhede.
276. Bhikkhusahassaṃ uccini, kātuṃ saddhammaṃ saṅgahaṃ;  
Tehi asokārāmaṃhi, akā saddhamma saṅgahaṃ.
277. Mahākassapatthero ca, yasatthero ca kārayuṃ;  
Yathā te dhamma saṃgītiṃ, tissattheropi taṃ tathā.
278. Tathāvatthuppakaraṇaṃ, paravādappamaddanaṃ;  
Abhāsi tissatthero ca, tasmīṃ saṃgīti maṇḍale.
279. Evaṃ bhikkhusahassena, rakkhāya'soka rājino;  
Ayaṃ navahi māsehi, dhamma saṃgīti niṭṭhitā.
280. Rañño sattarase vasse, dvāsattatisamo isi;  
Mahāpavāraṇāya'so, saṃgīti taṃ samāpayi.
281. Sādhukāraṃ dadantīva, sāsanatṭhiti kāraṇaṃ;  
Saṃgīti pariyosāne, akammittha mahāmahī.
282. Hitvā seṭṭhaṃ brahmavimānampi manuññaṃ;  
Jegucchaṃ so sāsanahetunaralokaṃ;  
Āgammā'kā sāsanakiccaṃ katakicco;  
Konāma'ñño sāsanakiccaṃhi pamajjeti.

Sujanappasādasamvegatthāya kate mahāvamse

Tatīyadhammasaṃgīti nāma

Pañcama pariccheda.

## Chaṭṭhapariccheda

### Vijayāgamaṃ

1. Vaṅgesu vaṅganagare, vaṅgarājā ahu pure;  
Kāliṅgarañño dhītā'si, mahesī tassa rājino.
2. So rājā deviyā tassā, ekaṃ alabhi dhītaraṃ;  
Nemittābyākaruṃ tassā, saṃvāsaṃ magarājīnā.
3. Atīva rūpiniṃ āsi, atīva kāmagiddhinī;  
Devena deviyā'cāpi, lajjāyā'si jagucchitā.
4. Ekākinī sā nikkhamma, serīcārasukhatthinī;  
Satthena saha aññātā, agā magadhagāminā.

5. Lāḷaraṭṭhe aṭaviyā, sīho satthamabhiddhavi;  
Aññattha sesā dhāvimsu, sīhagatadisantusā.
6. Gaṇhitvā gocaraṃ sīho, gacchaṃ disvā tamā'rato;  
Ratto upāgalāento, laṅgulaṃ pattakaṇṇako.
7. Sā taṃ disvā saritvāna, nemittavacanaṃ sutam;  
Abhītā tassa aṅgāni, rañjayanti parāmasi.
8. Tassā phassenā'ti ratto, piṭṭhiṃ āropiyā'sutam;  
Sīho sakaṃ guhaṃ netvā, tāya saṃvāsamācari.
9. Tena saṃvāsamanvāya, kālena yamake duve;  
Puttañca dhītarāñcāti, rājadhītā janesi sā.
10. Puttassa hatthapādā'suṃ, sīhākārā tato akā;  
Nāmena sīhabāhuṃ taṃ, dhītaraṃ sīhasīvaliṃ.
11. Putto soḷasavasso so, mātaraṃ pucchi saṃsayam;  
Tuvam piṭā ca no amma, kasmā visadisā iti.
12. Sā sabbamabravī tassa, kiṃṇayāmā'ti so'bravi;  
Guhaṃ thaketitāto te, pāsāñenāti sā'bravi.
13. Mahāguhāya thakanam, khandhenā'dāya so akā;  
Ekāhene'va paññāsa-yojanāni gatāgataṃ.
14. Gocarāya gahe sīhe, dakkhiṇasmiñhi mātaraṃ;  
Vāme kaṇṭṭhiṃ katvāna, tayo sīghaṃ apakkamī.
15. Nivāsetvāna sākhaṃ te, paccantaṃ gāmamāgamuṃ;  
Tatthāsi rājadhītāya, mātulassa suto tadā.
16. Senāpati vaṅgarañño, ṭhito paccanta gāmako;  
Nisinnovaṭamūlaleso, kammantaṃ saṃvidhāyakaṃ.
17. Disvā te pucchite'vocuṃ, aṭavī vāsino mayam;  
Iti so dāpayī tesam, vatthāni dhajinī pati.
18. Tānā'hesuṃ uḷārāni, bhattaṃ paṇṇesu dāpayi;  
Sovaṇṇabhājananā'suṃ, tesam puññena tāni ca.
19. Tena so vimhito pucchi, ke tumheti camūpati;  
Tassa sā jātigottāni, rājadhītā nivedayi.
20. Pitucchā dhītaraṃ taṃ so, ādāya dhajinī pati;  
Gantvāna vaṅganagaraṃ, saṃvāsaṃ tāya kappayi.
21. Sīho sīghaṃ guhaṃ gantvā, te adisvā tayo jane;  
Aṭṭito puttasokena, na ca khādī na cā'pivi.
22. Dārake te gavesanto, agā paccantagāmake;  
Ubbāsīyati so so'va, yaṃyaṃ gāmamupeti so.
23. Paccantavāsino gantvā, rañño taṃ paṭivedayuṃ;  
Sīho piḷeti te raṭṭhaṃ, taṃ deva paṭisedhaya.

24. Alakaṃ nisedhakaṃ tassa, hatthikkhandhagataṃ pure;  
Ādetu sīhadāyīti, sahasaṃ so pacārayi.
25. Tatheva dvesahassāni, tīṇicā'pi narissaro;  
Dvīsu vāresu vāresi, mātā sīhabhujāṃ hitaṃ.
26. Aggahi tatiye vāre, sīhabāhu apucchiya;  
Mātaraṃ tisahassaṃ taṃ, ghātetuṃ pitaraṃ sakamaṃ.
27. Rañño kumāraṃ dassetuṃ, taṃ rājā idha mabravi;  
Gahito yadī sīho te, dammi raṭṭhaṃ tadeva te.
28. So taṃ gantvā guhādvāraṃ, sīhaṃ disvāva ārakā;  
Entaṃ puttasiṇehena, vijjhitaṃ taṃ saraṃ khipi.
29. Saro naḷātamāhacca, mettacittena thassa tu;  
Kumārapādamūle'va, nivatto pati bhūmiyaṃ.
30. Tathā'si yāva tatiyaṃ, tato kujjhimigāmipo;  
Tato khitto sarotassa, kāyaṃ nibbijja nikkhamaṃ.
31. Sakesaraṃ sīhasīsaṃ, ādāya sapuraṃ agā;  
Matassa vaṅgarājassa, sattāhāni tadā ahu.
32. Rañño aputtakattā ca, patītā cassa kammaṇā;  
Sutvā ca rañño nattuttaṃ, sañjānitvā ca mātaraṃ.
33. Amaccā sannipatitā, akhilā ekamānasā;  
Sīhabāhu kumārassa, rājā hohīti abravuṃ.
34. So rajjaṃ sampaṭicchitvā, datvā mātu patissa taṃ;  
Sīhasīvalimādāya, jātabhūmiṃ gato sayamaṃ.
35. Nagaraṃ tattha māpesi, ahu sīhapuranti taṃ;  
Araññe yojanasate, gāme cāpi nivesayi.
36. Lāḷaraṭṭhe pure tasmim, sīhabāhunarādhipo;  
Rajjaṃ kāresi katvāna, mahesiṃ sīhasīvalim.
37. Mahesī soḷasakkhattuṃ, yamake ca duve duve;  
Putte janayi kālesā, vijayo nāma jeṭṭhako.
38. Sumitto nāma dutiyo, sabbe dvattiṃsa puttakā;  
Kālena vijayaṃ rājā, uparajje'bhi secayi.
39. Vijayo visamācāro, āsi tamparisāpi ca;  
Sāhasāni anekāni, dussahāni kariṃsute.
40. Kuddho mahājano rañño, tamatthaṃ paṭivedayi;  
Rājā te saññapetvāna, puttaṃ ovadī sādhukaṃ.
41. Sabbamaṃ tatheva dutiyaṃ, ahosi tatiyaṃ pana;  
Kuddho mahājano āha, puttaṃ ghātehi te iti.
42. Rājā'thaviyaṃ tañca, parivārañca tassa taṃ;  
Sattasatāni purise, kāretvā addhamuṇṇake.



43. Nāvāya pakkipāpetvā, vissajjāpesi sāgare;  
Tathā tesam bhariyāyo, tatheva ca kumārake.
44. Visuṃ visuṃ te vissaṭṭhā, purisitthikumārakā;  
Visuṃ visuṃ dīpakasmiṃ, okkamiṃsu vasiṃsu ca.
45. Naggadīpoti ñāyittha, kumārokkantadīpako;  
Bhariyokkantadīpo tu, mahindadīpako iti.
46. Suppārake paṭṭanamhi, vijayo pana okkami;  
Parisā sāhasene'ttha, bhīto nāvaṃ punā'ruhi.
47. Lamkāyaṃ vijayasanāmakko kumāro;  
Otiṇṇo thiramati tambapaṇṇidīpe;  
Sālānaṃ yamakaguṇānamantarasmim;  
Nibbātuṃ sayitadine tathāgatassa.

Sujanapasādasamve gatthāyakate mahāvamse

Vijayāgamaṇāma

Chaṭṭhāparicchedo.

## Sattama pariccheda

### Vijayābhiseko

1. Sabbalokahītaṃ katvā, patvā santikaraṃ padaṃ;  
Parinibbānamañcamhi, nipanno lokanāyako.
2. Devatāsannipātamhi, mahantamhi mahāmuni;  
Sakka tatra samīpaṭṭhaṃ, avoca vadataṃ varo.
3. Vijayo lālāvisayā, sīhabāhunarindajo;  
Esalañkādhanupatto, sattabhaccasātānugo.
4. Patiṭṭhahissati devindaṃ, lamkāyaṃ mama sāsanaṃ;  
Tasmā sapaṇṇāraṃ taṃ, rakkhamaṃkañca sādhukaṃ.
5. Tathāgatassa devindo, vaco sutvāva sādaro;  
Devassuppalavaṇṇassa, lamkāraṃ samappayi.
6. Sakkena vuttamattoso, lañkāmaṃgammasajjukaṃ;  
Paribbājaka vesena, rukkhamūla mūpavisim.
7. Vijayasammukhā sabbe,  
Taṃ upacca apucchisuṃ;  
Ayaṃ bho konu dīpoti,  
Lamkādīpoti so bravi.
8. Na santi manujā hettha, na ca hessati vo bhayaṃ;  
Iti vatvā kuṇḍikāya, te jalena nisiñciya.
9. Suttañca tesam hatthesu, lagetvānabhasā'gamā;  
Dassesī soṇirūpena, parivārikayakkhinī.

10. Eko taṃ vāriyantopi, rājaputtēna anvagā;  
Gāmaṃhi vijjamaṇaṃhi, bhavanti sunakhā iti.
11. Tassā ca sāmīnī tattha, kuveṇīnāma yakkhinī;  
Nisīdi rukkhamaṇaṃhi, kantanti tāpasī viya.
12. Disvāna so pokkharaṇī, nisinnaṃ taṅca tāpasim;  
Tattha nhātvā pivitvā ca, ādāya ca mulāliyo.
13. Vāriṅca pokkhareheva, vuṭṭhāsi sātamaṃbravi;  
Bhakkho'si mama tiṭṭhāti, aṭṭhā baddho vasaṃ nara.
14. Parittasutta tejena, bhakkhituṃ sā na sakkuṇī;  
Yāciyantopi taṃ suttaṃ, nā' dāyakkhīniyā nara.
15. Taṃ gahetvā suruṅgāyaṃ, rudantaṃ yakkhinī khiṇi;  
Evaṃ ekekaṃ tattha, khiṇi sattaṃsatāni.
16. Anāyantesu sabbesu, vijayo bhayaṃsaṃkito;  
Nantaṃpaṅcāyudho gantvā, disvā pokkharaṇiṃ subhaṃ.
17. Apassa muttiṅṅapaḍaṃ, passaṃ taṅceva tāpasim;  
“Imāya khalu bhaccā me, gahitānu”ti cintiya.
18. Kiṃ na passasi bhacce me,  
Hoti tvaṃ iti āhataṃ;  
“Kiṃ rājaputta bhaccehi,  
Piva nahāyā”ti āhasā.
19. Yakkhinī tāva jānāti, mama jātinti nicchito;  
Saṅghaṃ saṅghamaṃ sāvetaṃ, dhaṇuṃ sandhāyu' pāgato.
20. Yakkhiṃ ādāya gīvāya, nārā ca valayena so;  
Vāmahatthēna kesesu, gahetvā dakkhiṇe na tu.
21. Ukkhipitvā asimāha, “bhacce me dehi dāsitaṃ;  
Māremi”ti bhayaṭṭhāsā, jīvitaṃ yāci yakkhinī.
22. Jīvitaṃ dehi me sāmī, rājjaṃ dajjāmi te ahaṃ;  
Karissami'tti kiccaṅca, kiccaṃ aññaṃ yathicchitaṃ.
23. Adubbhātthāya sapaṭhaṃ, so taṃ yakkhiṃ akārayi;  
“Ānehi bhacce sīgha”nti, vuttamattāva sā'nayi.
24. “Ime jātā”ti vuttāsā,  
Taṇḍulādiṃ viniddisi;  
Bhakkhitānaṃ vāṇijānaṃ,  
Nāvaṭṭhaṃ vivikhaṃ bahuṃ.
25. Bhaccā te sādhaṃyitvāna, bhattāni byañjanaṅca;  
Rājā puttaṃ bhojayaṃtvā, sabbecāpi abhuṅgisaṃ.
26. Dāpitaṃ vijayena'ggaṃ, yakkhī bhūṅgiya pīṇitā;  
Soḷasavassikaṃ rūpaṃ, māpayitvā manoharaṃ.

27. Rājaputta mupagañchi, sabbābharañabhūsitā;  
Māpesi rukkhamaḷasmim, sayanañca mahārahaṃ.
28. Sāṇiyā suparikkhitaṃ, vitānasamalankataṃ;  
Taṃ disvā rājatanayo, pekkhaṃ atthamaṇāgataṃ.
29. Katvāna tāyanāvāyaṃ, nipajja sayane sukhaṃ;  
Sāṇī parikkhipitvāna, sabbe bhaccā nipajjisuṃ.
30. Rattiṃ tūriyasaddaṅca, sutvā gītaraṅgaṅca so;  
Apucchi sahasemānaṃ, kiṃ saddo itī yakkhiniṃ.
31. Rajjaṅca sāmīno deyyaṃ, sabbe yakkhe ca ghātiya;  
Manussā vāsakaraṇā, yakkhā maṃ ghātayantihi.
32. Itī cintiya yakkhī sā, abravi rājanandaṃ;  
Sīrisavattunā metaṃ, sāmī yakkhapaṇaṃ idha.
33. Tattha jetṭhassa yakkhassa, lamkānagaravāsini;  
Kumārikā idhā'nītā, tassā mātā ca āgatā.
34. Āvāha maṅgale tattha, idhāpi ussave mahā;  
Vattate tattha saddoyaṃ, mahāhesa samāgamo.
35. Ajjeva yakkhe ghātehi,  
Na hi sakkhā ito paraṃ;  
So āhā'dissa mānete,  
Ghātessāmi kathaṃ ahaṃ.
36. Yattha saddaṃ karissāma, tena saddena ghātaya;  
Āyudhaṃ me'nubhāvena, tesam kāye patissati.
37. Tassā sutvā tathā katvā, sabbe yakkhe aghātayi;  
Sayampi laddhaviṇṇayo, yakkharāja pasādhaṃ.
38. Pasādhanēhi sesehi, taṃtaṃ bhaccaṃ pasādhai;  
Katipahaṃ vasitve'ttha, tambapaṇṇimupāgami.
39. Māpayitvā tampapaṇṇi-nagaraṃ vijayo tahiṃ;  
Vasī yakkhiniyā saddhiṃ, amacca parivārito.
40. Nāvāya bhūmimotiṇṇā, vijayapamukhā tadā;  
Kilantā pāṇinābhūmiṃ, ālambiya nisīdisuṃ.
41. Tambabhūmirajopuṭṭho, tambopāṇi yato ahuṃ;  
So desoceva dīpo ca, tena tannāmaṃ ahu.
42. Sīhabāhu narindo so, sīhamādinnavā itī;  
Sīhaḷo tena sambandhā, ete sabbepi sīhaḷā.
43. Tattha tattha ca gāme te, tassā'maccā nivesayaṃ;  
Anurādhaḡamaṃ tannāmo, kadamba nadīyantiṃke.
44. Gambhīranadīyā tīre, upatisso purohito;  
Upatisagāmaṃ māpesi, anurādhasa uttare.

45. Aññe tayo amaccā te, māpayiṃsu viṣuṃ viṣuṃ;  
Ujjeniṃ uruvelañca, vijitaṃ nagaraṃ tathā.
46. Nivāsetvā janapadaṃ, sabbe'maccā samaccataṃ;  
Avocum rājatanayā, sāmi rajjebhisecaya.
47. Iti vutto rājaputto, na icchi abhisecanaṃ;  
Vinā khattiyakaññāya, abhisekaṃ mahesiyā.
48. Athāmaccā sāmīno he, abhiseka katā darā;  
Dukkāresupi kiccesu, tadatthabhirutā tigā.
49. Paṇṇākāre mahāsāre, maṇimuttādike bahū;  
Gāhāpayitvā pāhesuṃ, dakkhiṇaṃ madhuraṃ puraṃ.
50. Paṇḍurājassa dhītattaṃ, sāmīno sāmibhattino;  
Aññesaṃ cāpi dhītattaṃ, amaccānaṃ janassa ca.
51. Sīghaṃ nāvāya gantvāna, dūtā te madhuraṃ puraṃ;  
Paṇṇākāre ca lekhañca, tassa rañño adassayum.
52. Tato rājāamaccehi, mantayitvā sadhītaraṃ;  
Pāhetukāmo'maccānaṃ, aññesaṃ cāpi dhītaro.
53. Laddhā ūnasataṃ kaññā, athabheriṃ carāpayi;  
Laṃkāya dhītugamaṃ, icchamānā narā idha.
54. Nivāsayitvā diguṇaṃ, gharadvāresu dhītaro;  
Ṭhapentu tena līngena, ādīyissāmītā iti.
55. Evaṃ laddhā bahūkaññā, tappayitvāna taṃ kulaṃ;  
Sampannasabbālankāraṃ, dhītaraṃ sampaṭicchadaṃ.
56. Sabbā tā laddhasakkārā, kaññāyo ca yathārahaṃ;  
Rājārahe ca hatthassa-rathapessiya kārake.
57. Aṭṭhārasannaṃ seṇīnaṃ, sahasañca kulāni so;  
Lekhaṃ datvāna pesesi, vijayassa jitā'rino.
58. Sabboso'tarī nāvāhi, mahātitthe mahājano;  
Teneva paṭṭanaṃ tañhi, mahātittthaṃti vuccati.
59. Vijayassa sutodhītā, tassā yakkhiniyā ahu;  
Rājakaññāgamaṃ sutvā, vijayo āha yakkhiniṃ.
60. “Gaccha dāni tuvaṃ bhoti, ṭhapetvā puttake duve;  
Manussā amanussehi, bhāyintūhi sadā” iti.
61. Sutvā taṃ yakkhābhayato, bhītāṃ taṃ āha yakkhiniṃ;  
Mā cintayī sāsassa, dāpayissāmi te balim.
62. Punappunaṃ taṃ yācitvā, ubho ādāya puttake;  
Bhītāpi sā agatiyā, laṃkāpuramupāgami.
63. Putte bihi nisīdetvā, sayāṃ pāvīsi taṃ puraṃ;  
Sañjānitvāna taṃ yakkhim, bhītā corīti saññito.

64. Saṃkhubhimsu pure yakkhā, eko sāhasiko pana;  
Ekapāṇippahārena, vilayaṃ nayi yakkhiniṃ.
65. Tassātu mātulo yakkho, nikkamma nagarā bahi;  
Disvā te dārake pucchi, tumhe kassa sutā iti.
66. Kuveṇiyā'ti sutvā'ha, mātā vo māritā idha;  
Tumhepi disvā māreyyūṃ, palāyatha lahuṃ iti.
67. Āguṃ sumanakūṭaṃ te, palāyitvā tato lahuṃ;  
Vāsaṃ kappesi jeṭṭho so, vuddho tāya kaṇiṭṭhiyā.
68. Puttadhītāhi vaḍḍhitvā, rājānuññāya te vasuṃ;  
Tattheva malaye eso, pulindānañhi sambhavo.
69. Paṇḍurājassa dūtā te, paṇṇākāraṃ samappayūṃ;  
Vijayassa kumārassa, rājādhikārikā ca tā.
70. Katvā sakkārasammānaṃ, dūtānaṃ vijayo pana;  
Adā yāthārahaṃ kaññā, amaccānaṃ janassa ca.
71. Yathā vidhi ca vijayaṃ, sabbe maccāsamāgatā;  
Rajjesamabhisiñciṃsu, kariṃsuca mahāchaṇaṃ.
72. Tato so vijayo rājā, paṇḍurājassa dhītaraṃ;  
Mahatā parihārena, mahesitte'bhisecayi.
73. Dhanāna'dā amaccānaṃ, adāsi sasurassatu;  
Anuvassaṃ saṅkhamuttaṃ, satahassa dvayārahaṃ.
74. Hitvā pubbācaritaṃ visamaṃ samena;  
Dhammena laṃkamakhilaṃ anusāsamāno;  
So tamapaṇṇinagare vijayo narindo;  
Rajjaṃ akārayi samā khalu aṭṭhatimsā'ti.

Sujanapasādasamve gatthāya kate mahāvamse

Vijayābhiseko nāma

Sattamo paricchedo.

## Aṭṭhama pariccheda

### Paṇḍuvāsudevābhiseko

1. Vijayo so mahārājā, vasse antimake ṭhito;  
Iti cintayi “vuddho'haṃ, na ca vijjati me suto.
2. Kicchena vāsitaṃ raṭṭhaṃ, nasseyya mama accaye;  
Āṇāpeyyaṃ rajjahetu-sumittaṃ bhātaraṃ mama.
3. Athā'maccehi mantetvā, lekhaṃ tattha visajjayi;  
Lekhaṃ datvāna vijayo, na cirena divaṅgato.
4. Tasmim̐ mate amaccā te, pekkhantā khattiyāgamaṃ;

Upatissagāme ṭhatvāna, raṭṭhaṃ samunusāsisaṃ.

5. Mate vijayarājamhi, khattiyāgamaṇā purā;  
Ekaṃ vassaṃ ayaṃ laṃkā-dīpo āsi arājako.
6. Tasmim̐ sīhapure tassa, sīhabāhussa rājino;  
Accayena sumitto so, rājā tassa suto ahu.
7. Tassa puttā tayo āsuṃ, maddarājassa dhītuyā;  
Dūtā sīhapuraṃ gantvā, rañño lekhaṃ adamsu te.
8. Lekhaṃ sutvāna so rājā, putte āmantayī tayo;  
Ahaṃ mahallako tātā, eko tumhesu gacchatu.
9. Laṃkaṃ nekaguṇaṃ kantaṃ, mama bhātussa santakaṃ;  
Tassa'cca yena tattheva, rajjaṃ kāretu sobhanaṃ.
10. Kaṇiṭṭhako paṇḍuvāsu-devo rājakumārako;  
“Gamissāmīti cintetvā, ñatvā sotthi gatampi ca.
11. Pitarā samanunñāto, dvattiṃsāmacca dārake;  
Ādāya āruhī nāvaṃ, paribbājakaliṅgavā.
12. Mahākandaranajjā te, mukhadvāramhi otaraṃ;  
Te paribbājake disvā, jano sakkari sādhukaṃ.
13. Pucchitvā nagaraṃ ettha, upayantaṃ kamena te;  
Upatissa gāmaṃ sampattā, devatā paripālītā.
14. Amaccā'numato'macco, pucchi nemittakā tahiṃ;  
Khattiyā'gamaṇaṃ tassa, so byākāsi paraṃpi ca.
15. Sattame dīvaseyeva, āgamissati khattiyo;  
Buddhasāsana metassa, vaṃsajo'va ṭhapessati.
16. Sattame divaseyeva, te paribbājake tahiṃ;  
Patte disvāna pucchitvā, amaccā te vijāniya.
17. Taṃ paṇḍuvāsudevaṃ te, laṃkārajjena appayaṃ;  
Mahesiyā abhāvāso, na tāva abhisecayi.
18. Amitodanasakkassa, paṇḍusakko suto ahu;  
Ñatvā vināsaṃ sakyānaṃ, so ādāya sakaṃ janaṃ.
19. Gantvā aññāpadesena, gaṅgāpāraṃ tahiṃ puraṃ;  
Māpetvā tattha kāresi, rajjaṃ tassa sute labhi.
20. Dhītā kaṇiṭṭhitā āsi, bhaddakaccāna nāmikā;  
Sabbalakkhaṇasampannā, surūpā abhipatthitā.
21. Tadatthaṃ sattarājāno, paṇṇākāre mahārahe;  
Pesesaṃ rājino tassa, bhīto rājūhi so pana.
22. Ñatvāna sotthigamaṇaṃ, abhisekaphalampi ca;  
Sahadvattiṃsa itthīhi, nāvaṃ āropiyā'sutaṃ.

23. Gaṅgāya khiṇi gaṅhātu, pahu me dhītaraṃ iti;  
Gahetuṃ te na sakkhiṃsu, nāvāsāpana sīghagā.
24. Dutiye divaseyeva, goṇāgāmaka paṭṭanaṃ;  
Pattāpabbajitā kārā, sabbā tā tattha otaruṃ.
25. Pucchitvā nagaraṃ ettha, tā kamenopayantiyo;  
Upatissagāmaṃ sampattā, devatā paripālītā.
26. Nemittakassa vacanaṃ, sutvā tathā'gatā tu tā;  
Disvā amacco pucchitvā, ñatvā rañño samappayi.
27. Taṃ paṇḍuvāsudevaṃ te, amaccā suddhabuddhino;  
Rajje samabhisiñciṃsu, puṇṇasabbamanorathaṃ.
28. Subhaddakaccāna manomarūpiniṃ;  
Mahesībhāve abhisiñciya'ttano;  
Sahagatā tāya padāsi attanā;  
Sahāgatānaṃ vasi bhūmipo sukhanṭī.

Sujanappasāda saṃvegathāya kate mahāvaṃse

Paṇḍuvāsudevābhiseko nāma

Aṭṭhamo paricchedo.

## Navama pariccheda

### Abhayābhiseko

1. Mahesī janayī putte, dasa ekañca dhītaraṃ;  
Sabbajeṭṭho'bhayo nāma, cittānāma kaniṭṭhikā.
2. Passitvā taṃ viyākaṃsu, brāhmaṇā mantapāragā;  
“Rajjahetu suto assā, ghātayissati mātule”.
3. Ghātessāmi kaniṭṭhinti, nicchite bhātarā'bhayo;  
Vāresi kāle vāsesuṃ, gehaṃ taṃ ekathuṇike.
4. Rañño ca sirigabbhena, tassa dvāramakārayuṃ;  
Anto ṭhapesuṃ ekañca, dāsiṃ narasataṃ bahi.
5. Rūpenū'ummādayī nare, diṭṭhamattāva sāyato;  
Tato ummādacittā'ti, nāmaṃ sopapadaṃ labhi.
6. Sutvāna laṃkāgamaṃ, bhaddakaccānadeviyā;  
Mātarā coditā puttā, ṭhapatve'kañca āgamaṃ.
7. Disvāna te paṇḍuvāsu-devaṃ laṅkindamāgatā;  
Disvāna taṃ kaniṭṭhiñca, roditvā saha tāya ca.
8. Raññā sukatasakkārā, rañño'nuññāya cārikaṃ;  
Cariṃsu laṃkāḍīpamhi, nivasuñca yathāruciṃ.
9. Rāmena vusitaṭhānaṃ, rāmagōṇanti vuccati;

Uruvelā' nurādhānaṃ, nivāsā ca tathā tathā.

10. Tathā vijitadīghāyu-rohaṇānaṃ nivāsakā;  
Vijitagāmo dīghāyu-rohaṇanti ca vuccati.
11. Kāresi anurādho so, vāpiṃ dakkhiṇato tato;  
Kārāpetvā rājagehaṃ, tattha vāsamakappayī.
12. Mahārājā paṇḍuvāsu-devo jaṭṭhasutaṃ sakaṃ;  
Abhayaṃ uparajjamhi, kāle samabhisecayi.
13. Dīghāyussa kumārassa, tanayo dīghagāmaṇi;  
Sutvā ummādacittaṃ taṃ, tassaṃ jātakutūhalo.
14. Gahetvā' patissa gāmaṃ, taṃ apassi manujādhipaṃ;  
Adā sahoparājena, rājupaṭṭhānamassaso.
15. Gavakkhābhimukhaṭṭhāne, taṃ upecca ṭhitaṃ tusā;  
Disvāna gāmaṇiṃ cittā, rattacittā' ha dāsikaṃ.
16. “Ko eso”'ti tato sutvā,  
Mātulassa sutoiti;  
Dāsiṃ tattha niyojesi,  
Saddhiṃkatvāna so tato.
17. Gavakkhamhi ḍasāpetvā, rattim kakkāṭayantakaṃ;  
Āruya chindayitvāna, kavāṭaṃ tena pāvīsi.
18. Tāya saddhiṃ vasitvāna, paccūseyeva nikkhami;  
Evaṃ niccaṃ vasī tattha, chiddābhāvā apākaṭo.
19. Sā tena aggahī gabbhaṃ, gabbhe pariṇate tato;  
Mātu ārocayī dāsī, mātā pucchiya dhītaraṃ.
20. Rañño ārocayī rājā, amantetvā sute'brahmā;  
Posiyoso'pi amhehi, deva tasseva taṃ iti.
21. Putto ce mārayissāma, ta'nti tassa adamsu taṃ;  
Sā sūtikālasampatte, sūti gehaṇca pāvīsiṃ.
22. Saṅkitvā gopakaṃ cittaṃ, kālavelaṇca dāsakaṃ;  
Tasmiṃ kamme nissāyā'ti, gāmaṇi paricārake.
23. Te paṭiññaṃ adente te, rājaputtā aghāyayaṃ;  
Yakkhā hutvāna rakkhiṃsu, ubho gabbhe kumārakaṃ.
24. Aññaṃ upavijaññaṃ sā, sallakkhā pesi dāsiyā;  
Cittā sā janayī puttaṃ, sā itthi pana dhītaraṃ.
25. Cittaṃ sahasaṃ dāpetvā, tassā puttaṃ sakampi ca;  
Āṇāpetvā dhītaraṃ taṃ, nipajjāpesi santike.
26. Dhītā laddhā'ti sutvāna, tuṭṭhā rājasutā ahuṃ;  
Mātā ca mātumātā ca, ubho pana kumārakaṃ.



27. Mātāmahassa nāmañca, jeṭṭhassa mātulassa ca;  
Ekaṃ katvā tamakarūṃ, paṇḍukābhayanāmakaṃ.
28. Laṃkā pālo paṇḍuvāsu-devo rajjamakārayi;  
Tiṃsa vassamhi jātamhi, mato so paṇḍukābhaye.
29. Tasmim̐ matasmim̐ manujādhipasmim̐,  
Sabbe samāgamma narindaputtā;  
Tassābhayassābhayadassa bhātu,  
Rājābhisekaṃ akarūṃ uḷārāti.

Sujanappasāda saṃvegathāya kate mahāvamse

Abhayābhiseko nāma

Navamo paricchedo.

## Dasama pariccheda

### Paṇḍukābhayābhiseko

1. Ummādacittāyāṇattā, dāsī ādāya dārakaṃ;  
Samugge pakkhipitvāna, dvāramaṇḍala ke agā.
2. Rājaputtā ca migavaṃ, gatā tumbarakandare;  
Disvā dāsim̐ kuhiṃ yāsi, kiṃ me kanti ca pucchisūṃ.
3. Dvāramaṇḍalakaṃ yāmi, dhītumeguḷapūvakaṃ;  
Iccāha oropehīti, rājaputtaṃ kamabravūṃ.
4. Citto ca kālavelo ca, tassā'rakkhāya niggaṭā;  
Mahantaṃ sūkaravesaṃ, taṃ khaṇaṃyeva dassayūṃ.
5. Te taṃ samanubandhiṃsu, sāsamādāya tatra'gā;  
Dārakañca sahassañca, āyuttassa adāraho.
6. Tasmim̐yeva dine tassa, bhariyā janayī sutam̐;  
Yamake janayī putte, bhariyaṃ me'ti positam̐.
7. So sattavassiko cā'si, taṃ vijāniya mātulā;  
Gantuṃ sarasi kīḷante, dārake ca payojayūṃ.
8. Jalaṭṭhaṃ rukkhasusiraṃ, jalacchāditachiddakaṃ;  
Nimujjamāno chiddena, pavisitvā ciraṭṭhito.
9. Tato tatheva nikkamma, kumāre sesadārake;  
Upacca pucchiyantopi, vañceta'ññavacohi so.
10. Manussehā'gateheso, nivāsetvāna vatthakaṃ;  
Kumāro vārimo gayha, susiramhi ṭhito ahu.
11. Vatthakāni gaṇetvāna, māretvā sesadārake;  
Gantvā ārocayūṃ sabbe, dārakā māritā iti.
12. Gatesu tesu so gantvā, āyuttakagharaṃ sakaṃ;

Vasaṃ assāsito tena, ahū dvādasavassiko.

13. Puna sutvāna jīvantam, kumāram tassa mātulam;  
Tattha gopālake sabbe, māretum sanniyojayum.
14. Tasmim ahanī gopālā, laddhā ekam catuppadam;  
Aggim āharitum gāmam, pesetum tam kumārakam.
15. So gantvā gharamāyutta-puttakamyeva pesayi;  
Pādā rujanti me tehi, aggim gopālasantikam.
16. Tattha aṅgāra maṃsañca,  
Khādissasi tuvaṃ iti;  
Ne si so tam vaco sutvā,  
Aggim gopālasantikam.
17. Tasmim khaṇe pesitā te, parikkhipiya mārayum;  
Sabbe gope mārayitvā, mātulanam nivedayum.
18. Tatho soḷasavassam tam, vijānimsu ca mātulā;  
Mātā sahassañcā' dāsi, tassā rakkhañca ādisi.
19. Āyutto mātusandesam, sabbam tassa nivediya;  
Datvā dāsam sahassañca, pesesi paṇḍulantikam.
20. Paṇḍulabrāhmaṇo nāma, bhogavā vedapārago;  
Dakkhiṇasmim disābhāge, vasī paṇḍulagāmake.
21. Kumāro tattha gantvāna, passi paṇḍulabrāhmaṇam;  
'Tvam paṇḍukābhayo tāta', iti pucchiya byākate.
22. Tassa katvāna sakkāram, āha rājā bhavissasi;  
Samasattativassāni, rajjam tvam kārayissasi.
23. Sippam uggaṇha tātāti, sippuggahamakārayī;  
Candena tassa puttena, khippam sippam samāpitam.
24. Adā satasahassam so, yodhasaṅgahakāraṇā;  
Yodhesu saṅgahitesu, tena pañcasatesu so.
25. Siyum yāya gayitāni, paṇṇāni kanakāni tam;  
Mahesim kurucandañca, mama puttam purohitam.
26. Ibhi vatvā dhanam datvā, sayodham nihari tato;  
So nāmam sāvayitvāna, tato nikkhamma puñṇavā.
27. Laddhabalo nagarake, kāsapabbata santike;  
Sattasatāni purise, sabbesam bhojanāni ca.
28. Tato narasahassena, dvisatena kumārako;  
Girikaṇḍa pabbatam nāma, agamā parivārīto.
29. Girikaṇḍasivo nāma, paṇḍukābhaya mātulo;  
Tam paṇḍuvāsudevena, dinnam bhuñjati desakam.

30. So karisasataṃ pakkaṃ, tadā lāveti khattiyo;  
Tassa dhītā rūpavatī, pālī nāmā'si khattiyā.
31. Sā mahāparivārena, yānamāruyha sobhanaṃ;  
Pitubhattaṃ gāhayitvā, lāvakānañca gacchati.
32. Kumārassa manussānaṃ, disvā tattha kumārikaṃ;  
Ārocesuṃ kumārassa, kumāro sahasā'gato.
33. Dvedhā taṃ parisaṃ katvā, sataṃ yānamapesayi;  
Tadantikaṃ sapisā, kattha yāsīti pucchitaṃ.
34. Tāya vuttetu sabbasmim, tassaṃsāratta mānaso;  
Attano saṃvibhāgatthaṃ, bhantenā'yāci khattiyo.
35. Sāsamoruyha yānamhā, adā sovaṇṇapātiyā;  
Bhattaṃ nigrodha mūlasmim, rājaputtassa khattiyā.
36. Gaṇhi nigrodhapañṇāni, bhojetuṃ sesake jane;  
Sovaṇṇabhājanānā'suṃ, tāni pañṇāni taṃ khaṇe.
37. Tāni disvā rājaputto, saritvā dijabhāsitaṃ;  
Mahesibhāva yoggāme, kaññāladdhāti tussiso.
38. Sabbe bhojāpayī tesā, taṃ na khīyittha bhojanaṃ;  
Ekassa paṭiviso'va, gahito tattha dissatha.
39. Evaṃ puñṇaguṇūpetā, sukumārī kumārikā;  
Suvaṇṇapāli nāmena, tatoppabhuta āsi sā.
40. Taṃ kumāra gahetvāna, yānamāruyha khattiyo;  
Mahabbala paribyūḷho, anusaṃṇī apakkami.
41. Taṃ sutvāna pitā tassā, nare sabbe apesayi;  
Te gantvā kalahaṃ katvā, tajjitā tehi āgamuṃ.
42. Kalahanagaraṃ nāma, gāmo tattha kate ahu;  
Taṃ sutvā bhātarō tassā, pañcayuddhāyu'pāgamuṃ.
43. Sabbe te paṇḍulasuto, candoyeva aghātayi;  
Lohita vāhakhaṇḍoti, tesāṃ yuddhamahī ahu.
44. Mahatā bala kādhayana,  
Tato so paṇḍukābhayo;  
Gaṅgāya pārimē tire,  
Doḷapabbatakaṃ agā.
45. Tattha cattāri vassāni, vasi taṃ tattha mātulā;  
Sutvā ṭhapetvā rājānaṃ, taṃ yuddhatthamupāgamuṃ.
46. Khandhāvāraṃ nivesetvā, dhūmarakkhāga santike;  
Bhāgineyyena yujjihimsu, bhāgineyyo tu mātule.
47. Anubandhī oragaṅgaṃ, malāpetvā nivattiya;  
Tesañca khandhāvāramhi, duve vassāni so vasī.

48. Gantvo'patissagāmaṃ te, tamatthaṃ rājino'bravum;  
Rājālekhaṃ kumārassa, sarahassaṃ sapāhiṇi.
49. “Puñjassu pāragaṅgaṃ tvaṃ, mā'gā oraṃtato”'iti;  
Taṃ sutvā tassa kujjiṃsu, bhātaro nava rājino.
50. Upatthambho tvamevā'si, ciraṃ tassa idāni tu;  
Raṭṭhaṃ dadāsi tasmā tvaṃ, māressāmā'ti abravum.
51. So tesam rajjamappesi, te tissaṃ nāma bhātaraṃ;  
Sabbeva sahitā'kaṃsu, rajjassa parināyakaṃ.
52. Eso vīsativassāni, abhayo'bhaya dāyako;  
Tattho'patissagāmamhi, rājā rajjamakārayi.
53. Vasanti dhūmarakkhāge, sare tumbariyaṅgaṇe;  
Carate vaḷavā rupā, yakkhī cetiyanāmikā.
54. Eko disvāna senaṅgaṃ, uttapādaṃ manoramam;  
Ārocesi kumārassa, vaḷave'ttī'disī iti.
55. Kumāro rasmimādāya, gahetuṃ taṃ upāgami;  
Pacchato agataṃ disvā, bhītā tejena tassasā.
56. Dhāvi'nantaradhāyitvā, dhāvanti manubandhiso;  
Dhāvamānā saraṃ haṃ sā, sattakkhattuṃ parikkhipi.
57. Otaritvā mahāgaṅgaṃ, uttaritvā tato pana;  
Dhumarakkhaṃ pabbataṃ taṃ, sattakkhattuṃ parikkhipi.
58. Taṃ saraṃ puna tikkhattuṃ, parikkhipi tato puna;  
Gaṅgaṃ kacchakatitthena, samotari tahiṃ tu so.
59. Gahesitaṃ vāladhismiṃ, tālapattañca toyagaṃ;  
Tassa puññānubhāvena, so ahosi mahā asi.
60. Uccāresi asiṃ dajjaṃ, “māromī”'ti tamāha sā;  
Rajjaṃ gahetvā te dajjaṃ, sāmi māmaṃ amārayi.
61. Gīvāya taṃ gahetvā so, vijjhitvā asikoṭiyā;  
Nāsāya rajjuyā bandhi, sā ahosi vasānugā.
62. Gantvā taṃ dhumarakkhaṃ so, tamāruyha mahabbalo;  
Tattha cattāri vassāni, dhūmarakkhana ge vasi.
63. Tato nikkamma sabalo, āgammā'riṭṭhapabbataṃ;  
Suddhikālamapekkhanto, tattha sattasamāvasi.
64. Dve mātule ṭhapetvāna, tassa sesaṭṭhamātulā;  
Yuddhasajjā ariṭṭhaṃ taṃ, upasaṅkamma pabbataṃ.
65. Khandhāvāraṃ nagarake, nivesetvā camūpatiṃ;  
Datvā parikkhipāpesuṃ, samantā'riṭṭhapabbataṃ.
66. Yakkhiniyā mantayitvā, tassā vacanayuttiyā;  
Datvā rājaparikkhāraṃ, paṇṇākārā yuvāni ca.

67. “Gaṇhātha sabbāne’tāni, khamāpessāmi vo ahaṃ”;  
Iti vatvāna pesesi, kumāro purato balaṃ.
68. Gaṇhissāmi pavīṭṭhanti, vissatṭhesu tu tesu so;  
Āruya yakkhavaḷavaṃ, mahābalapurakkhato.
69. Yuddhāya pāvīsi yakkhī, mahārāva marāpisā;  
Anto bahibalañcassa, ukkuṭṭhiṃ mahatiṃ akā.
70. Kumārapurisā sabbe, parasenā nare bahū;  
Ghātetvā mātule ca’ttha, sīsarasiṃ akaṃsu te.
71. Senāpati pālayitvā, gumbaṭṭhānaṃ sapāvīsi;  
Senāpati gumbako’ti, tena esa pavuccati.
72. Upariṭṭhamātulasiraṃ, sīsarasiṃ sapassiya;  
Lāburāsī’va icchāha, tenā’si lābugāmakko.
73. Evaṃ vijitasāṅgāmo, tato so paṇḍukābhayo;  
Ayyakassā’nurādhassa, vasanaṭṭhānamāgami.
74. Attano rājagehaṃ so, tassa datvāna ayyako;  
Aññatthavāsaṃ kappesi, so tu tasmiṃ ghare vasi.
75. Pucchāpetvāna nemittaṃ, vatthuvijjā’viduṃ tathā;  
Nagaraṃ pavaraṃ tasmiṃ, gāmeyeva amāpayi.
76. Nivāsattā’nurādhānaṃ, anurādhapuraṃ ahu;  
Nakkhattenā’nurādhena, patiṭṭhāpita tāya ca.
77. Āṇāpetvā mātulānaṃ, chattaṃ jātassare idha;  
Dhovāpetvā dhārayitvā, taṃ sareyeva vārinā.
78. Attano abhisekaṃ so, kāresi paṇḍukābhayo;  
Suvaṇṇapāliṃ deviṃ taṃ, mahesitte bhisecayi.
79. Adā candakumārassa, porohiccaṃ yathāvidhi;  
Ṭhānantarāni sesānaṃ, bhaccānañca yathārahaṃ.
80. Mātuyā upakārattā, attano ca mahīpatiṃ;  
Aghātayitvā jeṭṭhaṃ taṃ, mātulaṃ abhayaṃ pana.
81. Rattirajjaṃ adā tassa, ahu nagaraguttiko;  
Tadupādāya nagare, ahū nagaraguttiko.
82. Sassuraṃ taṃ aghātetvā, girikaṇḍasivampī ca;  
Girikaṇṇadesaṃ tasse’va, mātulassa adāsi so.
83. Saram tañca khaṇāpetvā, kārāpesi bahū dakaṃ;  
Jaye jalassa gāhena, jayavāpīti ahutaṃ.
84. Kālavelaṃ nivāsesi, yakkhampura puratthime;  
Yakkhaṃ tu cittarājaṃ taṃ, heṭṭho abhayavāpiyā.
85. Pubbopakarīṃ dāsiṃ taṃ, nibbattaṃ yakkhayoniyā;  
Purassa dakkhiṇadvāre, so kataññū nivāsayi.

86. Anto narindavatthussa, vaḷavāmukhayakkhiniṃ;  
Nivāsesi baliṃ tesam, aññesañcānuvassakam.
87. Dāpesi chaṇakāle tu, cittarājena so saha;  
Samāsane nisīditvā, dibbamānusanāṭakam.
88. Kārento' bhirami rājā, ratikhiḍḍā samappito;  
Dvāragāme ca caturo, bhayavāpiṅca kārayi.
89. Mahāsusānaghātanam, pacchimarājiniṃ tathā;  
Vessavaṇassa nigrodham, byādhidevassa tālakam.
90. Yonasabhāga vatthuṅca, mahejjagharameva ca;  
Etāni pacchimadvāra-disābhāge nivesayi.
91. Pañcasatāni caṇḍāla-purise purasodhake;  
Duvesatāni caṇḍāla-purise vaccasodhake.
92. Diyaḍḍhasatacaṇḍāle, matanīhārake' pi ca;  
Susāna gopacaṇḍāle, tattakeyeva ādisi.
93. Tesam gāmaṃ nivesesi, susānā pacchimuttare;  
Yathā vihitakammāni, tāni niccam akamsute.
94. Tassa caṇḍālagāmassa, pubbuttaradisāya tu;  
Nīcasusānakam nāma, caṇḍālānamakārayi.
95. Tassuttare susānassa, pāsāṇapabbatantare;  
Āvāsapālijhādhānam, tadā āsi nivesitā.
96. Taduttare disābhāge, yāva gāmaṇi vāpiyā;  
Tāpasānam anekesam, assamo āsi kārito.
97. Tasseva ca susānassa, puratthimadisāya tu;  
Jotiyassa nigaṇṭhassa, gharam kāresi bhūpati.
98. Tasmimyeva desasmim, nigaṇṭho girināmako;  
Nānāpāsaṇḍakā ceva, vasimsu samaṇā bahū.
99. Tattheva ca devakulam, akāresi mahīpati;  
Kubhaṇḍassa nigaṇṭhassa, taṃnāmamahositam.
100. Tato tu pacchime bhāge, jhādhapālipuratthime;  
Micchādiṭṭhikulānam tu, vasī pañcasatam tahiṃ.
101. Param jotiyagehamhā, oram gāmaṇi vāpiyā;  
So paribbājakārāmaṃ, kārāpesi tattheva ca.
102. Ājīvakānam gehaṅca, brāhmaṇavaṭṭameva ca;  
Sivikā sotthisālā ca, akāresi tahiṃ tahiṃ.
103. Dasavassābhiseko so, gāmasīmā nivesayi;  
Laṃkādiṭṭhamhi sakale, laṃkindo paṇḍukābhayo.
104. So kālavelacittehi, dissamānehi bhūpati;  
Sahā' nu bhosi sampatiṃ, yakkhabhūtasahāya vā.

105. Paṇḍukābhayarañño ca, abhayassa ca antare;  
Rājasuññāni vassāni, ahesuṃ dasasatta ca.
106. So paṇḍukābhayamahīpati sattatiṃsa—  
Vasso'dhigamma dhitimā dharaṇī patittam;  
Ramme anunamanurādhapure samiddhe;  
Vassāni akārayi rajjametthāti.

Sujanappasādasamvegatthāya kate mahāvaṃse

Paṇḍukābhayābhisekonāma

Dasamo paricchedo.

## Ekādasama pariccheda

### Devānaṃpiyatissābhiseko

1. Tassaccaye tassa suto, muṭasivo'ti vissuto;  
Suvaṇṇapāliyā putto, patto rajjamanākulam.
2. Mahāmeghavanuyyānaṃ, nāmanugaguṇoditam;  
Phalapupphatarupetaṃ, so rājā kārayi subham.
3. Uyyānaṭhānaggahaṇe, mahāmegho akālajo;  
Pāvassitena uyyānaṃ, mahāmeghavanaṃ ahu.
4. Saṭṭhivassāni muṭasivo, rājā rājjamakārayi;  
Anurādhe puravare, laṃkā bhuvadane subhe.
5. Tassa puttā dasā'hesuṃ, aññamaññahitesino;  
Duve dhītā cā'nukulā, kulānucchavikā ahū.
6. Devānaṃ piyatissoti, vissuto dutiyo suto;  
Tesu bhātūsu sabbesu, puññāpaññādhiko ahu.
7. Devānaṃ piyatisso so, rājā'si pituaccaye;  
Tassā'bhisekena samam, bahūna'cchariyāna'hum.
8. Laṃkāḍīpamhi sakale, nidhayo ratanāni ca;  
Antoṭhitāni uggantvā, pathavītaṃsamāruhum.
9. Laṃkāḍīpasamīpamhi, bhinnanāvāgatāni ca;  
Tatrajātāni ca thalam, ratanāni samāruhum.
10. Chātapabbatapādamhi, tisso ca veḷuyatṭhiyo;  
Jātārathapatodena, samānā parimāṇato.
11. Tāsu ekālatāyaṭṭhi, rajatā'bhā tahiṃ latā;  
Suvaṇṇavaṇṇārucirā, dissantetā manoramā.
12. Ekā kusumā yaṭṭhītu, kusumāni tahiṃ pana;  
Nānāni nānāvaṇṇāni, dissante'ti phuṭāni ca.
13. Ekāsakuṇayaṭṭhītu, tahiṃ pakkhimigā bahū;

- Nānā ca nānāvaṇṇā ca, saḷvā viya dissare.
14. Bhayagajarathāmalakā, valayaṅguliveṭṭhakā;  
Kakudhaphalāpākatikā, iccetā aṭṭhajātiyo.
  15. Muttāsamudā uggantvā, tīre vaṭṭi viya ṭhitā;  
Devānaṃ piyatissassa, sabbamaṃ puñṇavijambhitaṃ.
  16. Indanīlaṃ veḷuriyaṃ, lohitaṅkamaṇidhi'me;  
Rajatāni pane'tāni, muttā tā tāvayaṭṭhiyo.
  17. Sattahabbhantareyeva, rañño santikamāharuṃ;  
Tāni disvā patīto so, rājā iti vicintayi.
  18. Ratanāni anagghāni, dhammāsoko imānime;  
Sahāyo'rahateṇā'ñño, tassa dassamaṃ imāna'to.
  19. Devānaṃ piyatisso ca, dhammāsoko ca te ime;  
Dve aditṭhasahāyāhi, cirappabhuti bhūpati.
  20. Bhāgineyyamaṃ mahāriṭṭhamaṃ, amaccamaṃ pamukhamaṃ tato;  
Dijamaṃ amaccamaṃ gaṇataṃ, rājā te caturo jane.
  21. Dūto katvāna pāhesi, baloghaparivārite;  
Gāhā petvā anagghāni, ratanāni imāni so.
  22. Maṇijātī ca tisso tā, tisso ca rathayaṭṭhiyo;  
Saṅkhaṅca dakkhiṇāvattaṃ, muttā jātī ca aṭṭha tā.
  23. Āruyha jambukolaṃhi, nāvaṃ sattadinena te;  
Sukhena titthaṃ laddhāna, sattāhena tato puna.
  24. Pāṭaliputtaṃ gantvāna, dhammāsokassa rājino;  
Adaṃsu paṇṇākārete, disvā tāni pasīdi so.
  25. Ratanāni'disānettha, natthi me iti cintiya;  
Adā senāpatiṭṭhānaṃ, tuṭṭho'riṭṭhassa bhūpati.
  26. Porohiccabrāhmaṇassa, daṇḍanāyataṃ pana;  
Adāsi tassā'maccassa, seṭṭhitaṃ gaṇakassa tu.
  27. Tesamaṃ anappake bhoge, datvā vāsagharāni ca;  
Mahāmaccehi mantento, passivā paṭipābhatamaṃ.
  28. Vālabījanī muṇhisamaṃ, khaggaṃ chattaṅca pādukaṃ;  
Moḷiṃ vataṃ sapāmaṅgaṃ, bhikkāraṃ haricandanaṃ.
  29. Adhoviṃamaṃ vatthakoṭiṃ, mahaggaṃ hatthapuñchaniṃ;  
Nāgā'haṭṭamaṃ añjanaṅca, aruṇābhaṅca mattikaṃ.
  30. Anotattodakaṅceva, gaṅgāsālilameva ca;  
Saṅkhaṅca nandiyāvattaṃ, vaḍḍhamānaṃ kumārikaṃ.
  31. Hemabhojanakaṅḍaṅca, sivikaṅca mahāraṃhaṃ;  
Harīṭṭakaṃ āmalakaṃ, mahaggaṃ amatosadhaṃ.



32. Sukāhaṭānaṃ sālīnaṃ, saṭṭhivāhasatāni ca;  
Abhiseko pakaraṇaṃ, parivāravisesitaṃ.
33. Datvā kāle bhahāyassa, paṇṇākāre narissaro;  
Dūte pāhesisaddhamma-paṇṇākāramimampica.
34. Ahaṃ buddhañca dhammañca, saṅghañca saraṇaṃ gato;  
Upāsakattaṃ desesiṃ, sakyaputtassa sāsane.
35. Tvampimāni ratanāni, uttamāni naruttama;  
Cittaṃ pasādayitvāna, saddhāya saraṇaṃ vaja.
36. “Karoṭha me sahāyassa, abhisekaṃ puno” iti;  
Vatvā sahayā’ maccete, sakkaritvā ca pesayi.
37. Pañcamāse vasitvāna, te maccā’ tivasakkatā;  
Vesākhasukkhapakkhādi-dīne dūtā viniggatā.
38. Tāmalittiyamāruya, nāvaṃ tejambukolake;  
Oruya kūpaṃ passiṃsu, patvā dvādasiyaṃ idha.
39. Adāṃsu paṇṇākāre te, dūtā laṃkādiṭpassate;  
Tesaṃ mahantaṃ sakkāraṃ, laṃkāpati akārayi.
40. Te maggasiramāsassa, ādicandodayejine;  
Abhisittañca laṃkindaṃ, amaccā sāmibhattino.
41. Dhammāsokassa vacanaṃ, vatvā sāmi hiteratā;  
Punopi abhisīñciṃsu, laṃkāhitasukherataṃ.
42. Vesākhe narapati puṇṇamāyamevaṃ;  
Devānaṃ piyavacano pagūlanāmo;  
Laṃkāyaṃ pavītatapīti ussavāyaṃ;  
Attānaṃ janasukhado’ bhisecayī soti.

Sujanappasādasamvegatthāya kate mahāvaṃse

Devānaṃpiyatissābhisekonāma

Ekādasamo paricchedo.

## **Dvādasama pariccheda**

### **Nānādesapasādo**

1. Thero moggaliputto so, jinasāsana jotako;  
Nīṭṭhāpetvāna saṃgītiṃ, pekkhamāno anāgataṃ.
2. Sāsanassa patitṭhānaṃ, paccantesu avekkhiya;  
Pesesi kattike māse, tete there tahiṃ tahiṃ.
3. Theraṃ kasmīragandhāraṃ, majjhantikamapesayi;  
Apesayī mahādeva-ttheraṃ mahisamaṇḍalaṃ.
4. Vanavāsīṃ apesayi, theraṃ rakkhitanāmakaṃ;

Tathā'parantakaṃ yona-dhammarakkhitanāmakam.

5. Mahāraṭṭhaṃ mahādhamma-rakkhitatthera nāmakaṃ;  
Mahārakkhita theram taṃ, yona lokamapesayi.
6. Pesesi majjhimaṃ theram, himavantapadesakaṃ;  
Suvaṇṇabhūmiṃ there dve, soṇamuttara meva ca.
7. Mahāmahindattheram taṃ, thera iṭṭiyamuttiyaṃ;  
Sambalam bhaddasālañca, sake saddhivihārike.
8. Lamkādiṭṭe manuññamhi, manuññaṃ jinasāsanam;  
Patiṭṭhāpetha tumhe'ti, pañca there apesayi.
9. Tadā kasmīragandhāre, pakkaṃ sassaṃ mahiddhiko;  
Aravālo nāgarājā, vassaṃ karakasaññitaṃ.
10. Vassā petvā samuddasmiṃ, sabbaṃ khipatidāruṇo;  
Tatra majjhantikatthero, khippaṃ gantvā vihāyasā.
11. Aravāladahevāri-piṭṭhe caṅkamanādike;  
Akāsi disvā taṃnāgā, ruṭṭhārañño nivedayaṃ.
12. Nāgarājā'tharuṭṭho so, vividhā bhisikā'kari;  
Vātā mahantā vāyanti, meggho gajjati vassati.
13. Phalantya'saniyo vijju, niccharanti tato tato;  
Mahiruhā pabbatānaṃ, kūṭāni papatanti ca.
14. Virūparūpā nāgā ca, bhimsāpenti samantato;  
Sayam dhupāyati jalati, akkosanto anekadhā.
15. Sabbaṃ taṃ iddhiyā thero, paṭibāhiya bhimsanaṃ;  
Avoca nāgarājaṃ taṃ, dassento balamuttamaṃ.
16. Sadeva kopi ce loko, āgantvā tāsayeyya maṃ;  
Na me paṭibalo assa, janetuṃ bhayabheravaṃ.
17. Sace'pi tvam mahiṃ sabbaṃ, sasamuddaṃ sapabbataṃ;  
Ukkhipitvā mahānāga, khippeyyāsi mamo'pari.
18. Neva me sakkuṇeyyāsi, janetuṃ bhayabheravaṃ;  
Aññadatthu tave'va'ssa, vighāto uragādhipa.
19. Taṃsutvā nimmadassa'ssa, thero dhammadesayi;  
Tato saraṇasīlesu, nāgarājā patiṭṭhahi.
20. Tatheva caturāsīti-sahassāni bhujāgamā;  
Himavanteva gandhabbā, yakkhā kumbhaṇḍakā bahū.
21. Paṇḍako nāma yakkho tu, saddhimhārita yakkhiyā;  
Pañcasatehi puttehi, phalaṃ pāpuṇi ādikaṃ.
22. "Mā'dāni kodhaṃ janiyittha, ito uddhaṃ yathāpure;  
Sasaghātañca mā'kattha, sukhakāmāhi pāṇino.

23. Karoṭha mettaṃ sattesu, vasantu manuḷā sukhaṃ;  
Iti tenā'nusiṭṭhā te, tatheva paṭipajjisuṃ.
24. Tato ratanapallaṅke, therāṃ so uragādhipo;  
Nisīdāpiya aṭṭhāsi, bījamāno tadantike.
25. Tadā kasmīragandhāra-vāsino manuḷā'gatā;  
Nāgarājassa pūjatthaṃ, mantvā therāṃ mahiddhikaṃ.
26. Theramevā'bhi vādetvā, ekamantaṃ nisīdisuṃ;  
Tesaṃ dhammamadesesi, thero āsivisopamaṃ.
27. Asītiyā sahasānaṃ, dhammābhisamayo ahu;  
Satasahassa purisā, pabbajuṃ theasantike.
28. Tatoppabhupati kasmira-gandhāraṃ te idānipi;  
Āsuṃ kāsāva pajjotā, vatthuttayaparāyanā.
29. Gantvā mahādevatthero, desaṃ mahisamaṇḍalaṃ;  
Suttantaṃ devadūtaṃ so, kathesi janamajjhago.
30. Cattālīsa sahasāni, dhammacakkhuṃ visodhayuṃ;  
Cattālīsa sahasāni, pabbajiṃsu tadantike.
31. Gantvā'tha rakkhitatthero, vanavāsīṃ nabhe ṭhito;  
Saṃyuttamanamataggaṃ, kathesi janamajjhago.
32. Saṭṭhi narasahasānaṃ, dhammābhisamayo ahu;  
Sattatiṃsa sahasāni, pabbajiṃsu tadantike.
33. Vihārānaṃ pañcasataṃ, tasmīṃdese patiṭṭhahi;  
Patiṭṭhāpesi tatthevaṃ, thero so jinasāsaṃ.
34. Gantvā'parantakaṃ thero, yonako dhammarakkhito;  
Aggikkhandhopamaṃ suttaṃ, kathetvā janamajjhago.
35. Sattatiṃsa sahasāni, pāṇe tattha samāgate;  
Dhammāmatamāpāyesi, dhammā dhammesu kovido.
36. Purisānañca sahasāñca, itthiyo ca tato'dhikā;  
Khattiyānaṃ kulāyeva, nikkhamitvāna pabbajuṃ.
37. Mahāraṭṭhamisī gantvā, so mahādharmarakkhito;  
Mahānāradakassapavhaṃ, jātaṃ kathayī tahiṃ.
38. Maggaphalaṃ pāpuṇiṃsu, caturāsīti sahasakā;  
Terasantu sahasāni, pabbajiṃsu tadantike.
39. Gantvāna yonavisayaṃ, so mahādharmarakkhito isi;  
Kāḷakārāma suttantaṃ, kathesi janamajjhago.
40. Pāṇasata sahasāni, sahasāni ca sattati;  
Maggaphalaṃ pāpuṇiṃsu, dasa sahasāni pabbajuṃ.
41. Gantvā catūhi therehi, desesi majjhimo isi;  
Himavantapadesasmīṃ, dhammacakkapavattanaṃ.

42. Maggaphalapāpuṇiṃsu, asītipāṇa koṭṭiyo;  
Visuṃ te pañcaraṭṭhāni, pañcatherā pasādayuṃ.
43. Purisasatasahassāni, ekekasēva santike;  
Pabbajīṃsu pasādena, sammāsambuddha sāsane.
44. Saddhiṃ uttaratherena, soṇatthero mahiddhiko;  
Suvaṇṇabhūmiṃ agamā, tasmīṃ tu samaye pana.
45. Jāte jāte rājagehe, dārake ruddarakkhasī;  
Samuddato nikkhamitvā, bhakkhitvā pana gacchati.
46. Tasmīṃ khaṇe rājagehe,  
Jāto hoti kumārako;  
There manussā passitvā,  
Rakkhasānaṃ sahāyakā.
47. Iti cintiya māretuṃ, sā yuvā upasaṅkamuṃ;  
“Kimetanti” ca pucchitvā, theram te eva māhute.
48. Samaṇā mayaṃ himavantā, na rakkhasi sahāyakā;  
Rakkhasī sā sapisā, nikkhantā hoti sāgarā.
49. Taṃ disvāna mahārāvaṃ, viraviṃsu mahājanā;  
Diguṇe rakkhase thero, māpayitvā bhayānake.
50. Taṃ rakkhasiṃ sapisam, parikkhipi samantato;  
Idaṃ imehi uddhanti, mantvā bhītā palāyisā.
51. Tassa desassa ārakkhaṃ, ṭhapetvāna samantato;  
Tasmīṃ samāgame thero, brahmajālamadesayi.
52. Saraṇesu ca sīlesu, aṭṭhaṃsu bahavo janā;  
Saṭṭhiyā tu sahasānaṃ, dhammābhisamayo ahu.
53. Aḍḍhuḍḍhāni sahasāni, pabbajuṃ kuladārakā;  
Pabbajīṃsu diyaḍḍhantu, sahasaṃ kuladhītaro.
54. Tatoppabhuti sañjāte, rājagehe kumārake;  
Nāmaṃ kariṃsu rājāno, soṇuttara sanāmake.
55. Mahājanassāpi jinassa kaḍḍhanaṃ;  
Vihāya pattaṃ amataṃ sukhampite;  
Kariṃsu lokassa hitaṃ tahiṃ tahiṃ;  
Bhaveyya yo lokahite pamādavāti.

Sujanappasāda saṃvegathāya kate mahāvaṃse

Nānādesapasādo nāma dvādasamo paricchedo.

## Terasama pariccheda

### Mahindāgamano

1. Mahāmahindatthero so, tadā dvādasavassiko;

Upajjhāyena āṇatto, saṅghena ca mahāmatī.

2. Laṃkāḍīpaṃ pasādetuṃ,  
Kālaṃ pekkhaṃ vicintayī;  
“Vuḍḍho muṭasivo rājā,  
Rājā hotu suto” iti.
3. Tadantare ñātigaṇaṃ, datṭhuṃ katvāna mānasam;  
Upajjhāyañca saṅghañca, vanditvā puccha bhūpatiṃ.
4. Ādāya caturo there, saṅghamittāya atrajaṃ;  
Sumanam sāmaṇerañca, chaḷābhiññaṃ mahiddhikaṃ.
5. Ñātīnaṃ saṅgahaṃ kātuṃ, agamā dakkhiṇāgiriṃ;  
Tato tattha carantassa, chammāsā samatikkamuṃ.
6. Kamena vedisagiriṃ, nagaraṃ mātudevīyā;  
Sampatvā mataraṃ passi, devī disvā piyaṃ sutam.
7. Bhojayitvā sapaṇisaṃ, attanāyeva kāritaṃ;  
Vihāraṃ cetiyagiriṃ, theram āropayī subham.
8. Avantiraṭṭhaṃ bhuñjanto, pitarā dinnamattano;  
So asoka kumāro hi, ujjenīgamaṇā purā.
9. Vedise nagare vāsam, upagantvā tahiṃ subham;  
Devinnāma labhitvāna, kumāriṃ seṭṭhidhītaram.
10. Saṃvāsam tāya kappesi, gabbhaṃ gaṇhiya tena sā;  
Ujjeniyam kumāram tam, mahindam janayī subham.
11. Vassadvayamatikkamma, saṅghamittañca dhītaram;  
Tasmim kāle vasati sā, vedise nagare tahiṃ.
12. Thero tattha nisīditvā, kālaññū iti cintayī;  
Pitarā me samāṇattaṃ, abhiseka mahussavaṃ.
13. Devānaṃpiyatisso so, mahārājā`nubhotu ca;  
Vatthuttayagūṇe cāpi, sutvā jānātu dūhato.
14. Ārohatu missanagaṃ, jeṭṭhamāsassu`posathe;  
Tadaheva gamissāma, laṃkāḍīpavaram mayam.
15. Mahindo upasaṅkamma, mahindatthera muttamaṃ;  
Yāhi laṃkaṃ pasādetuṃ, sambuddhenā`si byākato.
16. Mayampi tathupatthambhā, bhavissāmā`ti abravi;  
Devīyā bhaginī dhītu-putto bhaṇḍuka nāmako.
17. Therena devīyā dhammaṃ, sutvā desītameva tu;  
Anāgāmi-phalaṃ patvā, vasi therassa santike.
18. Tattha māsam vasitvāna, jeṭṭhamāsassu` posathe;  
Thero catūhi therehi, sumanenā`tha bhaṇḍunā.

19. Saddhiṃ tena gahaṭṭhena, na rato ñātihetunā;  
Tasmā vihārā ākāsaṃ, uggantvā so mahiddhiko.
20. Khaṇeneva idhāgamma, ramme missaka pabbate;  
Aṭṭhāsi vilukūṭamhi, rucirambatthale vare.
21. Laṃkāpasāda guṇena viyākato so;  
Laṃkāhitāya muninā sayitena ante;  
Laṃkāya satthusadiso hitahetu tassā;  
Laṃkāmarūhi mahito’bhiniṣīdi tattāti.

Sujanappasādasamvegatthāya kate mahāvamse

Mahindāgamano nāma

Terasamo paricchedo.

## Cuddasama pariccheda

### Nagarappavesano

1. Devānaṃpiyatisso so, rājā salilakīḷitaṃ;  
Datvā nagaravāsīnaṃ, migavaṃ kīḷitaṃ agā.
2. Cattālīsasahasseehi, narehi parivārito;  
Dhāvanto padasāyeva, agamā missakaṃ nagaṃ.
3. There dassetumicchanto, devo tasmīṃ mahīdhare;  
Gumbhaṃbhakkhayamāno’va, aṭṭhā gokaṇṇarūpavā.
4. Rājā disvā “pamattaṃ taṃ, na yuttaṃ vijjhitaṃ” iti;  
Jiyā saddamakādhāpi, gokaṇṇo pabbatantaraṃ.
5. Rājā’nudhāvi sodhiṃ, therānaṃ santikaṃ gato;  
There diṭṭhe narindena, sayamantaradhāyiso.
6. Thero “bahūsu diṭṭhesu, atibhāyissatī” tiso;  
Attānameva dassesi, passitvā taṃ mahīpatiṃ.
7. Bhīto aṭṭhāsi taṃ thero, “ehi tissāti abravī;  
Tissā’ti vacaneneva, rājā yakkho”ti cintayī.
8. Samaṇā mayaṃ mahārāja, dhammarājassa sāvakā;  
Tameva anukampāya, jambudīpā idhāgatā.
9. Iccāha thero taṃ sutvā, rājā vītabhayo ahu;  
Saritvā sakhīsandaṃ, “samāṇā” iti nicchito.
10. Dhanuṃ saraṇca nikkhippa, upasankamma taṃ isiṃ;  
Sammodamāno therena, so nisīdi tadantike.
11. Tadā tassa manussā te, āgamma parivārayuṃ;  
Tadā sese cha dassesi, mahāthero sahāgate.
12. Te disvā abravī rājā, “kadā” me āgatā iti;

- “Mayā saddhiṃ”ti therena, vutte pucchi idaṃ puna.
13. “Santi īdisakā aññe, jambudīpe yatī” iti;  
Āha “kāsāvapajjo to, jambudīpo tahiṃ pana.
  14. Tevijjā iddhippattā ca, cetopariyakovidā;  
“Dibbasotā”rahanto ca, bahū buddhassa sāvakā”.
  15. Pucchi “kenāgatathā”ti, na thalena na vārinā;  
Āgatamhā”ti vutte so, vijāni nabhasāgamaṃ.
  16. Vīmaṃsaṃso mahāpañño, kaṇhaṃ pañhamapucchitaṃ;  
Puṭṭho puṭṭho viyākāsi, taṃtaṃ pañhaṃ mahīpati.
  17. Rukkhoṃ rājakinnāmo, añño nāma ayaṃ taru;  
Imaṃ muñciya attha’ mbo, santi ambatarū bahuṃ.
  18. Imañca ambaṃ teca’ mbe, muñciyatthi mahīruhā;  
Santi bhante bahu rukkhā, anambāpana te taru.
  19. Aññe ambe anambe ca, muñciya’ tthi mahīruhā;  
Ayaṃ bhante ambarukkho, paṇḍito’ si narissara.
  20. Santi te ñātakā rāja, santi bhante bahuṃjanā;  
Santi aññātakā rāja, santi te ñātito bahū.
  21. Ñātake te ca aññe ca, muñciya’ ññopi atthi nu;  
“Bhante” hameva sādhu tvaṃ, paṇḍito’ si narissara.
  22. Paṇḍito’ ti viditvāna, cūḷahatthipadopamaṃ;  
Suttantaṃ desayī thero, mahīpassa mahāmatī.
  23. Desanāpariyosāne, saddhiṃ tehi narehi so;  
Cattālīsasahasseehi, saraṇesu patiṭṭhahi.
  24. Bhattā’ bhīhāraṃ sāyanhe, rañño abhiharuṃ tadā;  
“Na bhuñjissa”nti dāni me, iti janammi bhūpati.
  25. Pucchitumyeva yuttanti, bhattenā’ pucchite isi;  
Na bhuñjāma idāni’ ti, vutte kālañca pucchiso.
  26. Kālaṃ vutte’ bravi evaṃ, “gacchāma nagaraṃ” iti;  
Tvaṃ gaccha mahārāja, vasissāma mayaṃ idha.
  27. Evaṃ sati kumāro’ yaṃ, amhehi saha gacchatu;  
Ayañhi āgataphalo, rāja viññātasāsano.
  28. Apekkhamāno pabbajjaṃ, vasata’ mhākamantike;  
Idāni pabbajessāma, imaṃ tvaṃ gaccha bhūmipa.
  29. Pāto rathaṃ pesayissaṃ, tumhe tattha ṭhitā puraṃ;  
Yāthā’ ti there vanditvā, bhaṇḍumnetva’ ka mantakaṃ.
  30. Pucchi therādhikāraṃso, rañño sabbamabhāsi so;  
Theraṃ ñatvā’ ti tuṭṭhoso, “lābhā me” iti cintayi.

31. Bhaṇḍussa gīhibhāvena, gatāsaṅko narissaro;  
Aññāsi narabhāvaṃ so, “pabbājema imaṃ” iti.
32. Thero taṃ gāmasīmāyaṃ, tasmiṃyeva khaṇe akā;  
Bhaṇḍukassa kumārassa, pabbajjamupasampadaṃ.
33. Tasmiṃyeva khaṇe so ca, arahattamaṃpāpuṇi;  
Sumanam sāmaṇeraṃ taṃ, thero āmantayī tato.
34. Dhammasavanakālaṃ tvaṃ, ghosehī”ti apucchiso;  
Sāvento kittakaṃ ṭhānaṃ, bhante ghosema”haṃ iti.
35. “Sakalaṃ tambapaṇṇī”ti, vutte therena iddhiyā;  
Sāvento sakalaṃ laṃkaṃ, dhammakālamaghosayī.
36. Rājā nāgacattusso, soṇṇipasse nisīdiya;  
Bhuñjanto taṃ ravaṃ sutvā, therantika mapesayi.
37. “Upaddavo nu atthī”ti, āha natthi uddavo;  
Sotuṃ sambuddhavacanaṃ, kālo ghosāpito iti.
38. Sāmaṇera ravaṃ sutvā, bhummādevā aghosayuṃ;  
Anukkamena so saddo, brahmalokaṃ samāruhi.
39. Tena ghosena devānaṃ, sannipāto mahā ahu;  
Samacittasuttaṃ desesi, thero tasmiṃ samāgame.
40. Asaṃkhiyānaṃ devānaṃ, dhammābhisamayo ahu;  
Bahū nāgā supaṇṇā ca, saraṇesu patiṭṭhayaṃ.
41. Yathedaṃ sārīputtassa, suttaṃ therassa bhāsato;  
Tathā mahindattherassa, ahu devasamāgamo.
42. Rājā pabhā te pāhesi, rathaṃ sārathi so gato;  
“Ārohatha rathaṃ yāma, nagaraṃ” iti te’bravi.
43. Nā’rohāma rathaṃ gaccha, gacchāma tava pacchato;  
Iti vatvāna pesetvā, sārathiṃ sumanorathaṃ.
44. Vehāsamabbhugantvā, te nagarassa puratthato;  
Paṭhamatthūpaṭṭhānamhi, otariṃsu mahiddhikā.
45. Therehi paṭhamotiṇṇa-ṭhānamhi katacetiyaṃ;  
Ajjāpi vuccate tena, evaṃ paṭhamacetiyaṃ.
46. Raññā theraguṇaṃ sutvā, sabbā antepurītthiyo;  
Theradassanicchiṃsu, yasmā tasmāmahīpati.
47. Anto’va rājavatthussa, rammaṃ kāresi maṇḍapaṃ;  
Setehi vatthapupphehi, chāditaṃ samalaṅkataṃ.
48. Uccaseyyāvīramaṇaṃ, sutattā therasantike;  
Kaṅkhī “uccāsane thero, nisīdideyyanunoti ca.
49. Tadantare sārathi so, there disvā tahiṃ ṭhite;  
Cīvaraṃ pārūpante te, ativimhita mānaso.



50. Gantvā rañño nivedesi, sutvā sabbaṃ mahīmati;  
“Nisajjaṃ na karissanti, pīṭhakesū”ti nicchito.
51. “Susādhu bhummattharaṇaṃ, paññāpethā”ti bhāsiya;  
Gantvā paṭipathaṃ there, sakkaccaṃ abhivādiya.
52. Mahāmahindattherassa, hatthato pattamādiya;  
Sakkārapūjāvīdhiṇā, puraṃ therāṃ pavesayi.
53. Disvā āsanapaññattiṃ, nemittā byākaruṃ iti;  
“Gahitā pathavī”mehi, dīpe hessanti issarā.
54. Narindo pūjayanto te, there antepuraṃ nayi;  
Tattha te dussapīṭhesuṃ, nisīdiṃsu yathārahaṃ.
55. Te yāgukhajjabhojjehi, sayaṃ rājā atappayi;  
Niṭṭhite bhattakiccaṃhi, sayaṃ upanisīdiya.
56. Kaniṭṭhassoparājassa, mahānāgassa jāyikaṃ;  
Vasantiṃ rājagehe’va, pakkosā pesicā’nulāṃ.
57. Āgamma anulādevī, pañca itthisatehi sā;  
Therevandiya pūjetvā, ekamantamupāvisi.
58. Petavatthuṃ vimānañca, saccasaṃyuttameva ca;  
Desesi therō tā itthī, paṭhamaṃ phalamajjhaguṃ.
59. Hiyyo diṭṭhamanussehi, sutvā theraguṇe bahū;  
Theradassanamicchantā, samāgantvāna nāgarā.
60. Rājadvāre mahāsaddaṃ, akaruṃ taṃ mahīpati;  
Sutvā pucchīya jānitvā, āha tesāṃ hitatthiko.
61. Sabbesaṃ idha sambādho, sālāmaṅgalahatthino;  
Sodhettha tattha dakkhanti, there’me nāgarā’iti.
62. Sodhetvā hatthisālaṃ taṃ, vitānādīhi sajjukaṃ;  
Alāṅkaritvā sayane, paññāpesuṃ yathārahaṃ.
63. Sathero tattha gantvāna, mahāthero nisīdiya;  
So devadūtasuttantaṃ, kathesī kathiko mahā.
64. Taṃ sutvāna pasīdiṃsu, nāgarā te samāgatā;  
Tesu pāṇasahassaṃtu, paṭhamaṃ phalamajjhagā.
65. Laṃkādiṃpe so sathukappo akappo;  
Laṃkādhīṭṭhāne dvīsu ṭhānesu therō;  
Dhammaṃ bhāsītvā dīpabhāsāya evaṃ;  
Saddhammo tāraṃ kārayī dīpadīpoti.

Sujanappasādasamvegatthāya kate mahāvamse

Nagarappavesano nāma

Cuddasamo paricchedo.

## Pañcadasama pariccheda

### Mahāvihāra paṭiggahako

1. Hatthisālāpi sambādhā, iti tattha samāgatā;  
Te nandanavane ramme, dakkhiṇadvārato bahi.
2. Rājuyyāne ghanacchāye, sītale nīlasaddale;  
Paññāpesuṃ āsanāni, therānaṃ sādārā narā.
3. Nikkhamma dakkhiṇadvārā, thero tattha nisīdi ca;  
Mahākulīnā cā'gamma, itthiyo bahukā tahiṃ.
4. Therāṃ upanisīdiṃsu, uyyānaṃ pūrayantiyo;  
Bālaṇḍitasuttantaṃ, tāsāṃ thero adesayī.
5. Sahassaṃ itthiyo tāsū, paṭhamaṃ phalamajjhagūṃ;  
Evaṃ tattheva uyyāne, sāyaṇhasamayo ahu.
6. Tato therā nikkhamiṃsu, “yāma taṃ pabbataṃ” iti;  
Rañño paṭinivedesuṃ, sīghaṃ rājā upāgami.
7. Upāgammā'bravī therāṃ, “sāyaṃ dūro ca pabbato;  
Idheva nandanuyyāne, nivāso phāsuko iti.
8. Purassa accāsannattā, “asāruppa”nti bhāsīte;  
“Mahāmeghavanuyyānaṃ, nātidūrāti santike.
9. Rammaṃ chāyūdakūpetāṃ, nivāso tattha rocatu;  
Nivattitabbaṃ bhante”nti, thero tattha nivattayī.
10. Tasmīṃ nivattaṭhānamhi, kadambanadiyantike;  
Nivattacetiyaṃ nāma, kataṃ vuccati cetiyaṃ.
11. Taṃ nandanā dakkhiṇena, nayaṃ therāṃ rathesabho;  
Mahāmeghavanuyyānaṃ, pācinadvārakaṃ nayī.
12. Tattha rājaghare ramme, mañcapīṭhāni sādhukaṃ;  
Sādhūti santharāpetvā, “vasate'tta sukhaṃ” iti.
13. Rājā there'bhivādetvā, amaccaparivārito;  
Puraṃ pāvīsi therā tu, taṃ rattīṃ tattha te vasuṃ.
14. Pabhāteyeva pupphāni, gāhetvā dharaṇīpati;  
There upacca vanditvā, pūjetvā kusumehi ca.
15. Pucchi kacci sukhaṃ vuṭṭhaṃ, uyyānaṃ phāsukaṃ iti;  
Sukhaṃ vutthaṃ mahārāja, uyyānaṃ yaṭi phāsukaṃ.
16. Ārāmo kappate bhante, saṅghassā'ti apucchi so;  
“Kappate”iti vatvāna, kappākappesu kovido.
17. Thero veḷuvanārāma, paṭiggahaṇamabravi;  
Taṃ sutvā abhihaṭṭho so, tuṭṭhahaṭṭho mahājano.

18. Therānaṃ vandanatthāya, devī tu anulāgatā;  
Saddhiṃ pañcasatitthīhi, dutiyaṃ phalamajjhagā.
19. Sā pañcasatā devī, anulā'ha mahīpati;  
“Pabbajissāma devā”ti, rājā theramavoca so.
20. Pabbājetha imāyo’’ti, thero āha mahīpatiṃ;  
“Na kappati mahārāja, pabbājetuṃ thiyo hino.
21. Atthi pāṭaliputtasmiṃ, bhikkhunī me kaniṭṭhikā;  
Saṅghamittāti nāmena, vissutā sā bahussutā.
22. Narindasamaṇindassa, mahābodhidumindato;  
Dakkhiṇaṃ sākhamādāya, tathā bhikkhuniyo varā.
23. Āgacchatū’ti pesehi, rañño no pitu santikaṃ;  
Pabbājessati sā therī, āgatā itthiyo imā.
24. “Sādhu’’ti vatvā gaṇhitvā, rājā bhikkāramuttamaṃ;  
“Mahāmeghavanuyyānaṃ, dammi saṅghassi’maṃ iti.
25. Mahindatherassa kare, dakkhiṇodakamā’kirī;  
Mahiyā patite toye, akampittha mahā mahī.
26. “Tasmā kampati bhūmī’’ti, bhūmipālo apucchi taṃ;  
Patiṭṭhitattā dīpamhi, sāsanassā’ti so bravi.
27. Therassa upanāmesi, jātipupphāni jātimā;  
Thero rājagharaṃ gantvā, tassa dakkhiṇato ṭhito.
28. Rukkhamhi picule aṭṭha, pupphamuṭṭhī samokirī;  
Tatthāpi puthavī kampi, puṭṭho tassā’ha kāraṇaṃ.
29. Ahosi tiṇṇaṃ buddhānaṃ, kāle’pi idha mālako;  
Narindasaṅghakammaṭṭhaṃ, bhavissati idānipi.
30. Rājagehā uttarato, cārupokkharaṇiṃ agā;  
Tattakā neva pupphāni, thero tatthāpi okiri.
31. Tatthā’pi puthuvī kampi, puṭṭho tassā’ha kāraṇaṃ;  
“Jantaghara pokkharaṇī, ayaṃ hessati bhūmipa”.
32. Tasseva rājagehassa, gantvāna dvārakoṭṭhakaṃ;  
Tattakehe’va pupphehi, taṃ ṭhānaṃ pūjayī isi.
33. Tatthāpi puthuvīkampi, haṭṭhalomo atīvaso;  
Rājā taṃ kāraṇaṃ pucchi, thero tassā’ha kāraṇaṃ.
34. Imamhi kappe buddhānaṃ, tiṇṇannaṃ bodhirukkhato;  
Ānetvā dakkhiṇāsākhā, ropitā idha bhūmipa.
35. Tathāgatassa amhākaṃ, bodhisākhāpi dakkhiṇā;  
Imasmimyeva ṭhānamhi, patiṭṭhissati bhūmipa.
36. Tato’gamā mahāthero, mahāmucalamālakaṃ;  
Tattakāneva pupphāni, tasmim ṭhāne samokiri.

37. Tathāpi puthavī kampi, puṭṭho tassā'ha kāraṇaṃ;  
Saṅghassu posathā gāraṃ, idha hessati bhūmipa.
38. Pañhambamālakaṭṭhānaṃ, tato'gamā mahīpati;  
Supakkaṃ ambapakkañca, vaṇṇagandharasuttamaṃ.
39. Mahantaṃ upanāmesi, rañño uyyānapālako;  
Taṃ therassupanāmesi, rājā atimanoramaṃ.
40. Thero nisīdanākāraṃ, dassesi janatā hito;  
Attharāpesi tattheva, rājā attharaṇaṃ varaṃ.
41. Adā tattha nisinnassa, therassambaṃ mahīpati;  
Thero taṃ paribhuñjitvā, ropanatthāya rājino.
42. Ambaṭṭhikaṃ adā rājā, taṃ sayamaṃ tattha ropayi;  
Hatthe tassoparithero, dhovi tassa viruḷhiyā.
43. Taṃ khaṇaṃyeva bījambhā, tamhā nikkhamma aṅkuro;  
Kamenā'ti mahārukkho, pattapakkadharo ahu.
44. Taṃ pāṭihāriyaṃ disvā, parisā sā sarājikā;  
Namassamānā aṭṭhāsi, there hatthatanuruhā.
45. Thero tadā pupphamuṭṭhi, aṭṭha tattha samokiri;  
Tathāpi puthavīkampi, puṭṭho tassā'ha kāraṇaṃ.
46. Saṅghassappannalābhānaṃ, anekesaṃ narādhipa;  
Saṅgammabhājanaṭṭhānaṃ, idaṃ ṭhānaṃ bhavissati.
47. Tato gantvā catussāla-ṭhānaṃ tattha samokiri;  
Tattakāneva pupphāni, kampi tatthāpi medinī.
48. Taṃ kampakāraṇaṃ pucchi, rājā thero viyākari;  
Tiṇṇannaṃ pubbabuddhānaṃ, rājuyyāna paṭiggāhe.
49. Dāna vatthunā'haṭāni, dīpavāsīhi sabbato;  
Idha ṭhapetvā bhojesuṃ, sasaṅghe sugate tayo.
50. Idāni pana ettheva, catussālā bhavissati;  
Saṅghassa idha bhattagaṃ, bhavissati narādhipa.
51. Mahathūpaṭhitatṭhānaṃ, ṭhānāṭṭhānavidūtato;  
Agamāsi mahāthero, mahindo dīpadīpano.
52. Tadā antoparikkhepe, rājuyyānassa khuddikā;  
Kakudhavhā ahu vāpī, tasso'pari jalantike.
53. Thūpārahaṃ thalaṭṭhānaṃ, ahu there tahiṃ gate;  
Rañño campakapupphānaṃ, puṭakāna'ṭṭha āharuṃ.
54. Tāni campakapupphāni, rājā therassu'pānayi;  
Thero campakapupphehi, tehi pūjesi taṃ phalaṃ.
55. Tatthāpi puthavī kampi, rājā taṃ kampakāraṇaṃ;  
Pucchi thero'nu pubbena, āhataṃ kampakāraṇaṃ.

56. Iḍaṃ thānaṃ mahārāja, catubuddha nisevitaṃ;  
Thūpārahaṃ hitatthāya, sukhatthāya ca paṇinaṃ.
57. Imamhi kappe paṭhamaṃ, kakusandho jino ahu;  
Sabba dhammaḍidū satthā, sabbalokānukampako.
58. Mahātitthavhayaṃ āsi, mahāmeghavanaṃ idaṃ;  
Nagaraṃ abhayaṃ nāma, puratthimadisāya'hu.
59. Kadamba nadiyā pāre, tattha rājā'bhayo ahu;  
Ojadīpoti nāmena, ayaṃ dīpo tadāahu.
60. Rakkhasehi janasse'ttha, rogo pajjarako ahu;  
Kakusandho dasabalo, disvāna tadupaddavaṃ.
61. Taṃ gantvā sattavinayaṃ, pavattiṃ sāsanaṃ ca;  
Kātuṃ imasmiṃ dīpasmiṃ, karuṇā balacodito.
62. Cattālīsasahasseehi, tādīhi parivārito;  
Nabhasā'gamma aṭṭhāsi, devakūṭamhi pabbate.
63. Sambuddhassā'nubhāvena, rogo pajjarako idha;  
Upasanto mahārāja, dīpamhi sakale tadā.
64. Kattha ṭhito adhiṭṭhāsi, narissara munissaro;  
Sabbe maṃ ajja passantu, ojadīpamhi mānusā.
65. Āgantukāmā sabbeva, manussā mama santikaṃ;  
Āgacchantu akicchena, khippaṇcāpi mahāmuni.
66. Obhāsayaṃtaṃ munindaṃ taṃ, obhāsantaṅca pabbataṃ;  
Rājā ca nāgarā ceva, disvā khippaṃ upāgamuṃ.
67. Devatā balidānatthaṃ, manussā ca tahiṃ gatā;  
Devatā iti maññiṃsu, sasaṅghaṃ lokanāyakaṃ.
68. Rājā so munirājaṃ taṃ, atihattḥo'bhi vādiya;  
Nimantayitvā bhattena, ānetvā purasanti kaṃ.
69. Sasaṅghassa munindassa, nisajjārahamaṃtaṃ;  
Ramaṇīyamidaṃ thāna-masambādhanti cintiya.
70. Kārite maṇḍape ramme, pallaṅkesu vare sutaṃ;  
Nisīdāpesi sambuddhaṃ, sasaṅghaṃ idha bhūpati.
71. Nisinnampi ca passantā, sasaṅghaṃ lokanāyakaṃ;  
Dīpe manussā ānesuṃ, paṇṇākāre samantato.
72. Attano khajjabhojjehi, tehi tehā'bhatehi ca;  
Santappesi sasaṅghaṃ taṃ, rājā so lokanāyakaṃ.
73. Idheva pacchābhattaṃ taṃ, nisinnassa jinassa so;  
Mahā titthakamuyyānaṃ, rājā'dā dakkhiṇaṃ vamaṃ.
74. Akālapupphā laṅkāre, mahātitthavane tadā;  
Paṭiggahite buddhena, akampittha mahāmahī.

75. Ettheva so nisīditvā, dhammaṃ desesi nāyako;  
Cattālīsa sahaṣṣāni, pattā maggaphalaṃ narā.
76. Divāvihāraṃ katvāna, mahātitthavane jino;  
Sāyaṇhasamaye gantvā, bodhiṭṭhānārahaṃ mahi.
77. Nisinno tattha appetvā, samādhiṃ vuṭṭhito tato;  
Iti cintayi sambuddho, hitatthaṃ dīpavāsinaṃ.
78. Ādāya dakkhiṇaṃ sākhaṃ, bodhito me sirīsato;  
Āgacchatu rūpanandā, bhikkhunī sahabhikkhunī.
79. Tassa taṃ cittamaññāya, sā therī tadanantaraṃ;  
Gahetvā tattha rājānaṃ, upasaṅkamma taṃ taruṃ.
80. Lekhaṃ dakkhiṇasākhāya, dāpetvāna mahiddhikā;  
Manosilāya chinnaṃ taṃ, ṭhitāṃ hemakaṭāhake.
81. Iddhiyā bodhimādāya, sapañcasata bhikkhunī;  
Idhā'netvā mahārāja, devatā parivāritā.
82. Sasuvaṇṇa kaṭāhaṃ taṃ, sambuddhena pasārite;  
Ṭhapesi dakkhiṇe hatthe, taṃ gahetvā tathāgato.
83. Patiṭṭhāpetuṃ pādāsi, bodhiṃ rañño'bhayassa taṃ;  
Mahātitthamhi uyyāne, patiṭṭhāpesi bhūpati.
84. Tato gantvāna sambuddho,  
Ito uttarato pana;  
Sirīsamālake ramme,  
Nisīditvā tathāgato.
85. Janassa dhammaṃ desesi, dhammābhisamayo tahiṃ;  
Vīsatiyā sahaṣṣānaṃ, paṇānaṃ āsi bhūmipa.
86. Tatopi uttaraṃ gantvā, thūparāmamahiṃ jino;  
Nisinno tattha appetvā, samādhiṃ vuṭṭhito tato.
87. Dhammaṃ desesi sambuddho, parisāya tahiṃpana;  
Dasapāṇa sahaṣṣāni, pattamaggaphalāna'huṃ.
88. Attano dhammakaraṇaṃ, manussānaṃ namassituṃ;  
Datvā saporivāraṃ taṃ, ṭhapetvā idha bhikkhuniṃ.
89. Saha bhikkhusahassena, mahādevaṇca sāvakaṃ;  
Ṭhapetvā idha sambuddho, tato pācinato pana.
90. Ṭhito ratanamālamhi, janaṃ samanūsāsiya;  
Sasaṅgho nabhamuggantvā, jambudīpaṃ jino agā.
91. Imamhi kappe dutiyaṃ, koṇāgamana nāyako;  
Ahu sabbavidū satthā, sabbalokānukampako.
92. Mahānāmavhayaṃ āsi, mahāmeghavanaṃ idaṃ;  
Vaḍḍhamānapuraṃ nāma, dakkhiṇāya dīsāya'hu.

93. Samiddho nāma nāmena, tattha rājā tadā ahu;  
Nāmena varadīpo'ti, ayaṃ dīpo tadā ahu.
94. Dubbuṭṭhupaddavo ettha, varadīpe tadā ahu;  
Jino sakoṇāgamano, disvāna tadupaddavaṃ.
95. Taṃ hutvā sattavinayaṃ, pavattiṃ sāsanaṃ ca;  
Kātuṃ imasmim dīpasmim, karuṇā balacodito.
96. Tiṃsa bhikkhusahashehi, tādīhi parivārito;  
Nabhasā'gamma aṭṭhāsi, nabhe sumanakūṭake.
97. Sambuddhassā'nubhāvena, dubbuṭṭhi sā khayāṃ gatā;  
Sāsanaṃtaradhānattā, suvuṭṭhi ca tadāahu.
98. Tatta ṭhito adhiṭṭhāsi, narissaramunissaro;  
Sabbeva ajja passantu, varadīpamhi mānusa.
99. Āgantukāmā sabbeva, manussā mama santikaṃ;  
Āgacchantu akicchena, khippaṇcā'ti mahāmuni.
100. Mahāsattaṃ munindaṃ taṃ, obhāsantaṇca pabbataṃ;  
Rājā ca nāgarā ceva, disvā khippamupāgamuṃ.
101. Devatābalidānatthaṃ, manussā ca tahiṃ gatā;  
Devatā iti maññimsu, sasaṅghaṃ lokanāyakaṃ.
102. Rājā so munirājaṃ taṃ, atihattṭho'bhivādiya;  
Nimantayitvā bhattena, ānetvā purasantikaṃ.
103. Sasaṅghassa munindassa, nisajjāraha muttamaṃ;  
Ramaṇīyamidaṃ ṭhānaṃ, asambādanti cintiya.
104. Kārite maṇḍape ramme, pallaṅkesu varesu taṃ;  
Nisīdāpayi sambuddhaṃ, sasaṅghaṃ idha bhūpati.
105. Nisinnampi'dha passantā, sasaṅghaṃ lokanāyakaṃ;  
Dīpe manussā ānesuṃ, paṇṇākāre samantato.
106. Attano khajjabhojjehi,  
Tehi tehā'bha tehi ca;  
Santappesi sasaṅghaṃ taṃ,  
Rājā so loka nāyakaṃ.
107. Idheva pacchābhattaṃ taṃ, nisinnassa jinassa so;  
Mahānāmakamuyyānaṃ, rājā'dā dakkhiṇaṃ vamaṃ.
108. Akālapupphālaṅkāre, mahānāmaṃvane tadā;  
Paṭiggahite buddhena, akampittha mahāmahi.
109. Ettheva so nisīditvā, dhammaṃ desesi nāyako;  
Tadā tiṃsa sahasāni, pattā maggaphalaṃ narā.
110. Divāvihāraṃ katvāna, mahānāmaṃvane jino;  
Sāyaṇhasamaye gantvā, pubbadhodhiṭṭhitāṃ mahiṃ.

111. Nisinno tattha appetvā, samādhiṃ vuṭṭhito tato;  
Iti cintesi sambuddho, hitatthaṃ dīpavāsinaṃ.
112. Ādāya dakkhiṇaṃ sākhaṃ, mamodumbarabodhito;  
Āyātu kanakadattā, bhikkhunī sahabhikkhunī.
113. Tassa taṃ cittamaññāya, sā therī tadanantaraṃ;  
Gahetvā tattha rājānaṃ, upasaṅkamma taṃ taruṃ.
114. Lekhaṃ dakkhiṇasākhāya, dāpetvāna mahiddhikā;  
Manosilāya chinnaṃ taṃ, ṭhitaṃ hemakaṭāhake.
115. Iddhiyā bodhimādāya, sapañcasahabhikkhunī;  
Idhāgantvā mahārāja, devatāparivāritā.
116. Sasuvaṇṇakaṭāhaṃ taṃ, sambuddhena pasārite;  
Ṭhapesi dakkhiṇe hatthe, taṃ gahetvā tathāgato.
117. Patiṭṭhāpetuṃ rañño'dā, samiddhassa sataṃ tahiṃ;  
Mahānāmamhi uyyāne, patiṭṭhāpesi bhūpati.
118. Tato gantvāna sambuddho, sirīsamālakuttare;  
Janassa dhammaṃ desesi, nisinno nāgamālake.
119. Taṃ dhammadesanaṃ sutvā, dhammābhisamayo tahiṃ;  
Vīsatiyā sahasānaṃ, pañānaṃ āsi bhūmipa.
120. Pubbabuddhanisinnaṃ taṃ, ṭhānaṃ gantvā puruttaraṃ;  
Nisinno tattha appetvā, samādhiṃ vuṭṭhito tato.
121. Dhammaṃ desesi sambuddho, parisāya tahiṃ pana;  
Dasapāṇasahasāni, pattā maggaphalaṃ ahuṃ.
122. Kāyabandhanadhātuṃ so, manussehi namassituṃ;  
Datvā saparivāraṃ taṃ, ṭhāpetvā idha bhikkhuniṃ.
123. Saha bhikkhusahassena, mahāsummañca sāvakaṃ;  
Ṭhāpetvā idha sambuddho, oraṃ ratanamālato.
124. Ṭhāpetvā sudassane māle, janaṃ samanūsāsiya;  
Sasaṅgho nabhamuggamma, jambudīpaṃ jino agā.
125. Imamhi kappe tatiyaṃ, kassapo gottato jino;  
Ahu sabbavidū sathā, sabbalokānukampako.
126. Mahāmeghavanaṃ āsi, mahāsāgaranāmakaṃ;  
Visālaṃ nāma nagaraṃ, pacchimāya disāya'hu.
127. Jayanto nāma nāmena, tattha rājā tadā ahu;  
Nāmena maṇḍadīpoti, ayaṃ dīpo tadā ahu.
128. Tadā jayantarañño ca, rañño kaniṭṭhabhātu ca;  
Yuddhaṃ upaṭṭhitaṃ āsi, bhimsanaṃ sattahimsanaṃ.
129. Kassapo so dasabalo, tena yuddhena pañinaṃ;  
Mahantaṃ byasanaṃ disvā, mahākāruṇiko muni.



130. Taṃ hantvā sattavinayaṃ, pavattiṃ sāsanaṃ ca;  
Kātuṃ imasmiṃ dīpasmiṃ, karuṇābalacodito.
131. Vīsatiyā sahassehi, tādīhi parivārito;  
Nabhasā'gamma aṭṭhāsi, subhakūṭamhi pabbate.
132. Tatraṭṭhito adhiṭṭhāsi, narissara munissaro;  
“Sabbe maṃ ajja passantu, maṇḍadīpamhi mānusa.
133. Āgantukāmā sabbeva, mānusa mama santikaṃ;  
Āgacchantu akicchena, khippañcā'ti mahāmuni.
134. Obhāsantaṃ munindaṃ taṃ, obhāsantañca pabbakaṃ;  
Rājā ca nāgarā ceva, disvā khippaṃ upāgamaṃ.
135. Attano attano patta-vijayāya janā bahū;  
Devatā balidānatthaṃ, taṃ pabbatamupāgatā.
136. Devatā iti maññiṃsu, sasaṅghaṃ lokanāyakaṃ;  
Rājā ca so kumāro ca, yuddhamujjhiṃsu vimhitā.
137. Rājā so munirājaṃ taṃ, atihattṭho'bhivādiya;  
Nimantayitvā bhattena, ānetvā purasantaṃ.
138. Sasaṅghassa munindassa, nisajjārahamaṃtamaṃ;  
Ramaṇīyamidaṃ ṭhāna-masambādanti cintiya.
139. Kārite maṇḍape ramme, pallaṅkesu varesu taṃ;  
Nisīdāpesi sambuddhaṃ, sasaṅghaṃ idha bhūpati.
140. Nisinnampidha passantā, sasaṅghaṃ lokanāyakaṃ;  
Dīpe manussā ānesuṃ, paṇṇākāre samantato.
141. Attano khajjabhojjehi, tehi teha'bhatehi ca;  
Sasantaṃ pesi sasaṅghaṃ taṃ, rājā so lokanāyakaṃ.
142. Idhe'va pacchābhattaṃ taṃ, nisinnassa jinassa so;  
Mahāsāgaramuyyānaṃ, rājā'dā dakkhiṇaṃ varaṃ.
143. Akālapupphalaṅkāre, mahāsāgarakānane;  
Paṭiggahite buddhena, akampittha mahāmahi.
144. Ettheva so nisīditvā, dhammaṃ desesi nāyako;  
Tadā vīsaṃ sahasāni, sotāpattiphalāṃ narā.
145. Divā vihāraṃ katvāna, mahāsāgarakānane;  
Sāyanhe sugato gantvā, pubbabodhiṭṭhitaṃ mahiṃ.
146. Nisinnō tattha appētvā, samādhiṃ vuṭṭhito tato;  
Iti cintesi sambuddho, hitatthaṃ dīpavāsinaṃ.
147. Ādāya dakkhiṇaṃ sākhaṃ, mama nigrodhabodhito;  
Sudhammā bhikkhunī etu, idāni sahabhikkhunī.
148. Tassa taṃ cittamaññāya, sā therī tadanantaraṃ;  
Gahetvā tattha rājānaṃ, upasaṅkamma taṃ taruṃ.

149. Lekhaṃ dakkhiṇasākhāya, dāpetvāna mahiddhikā;  
Manosilāya chinnaṃ taṃ, thitaṃ hemakaṭṭhake.
150. Iddhiyā bodhimādāya, sapañcasatabhikkhunī;  
Idhānetvā mahārāja, devatāparivāritā.
151. Sasuvaṇṇakaṭṭhāhaṃ taṃ, sambuddhena pasārite;  
Thapesi dakkhiṇe hatthe, taṃ gahetvā tathāgato.
152. Patiṭṭhāpetuṃ rañño 'dā, jayantassa satamaṃ tahiṃ;  
Mahāsāgaramuyyāne, patiṭṭhāpesi bhūpati.
153. Tato gantvāna sambuddho, nāgamālakauttare;  
Dhanassa dhammaṃ desesi, nisinno 'sokamālake.
154. Taṃ dhammadesanaṃ sutvā, dhammābhisamayo tahiṃ;  
Ahu pānasahassānaṃ, catunnaṃ manujādhipa.
155. Pubbabuddhanisitaṃ taṃ, thānaṃ gantvā punuttaram;  
Nisinno tattha appetvā, samādhiṃ vuṭṭhito tato.
156. Dhammaṃ desesi sambuddho, parisāya tahiṃ pana;  
Dasapānasahassāni, pattamaggaphalāna'huṃ.
157. Jalasāṭṭhikadhātuṃ so, manassehi namassituṃ;  
Datvā saparivāraṃ taṃ; Thapetvā idha bhikkhunī.
158. Saha bhikkhusahassena, sabbanandiṇca sāvakaṃ;  
Thapetvā nadīto oraṃ, so sudassanamāḷato.
159. Somanasse mālakasmim, janaṃ samanūsāsiya;  
Saṅghena nabhamuggantvā, jambudīpaṃ jino agā.
160. Ahu imasmim kappasmim, catutthaṃ gotamo jino;  
Sabbadhammavidū sathā, sabbalokānukampako.
161. Paṭhamaṃ so idhāgantvā, yakkhaniddhamanaṃ akā;  
Dutiyaṃ punarāgama, nāgānaṃ damanaṃ akā.
162. Kalyāṇiyaṃ maṇiakkhi nāgenā'bhinimantito;  
Tatiyaṃ punarāgama, sasaṅgho tattha bhuñjiya.
163. Pubbabodhiṭṭhitaṭṭhānaṃ, thūpaṭṭhānamidampi ca;  
Paribhogadhātuṭṭhānaṃ, nisajjāyo'pabhuñjiya.
164. Pubbabuddhaṭṭhitaṭṭhānā, oraṃ gantvā mahāmuni;  
Laṃkāḍīpe lokadīpo, manussābhāvato tadā.
165. Dīpaṭṭhaṃ devasaṅghaṇca, nāge samanūsāsiya;  
Sasaṅgho nabhamuggantvā, jambudīpaṃ jino agā.
166. Evaṃ thānamidaṃ rāja, catubuddhanisevitaṃ;  
Tasmim thāne mahārāja, thūpo hessati'nāgate.
167. Buddhasārīradhātūnaṃ, doṇadhātunidhānavā;  
Viśaṃhatthasataṃ ucco, hemamālī'ti vissuto.

168. Ahameva kāressāmi, icchāha puthavissaro;  
Idha aññāni kiccāni, bahūni tava bhūmipa.
169. Tāni kārehi nattāte, kāressati imaṃ pana;  
Mahānāgassa te bhātu, uparājassa atrajo.
170. So yaṭṭhālayatissoti, rājā hessata'nāgate;  
Rājā goṭṭhābhayo nāma, tassa putto bhavissati.
171. Tassa putto kākavaṇṇa-tisso nāma bhavissati;  
Tassa rañño suto rāja, mahārājā bhavissati.
172. Duṭṭhagāmaṇisaddena, pākaṭo'bhayanāmako;  
Kāressati'dha thūpaṃ so, mahā tejjiddivikkamo.
173. Iccāha thero therassa, vacane ne'ttha bhūpati;  
Ussāpesi silāthambhaṃ, taṃ pavattiṃ likhāpiya.
174. Rammaṃ mahāmeghavanaṃ, tissārāmaṃ mahāmahī;  
Mahāmahindathero so, paṭiggayha mahiddhiko.
175. Akampo kampayitvāna, mahiṃ ṭhānesu aṭṭhasu;  
Piṇḍāya pavisitvāna, nagaraṃ sāgarūpamaṃ.
176. Rañño ghare bhattakiccaṃ, katvā nikkhamma mandiraṃ;  
Nisajja nandanavane, aggikkhandhopamaṃ tahiṃ.
177. Suttaṃ janassa desetvā, sahassaṃ mānuse tahiṃ;  
Pāpayitvā maggaphalaṃ, mahāmeghavane vasi.
178. Tatiye divase thero, rājagehamhi bhuñjiya;  
Nisajja nandanavane, desiyā'sivisopamaṃ.
179. Pāpayitvā'bhisamayaṃ, sahassapurise tato;  
Tissārāmaṃ agā thero, rājā ca sutadesano.
180. Theraṃ upanisīditvā, so pucchi jinasāsanam;  
Patiṭṭhitannu bhante'ti, na tāva manujā'dhipa.
181. Uposathādikammatthaṃ, jinā'ṇāya janādhipa;  
Sīmāya idha baddhāya, patiṭṭhissati sāsanaṃ.
182. Iccā'bravi mahāthero, taṃ rājā idamabravi;  
Sambuddhā'ṇāya antohaṃ, vassissāmi jutindhara.
183. Tasmā katvā puraṃ anto-sīmaṃ bandhatha sajjukaṃ;  
Iccā'bravi mahārājā, thero taṃ idhamabravi.
184. Evaṃ sati tuvamyeva, pajāna puthavissara;  
Sīmāya gamanaṭṭhānaṃ, bandhissāma mayaṃ hitaṃ.
185. "Sādhū'ti vatvā bhūmino, devindo viya nandanā;  
Mahāmeghavanārammā, pāvise mandiraṃ sakaṃ.
186. Catutthe divase thero, rañño gehamhi bhuñjiya;  
Nisajja nandanavane, desesa'namanaggiyaṃ.

187. Pāyevā' matapānaṃ so, saḥassapurise taḥiṃ;  
Mahāmeghavanārāmaṃ, mahāthero upāgami.
188. Pāto bheriṃ carāpetvā, maṇḍayitvā puraṃ varam;  
Vihāragāṃimaggāṇca, vihāraṇca samantato.
189. Rathesabho rathaṭṭho so, sabbālaṅkārahūsito;  
Sahāmacco sahorodho, sayoggabalavāhano.
190. Mahatā parivārena, sakārāmaṃupāgami;  
Tattha there upagantvā, vanditvā vandanārahe.
191. Saha therehi gantvāna, nadiyo' paritthakaṃ;  
Tato kasanto agami, hemaṅgalamādiya.
192. Mahāpadumo kuṅjaro ca, ubho nāgā sumaṅgalā;  
Suvaṇṇanaṅgale yuttā, paṭhame kutaṃmāḷake.
193. Caturaṅgamahā seno, saha therehi khattiyo;  
Gahetvā naṅgalaṃ sītaṃ, dassayitvā arindamo.
194. Samalaṅkataṃ puṇṇaghaṭaṃ, nānārāgaṃ dhajaṃ subhaṃ;  
Pātiṃ candanacuṇṇaṇca, soṇṇarajata daṇḍakaṃ.
195. Ādāsaṃ pupphabharitaṃ, samuggaṃ kusumagghiyaṃ;  
Toraṇakadalīchattādiṃ, gahititthi parivārito.
196. Nānāturaṇiya saṅghuṭṭho, balogha parivārito;  
Thutimaṅgalagāṭhehi, pūrayanto catuddisaṃ.
197. Sādhukāra ninādeti, celukkhepasatehi ca;  
Mahatā chaṇapujāya, kasanto bhūmipo agā.
198. Vihāraṇca puraṇceva, kurumāno padakkhiṇaṃ;  
Sīmāya gamaṇāṭhānaṃ, nadiṃ patvā samāpayi.
199. Kenakena nimittena, sīmā ettha gatāti ce;  
Evaṃ sīmāgataṭhānaṃ, icchamānā nibodhatha.
200. Najjāpāsāṇatitthamhi, pāsāṇe kuḍḍavāṭakaṃ;  
Tato kumbalavāṭaṃ taṃ, mahānipaṃ tato agā.
201. Tato kukudhapāḷiṅgo, mahāaṅgaṇago tato;  
Tato khujjamadhulaṇca, maruttapokkharāṇiṃtato.
202. Vijayārāma uyyāne, uttaradvāraḷṭṭha go;  
Gajakumbhaka pāsāṇaṃ, thusavaṭṭhika majjhago.
203. Abhaye balākapāsāṇaṃ, mahāsusāna majjhago;  
Dīghapāsāṇakaṃ gantvā, kammāradeva gāmato.
204. Nigrodha maṅgaṇaṃ gantvā, hiyagallasamīpake;  
Diyāvasabrāhmaṇassa, devokaṃ pubbadakkhiṇaṃ.
205. Tato telumapāḷiṅgo,  
Tato tālacatukkago;

Assamaṇḍalavāmena,  
Dve kadambā ajāyisum.

206. Tato marumbatittaṅgo, tato uddham nidiṃ agā;  
Paṭhama cetiya pācine, dve kadambā ajāyisum.
207. Senindaguttarajjamhi, damiḷā dakasuddhikā;  
Nadiṃ dūranti bandhitvā, nagarāsannamakamsu taṃ.
208. Jīva mānakadambañca, antosīmagataṃ ahu;  
Mataka dambatiṛena, sīmāuddakadambagā.
209. Sīhasinā natitthena, uggantvā tīrato vajaṃ;  
Pāsānatitthaṃ gantvāna, nimittaṃ ghaṭṭayi isi.
210. Nimittetu pane'tasmiṃ, ghaṭṭite devamānusā;  
Sādhukāraṃ pavattesum, sāsaṇaṃ suppatiṭṭhitaṃ.
211. Rañño dinnāya sītāya, nimitte parikittayi;  
Dvattiṃsamāḷakathañca, thūpārāmatthameva ca.
212. Nimitte kittayitvāna, mahāthero mahāmati;  
Sīmantaranimutte ca, kittayitvā yathāvidhiṃ.
213. Abandhī sabbā sīmāyo, tasmiṃyeva dinevasī;  
Mahāmahī akampittha, sīmābandhe samāpīte.
214. Pañcame divase thero, rañño gehamhi bhuñjiya;  
Nisajja nandanavane, suttantaṃ khajjanīyakaṃ.
215. Mahājanassa desetvā, sahaṣsaṃ mānuse tahiṃ;  
Pāyevā amataṃ pānaṃ, mahāmeghavane vasī.
216. Chaṭṭhepi divase thero, rañño gehamhi bhuñjiya;  
Nisajja nandanavane, sutta gomaya piṇḍikaṃ.
217. Desayitvā desanaññū, mahassaṃyeva mānuse;  
Pāpayitvā'bhisamayaṃ, mahā meghavane vasī.
218. Sattamepi dine thero, rājagehamhi bhuñjiya;  
Nisajja nandanavane, dhammacakkappavattanaṃ.
219. Suttantaṃ desayitvāna, sahaṣsaṃyeva mānuse;  
Pāpayitvā'bhisamayaṃ, mahā meghavane vasī.
220. Evañhi aṭṭha navama-sahaṣsāni jutindharo;  
Kārayitvā'bhisamayaṃ, divaseheva sattati.
221. Taṃ mahānandanavanaṃ, vuccate tena tādina;  
Sāsanajotitaṭṭhāna-mīti jotivanaṃ iti.
222. Tissarāmamhi kāresi,  
Rājā therassa ādito;  
Pāsādaṃ sīghamukkāya,  
Sukkhā petvāna mattikā.

223. Pāsādo kāḷakābhāso,  
Āsi so tena taṃ taḥiṃ;  
Kālapāsāda pariveṇa-mīti saṅkhamupāgataṃ.
224. Tato mahābodhigharaṃ, lohapāsāda meva ca;  
Salākaggañca kāresi, bhattasālañca sādhukaṃ.
225. Bahūni pariveṇāni, sādhu pokkharaṇīpi ca;  
Rattiṭhāna divāṭhāna-pabbutīni ca kārayi.
226. Tassa nahānapāpassa, nhānapokkharaṇītaṭe;  
Sunahātapariveṇanti, pariveṇaṃ pavuccati.
227. Tassa caṅkamaṭṭhāne, dīpa dīpassa sādhuṇo;  
Vuccate pariveṇaṃ taṃ, dīghacaṅkamaṇaṃ iti.
228. Aggaphalasaṃpattim, saṃpajja yaḥim tuso;  
Phalagga pariveṇanti, etaṃ tena pavuccati.
229. Apassiya apassenam, thero tattha nisīdiso;  
Therā passaya pariveṇaṃ, etaṃ tena pavuccati.
230. Bahū marugaṇā yattha, upāsimsu upaccataṃ;  
Teneva taṃ marugaṇa-pariveṇanti vuccati.
231. Senāpatitassa rañño, therassa dīghasandako;  
Kāresi cūlapāsādaṃ, mahāthambhehi aṭṭhahi.
232. Dīghasanda senāpati-pariveṇanti taṃ taḥiṃ;  
Vuccate pariveṇaṃ taṃ, pamukhaṃ pamukhākaraṃ.
233. Devānaṃpiyavacano' paguḷanāmo,  
Laṃkāyaṃ paṭhamamimaṃ mahāvihāraṃ;  
Rājā so sumatimahāmahindatheraṃ,  
Āgammā malamatiṃmetthakārayitthāti.

Sujanappasāda saṃvegathāya kate mahāvaṃse

Mahāvihārapaṭiggahako nāma

Pannarasamo paricchedo.

## **Soḷasama pariccheda**

### **Cetiyaṃpabbatavihāra paṭiggahako**

1. Pure caritvā piṇḍāya, karitvā janasaṅgahaṃ;  
Rājagehamhi bhuñjanto, kārento rājasaṅgahaṃ.
2. Chabbasadvase thero, mahāmeghavane vasī;  
Asaḷhasukkapakkhassa, terase dvase pana.
3. Rājagehamhi bhuñjitvā, mahārañño mahāmati;  
Mahā'ppamādasuttantaṃ, desayitvā tato ca so.

4. Vihāra karaṇaṃ icchaṃ, tattha cetiyapabbate;  
Nikkhamma purimadvārā, agā cetiyapabbataṃ.
5. Theraṃ tattha gataṃ sutvā, rathaṃ āruyha bhūpati;  
Deviyo dve ca ādāya, therassānupadaṃ akā.
6. Therā nāgacatukkamhi, nahātvā rahade tahiṃ;  
Pabbatārohaṇatthāya, aṭṭhaṃsu paṭipāṭiyā.
7. Rājā rathā tado'ruyha, sabbe there'bhivādayi;  
Uṇhe kilante kimrāja, āgatosī'ti ahute.
8. Tumhākaṃ gamaṇāsankī, āgatomhī'ti bhāsīte;  
Idheva vassaṃ vasitūṃ, āgatamhā'ti bhāsiya.
9. Tassūpanāyikaṃ thero, khandhakaṃ khandhakovido;  
Kathesi rañño taṃ sutvā, bhāgineyyo ca rājino.
10. Mahāriṭṭho mahāmacco, pañcapanñāsabhātuhi;  
Saddhiṃ jeṭṭhakaniṭṭhehi, rājānamabhito ṭhito.
11. Yācitvā tadahu ceva, pabbajuṃ theasantike;  
Pattārahattaṃ sabbepi, te khuragge mahāmatī.
12. Kantakacetiyaṭṭhāne, parito tadaheva so;  
Kammāni ārabhāpetvā, leṇāni aṭṭhasaṭṭhiyo.
13. Agamāsi puraṃ rājā, therā tattheva te vasuṃ;  
Kāle piṇḍāya nagaraṃ, pavisaṇtā'nukampakā.
14. Niṭṭhite leṇakammamhi, āsaḥhipuṇṇamāsiyaṃ;  
Gantvā adāsi therānaṃ, rājā vihāradakkhiṇaṃ.
15. Dvattiṃsamāḷakānañca, vihārassa ca tassa kho;  
Sīmaṃ sīmātigo thero, bandhitvā tadaheva so.
16. Tesāṃ pabbajjāpekkhānaṃ, akāsi upasampadaṃ;  
Sabbesaṃ sabbapaṭṭhamaṃ, baddhe tumbarumāḷake.
17. Ete dvāsaṭṭhi arahanto, sabbe cetiyapabbate;  
Tattha vassaṃ upagantvā, akaṃsu rājasaṅgahaṃ.
18. Devamanussagaṇaṇitaṃ taṃ,  
Tañca gaṇaṃ guṇavitthatakittiṃ;  
Yānamupacca ca mānaya mānā,  
Puññacayaṃ vipulaṃ akarimṣūti.

Sujanapasādasamvegatthāya kate mahāvamse

Cetiyapabbatavihārapaṭiggahako nāma

Soḷasamo paricchedo.

## Sattarasama pariccheda

### Dhātuāgamano

1. Vutthavasso pavāretvā, kattikapuṇṇamāsiyaṃ;  
Avoce'daṃ mahārājaṃ, mahāthero mahāmatī.
2. Cīradiṭṭho hi sambuddho, satthā no manujādhipa;  
Anāthavāsaṃ avasimha, natthi no pūjīyaṃ idha.
3. “Bhāsīttha nanu bhanteme, sambuddho nibbuto” iti;  
Āha dhātūsu diṭṭhesu, diṭṭho hoti jīno” iti.
4. Vidito vo adhippāyo, thūpassa kāraṇe mayā;  
Kāressāmi ahaṃ thūpaṃ, tumhe jānātha dhātuyo.
5. Mantehi sumanenāti, thero rājānamabravi;  
Rājā'ha sāmaṇeraṃ taṃ, kuto lacchāma dhātuyo.
6. Vibhūsayitvā nagaraṃ, maggañca manujādhipa;  
Uposathī sapariso, hatthiṃ āruya maṅgalaṃ.
7. Setacchattaṃ dhārayanto, tālavacarasamhito;  
Mahānāgavanuyyānaṃ, sāyanhasamaye vāja.
8. Dhātubhedañño rāja, dhātuyo tatha lacchasi;  
Icchāha sāmaṇero so, sumano taṃ sumānaṃ.
9. Thero'tha rājakulato, gantvā cetiyapabbataṃ;  
Āmantiya sāmaṇeraṃ, sumanaṃ sumano gatiṃ.
10. Ehi tvaṃ bhadrā sumana, gantvā pupphapuraṃ varam;  
Ayyakaṃ te mahārājaṃ, evaṃ no vacanaṃ vada.
11. Sahāyo te mahārāja, mahārājā maruppiyo;  
Pasanno buddhasamaye, thūpaṃ kāretumicchati.
12. Munino dhātuyo dehi, pattaṃ bhuttañca satthunā;  
Sarīradhātuyo santi, bahavo hi tavantike.
13. Pattapūrā gahetvā tā, gantvā devapuraṃ varam;  
Sakkaṃ devānamindaṃ taṃ, evaṃ no vacanaṃ vada.
14. Tilokadakkhiṇeyyassa, dāṭhādhatu ca dakkhiṇā;  
Tavantikamhi devinda, dakkhiṇakkhakhadhātu ca.
15. Dāṭhaṃ tvameva pūjehi, akkhakaṃ dehi satthuno;  
Laṃkādiṭṭhassa kiccesu, māpamajja surādhipa.
16. “Evaṃ bhante”ti vatvā so, sāmaṇero mahiddhiko;  
Taṅkhaṇaṃyeva agamā, dhammāsokassa santikaṃ.
17. Sālamūlamhi ṭhapitaṃ, mahābodhiṃ tahiṃ suttaṃ;  
Kattikacchaṇapūjāhi, pūjīyaṃ tañca addasa.
18. Therassa vacanaṃ vatvā, rājato laddhadhātuyo;  
Pattapūraṃ gahetvāna, himavantamupāgami.



19. Himavante ṭhapetvāna, sadhātuṃ pattamuttamaṃ;  
Devindasantikaṃ gantvā, therassa vacanaṃ bhaṇi.
20. Cūḷamaṇi cetiyamhā, gahetvā dakkhiṇakkhakaṃ;  
Sāmaṇerassa pādāsi, sakko devānamissaro.
21. Taṃ dhātuṃ dhātupattaṅca, ādāya sumano tato;  
Āgamma cetiyagiriṃ, therassa' dāsi taṃ yati.
22. Mahānāgavanuyyānaṃ, vuttenā vidhinā' gamā;  
Sāyanhāsamaye rājā, rājasenā purakkhato.
23. Ṭhapesi dhātuyo sabbā, thero tattheva pabbate;  
Missakaṃ pabbataṃ tasmā, āhu cetiya pabbataṃ.
24. Ṭhapetvā dhātupattaṃ taṃ, thero cetiyapabbate;  
Gahetvā akkhakaṃ dhātuṃ, saṅketaṃ sagaṇo' gamā.
25. Sacāyaṃ munino dhātu, chattaṃ namatu me sayam;  
Jaṇṇukehi karīdhātu, dhātucan̄koṭako ayam.
26. Sirasmiṃ me patiṭṭhātu, āgamma saha dhātuko;  
Iti rājā vicintesi, cintitaṃ taṃ tathā ahu.
27. Amatenā' bhisittova, ahu haṭṭho' ti bhūpati;  
Sīsato taṃ gahetvāna, hatthikkhandhe ṭhapesitaṃ.
28. Haṭṭho hattī kuṅcanādaṃ, akā kampaṭṭha medinī;  
Tato nāgo nivattivā, sathera balavāhano.
29. Puratthimena dvārena, pavisitvā puraṃ subhaṃ;  
Dakkhiṇena ca dvārena, nikkhamitvā tato puna.
30. Thūpārāme cetiyassa, ṭhānato pacchato kataṃ;  
Pamojavatthum gantvāna, bodhiṭṭhāne nivattiya.
31. Puratthāvadano aṭṭhā, thūpaṭṭhānaṃ tadā hitaṃ;  
Kadambapupphaādāri-vallīhi citakaṃ ahu.
32. Manussadevo devehi, taṃ ṭhānaṃ rakkhitaṃ sucim;  
Sodhāpetvā bhūsayitvā, taṅkhaṇaṃyeva sādhuakaṃ.
33. Dhātuṃ oropanatthāya, ārabhī hatthikkhandhato;  
Nāgo na icchitaṃ rājā, theram pucchittha taṃ manaṃ.
34. Attano khandhasamake, ṭhāne ṭhapanamicchati;  
Dhātuoropanaṃ tena, na iṭṭhamī' ti so bravi.
35. Āṇāpetvā khaṇaṃyeva,  
Sukkhāto' bhayavāpito;  
Sukkhakaddama khaṇḍehi,  
Citā petvāna taṃ samaṃ.
36. Alaṅkaritvāna bahudhā, rājā taṃ ṭhānamuttamaṃ;  
Oropetvā hatthikkhandhā, dhātuṃ tattha ṭhapesitaṃ.

37. Dhātārakkhaṃ saṃvidhāya, ṭhapetvā tattha hatthinam;  
Dhātuthūpassa karaṇe, rājā turitamānaso.
38. Bahū manusse yojetvā, itthikākarāṇe lahuṃ;  
Dhātukiccaṃ vicintento, sāmacco pāvisī puram.
39. Mahāmahindatthero tu, mahā meghavanaṃ subham;  
Sagaṇo abhigantvāna, tattha vāsamakappayi.
40. Rattiṃ nāgo'nupariyāti, taṃ ṭhānaṃ so sadhātu kaṃ;  
Bodhiṭhānamhi sālāya, divāṭhāti sadhātuko.
41. Vatthussa tasso'parito, thūpaṃ theramatānu go;  
Jaṅghamattaṃ citāpetvā, katipāhena bhūpati.
42. Tattha dhātupatiṭṭhānaṃ, ghoṣāpetvā upāgami;  
Tato tato samanto ca, samāgami mahājano.
43. Tasmim samāgame dhātu, hatthikkhandhā nagāggatā;  
Sattatālapamāṇamhi, dissanti nabhasiṭṭhitā.
44. Vimhāpayanti janataṃ, yamakaṃ pāṭihāriyaṃ;  
Kaṇṇambamūle buddho'va, akari lomahaṃsanaṃ.
45. Tato nikkhantajālāhi, jaladhārāhi cā'sakiṃ;  
Ayaṃ obhāsītā'sittā, sabbālaṃkāmahī mahu.
46. Parinibbānamañcamhi, nipannena jinena hi;  
Kataṃ mahāadhiṭṭhāna-pañcakaṃ pañcacakkhunā.
47. Gayhamānā mahābodhi sākḥāsokena dakkhiṇā;  
Chijjivāna sayamyeva, patiṭṭhātu kaṭāhake.
48. Patiṭṭhahitvā sā sākḥā, chabbaṇṇarasmiyo subhā;  
Rañjayantī disā sabbā, phalapattehi muccatu.
49. Sasuvaṇṇakaṭāhā sā, uggantvāna manoramā;  
Adissamānā sattāhaṃ, himagabbhamhi tiṭṭhatu.
50. Thūpārāme patiṭṭhantaṃ, mama dakkhiṇaakkhakaṃ;  
Karotu nabhamuggantvā, yamayaṃ pāṭihāriyaṃ.
51. Laṅkā laṅkārabhūtamhi, hemamālikacetiye;  
Patiṭṭhahantiyo dhātu, doṇamattā pamāṇato.
52. Buddhavesadharā hutvā, uggantvā nabhasiṭṭhitā;  
Patiṭṭhaṃ tu karitvāna, yamakaṃ pāṭihāriyaṃ.
53. Adhiṭṭhānāni pañce'va, adhiṭṭhāsi tathāgato;  
Akāsi tasmā sā dhātu, tadā taṃ pāṭihāriyaṃ.
54. Ākāsa otarivā sā, aṭṭhābhūpassa muddhani;  
Atīvahaṭṭho taṃ rājā, patiṭṭhāpesi cetiye.
55. Patiṭṭhitāya tassā ca, dhātuyā cetiye tadā;  
Ahu mahābhūmicālo, abbhuto lomahaṃsano.

56. Evaṃ acintiyā buddhā, buddhadhammā acintiyā;  
Acintiye pasannānaṃ, vipāko hoti acintiyō.
57. Taṃ pāṭihāriyaṃ disvā, pasīdimṣu jane janā;  
Mattābhayo rājaputto, kaniṭṭho rājino pana.
58. Munissare pasīditvā, yācitvāna narissaraṃ;  
Purisānaṃ sahasseṇa, saha pabbajisāsane.
59. Cetārigāmato cāpi, dvāramaṇḍalatopi ca;  
Vihārabhājato cāpi, tathā gallakapiṭṭhito.
60. Tatho'patissagāmā ca, pañca pañca satāni ca;  
Pabbajum dārakā haṭṭhā, jātasaddhā tathāgate.
61. Evaṃ purā bāhirā ca, sabbe pabbajitā tadā;  
Tiṃsa bhikkhusahassāni, ahesum jīnasāsane.
62. Thūpārāme thūpavaraṃ, niṭṭhāpetvā mahīpati;  
Ratanādīhi'nekehi, sadā pūjamakārayi.
63. Rājorodhā khattiyā ca, amaccā nāgarā tathā;  
Sabbe janapadā ceva, puṇṇā'kaṃsu visum visum.
64. Thūpapubbaṅgamaṃ rājā, vihāraṃ tattha kārayi;  
Thūpārāmoti tene'sa, vihāro vissuto ahu.
65. Sakadhātusarīrakena ce'vaṃ,  
Parinibbānagatopi lokanātho;  
Janakāyahitaṃ sukhañca sammā,  
Bahudhā'kāsi ṭṭhite jine kathāvakaṭi.

Sujanappasādasamaṃvegatthāya kate mahāvamse

Dhātuagamano nāma

Sattarasamo paricchedo.

## **Aṭṭhārasama pariccheda**

### **Mahābodhiggahaṇo**

1. Mahābodhiñca therīñca, āṇāpetum mahīpati;  
Therena vuttavacanaṃ, saramāno sake ghare.
2. Antovasse'ka divasaṃ, nisinno therasantike;  
Sahā'maccehi mantetvā, bhāgineyyaṃ sayam sakaṃ.
3. Ariṭṭhanāmakā'maccaṃ, tasmiṃ kamme niyojituṃ;  
Mantvā āmantayitvāna, idaṃ vacanamabravi.
4. Tā sakkhissasi..., dhammāsokassa santikā;  
Mahābodhiṃ saṅghamittaṃ, therīṃ ānayitum idha.
5. Sakkhissāmi ahaṃ deva, ānetum taṃ duve tato;

Idhā'gato pabbajitum, sace lacchāmi mānada.

6. Evaṃ hotūti vatvāna, rājā taṃ tattha pesayi;  
So therassa ca rañño ca, sāsanaṃ gayha vandiya.
7. Assayujasukkapakkhe, nikkhanto dutiye'hani;  
Sānuyutto jambukole, nāvamāruyha paṭṭane.
8. Mahodamiṃ karitvāna, therādhiṭṭhānayogato;  
Nikkhantadivaseyeva, rammaṃ pupphapuraṃ agā.
9. Tadā tu anulādevī, pañcakaññāsatehi ca;  
Antepurikaithīnaṃ, saddhiṃ pañcasatehi ca.
10. Dasasīlaṃ samādāya, kāsāya vasanā suci;  
Pabbajjāpekkhi nisekhā, pekkhanti theriyā'gamaṃ.
11. Nagarasse'kadesamhi, ramme bhikkhunupassaye;  
Kārāpīte narindena, vāsaṃ kappesi subbatā.
12. Upāsikāhi tāhe'sa, vutto bhikkhunupassayo;  
Upāsikā vihāroti, tena laṃkāya vissuto.
13. Bhāgineyyo mahā'riṭṭho, dhammāsokassa rājino;  
Appetvā rājasandesam, therasandesa'mabravi.
14. Bhātujayā sahāyassa, rañño te rājakuñjara;  
Ākañkhamānā pabbajjaṃ, niccaṃ vasati saññatā.
15. Saṅghamittaṃ bhikkhuniṃ taṃ, pabbājetum visajjaya;  
Tāya saddhiṃ mahābodhi-dakkaṇṇasākhameva ca.
16. Theriyā ca tamevatthaṃ, abravi therabhāsitaṃ;  
Gantvā pitusamīpaṃ sā, therī theramataṃ bravī.
17. Āha rājā tuvaṃ amma, apassanto kathaṃ ahaṃ;  
Sokaṃ vinodayissāmi, puttanaṭṭaviyogajaṃ.
18. Āha sā me mahārāja, bhātuno vacanaṃ garu;  
Pabbājanīyā ca bahū, gantabbaṃ tattha tena me.
19. “Sathaghātamanārahā, mahābodhimahīruhā;  
Kathannu sākhaṃ gaṇissaṃ”, iti rājā vicintayī.
20. Amaccassa mahādeva-nāmakassa matena so;  
Bhikkhusaṅghaṃ nimantetvā, bhojetvā pucchi bhūpatiṃ.
21. Bhante laṃkaṃ mahābodhi, pesetabbā nu kho iti;  
Thero moggaliputto so, pesetabbāti bhāsiya.
22. Kataṃ mahādhiṭṭhāna-pañcakaṃ pañcacakkhunā;  
Ābhāsi rañño taṃ sutvā, tussitvā dharaṇīpati.
23. Sattayojanikaṃ maggaṃ, so mahābodhigāminaṃ;  
Sodhāpetvāna sakkaccaṃ, bhūsāpeti anekadhā.

24. Suvaṇṇaṃ nīharāpesi, kaṭāhakarāṇāya ca;  
Vissakammo ca āgantvā, satulādhārarūpavā.
25. “Kaṭāhaṃ kiṃ pamāṇaṃ nu, karomī’ ti apucchitaṃ;  
“Ñatvā pamāṇaṃ tvaṃyeva, karohi” iti bhāsiya.
26. Suvaṇṇā gahetvāna, hatthena parimajjiya;  
Kaṭāhaṃ taṅkhaṇaṃyeva, nimminivāna pakkami.
27. Navahatthaparikkhepaṃ, pañcahatthaṃ gabhīrato;  
Tihatthavikkhambhayutaṃ, aṭṭhaṅgulaghanam subhaṃ.
28. Yuvassa hatthino soṇḍa-pamāṇamukhavaṭṭikaṃ;  
Gāhā petvāna taṃ rājā, bālasurasamappaṃ.
29. Sattayojanaḍīghāya, vitthatāyati yojanaṃ;  
Senāya caturaṅginyā, mahābhikkhugaṇena ca.
30. Upagamma mahābodhiṃ, nānālaṅkārabhūsitam;  
Nānāratanaḍittaṃ taṃ, vividdhaddhajaṃmaliniṃ.
31. Nānākusumasamkiṇṇaṃ, nānāturiyaghositam;  
Senāya parivāretvā, parikkhipiya sāṇiyā.
32. Mahātherasahassena, pamukhena mahāgaṇe;  
Raññaṃ pattābhisekānaṃ, sahasseṇā’ dhikena ca.
33. Attānaṃ parivāretvā, mahābodhiṅca sādhuṃ;  
Olokesi mahābodhiṃ, paggahetvāna añjaliṃ.
34. Tassā dakkhiṇasākhāya, catuhatthapamāṇakaṃ;  
Ṭhānaṃ khandhaṅca vajjetvā, sākhā antaradhāyisuṃ.
35. Taṃ pāṭihāriyaṃ disvā, paṭīto puthavīpati;  
“Pūjema’haṃ mahābodhiṃ, rajjēnā’hi udīriya.
36. Abhisiṅci mahābodhiṃ, mahārajje mahīpati;  
Pupphādīhi mahābodhiṃ, pūjetvāna padakkhiṇaṃ.
37. Katvā aṭṭhasu ṭhānesu, vanditvāna katañjalī;  
Suvaṇṇakhacite pīṭhe, nānāratanaṃḍite.
38. Svārohe yāva sāucce, taṃ suvaṇṇakaṭāhakaṃ;  
Ṭhapāpetvāna āruya, gahetuṃ sākhamuttamaṃ.
39. Ādiyitvāna sovaṇṇa tulikāya manosilaṃ;  
Lekhaṃ datvāna sākhāya, saccakriyamakā iti.
40. “Laṃkāḍīpaṃ yadi ito, gantabbaṃ urubodhiyā;  
Nibbematiko buddhassa, sāsanamhi sace ahaṃ.
41. Sayameva mahābodhi-sākhāyaṃ dakkhiṇā subhā;  
Chijjivāna patiṭṭhātu, idha hemakaṭāhake.
42. Lekhaṭhāne mahābodhi, chijjivā sayameva sā;  
Gandhakaddamapūrassa, kaṭāhasso’ pariṭṭhitā.

43. Mūlalekhāya upari, tiyaṅgulatiyaṅgule;  
Dadaṃ manosilā lekhā, parikkhipi narissaro.
44. Ādiyā thūlamūlāni, khuddakāni'tarāhi tu;  
Nikkhamitvā dasa dasa, jālībhūtā niotaruṃ.
45. Taṃ pāṭihāriyaṃ disvā, rājā'tīva pamodito;  
Tatthevā'kāsi ukkuṭṭhiṃ, samantā parisāpi ca.
46. Bhikkhusaṅgho sādhu-kāraṃ, tuṭṭhacitto pamodayi;  
Celukkhepasahassāni, pavattiṃsu samantato.
47. Evaṃ satena mūlānaṃ, tattha sā gandhakaddame;  
Patiṭṭhāsi mahābodhi, pasādentī mahājanaṃ.
48. Tassā khandho dasahattho, pañcasākhā manoramā;  
Catuhatthā catuhatthā, dasaḍḍhaphalamaṇḍitā.
49. Sahassantu pasākhānaṃ, sākhānaṃ tāsamāsi ca;  
Evaṃ āsi mahābodhi, manoharasiridharā.
50. Kaṭāhamhi mahābodhi-patiṭṭhitakkaṇe mahī;  
Akampī pāṭihīrāni, ahesuṃ vividhāni ca.
51. Sayāṃ nādehi tūriyānaṃ, devesu mānusesu ca;  
Sādhu-kāraninādeti, devabrahmagāṇassa ca.
52. Meghānaṃ migapakkhinaṃ, yakkhādīnaṃ ravehi ca;  
Ravehicamahīkampe, ekakolāhalaṃ ahu.
53. Bodhiyā phalapattehi, chabbaṇṇarasmiyo subhā;  
Nikkhamitvā cakkavāḷaṃ, sakalā sobhayiṃsu ca.
54. Sakaṭāhā mahābodhi, uggantvāna tato nabhaṃ;  
Aṭṭhāsi himagabbhamhi, sattāhāni adassanā.
55. Rājā oruyha pīṭhamhā, taṃ sattāhaṃ tahiṃ vasaṃ;  
Niccaṃ mahābodhipūjaṃ, akāsi ca anekadhā.
56. Atīte tamhi sattāhe, sabbe himavalāvakā;  
Pavisīṃsu mahābodhiṃ, sabbākā raṃsiyopi ca.
57. Suddhenakadisissittha, sākaṭāhe pattiṭṭhitā;  
Mahājanassa sabbassa, mahābodhi manoramā.
58. Pavattamhi mahābodhi, vividhe pāṭihāriye;  
Vimhāpayanti janataṃ, pathavītalamoruhī.
59. Pāṭihirehi'nekehi, tehi so pīṇito puna;  
Mahārājā mahābodhiṃ, mahārajjena pūjayi.
60. Mahābodhiṃ mahārajje-nābhisiñciya pūjayaṃ;  
Nānāpūjāhi sattāhaṃ, puna tattheva so vasi.
61. Assayujasukkapakkhe, pannarasauposathe;  
Aggaheśi mahābodhiṃ, dvisattāhamaccaye tato.

62. Assayujakāḷapakke, catuddasauposathe;  
Rathe subhe ṭhapetvāna, mahābodhiṃ rathesabho.
63. Pūjento taṃ dinaṃyeva, upanetvā sakam puram;  
Alaṅkaritvā bahudhā, kāretvā maṅḍapaṃ subham.
64. Kattikasukkapakkhassa, dine pāṭipade tahiṃ;  
Mahābodhiṃ mahāsāla-mūle pācinate subhe.
65. Ṭhapāpetvāna kāresi, pūjā'nekā dine dine;  
Gāhato sattarasame, vivase tu navaṅkirā.
66. Sakim yevaajāyimsu, tassā'nekanarādhipo;  
Tuṭṭhacitto mahābodhiṃ, puna rajjena pūjayi.
67. Mahārajje'bhi siñcivā, mahābodhiṃ mahissaro;  
Kāresi ca mahābodhi-pūjā nānappakāraṃ.
68. Iti kusumapure saresaramsā,  
Bahavidhacārudhajākulāvisālā;  
Surucirapavaroru bodhipūjā,  
Marunacittavikāsinī ahoṣīti.

Sujanappasādasamvegatthāya kate mahāvamse

Mahābodhiggahaṇo nāma

Aṭṭhārasamo paricchedo.

## Ekūnavīsatima pariccheda

### Bodhi āgamano

1. Mahābodhirakkhaṇattham, aṭṭhārasa rathe sabho;  
Devakulāni datvāna, aṭṭhāmaccā kulāni ca.
2. Aṭṭha brāhmaṇakulāni, aṭṭha vassakulāni ca;  
Gopakānaṃ taracchānaṃ, kuliṅgānaṃ kulāni ca.
3. Tatheva pesakārānaṃ, kumbhakārānameva ca;  
Sabbe sañcāpi senīnaṃ, nāgayakkhānameva ca.
4. Hemasajjughaṭṭeṭeva, datvā aṭṭhaṭṭha mānado;  
Āropetvā mahābodhiṃ, nāvaṃ gaṅgāya bhūsitam.
5. Saṅghamitta mahātherī, sahe kadasa bhikkhuniṃ;  
Tathevā'ropayitvāna, ariṭṭhapamukhepi ca.
6. Nagarā nikkhamitvāna, viñjāṭavimaticcaso;  
Tāmalitthiṃ anupatto, sattāhena'va bhūpati.
7. Accuḷā rāhi pūjayi, devānāgānarāpi ca;  
Mahābodhiṃ pūjayantā, sattāhena'vupāgamum.
8. Mahāsamuddatīramhi, mahābodhiṃ mahīpati;

- Ṭhapāpetvāna pūjesi, mahārajjena so puna.
9. Mahābodhiṃ mahārajje, abhisiñcīyakāmodo;  
Aggasira sukkaṭṭhakkhe, dine pāṭipade tato.
  10. Uccāretuṃ mahābodhiṃ, tehiyeva'ṭṭha aṭṭhahi;  
Sālamūlamhi dinnehi, dhātuggatakulehi so.
  11. Ukkhipitvā mahābodhiṃ, galamattaṃ jalaṃ tahiṃ;  
Ogāhetvā sanāvāya, patiṭṭhāpayi sādhukaṃ.
  12. Nāvaṃ āropayitvā taṃ, mahātheriṃ satherikaṃ;  
Mahāriṭṭhaṃ mahāmaccaṃ, idaṃ vacanamabravi.
  13. “Ahaṃ rajjena tikkhattuṃ, mahābodhimapūjayiṃ;  
Eva mevā'bhi pūjetu, rājā rajjena me sakhā”.
  14. Idaṃ vatvā mahārājā, tīre pañjaliko ṭhito;  
Gacchamānaṃ mahābodhiṃ, passaṃ assūnivattayi.
  15. Mahābodhi viyogena,  
Dhammā soko sasokavā;  
Kannitvā paridevitvā,  
Agamāsi sakaṃ puraṃ.
  16. Mahābodhi samāruḥhā, nāvāpakkhandhī toyadhiṃ;  
Samantā yojane vicī, sannisīdi mahaṇṇave.
  17. Puppahiṃsu pañcavaṇṇāni, padumāni samantato;  
Antalikkhe pavajjiṃsu, aneka tūriyāni ca.
  18. Devatāhi anekāhi, pūjā'nekā pavattitā;  
Gahetuñca mahābodhi, nāgā'kāsuaṃ vikubbaṃ.
  19. Saṅghamittā mahātheri, abhiññābalapāragā;  
Supaṇṇarūpā hutvāna, te tāsasi mahorage.
  20. Te tāsitā mahātheriṃ, yācitvāna mahoragā;  
Nayitvāna mahābemaḍhiṃ, bhujāṅgabhavanaṃ tato.
  21. Sattāhaṃ nāgarajjena, pūjāhi vividhāhi ca;  
Pūjayitvāna ānetvā, nāvāyaṃ ṭhapayīṃsu te.
  22. Tadaheva mahābodhi, jambukolamidhagamā;  
Devānaṃpiyatisso tu, rājā lokahite rato.
  23. Sumanā sāmaṇeramhā, pubbe sutatadāgamo;  
Maggasirādidinagho, pabhuti vacasādarō.
  24. Uttaradvārato yāva, jambukolaṃ mahāpathaṃ;  
Vibhūsayitvā sakalaṃ, mahābodhigatāsayo.
  25. Samuddāsanāsālāya, ṭhāne ṭhatvā mahaṇṇave;  
Āgacchantaṃ mahābodhiṃ, mahātheriddhiyā'ddasa.



26. Tasmimṭhāne katā sālā, pakā setuṃ tamabbhutaṃ;  
Samuddāsanāsālāti, nāmenā'si'dha pākaṭā.
27. Mahātherānubhāvena, saddhiṃ therehi tehi ca;  
Tadaheva'gamā rājā, jambukolaṃ sa senako.
28. Mahābodhā gamepīti-vegenu'nno udānayaṃ;  
Galappamāṇaṃ salilaṃ, vigāhetvā suviggaho.
29. Mahābodhiṃ soḷasahi, kulehi saha muddhanā;  
Ādāyo'ropayitvāna, velāyaṃ maṇḍape subhe.
30. Ṭhapayitvāna laṃkindo, laṃkārajjena pūjayi;  
Soḷasannaṃ samappetvā, kulānaṃ rajjamattano.
31. Sayam dovārikaṭhāne, ṭhatvāna divase tayo;  
Tattheva pūjaṃ kāresi, vividhaṃ manujādhipo.
32. Mahābodhiṃ dasamiyaṃ, āropetvā rathesubhe;  
Ānayaṃto manussindo, dumindaṃ taṃ ṭhapāpayi.
33. Pācinassa vihārassa, ṭhāne ṭhānavicakkhaṇo;  
Pātarāsaṃ pavattesi, sasaṅghassa janassa so.
34. Mahāmahindathere'ttha, kataṃ dasabalena taṃ;  
Kathesi nāgadamaṃ, rañño tassa asesato.
35. Therassa sutvā kāretvā, saññāṇāni tahiṃ tahiṃ;  
Paribhuttetu ṭhānesu, nisajjādīhi satthunā.
36. Tivakkassa brāhmaṇassa, gāmadvāre ca bhūpati;  
Ṭhapāpetvā mahābodhiṃ, ṭhānesu tesu tesu ca.
37. Suddhavāluka santhāre, nānāpupphasamākule;  
Paggahitadhaje magge, pupphagghikavibhūsite.
38. Mahābodhiṃ pūjayanto, rattindiva matandito;  
Ānāyitvā cuddasiyaṃ, anurādha purantikaṃ.
39. Vaḍḍhamānakacchāyāya, puraṃ sādhu vibhūsitam;  
Uttarena ca dvārena, pūjayanto pavesiya.
40. Dakkhiṇena ca dvārena, nikkhamitvā pavesiya;  
Mahā meghavanārāmaṃ, catubuddhanisevitaṃ.
41. Sumanasseva vacasā, padesaṃ sādhusaṅkhatam;  
Pubbabodhiṭhitaṭṭhānaṃ, upanetvā manoramaṃ.
42. Kulehi so soḷasahi, rājā laṅkāradhārihi;  
Oropetvā mahābodhiṃ, patiṭṭhā petu mossajji.
43. Hatthato muttamattasā, asītirataṃ nabham;  
Uggantvāna ṭhitā muñci, chabbaṇṇā rasmiyo subhā.
44. Dīpe patthariyā'hacca, brahmalokaṃ ṭhitā ahu;  
Sūriyatthaṅgamanāyāva, rasmiyo tā manoramā.

45. Purisā dasasahassāni, pasannā pāṭihāriye;  
Vipassitvānā'rahatthaṃ, patvāna idha pabbajum.
46. Orohitvā mahābodhi, sūriyatthaṅgame tato;  
Rohiṇiyā patiṭṭhāsi, mahiyaṃ kampi medinī.
47. Mūlāni tāni uggantvā, kaṭāhamukhavatṭito;  
Vinandhantā kaṭāhaṃ taṃ, otariṃsu mahītaṃ.
48. Patiṭṭhitaṃ mahābodhiṃ, janā sabbe samagatā;  
Gandhamālādi pūjāhi, pūjayiṃsu samantato.
49. Mahāmegho pavassittha, himagabbhā samantato;  
Mahābodhiṃ chādayiṃsu, sītalāni ghanāni ca.
50. Sattāhāni mahābodhiṃ, tahiṃyeva adassanā;  
Himagabbhe sannisīdi, pasādajananī jane.
51. Sattāhā tikkame meghā, sabbe apagamiṃsu te;  
Mahābodhi ca dissittha, chabbaṇṇā raṃsiyopi ca.
52. Mahāmahindattheroca, saṅghamittā ca bhikkhunī;  
Tathā'gañchuṃsapisā, rājā sapisopi ca.
53. Khattiyā kājaraggāme, candanaggāma khattiyā;  
Tivakka brāhmaṇo ceva, dīpavāsī janāpi ca.
54. Devānubhāvenā'gañchuṃ, mahābodhi mahussukkā;  
Mahāsamāgame tasmim, pāṭihāriyavimhite.
55. Pakkaṃ pācinasākhāya, pekkhataṃ pakka'makkhataṃ;  
Thero patantamādāya, ropetuṃ rājino adā.
56. Paṃsūnaṃ gandhamissānaṃ, puṇṇe soṇṇa kaṭāhake;  
Mahāsanassa ṭhāne taṃ, ṭhapitaṃ ropa'yissaro.
57. Pekkhataṃyeva sabbesaṃ, uggantvā aṭṭha aṅkurā;  
Jāyiṃsu bodhitaruṇā, aṭṭhaṃsu catuhatthakā.
58. Rājā te bodhitaruṇe, disvā vimhitamānaso;  
Setacchattena pūjesi, abhisekamadāsi ca.
59. Patiṭṭhāpesi aṭṭhannaṃ, jambukolaṃhi paṭṭane;  
Mahābodhi ṭhita ṭhāne, nāvāyo rohane tadā.
60. Tivakkabrāhmaṇagāme, thūpārāme tatheva ca;  
Issarasamaṇārāme, paṭhame cetiyaṅgaṇe.
61. Cetiya pabbatā rāme, tathā kājaragāmake;  
Candanagāmake cāti, ekekaṃ bodhilaṭṭhikaṃ.
62. Sesā catupakkajātā, dvattiṃsa bodhilaṭṭhiyo;  
Samantā yojanaṭhāne, vihāresu tahiṃ tahiṃ.
63. Dīpāvāsī janasseva, hitatthāya patiṭṭhite;  
Mahābodhi dumindamhi, sammāsambuddha tejasā.

64. Anulāsāsa parisā, saṅghamittāya theriyā;  
Santike pabbajitvāna, arahattamapāpuṇi.
65. Aritṭho so pañcasata-parivāro ca khattiyo;  
Therantike pabbajitvā, arahattamapāpuṇi.
66. Yāni seṭṭhikulāna'tṭha-mahābodhimidhāharuṃ;  
Bodhāharakulānīti, tāni tena pavuccare.
67. Upāsikā vihāroti, nāte bhikkhunupassaye;  
Sasaṅghā saṅghamittā sā, mahātherī tahiṃ vasi.
68. Agārattayapāmokkhe, agāre tattha kārayi;  
Dvādasa tesu ekasmim, mahāgāre ṭhapāpayi.
69. Mahābodhisametāya, nāvāya kūpayatṭhikaṃ;  
Ekasmim piya mekasmim, arittam tehi teviduṃ.
70. Jāte aññanikāyepi, agārā dvādasāpi te;  
Hatthāḷaka bhikkhunīhi, vaḷañjayiṃsu sabbadā.
71. Rañño maṅgalaḥatthi so, vicaranto yathāsukhaṃ;  
Purassa ekapassamhi, kandarantamhi sītale.
72. Kadambapupphagumbante, aṭṭhāsi gocaraṃ caraṃ;  
Hatthim tattharataṃ ṇatvā, akaṃsu tattha āḷhakaṃ.
73. Atheka divasaṃ hatthī, nagaṇhi kabaḷāni so;  
Dīpappasādakaṃ theram, rājā so pucchitaṃ mataṃ.
74. Kadambapupphagumbasmim, thūpassa karaṇaṃ karī;  
Icchatīti mahāthero, mahārājassa abravi.
75. Sadhātukaṃ tattha thūpaṃ, thūpassa gharameva ca;  
Khippaṃ rājā akāresi, niccaṃ janahiterato.
76. Saṅghamittā mahātherī, suññāgārābhilāsini;  
Ākiṇṇattā vihārassa, vussamānassa tassa sā.
77. Vuddhatthinī sāsanassa, bhikkhunīnaṃ hitāya ca;  
Bhikkhunupassayaṃ aññaṃ, icchamānā vicakkhaṇā.
78. Gantvā cetiyagehaṃ taṃ, pavivekasukhaṃ bhusaṃ;  
Divāvihāraṃ kappesi, vihārakusalā'malā.
79. Theriyā vandanatthāya, rājā bhikkhunupassayaṃ;  
Gantvā tattha gataṃ sutvā, gantvāna tattha vandiya.
80. Sammoditvā tāya saddhim, tattāgamanakāraṇaṃ;  
Tassā ṇatvā adhippāyaṃ, adhippāya vidū vidū.
81. Samantā thūpagehassa, rammaṃ bhikkhunupassayaṃ;  
Devānaṃpiyatisso so, mahārājā akārayi.
82. Hatthāḷhakaṃ samīpamhi, kato bhikkhunupassayo;  
Hatthāḷhakaṃ vihāroti, vissuto āsi tena so.

83. Sumittā saṅghamittā sā, mahātherī mahāmatī;  
Tasmiñhi vāsaṃ kappesi, ramme bhikkhunupassaye.
84. Evaṃ laṃkā lokahitaṃ sāsanaṃvuddhiṃ;  
Saṃsodhento esa mahābodhi dumindo;  
Laṃkādiṃpe ramme mahāmeghavanasmim,  
Aṭṭhā sīghaṃ kālamanekabbhūtayuttoti.

Sujanappasādasamvegatthāya kate mahāvaṃse

Bodhiāgamano nāma

Ekūnavīsatiṃ paricchedo.

## Vīsatiṃ pariccheda

### Theraparinibbānaṃ

1. Aṭṭhārasamhi vassamhi, dhammāsokassa rājino;  
Mahāmeghavanārāme, mahābodhi patiṭṭhati.
2. Tato dvādasame vasse, mahesī tassa rājino;  
Piyā asandhīmittā sā, matā sambuddhamāmakā.
3. Tato catutthe vassamhi, dhammāsoko mahīpati;  
Tissarakkha mahesitte, ṭhapesi visamāsayaṃ.
4. Tato tu tatiye vasse, sābālā rūpamānini;  
“Mayāpi ca ayaṃ rājā, mahābodhiṃ ma māyati”.
5. Iti kodhavasam gantvā, attano’ nattha kārikā;  
Maṇḍukaṇṭakayogena, mahābodhi maghā tayi.
6. Tato ca tutthevassamhi, dhammā soko mahāyaso;  
Anicca tāva saṃpatto, sattatiṃsasamā ime.
7. Devānaṃ piyatisso tu, rājā dhammaguṇe rato;  
Mahāvihāre navakammaṃ, tathā cetiyapabbate.
8. Thūpārāme navakammaṃ, niṭṭhāpetvā yathārahaṃ;  
Dīpappasādakaṃ theram, pucchi pucchitakovidam.
9. Kārāpessamahaṃ bhante, vihāresu bahū idha;  
Patiṭṭhāpetuṃ thūpesu, kathaṃ lacchāma dhātuyo.
10. Sambuddhapattaṃ pūretvā, sumanenā’ haṭṭā idha;  
Cetiyapabbate rāja, ṭhapitā atthi dhātuyo.
11. Hatthikkhandhe ṭhapetvā tā, dhātuyo idha āhara;  
Iti vutto satherena, tathā āhari dhātuyo.
12. Vihāre kārayitvāna, ṭhāne yojanayojane;  
Dhātuyo tattha thūpesu, nidhāpesi yathārahaṃ.
13. Sambuddhabhuttapattaṃ tu, rājavatthughare subhe;

Ṭhapyitvāna pūjesi, nānāpūjāhi sabbadā.

14. Pañcasatehi'ssareti, mahātherassa santike;  
Pabbajjivasitaṭhāne, issarasamaṇako ahu.
15. Pañcasatehi vassehi, mahātherassa santike;  
Pabbajjivasitaṭhāne, tathā vassagiri ahu.
16. Yā yā mahāmahindena, therena vasitā guhā;  
Sapabbatavihāresu, sā mahindaguhā ahu.
17. Mahāvihāraṃ paṭhamam, dutiyam cetiyavhayam;  
Thūpārāmaṃ tu tatiyam, thūpapubbaṅgamaṃ subham.
18. Catuttham tu mahābodhi-paṭiṭṭhāpanameva ca;  
Thūpaṭhāniyabhūtassa, pañcamaṃ pana sādhuṃ.
19. Mahācetiyaṭhānamhi, silāthūpassa cārūno;  
Sambuddhagīvādhātussa, paṭiṭṭhāpanameva ca.
20. Issarasamaṇam chaṭṭham, tissavāpintusattamaṃ;  
Aṭṭhamam paṭhamam thūpaṃ, navamaṃ vassagirivhayam.
21. Upāsikāvhayam rammaṃ, tathā hatthāḷhakavhayam;  
Bhikkhunupassake dve'me, bhikkhunī phāsukāraṇā.
22. Hatthāḷhake osarivā, bhikkhunīnam upassaye;  
Gantvāna bhikkhusaṅghena, bhattaggahaṇakāraṇā.
23. Hattasālam sūpahāram, mahāpāḷikanāmakam;  
Sabbupakaraṇūpetam, sampattaparicārikam.
24. Tathā bhikkhusahassassa, sapaṛikkhāramuttamaṃ;  
Pavāraṇāya dānaṇca, anuvassakameva ca.
25. Nāgadīpe jambukola-vihāram ta mhipaṭṭane;  
Tissamahāvihāraṇca, pācīnārāma meva ca.
26. Iti etāni kammāni, laṃkājanahitatthiko;  
Devānaṃpiyatisso so, laṃkindo puñṇapañṇavā.
27. Paṭhameyeva vassamhi, kārāpesi guṇappiyo;  
Yāva jīvantunekāni, puñṇakammāni ācīni.
28. Ayam dīpo ahu ṭhito, vijite tassa rājino;  
Vassāni cattālīsam so, rājā rajjamakārayi.
29. Tassa'cca ye tam kaniṭṭho, uttiyo iti vissuto;  
Rājaputto aputtam tam, rajjam kāresi sādhuṃ.
30. Mahāmahindatthero tu, jinasāsanamuttamaṃ;  
Pariyatim paṭipattim, paṭivedhaṇca sādhuṃ.
31. Laṃkādīpamhi dīpetvā, laṃkādīpo mahāgaṇi;  
Laṃkāyaso satthu kappo, katvā laṃkāhitam bahum.

32. Tassa uttiyarājassa, jayavassamhi aṭṭhame;  
Antovassam saṭṭhivasso, cetiyapabbate vasam.
33. Assayujassa māsassa, sukkapakkhaṭṭhame dine;  
Parinibbāyite netam, dinaṃ tannāmakam ahu.
34. [Nibbutassa mahindassa, aṭṭhamiyam dine pana,  
Tena tam divasam nāma, aṭṭhamiyāti sammataṃ.]
35. Tam sutvā uttiyo rājā, sokasallasamappito;  
Gantvāna theram vanditvā kanditvā bahudhā bahum.
36. Āsittagandhatelāya, bahum sovaṇṇadoṇiyā;  
Theradebham khipāpetvā, tam doṇim sādhuḥussitam.
37. Sovanṇakūṭāgāramhi, ṭhapāpetvā alaṅkate;  
Kūṭāgāram gāhayitvā, kārento sādhuḥkīṭitam.
38. Mahatā ca janoghena, āgatenatato tato;  
Mahatā ca baloghena, kārento pūjanāvidhiṃ.
39. Alaṅkatena maggena, bahudhā'laṅkataṃ puram;  
Ānayitvāna nagare, cāretvā rājavīthiyo.
40. Mahāvihāram ānetvā, ettha pañhambamālake;  
Kuṭāgāram ṭhapāpetvā, sattāham so mahīpati.
41. Toranaddhajapupphehi, gandhapuṇṇaghaṭehi ca;  
Vihārañca samantā ca, maṇḍiham yojanattayaṃ.
42. Ahu rājānubhāvena, dīpantu sakalam pana;  
Ānubhāvena devānam, tathevā'laṅkataṃ ahu.
43. Nānāpūjam kārayitvā, sattāham so mahīpati;  
Purattimadisābhāge, therānam baddhamālake.
44. Kāretvā gandhacitakam, mahāthūpam padakkhiṇam;  
Karonto tatha netvā tam, kūṭāgāram manoramam.
45. Citakamhi ṭhapāpetvā, sakkāram antimam akā;  
Cetiyañcetta kāresi, gāhā petvāna dhātuyo.
46. Upaḍḍhadhātuṃ gāhetvā, cetiye pabbatepi ca;  
Sabbesu ca vihāresu, thūpe kāresi khattiyo.
47. Isino dehanikkhepa-kataṭhānañhi tassa tam;  
Vuccate bahumānena, isibhūmaṅgam itī.
48. Tato pabhutya'riyānam, samantā yojanattaye;  
Sarīram āharitvāna, tamhi desamhi ḍayhati.
49. Saṅghamittā mahātherī, mahā'bhiññā mahāmatī;  
Katvā sāsanakiccāni, tathā lokahitam bahum.
50. Ekūnasatṭhivassā sā, uttiyasse'va rājino;  
Vassamhi navame kheme, hatthāḷhakaupassaye.

51. Vasantī parinibbāyī, rājā tassāpi kārayi;  
Therassa viya sattāhaṃ, pūjāsakkāra muttamam.
52. Sabbā alaṅkatā laṅkā, therassa viya āsi ca;  
Kūṭāgaragataṃ theri-dehaṃ sattadinaccaye.
53. Nikkhāmetvāna nagaraṃ, thūparāma puratthato;  
Cittasālā samīpamhi, mahābodhipa dassaye.
54. Theriyā vuṭṭhaṭṭhānamhi, aggikicca makārayi;  
Thūpañca tattha kāresi, uttiyo so mahīpati.
55. Pañcāpi te mahātherā, therāriṭṭhādayopi ca;  
Tathā'neka sahasāni, bhikkhu khīṇāsavāpi ca.
56. Saṅghamittā pabhutiyo, tā ca dvādasatheriyo;  
Khīṇāsavā bhikkhuniyo, sahasāni bahūni ca.
57. Bahussutā mahāpaññā, vinayādi jānāgamam;  
Jotayitvāna kālena, payātā'niccatāvasam.
58. Dasavassāni so rājā, rajjam kāresi uttiyo;  
Evaṃ aniccatā esā, sabbalokavināsini.
59. Tam etaṃ atisāhasam atibalam na vāriyam nara;  
Jānantopi aniccatam bhavagata nibbindateneva ca;  
Nibbindo viratiṃ ratim na kurute pāpehi puññehi ca;  
Tasse'sāatimohajālalatājānampi sammuyhatīti.

Sujanappasādasamvegatthāya kate mahāvamse

Theraparinibbānam nāma

Vīsatiṃ paricchedo.

## Ekavīsatiṃ pariccheda

### Vañca rājako

1. Uttiyassa kaniṭṭho tu, mahāsivo tadaccaye;  
Dasa vassāni kāresi, rajjam sujana sevako.
2. Bhaddasālamhi so there, pasīditvā manoramam;  
Kāresi purimāyantu, vihāram nagaraṅgaṇam.
3. Mahāsivakaniṭṭho tu, suratisso tadaccaye;  
Dasavassāni kāresi, rajjam puññesu sādaro.
4. Dakkhiṇāya disāyam so, vihāram nagaram gaṇam;  
Purimāya hatthikkhandhañca, gokaṇṇagirimeva ca.
5. Vaṅguttare pabbatamhi, pācina pabbatavhayam;  
Raheṇakasamīpamhi, tathā koḷambakāḷakam.
6. Ariṭṭhapāde maṃ gulakam, purimāya'ccha gallakam;

Girinelapanāyakaṇḍaṃ, nagarassuttharāya tu.

7. Pañcasatā neva mādi-vihāre puthavī pati;  
Gaṅgāya orapārañhi, laṃkādiṭṭe tahiṃ tahiṃ.
8. Pure rajjā ca rajje ca, saṅghāvassāni sādhuḥkaṃ;  
Kāresi ramme dhammena, ratanattaya gāravo.
9. Suvaṇṇapiṇḍatissoṭi, nāmaṃ rajjā tassā ahu;  
Suratissoṭi nāmantu, tassā'purajjapattiyā.
10. Assanāvikaṇḍaṃ dve, damiḷā senaguttikā;  
Suratissamahīpālaṃ, taṃ gahetvā mahabbalā.
11. Dube vīsativassāni, rajjaṃ dhammena kārayuṃ;  
Te gahetvā aselo tu, muṭṭasivassa atrajo.
12. Sodariyānaṃ bhātūnaṃ, navamo bhatuko tato;  
Anurādhapure rajjaṃ, dasavassāni kārayi.
13. Coḷaraṅghā idha gamma, rajjatthaṃ ujujātiko;  
Eḷāro nāma damiḷo, gahetvā'selabhūpatiṃ.
14. Vassāni cattārīsaṅga, cattāri ca akārayi;  
Rajjaṃ vohārasamaye, majjhatto mittasattusu.
15. Sayanassa siropasse, ghaṇṭaṃ sudīghayottakaṃ;  
Lambāpesi vīrāvetuṃ, icchantehi vinicchayaṃ.
16. Eko putto ca dhītā ca, ahesuṃ tassa rājino;  
Rathena tissavāpiṃ so, gacchanto bhūmipālajo.
17. Taruṇaṃ vacchakaṃ magge, nipannaṃ sahadhenukaṃ;  
Gīvaṃ akkammaḥcakkena, asaṅgicca aghātayi.
18. Gantvāna dhenughaṇṭaṃ taṃ, ghaṭṭesi ghaṭṭitāsayā;  
Rājā teneva cakkena, sīsaṃ puttassa chedayi.
19. Dijapotaṃ tālarukkhe, eko sappo abhakkhayi;  
Tampotaṃtā sakunī, gantvā ghaṇṭamaghaṭṭayi.
20. Āṇāpetvāna taṃ rājā, kucchiṃ tassa vidāḷiya;  
Potāṃ taṃ nīharāpetvā, tāle sappamasappayi.
21. Ratanaggassa ratana-ttayaṃ guṇasāratāṃ;  
Ajānantopi so rājā, cārittamanupālayaṃ.
22. Cetiyadabbataṃ gantvā, bhikkhusaṅghaṃ pavāriya;  
Āgacchanto rathagato, rathassa yugakoṭṭiyā.
23. Akāsi jinathūpassa,  
Ekadesassa bhaṅgaṃ;  
Amaccā "deva thūpono,  
Tayā bhinnō'ti āhu taṃ.



24. Asañcicca kate'pe'sa, rājā oruyha sandanā;  
“Cakkena mama sīsampi, chindathā'ti pathesayi.
25. “Parahiṃsaṃ mahārāja, sattā no neva icchati;  
Thūpaṃ pākatikaṃ katvā, khamāpehī'ti āhu taṃ.
26. Te thapetuṃ pañcadasa, pāsāṇe patite taḥiṃ;  
Kahāpaṇa saḥassāni, adā pañcadase vaso.
27. Akā mahallikā vīhiṃ, so setuṃ ātape khiṃ;  
Devo akāle vassitvā, tassā vihiṃ atemayi.
28. Vīhiṃ gahetvā gantvā sā, ghaṇṭaṃ taṃ samaghaṭṭayi;  
Akālavassaṃ sutvā taṃ, vissajjetvā tamattikaṃ.
29. Rājā dhammamhi vattanto, “kāle vassaṃ labhe”iti;  
Tassā vinicchayatthāya, upavāsaṃ nipajji so.
30. Baliggāhī devaputto, rañño tejena otthaṭo;  
Gantvā cātumahārāja-santikaṃ taṃ nivedayi.
31. Te tamādāya gantvāna, sakkassa paṭivedayuṃ;  
Sakko pajjunnamāhuya, kāle vassaṃ upādiyi.
32. Baliggāhī devaputto, rājino taṃ nivedayi;  
Tatoppabhuti taṃ rajje, divā devo na vassatha.
33. Rattiṃ devo'nu sattāhaṃ, vassiyāmamhi majjhime;  
Puṇṇāna'hesuṃ sabbattha, khuddakā vāṭakāniṃpi.
34. Agatigamanadoso muttamattena eso,  
Anupahata kuditṭhipīdisiṃ pāpuṇī'ddhiṃ;  
Agatigamanadosaṃ suddhadiṭṭhisamāno,  
Kathamidhahi manusso buddhimā no jaheyyāti.

Sujanappasādasamvegatthāya kate mahāvamse

Pañcarājako nāma

Ekavīsatiṃ paricchedo.

## **Bāvīsatiṃ pariccheda**

### **Gāmaṇikumāra suti**

1. Eḷāraṃ ghātayitvāna, rājā'hu duṭṭhagāmaṇi;  
Tadattha dīpanatthāya, anupubbakathā ayaṃ.
2. Devānaṃ piyatissassa, rañño dutiyabhātiko;  
Uparājā mahānāgo, nāmānu bhātuno piyo.
3. Rañño devī saputtassa, bālā rajjābhikāmini;  
Uparājavadhatthāya, jātacittā nirantaraṃ.
4. Vāpiṃ taracchanāmaṃ sā, kārāpentassa pāhiṇi;

Ambaṃ visena yojetvā, ṭhapetvā ambamatthake.

5. Tassā putto saḥagato, uparājena bālako;  
Bhājane vivaṭṭeyeva, taṃ ambaṃ khādiyā'mari.
6. Uparājā tatoyeva, sadāra bala vāhano;  
Rakkhihuṃ sakamattānaṃ, rohaṇā'bhimukho agā.
7. Yaṭṭhālaya viḥārasmiṃ, mahesī tassa gabbhinī;  
Puttaṃ janesi so tassa, bhātu nāma makārayi.
8. Tato gantvā rohaṇaṃ so,  
Issaro rohaṇe'khilo;  
Mahā bhāgo mahā gāme,  
Rajjaṃ kāresi khattiyo.
9. Kāresi so nāgamahā-vihāraṃ sakanāmakam;  
Uddhakandarakādī ca, pihāre kārayī bahū.
10. Yaṭṭhālaya katisso so, tassa putto tadaccaye;  
Hattheva rajjaṃ kāresi, tassa putto'bhayo tathā.
11. Goṭṭhābhayasuto kāka-vaṇṇatissoti vissuho;  
Tadaccaye tattha rajjaṃ, so akāresi khattiyo.
12. Viḥāradevi nāmā'si, mahesī tassa rājino;  
Saddhassa saddhāsampannā, dhītā kalyāṇi rājino.
13. Kalyāṇiyaṃ narindo hi, tisso nāmāsi khattiyo;  
Devisaṅgogajanita-ko potassa kaniṭṭhako.
14. Bhīto tato palāyitvā, ayyauttiya nāmako;  
Aññattha vasi so deso, tena taṃ nāmako ahu.
15. Datvā rahassalekhaṃ so, bhikkhuvesadharaṃ naraṃ;  
Pāhesi deviyā gantvā, rājadvāre ṭhito tuso.
16. Rāja gehe arahatā, bhuñjamānena sabbadā;  
Aññāyamāno therena, rañño gharamupāgami.
17. Therena saddhiṃ bhuñjivā, rañño saha viniggame;  
Pātesi bhūmiyaṃ lekhaṃ, pekkhamānāya deviyā.
18. Saddena tena rājānaṃ, nivattitvā vilokayaṃ;  
Ñatvāna lekhasandesam, kuddho therassa dummati.
19. Theram taṃ purisaṃ tañca, mārāpetvāna kodhasā;  
Samuddasmiṃ khipāpesi, kujjhitvā tena devatā.
20. Samuddeno'ttharā pesuṃ, taṃ desaṃ sotubhūpati;  
Attano dhītaraṃ yuddham, deviyaṃ nāma surupiniṃ.
21. Likhitvā rājadhītāti, sovaṇṇakkhaliyā lahuṃ;  
Nisīdāpiya tattheva, samuddasmiṃ vissajjayi.

22. Okkantam taṃ tato laṃke-kākavaṇṇo mahīpati;  
Abhisecayi tenā'si, vihāropapadavhayā.
23. Tissa mahāvihāraṇca, tathā cittalapabbataṃ;  
Gamitthavāliṃ kuṭāliṃ, vihāre evamādike.
24. Kāretvā supasannena, manasāratanaṭṭhaye;  
Upaṭṭhahi tadā saṅghaṃ, paccayehi catūhi so.
25. Koṭipabbata nāmamhi, vihāre sīlavattimā;  
Tadā ahu sāmaṇero, nānapuñṇakaro sadā.
26. Sukhenārohaṇatthāya, akāsa cetiyaṅgaṇe;  
Ṭhapesi tīṇi pāsāṇe, pāsāṇa phalakāni so.
27. Adā pānīya dānaṇca, vattaṃ saṅghassa cā'kari;  
Sadā kilantakāyassa, tassā'bodho mahā ahu.
28. Sivikāya kamānetvā, bhikkhavo katavedino;  
Sīlāpassaya pariveṇe, tissārāme upaṭṭhahum.
29. Sadā vihāradevīsā, rājagehe susaṅkhate;  
Purebhattaṃ mahādānaṃ, datvā saṅghassa saññatā.
30. Pacchābhattaṃ gandhamālaṃ, bhesajjavasanāni ca;  
Gāhayitvā gatā'rāmaṃ, sakkaroti yathārahaṃ.
31. Tadā tatheva katvā sā, saṅghattherassa santike;  
Nisīdi dhammaṃ desento, thero taṃ idha mabravi.
32. “Mahāsampatti tumhehi, laddhā'yaṃ puñṇakammunā;  
Appamādo'va kātabbo, puñṇakamme idānipi”.
33. Evaṃ vutte tu sā āha, “kiṃ sampatti ayaṃ idha;  
Yesam no dārakā natthi, vañjhāsampatti tena no”.
34. Chaḷabhiñño mahāthero, puttalābhamavekkhiya;  
“Gilānaṃ sāmaṇeraṃ taṃ, passadevī”ti abravi.
35. Sā gantvā'sanna maraṇaṃ, sāmaṇeramavoca taṃ;  
“Patthehi mama puttattaṃ, sampattī mahatī hi no”.
36. Na icchatīti ñatvāna, tadatthaṃ mahatiṃ subhaṃ;  
Pupphapūjaṃ kārayitvā, puna yāci sumedhasā.
37. Evampa'nicchamānassa, atthāyu'pāyakovidā;  
Nānā bhesajja vatthāni, saṅghe datvā'tha yācitaṃ.
38. Patthesi so rājakulaṃ, sā taṃ ṭhānaṃ anekadhā;  
Alaṅkaritvā vanditvā, yānamāruyha pakkami.
39. Tato cuto sāmaṇero, gacchamānāya deviyā;  
Tassā kucchimhi nibbatti, taṃ jāniya nivattisā.
40. Rañño taṃ sāsanaṃ datvā, raññā saha punā'gamā;  
Sarīrakiccaṃ kāretvā, sāmaṇerassu'bhopite.

41. Tasmimyeva pariveṇe, vasantā santamānasā;  
Mahādānaṃ pavattesuṃ, bhikkhusaṅghassa sabbadā.
42. Tasse`vaṃ dohaḷo āhi, mahā puññāya mātuyā;  
“Usabhamattaṃ madhugaṇḍaṃ, katvā ussīsake sayāṃ.
43. Vāmetarena passena, nipannāsayane subhe;  
Dvādasannaṃ sahasānaṃ, bhikkhūnaṃ dinnasesakaṃ.
44. Madhuṃ bhuñjitukāmā’si, atha eḷāra rājino;  
Yodhāna maggayodhassa, sīsacchinnāsīdevanaṃ.
45. Tasseva sīse ṭhatvāna, pātuñceva akāmayi;  
Anurādha purasseva, uppalakkhettato pana.
46. Ānītuppalamālañca, amilā taṃ pilandhituṃ;  
Taṃ devī rājino āha, nemitte pucchi bhūpati.
47. Taṃ sutvā āhu nemittā, “deviputto nighātiya;  
Damiḷe katve’karajjaṃ, sāsanaṃ jotayissati”.
48. Edisaṃ madhugaṇḍaṃ so, dasseti tassa īdisiṃ;  
Sampattiṃ deti rājā’’ti, ghoṣāpesi mahīpati.
49. Goṭṭhasamuddavelante, madhupuṇṇaṃ nikujjitaṃ;  
Nāvaṃ ñatvāna ācikkhi, rañño janapade naro.
50. Rājā devīṃ taḥiṃ netvā, maṇḍapamhi susaṅkhate;  
Yathicchithaṃ tāya madhuṃ, paribhogamakārayi.
51. Itare dohaḷe tassā, sampādetuṃ mahīpati;  
Veḷusumana nāmaṃ taṃ, yodhaṃ tattha niyojayi.
52. So’nurādhapuraṃ gantvā, rañño maṅgalavājino;  
Gopakena akā mettīṃ, tassa kiccañca sabbadā.
53. Tassa vissattha taṃ ñatvā, pātova uppalāna’siṃ;  
Kadambanadiyā tīre, ṭhapetvāna asaṅkito.
54. Assaṃ netvā tamāruyha, gaṇhitvāna uppalāna’siṃ;  
Nīvedayitvāna attānaṃ, assavegena pakkami.
55. Sutvā rājā gahetuṃ taṃ, mahā yodhānapesayi;  
Dutiyaṃ sammathaṃ assaṃ, āruyha sonudhāpitaṃ.
56. So gumbanissito assa-piṭṭheyeva nisīdiya;  
Entassa piṭṭhito tassa, ubbayhā’siṃ pasārayi.
57. Assavegenayantassa, sīsaṃ chijja ubhohaye;  
Sīsañcā’dāya sāyaṃ so, mahāgāmamupāgami.
58. Dohaḷe te ca sā devī, paribhuñji yathārucci;  
Rājā yodhassa sakkāraṃ, kārāpesi yathārahaṃ.
59. Sā devī samaye dhaññaṃ, janayī puttamuttamaṃ;  
Mahārājakule tasmīṃ, ānando ca mahā ahu.

60. Tassa puññānubhāvena, tadaheva upāgamuṃ;  
Nānāratanasampunṇā, sattanāvā tato tato.
61. Tasseva puññatejēna, chaddantakulato karī;  
Hatthicchāpaṃ āharitvā, ṭhapetvā idha pakkami.
62. Taṃ titthasaratīramhi, disvā gumbantare ṭhitam;  
Kaṇḍulavho bālisiko, rañño ācikkhi tāvade.
63. Pesetvā'cariye rājā, tamānāpiya posayi;  
Kaṇḍulo iti ñāyittha, diṭṭhattā kaṇḍulena so.
64. "Suvanṇabhājanādīnaṃ, puṇṇā nāvā idhāgatā";  
Iti rañño nivedasuṃ, rājā tānā'harāpayi.
65. Puttassa nāmakaraṇe, maṅgalamhi mahīpati;  
Dvādasa sahasasaṅkhaṃ, bhikkhusaṅghaṃ nimantiya.
66. Evaṃ cintesi "yadime, putto lamkātale'khile;  
Rajjaṃ gahetvā sambuddha-sāsanaṃ jotayissati.
67. Aṭṭhuttarasahassaṅca, bhikkhavo pavisantu ca;  
Sabbe te uddhapattaṅca, cīvaraṃ pārapantu ca.
68. Paṭṭhamaṃ dakkhiṇaṃ pādaṃ, ummāranto ṭhapentu ca;  
Ekacchattayutaṃ dhamma-karaṇaṃ nīharantu ca.
69. Gotamo nāma thero ca, patiggaṇhātu puttakaṃ;  
So ca saraṇasikkhā yo, detu'" sabbam tathā ahu.
70. Sabbam nimittaṃ disvāna, tuṭṭhacitto mahīpati;  
Datvā saṅghassa pāyāsaṃ, nāmaṃ puttassa kārayi.
71. Mahāgāme nāyakattaṃ, pitunāmaṅca ekato;  
Ubho katvāna ekajjhaṃ, gāmaṇiabhayo iti.
72. Mahāgāmaṃ pavisitvā, navame divase tato;  
Saṅgamaṃ deviyā kāsi, tena gabbhamagaṇhi sā.
73. Kāle jātaṃ sutam rājā, tissanāmaṃ akārayi;  
Mahatā parihārena, ubhato vaḍḍhiṃsu dārakā.
74. Sitthappavesamaṅgala-kāle dvinnampi sādaro;  
Bhikkhusatānaṃ pañcanaṃ, dāpayitvāna pāyasaṃ.
75. Tehi upaḍḍhe bhuttamhi, gahetvā thokathokakaṃ;  
Sovaṇṇasarakene'saṃ, deviyā saha bhūpati.
76. "Sambuddhasāsanaṃ tumhe, yadi chaḍḍetha puttakā;  
Mā jīratu kucchigataṃ, idaṃ vo'"ti apāpayi.
77. Viññāya bhāsitatthaṃ te, ubho rājakumārakā;  
Pāyāsaṃ taṃ abhuñjiṃsu, tuṭṭhacittā'mataṃ viya.
78. Dasa dvādasavassesu, tesu vīmaṃsanatthiko;  
Tatheva bhikkhū bhojetvā, tesam ucchiṭṭhamodanaṃ.

79. Gāhayitvā taṭṭakena, ṭhapāpetvā tadantike;  
Tibhāgaṃ kārayitvāna, idha māha mahīpati.
80. “Kuladevatānaṃ no tātā, bhikkhūnaṃ vimukhā mayaṃ;  
Na hessāmā”’ti cintetvā, bhāgaṃ bhuñjathi’ manti ca.
81. “Dve bhātaro mayaṃ niccaṃ, aññamaññamadūbhakā;  
Bhavissāmā”’ti cintetvā, bhāgaṃ bhuñjithi’ manti ca.
82. Amataṃ viya bhuñjiṃsu, te dve bhāge ubhopi ca;  
“Na yujjhissāma damiḷehi”, iti bhuñjathi’ maṃ iti.
83. Evaṃ vuttetu tisso so, pāṇinā khipi bhojanaṃ;  
Gāmaṇibhattapiṇḍaṃ tu, khipitvā sayanaṃ gato.
84. Saṃkucitvā hatthapādaṃ, nipajji sayena sayāṃ;  
Devī gantvā tosayantī, gāmaṇiṃ etadabravi.
85. Pasāritaṅgo sayane, kiṃ nasesi sukhaṃ suta;  
“Gaṅgāpāramhi damiḷā, ito goṭṭhamahodadhi.
86. Kathaṃ pasāritaṅgo’haṃ, nipajjāmī’ ti so bravi;  
Sutvāna tassādhippāyaṃ, tuṅhī āsi mahīpati.
87. So kamenā’ bhivaḍḍhanto, ahu soḷasavassiko;  
Puññavā yasavā dhīmā, tejo balaparakkamo.
88. Calācalāyaṃ gatiyañhi pāṇino,  
Upenti puññena yathārucciṃ gatim;  
Itīti mantetvā satataṃ mahādaro,  
Bhaveyya puññapacayamhi buddhimāti.

Sujanappasādasamvegatthāya kate mahāvaṃse

Gāmaṇikumārasūti nāma

Bāvīsatiṃ paricchedo.

## Tevīsatiṃ pariccheda

### Yodhalābho

1. Balalakkhaṇarūpeti,  
Tejojavaguṇehi ca;  
Aggo hutvā mahākāyo,  
So ca kaṇḍūlavāraṇo.
2. Nandimitto suranimilo, mahāsoṇo goṭṭhayimbaro;  
Theraputtābhayo bharaṇo, veḷusumano tatheva ca.
3. Khañjadevo phussadevo, labhiyya vasabhopi ca;  
Ete dasa mahāyodhā, tassā’ hesuṃ mahabbalā.
4. Ahu eḷārarājassa, mitto nāma camūpati;  
Tassa kammantaḡamamhi, pācīnakhaṇḍarājjiyā.

5. Cittapabbatasāmantā, ahu bhaginiyā suto;  
Kosohitavatthaguyho, mātulasseva nāmato.
6. Dūrampi parisappantam, daharam tam kumarakam;  
Ābajjha nandiyā katyam, nisadamhi abandhisu.
7. Nisadam kaḍḍhato tassa, bhūmiyam parisappato;  
Ummārātikkame nandi, sā chajjati yato tato.
8. Nandimittoti ñāyittha, dasanāgabalo ahu;  
Vuddho nagaramāgamma, so upaṭṭhāsi mātulam.
9. Thūpādīsu asakkāram, karonto damiḷe tadā;  
Ūrum akkammaḍena, hatthena itaram tuso.
10. Gahetvā sampadāletvā, bahikkhapatim thāmavā;  
Devā antaradhāpentī, tena khittam kaḷevaram.
11. Damiḷānam khayam disvā, rañño ārocayim sutam;  
“Sahoṭṭam gaṇhathetam”’ti, vuttam kātuṃ na sakkhisuṃ.
12. Cintesi nandimitto so, “evampi karato mama;  
Janakkhayo kevalañhi, natthi sāsanaḷotanam.
13. Rohaṇe khattiyā santi, pasannam ratanattaye;  
Tattha katvā rājasevam, gaṇhitvā damiḷe’khile.
14. Rajjam datvā khattiyānam, jotessam buddhasāsanam’’;  
Iti gantvā gāmaṇissa, tam kumārassa sāvayī.
15. Mātuyā mantayitvā so, sakkāram tassa kārayī;  
Sakkato nandimitto so, yodho vasi tadantike.
16. Kākavaṇṇo tissarājā, vāretuṃ damiḷisadā;  
Mahāgaṅgāya titthesu, rakkham sabbesu kārayī.
17. Ahu dīghābhayo nāma, rañño’ñña bhariyā suto;  
Kacchakatitthe gaṅgāya, tena rakkhamakārayī.
18. So rakkhākaraṇatthāya, samantā yojanadvaye;  
Mahākulamhā ekekam, puttam āṇāpayī tahim.
19. Koṭṭhivāle janapade, gāme khaṇḍakaviṭṭhike;  
Sattaputto kulapati, saṅgho nāmā’si issaro.
20. Tassāpi dhūtam pāhesi, rājaputto sutatthiko;  
Sattamo nimilo nāma, dasahatthibalo suto.
21. Tassa akammasīlattā, khīyantā chapī bhātaro;  
Rocayum tassa gamanam, na tu mātā pitā pana.
22. Kujjhivā sesabhātūnam, pāttoyeva tiyojanam;  
Gantvā suraggameyeva, rājaputtam apassiso.
23. So tam vimaṃsanatthāya, dūre kicce niyojayī;  
Cetiya pabbatā sanne, dvāra maṇḍalagāmake.

24. Brāhmaṇo kuṇḍalo nāma, vijja te me sahāyako;  
Samuddapāre bhaṇḍāni, tassa vijjanti santike.
25. Gantvā taṃ tena dinnāni, bhaṇḍakāni idhā'hara;  
Iti vatvāna bhojetvā, lekhaṃ datvā vissajjayi.
26. Tato nava yojanañhi, anurādhapuraṃ idaṃ;  
Pubbaṇḥeyeva gantvāna, so taṃ brāhmaṇa maddasa.
27. ‘Nhatvā vāpiyaṃ tāta, ehi’'ti āha brāhmaṇo;  
Idhā nāgata pubbattā, nhatvāna tissavāpiyaṃ.
28. Mahābodhiṅca pūjetvā, thūpārāme ca cetiyaṃ;  
Nagaraṃ pavisitvāna, passitvā sakalaṃ puraṃ.
29. Āpaṇā gandhamādāya, uttara dvārato tato;  
Nikkhammuppala khattamhā, gahetvā uppalāni ca.
30. Upāgami brāhmaṇaṃ taṃ, puṭṭho tenā'ha so gatiṃ;  
Sutvā so brāhmaṇo tassa, pubbāgamamidhāgamaṃ.
31. Vimhito cintayī evaṃ, ‘purisā jānīyo ayaṃ;  
Sace jāneyya eḷāro, imaṃ hatthe karissati.
32. Tasmā'yaṃ damiḷā'sanne, vāsetuṃ neva arahati;  
Rājaputtassa pituno, santike vāsamarahati’'’.
33. Eva mevaṃ likhitvāna, lekhaṃ tassa samappayi;  
Puṇṇavaḍḍhana vatthāni, paṇṇākāre bahūpi ca.
34. Datvā taṃ bhojayitvā ca, pesesī sakhisantikaṃ;  
So vaḍḍhamānacchāyāyaṃ, gatvā rājasutanti kaṃ.
35. Lekhaṅca paṇṇākāre ca, rājaputtassa appayi;  
Tuṭṭho āha ‘sahassena, pasādetha ima’'nti so.
36. Issaṃ kariṃsu tassa'ññe, rājaputtassa sevakā;  
So taṃ dasasahassena, pasādāpesi dāraṃ.
37. Tassa kesam likhāpetvā, gaṅgāyeva nahāpiya;  
Puṇṇavaḍḍhana vatthayugaṃ, gandhamālaṅca sundaraṃ;  
Acchādetvā vilimpetvā, maṇḍayitvā surūpaṃ.
38. Sīsaṃ dukūlapaṭṭena, veṭṭhayitvā upānayaṃ;  
Attano parihārena, bhattaṃ tassa adāpayi.
39. Attano dasasahassa-agghanasayanaṃ subhaṃ;  
Sayanaṭṭhaṃ adāpesi, tassa yodhassa khattiyo.
40. So sabbaṃ ekato katvā, netvā mātāpitantikaṃ;  
Mātuyā dasasahassaṃ, sayanaṃ pituno adā.
41. Taṃyeva rattim āgantvā, rakkhaṭhāne addassayi;  
Pabhāte rājaputto taṃ, sutvā tuṭṭhamano ahu.



42. Datvā paricchadaṃ tassa, parivārajanam tathā;  
Datvā dasasahassānī, pesesi pitusantikam.
43. Yodho dasasahassāni, netvā mātāpitantikam;  
Tesam datvā kākavaṇṇa-tisso rājā mupāgami.
44. So gāmaṇikumārassa, tamappesi mahīpati;  
Sakkato suranimilo, yodho vasi tadantike.
45. Kuṭumbarikaṇṇikāyam,  
Hundarīvāpi gāmake;  
Tisassa aṭṭhamo putto,  
Ahosi soṇa nāmako.
46. Sattavassikakālepi, tālagacche aluñci so;  
Dasa vassikakālamhi, tāle luñcimahabbalo.
47. Kāle na so mahāsoṇo,  
Dasa hatthi balo ahu;  
Rājā taṃ tādisaṃ sutvā,  
Gahetvā pitusantikā.
48. Gāmaṇissa kumārassa, adāsi posanattiko;  
Tena so laddhasakkāro, yodho vasi tadantike.
49. Girināme janapade, gāme nicchelaviṭṭhike;  
Dasahatthibalo āsi, mahānāgassa atrajo.
50. Lakuṇṭakasarīrattā, ahu goṭṭhaka nāmako;  
Karonti keḷiparihāsam, tassa jeṭṭhā cha bhātaro.
51. Te gantvā māsakhattattham, koṭṭayitvā mahāvanam;  
Tassa bhāgaṃ ṭhapetvāna, gantvā tassa nivedayum.
52. So gantvā taṃ khaṇaṃyeva, rukkhe imbarasaññite;  
Luñcitvāna samaṃ katvā, bhūmiṃ gantvā nivedayi.
53. Gantvāna bhātaro tassa, disvā kammanta mabbhutam;  
Tassa kammaṃ kittayantā, āgacchimsu tadantikam.
54. Tadupādāya so āsi, goṭṭhayimbaranāmako;  
Tatheva rājā pāhesi, tambī gāmaṇisantikam.
55. Koṭipabbatasāmantā, kittigāmamhi issaro;  
Rohaṇo nāma gahapati, jātam puttakamattano.
56. Samāna nāmaṃ kāresi, goṭṭhakāhayarājino;  
Dārako so balī āsi, dasadvādasavassiko.
57. Asakkuṇeyyapāsāṇe, uddhattum catupañcahi;  
Kīlamāno khiṇi tadā, so kīlaguḷake viya.
58. Tassa soḷasavassassa, pitā gadamakārayi;  
Aṭṭhatimsaṅgulavaṭṭam, soḷasahatthadīghakam.

59. Kālānaṃ nāḷikerānaṃ,  
Khandhe āhacca tāya so;  
Te pātayitvā teneva,  
Yo dho so pākaṭo ahu.
60. Tatheva rājā pāhesi, tampi gāmaṇisantike;  
Upaṭṭhāko mahāsumma-therassā'si pitā pana.
61. So mahāsummatheraṣṣa, dhammaṃ sutvā kuṭumbiko;  
Sotāpattiphalaṃ patto, vihāre koḷapabbate.
62. Sotu sañjātasamaṃvego, ārocetvāna rājino;  
Datvā kuṭumbaṃ puttassa, pabbaji therasantike.
63. Bhāvanaṃ anuyuñjitvā, arahattamaṃpāpuṇi;  
Putto tena'ssa paññāyi, theraputtābhayo iti.
64. Kappakandaragāmamhi, kumārassa suto ahu;  
Bharaṇo nāma so kāle, dasadvādasavassike.
65. Dārakehi vanaṃ gantvā'-nubandhitvā sase bahū;  
Pādena paharivāna, dvikhaṇḍaṃ bhūmiyaṃ khiṇi.
66. Gāmikeyi vanaṃ gantvā, soḷasavassiko pana;  
Tatheva pātesi lahuṃ, miga gokaṇṇasūkare.
67. Bharaṇo so mahāyodho,  
Teneva pākaṭo ahu;  
Tatheva rājā vāsesi,  
Tampi gāmaṇisantike.
68. Girigāme janapade, kuṭumbiyaṅgaṇagāmake;  
Kuṭumpivasabho nāma, ahosi tattha sammato.
69. Veḷo janapado tassa, sumano giribhojako;  
Sahāyassa sute jāte, paṇṇākārapurassarā.
70. Gantvā ubho sakaṃ nāmaṃ, dārakassa akārayuṃ;  
Taṃ vuddhaṃ attano gehe, vāsesi siribhojako.
71. Tasse'ko sindhavo posamaṃ, kañcinā rohituṃ adā;  
Disvā tu veḷusumanamaṃ, ayaṃ arohako mama.
72. Anurūpo'ti cintetvā,  
Pahaṭṭho hesitaṃ akā;  
Taṃ ñatvā bhojako "assamaṃ,  
Ārohā'ti tamāhaso.
73. So assamaṃ āruhitvā taṃ, sīghamaṃ dhāvayi maṇḍale;  
Maṇḍale sakale asso, ekābaddho adissi so.
74. Nisīdi dhāvato ca'ssa, vassahāro'va piṭṭhiyaṃ;  
Mocetipi uttariyaṃ, bandhatipi anādaro.
75. Taṃ disvā parisā sabbā, ukkuṭṭhiṃ sampavattayi;  
Datvā dasasahassāni, tassa so giribhojako.

76. Rājānucchaviko'yaṃti, haṭṭho rañño adāsi taṃ;  
Rājā taṃ veḷusumanam, attanoyeva santike.
77. Kāretvā tassa sakkāram, vāsesi bahumānayaṃ;  
Nakulanagarakaṇṇikāyaṃ, gāme mahinda doṇike.
78. Abhayassa'ntime putto, devonāmā'si thāmavā;  
Īsakam pana khañjattā, khañjadevoti taṃ vidum.
79. Migamaṃ gāmvāsīhi, saha gantvāna so tadā;  
Mahise anubandhitvā, mahante uṭṭhituṭṭhite.
80. Hatthena pāde gaṇhitvā, bhametvā sīsamatthake;  
Asumha bhūmiṃ cuṇṇeti, tesam aṭṭhīni māṇavo.
81. Taṃ pavattiṃ suṇitvāva, khañjadevaṃ mahīpati;  
Vāsesi āharāpetvā, gāmaṇisse'va santike.
82. Cittalapabbatā'sanne, gāme kapiṭṭhanāmake;  
Uppalassa suto āsi, phussadevoti nāmako.
83. Gantvā saha kumārehi, vihāram so kumārako;  
Bodhiyā pūjitaṃ saṅkham, ādāya dhamithāmasā.
84. Asanīpātasaddova, saddo tassa mahā ahu;  
Ummattā viya āsum te, bhītā sabbepi dārakā.
85. Tena so āsi ummāda-phussa devoti pākaṭo;  
Dhanusippaṃ akāresi, tassa vaṃsāgataṃ pitā.
86. Saddavedhi vijjuvedhī, vālavedhī ca so ahu;  
Vālukāpuṇṇasakaṭaṃ, baddhadhammasataṃ tathā.
87. Asano dumbaramayaṃ, aṭṭhasoḷasaṅgulaṃ;  
Tathā ayo lohamayaṃ, paṭṭaṃdi caturaṅgali.
88. Nibbedhayatikaṇṇena, kaṇḍo tena visajjito;  
Thale aṭṭhusabham yāti, jale tu usabham pana.
89. Taṃ suṇitvā mahārājā, pavattiṃ pitusantikā;  
Tampi āṇāpayitvāna, gāmaṇimhi avāsayi.
90. Tulādhāranagāsanne, vihāravāpi gāmake;  
Mattakuṭumbissa suto, ahu vasabhanāmako.
91. Taṃ sujātasarīrattā, labhiya vasabham vidum;  
So vīsativassuddesamhi, mahākāyabalo ahu.
92. Ādāya so katipayo, puriseyeva ārabhi;  
Khettatthiko mahāvāpiṃ, karonto taṃ mahabbalo.
93. Dasahi dvādasahi vā, vahitabbe dhurehipi;  
Vahanto paṃsupiṇḍe so, lahum vāpiṃ samāpayi.
94. Tena so pākaṭo āsi, tampi ādāya bhūmipo;  
Datvā taṃ tassa sakkāram, gāmaṇissa adāsi taṃ.

95. Vasabhodakavāroṭi, kaṃ khettaṃ pākaṃ ahu;  
Evaṃ labhiyāvasabho, vasi gāmaṇisantike.
96. Mahāyodhānametesam, dasannampi mahipati;  
Puttassa sakkārasamaṃ, sakkāraṃ kārayi tadā.
97. Āmantetvā mahāyodhe, dasāpi ca disampati;  
“Yodhe dasadase’keko, esathā’ti udāhari.
98. Te tathēvā’nayum yodhe, tesampāha mahīpati;  
Tassa yodhasahassāpi, tatheva pariyesitum.
99. Tathā tepā’nayum yodhe, tesampāham mahīpati;  
Punayodhasahassassa, tatheva pariyesitum.
100. Tathā tepā’nayum yodhe, sabbe sampiṇḍitā tu te;  
Ekādasasahassāni, yodhāsataṃ tathā dasa.
101. Sabbe te laddhasakkārā, bhūmipālena sabbadā;  
Gāmaṇiṃ rājaputtaṃ taṃ, vasiṃsu parivāriya.
102. Iti sucaritajātabbhutaṃ,  
Suṇiya naro matimā sukhattiko;  
Akusalapathato parammukho,  
Kusalapathe’bhīrameyya sabbadāti.

Sujanappasādasamvegatthāya kate mahāvamse

Yodhalābho nāma

Tevīsatiṃ paricchedo.

## Catuvīsatiṃ pariccheda

### Dvebhātikayuddham

1. Hatthassa tharukamma, kusalo katupāsano;  
So gāmaṇirājasuto, mahāgāme vasī tadā.
2. Rājā rājasutaṃ tissaṃ, dīghavāpimhi vāsai;  
Ārakkhitum janapadaṃ, sampanna balavāhanaṃ.
3. Kumāro gāmaṇikāle, sampassanto balaṃ sakaṃ;  
“Yujjhissaṃ damīhī’ti, piturañño kathāpayī.
4. Rājā taṃ anurakkhanto, “oragaṅgaṃ alaṃ” iti;  
Vāresi yāvatatiyaṃ, so tatheva kathāpayī.
5. Pitā me puriso honto, ne’vaṃ vakkhati teni’daṃ;  
Pilandhatūti pesesi, itthālaṅkāramassa so.
6. Rājā’ha tassa kujjhivā, “karoṭha hemasaṅkhalim;  
Tāya taṃ bandhayissāmi, nā’ññathā rakkhiyo hi so.
7. Palāyivāna malayaṃ, kujjhivā pituno agā;

Duṭṭhattāyeva pitari, āhu taṃ duṭṭhagāmaṇi.

8. Rājā'tha ārabhī kātuṃ, mahāmaṅgalacetiyam;  
Niṭṭhite cetiye saṅghaṃ, sannipātayi bhūpati.
9. Dvādasā'suṃ saḥassāni, bhikkhū cittalapabbatā;  
Tato tato dvādaseva, saḥassāni samāgamuṃ.
10. Katvāna cetiyamahaṃ, rājā saṅghassa sammukhā;  
Sabbe yodhe samānetvā, kāresi sapathaṃ tadā.
11. "Puttānaṃ kalahatṭhānaṃ, na gacchissāma no" iti;  
Akāṃsu sapathaṃ sabbe, taṃ yuddhaṃ tena nāgamuṃ.
12. Catusatṭhi vihāre so, kārapetvā mahīpati;  
Tattakāneva vassāni, ṭhatvā maritahiṃ tadā.
13. Rañño sarīraṃ gāhetvā, channayānena rājini;  
Netvā tissa mahārāmaṃ, taṃ saṅghassa nivedayi.
14. Sutvā tissakumāro taṃ, āgantvā dīghavāpito;  
Sarīrakiccaṃ kāretvā, sakkaccaṃ pituno sayam.
15. Mātaraṃ kaṇḍulaṃ hatthiṃ, ādiyitvā mahabbalo;  
Bhātubhayā dīghavāpim, agamāsi lahuṃ tato.
16. Taṃ pavattiṃ nivedetuṃ, duṭṭhagāmaṇi santikaṃ;  
Lekhaṃ datvā visajjesuṃ, saccemaccā samāgatā.
17. So guttāhālamāgantvā, tattha cāre visajjiya;  
Mahāgāmamupagantvā, sayam rajje'bhisecayi.
18. Mātattaṃ kaṇḍūlatthañca, bhātulekhaṃ visajjayi;  
Aladdhā yāvatatiyaṃ, yuddhāya samupāgami.
19. Ahu dvinnaṃ mahāyuddhaṃ, cūlaṅgaṇiyapitṭhiyaṃ;  
Tattha nekasahassāni, paṭiṃsu rājino narā.
20. Rājā ca tissāmacco ca, vaḷavādīghutunikā;  
Tayoyeva palāyiṃsu, kumāro anubandhite.
21. Ubhinnamantare bhikkhū, mantayiṃsu mahīdharaṃ;  
Taṃ disvā "bhikkhusaṅghassa, kammaṃ" iti nivatti so.
22. Kappakandaranajjāso, javamālititthamāgato;  
Rājā'ha tissamaccaṃ taṃ, "chātajjhattā mayam" iti.
23. Suvaṇṇasarake khitta-bhattaṃ nīharitassa so;  
Saṅghe datvā bhuñjanato, kāretvā catubhāgakaṃ.
24. "Ghosehi kāla" miccā'ha,  
Tisso kālamaghosayi;  
Suṇitvā dibbasotena,  
Rañño sakkhāya dāyako.

25. Thero piyaṅgu dīpaṭṭho, theram tattha niyojayi;  
Tissam kuṭumbikasutam, so tattha nabhasā'gamā.
26. Tassa tisso karāpatta-ādāyā'dāsi rājino;  
Saṅghassa bhāgaṃ sambhāgaṃ, rājā patte khipāpayi.
27. Sambhāgaṃ khipi tisso ca, sambhāgaṃ vaḷavāpi ca;  
Na icchitassābhāgañca, tisso pattamhi pakkhipi.
28. Bhattassa puṇṇapattam taṃ, adātherassa bhūpati;  
Adā gotamatherassa, so gantvā nabhasā lahuṃ.
29. Bhikkhūnaṃ bhuñjamānānaṃ, datvā ālopabhāgaso;  
Pañcasatānaṃ so thero, laddhehi tu tadantikā.
30. Bhāgehi pattam pūretvā, ākāse khipi rājino;  
Disvā' gataṃ gahetvā taṃ, tisso bhojisi bhūpatim.
31. Bhuñjivāna sayañjāpi, vaḷavañca abhojayi;  
Sattāham cumbaṭam katvā, rājā pattam visajjayi.
32. Gantvāna so mahāgāmaṃ, samādāya balaṃ puna;  
Saṭṭhisahassaṃ yuddhāya, gantvā yujjhi sabhātarā.
33. Rājā vaḷavamāruya, tisso kaṇḍūla hatthinam;  
Dve bhātaro samāgañchum, yujjhamānā raṇe tadā.
34. Rājā kariṃ karitva'nto, vaḷavāmaṇḍalam akā;  
Tathāpi chiddam no disvā, laṅghā petum matimākā.
35. Vaḷavam laṅghayivāna, hatthinam bhātiko'pari;  
Tomaram khipi cammamva, yathā chijjati piṭṭhiyam.
36. Anekāni sahasāni, kumārassa narātaḥim;  
Patimsu yuddhe yujjhantā, bhijja ceva mahabbalam.
37. "Ārohakassa vekallā, itthī maṃ laṅghayī"iti;  
Kuddhokarī taṃ cāleno, rukkameka mupāgami.
38. Kumāro āruhī rukkham, hatthī sāmimupāgami;  
Tamāruya palāyantam, kumāro manubandhi so.
39. Pavisitvā vihāram so, mahāthera gharamgato;  
Nipajjaheṭṭhā mañcassa, kumāro bhātunobhayā.
40. Pasārayi mahāthero, cīvaram tattha mañcake;  
Rājā anupadam gantvā, "kuhim tisso"ti pucchatha.
41. "Mañce tattha mahārāja", iti thero avoca taṃ;  
Heṭṭhā mañceti jānitvā, tato nikkamma bhūpati.
42. Samantato vihārassa, rakkham kārayi taṃ pana;  
Pañcakamhi nipajjetvā, datvā upari cīvaram.
43. Mañcapādesu gaṇhitvā, cattāro daharā yatī;  
Matabhikkhuniyāmena, kumāram bahi nīharum.

44. Nīyamānantu taṃ ñatvā, idha māha mahīpati;  
“Tissa tvam kuladevatānaṃ, sīse hutvāna niyyāsi.
45. Balakkārena gahaṇaṃ, kuladevehi natthi me;  
Guṇaṃ tvam kuladevānaṃ, sareyyāsi kadācipi”.
46. Tatoyeva mahāgāmaṃ, agamāsi mahīpati;  
Āṇāpesi ca tattheva, mātaraṃ mātugāravo.
47. [Vassāni aṭṭhasaṭṭhiṃso, aṭṭhā dhammaṭṭhamānaso;  
Aṭṭhasaṭṭhivihāre ca, kārapesi mahīpati.]
48. Nikkhāmito so bhikkhūhi, tissorāja suto pana;  
Dīghavāpiṃ tatoyeva, agama’ññataro viya.
49. Kumāro godhagattassa, tissatherassa āha so;  
“Sāparādho ahaṃ bhante, khamāpessāmi bhātaraṃ.
50. Veyyāvaccakarā kāraṃ, tissaṃ pañcasatāni ca;  
Bhikkhunamādiyitvā so, thero rāja mupāgami.
51. Rājaputtaṃ ṭhapetvāna, thero sopāna matthake;  
Sasaṅgho pāvīsi saddho, nisīdāviya bhūmipo.
52. Upānayī yāguādiṃ, thero pattaṃ vidhesiso;  
“Kinti vutto’bravi tissaṃ, ādāya agatā”’iti.
53. “Kuhim coro”’ti vutto ca, ṭhitaṭṭhānaṃ nivedayi;  
Vihāradevī gantvāna, chādiyaṭṭhāsi puttaka.
54. Rājā’ha theram “ñāto vo,  
Dāsabhāvo idāni no;  
Sāmaṇeraṃ pesayetha,  
Tumhe me sattavassikaṃ.
55. Janakkhayaṃ vināyeva, kalaho na bhaveyya no;  
Rājā saṅghassa doseso, bhaṃghe daṇḍaṃ karissati.
56. Hessatā’gatakiccā vo,  
Yāgādiṃ gaṇhāthāti so;  
Datvā taṃ bhikkhusaṅghassa,  
Pakkositvāna bhātaraṃ.
57. Tattheva saṅghamajjhamhi, nisinno bhātarā saha;  
Bhuñjītvā ekatoyeva, bhikkhu saṅghaṃ visajjayi.
58. Sassakammāni kāretuṃ, tissaṃ tattheva pāhiṇi;  
Sayampi bheriṃ cāretvā, sassakammāni kārayi.
59. Iti veramanekavikappacitaṃ,  
Samayanti bahuṃ apī sappurisaṃ;  
Iti cintiya kohi naro matimā,  
Na bhaveyya paresu susanta manoti.

Sujanappasādasamvegatthāya kate mahāvamse

Dvebhātikayuddham nāma

Catuvīsatimo paricchedo.

## Pañcavīsatima pariccheda

### Duṭṭhagāmaṇi vijayo

1. Duṭṭhagāmaṇirājā'tha, katvāna janasaṅgahaṃ;  
Kunte dhātuṃ nidhāpetvā, sayoggabalavāhano.
2. Gantvā tissamahārāmaṃ, vanditvā saṅghamabravi;  
“Pāraṅgaṃ gamissāmi, jotetuṃ sāsanaṃ ahaṃ.
3. Sakkātuṃ bhikkhavo detha, amhehi sahaḡāmino;  
Maṅgalañceva rakkhā ca, bhikkhūnaṃ dassanaṃ hino.
4. Adāsi daṇḍakammaṭṭhaṃ, saṅgho pañcasataṃ yatī;  
Bhikkhusaṅghatamaḡāya, tato nikkhamma bhūpati.
5. Sodhāpetvāna malaye, idhāgamanamañjasam;  
Kaṇḍulaṃ hatthimāruya, yodhehi parivārito.
6. Mahatā balakāyena, yuddhāya abhinikkhami;  
Mahāgāmena sambaddhā, senāgā'guttahālakam.
7. Mahiyaṅgaṇamaḡamma, chattaṃ damiḡamaggahī;  
Ghātetvā damiḡe tattha, āgantvā ambatitthakam.
8. Gaṅgā parikhāsaṃpannaṃ, tittambadamiḡam pana;  
Yujjhaṃ catūhi mā sehi, katahatthaṃ mahabbalam.
9. Mātaraṃ dassayitvāna, tena lesena aggahi;  
Tatooruya damiḡe, sattarāje mahabbale.
10. Ekāheneva gaṇhitvā, khemaṃ katvā mahabbalo;  
Balassā'dā dhanam tena, khemārāmoti vuccati.
11. Mahākoṭṭhantare sobbhe, doṇo gavaramaggahī;  
Hālakole issariyam, nālisobbhamhi nāḡikam.
12. Dīghābhayaḡallakamhi, gaṇhi dīghābhayaḡampi ca;  
Kacchipiṭṭhe kapisāsam, catumāsena aggahi.
13. Koṭanagare koṭaṅca, tato hālavahāṇakam;  
Vahiṭṭhe vahiṭṭhadamiḡam, gāmaṇimhi ca gāmaṇim.
14. Kumbhaḡāmaḡamhi kumbhaṅca, nandigāmaḡamhi nandikam;  
Gaṇhi khāṇuṃ khāṇuḡāme, dve tu tambuṇṇame pana.
15. Mātulaṃ bhāḡineyyaṅca, tambauṇṇamanāmake;  
Jambucaggahī soso ca, gāmo'hu taṃ tadavhaya.
16. “Ajānitvā sakaṃsenaṃ, ghāṭenti sajanā” iti;  
Sutvāna saccakiriyam, akarī tattha bhūpati.



17. Rajjasukhāya vāyāmo, nāyaṃ mama kadācipi;  
Sambuddha sāsanasseva, ṭhapanāya ayaṃ mama.
18. Tena saccena mesenā-kāyopagatabhaṇḍikaṃ;  
Jālavaṇṇaṃva hotūti, taṃ tathevataḍā ahu.
19. Gaṅgātīramhi damiḷā, sabbe ghātītasasakā;  
Vijītaṃ nagaraṃ nāma, saraṇatthāya pāvisuṃ.
20. Phāsuke aṅgaṇaṭhāne, khandhāvāraṃ nivesayi;  
Taṃ khandhāvāra... ṭhīti, nāmenā' hosi pākaṭaṃ.
21. Vijītanagaragāhatthaṃ, vīmaṃsanto narādhipo;  
Disvā'yantaṃ nandimittaṃ, visajjāpesi kaṇḍulaṃ.
22. Gaṇhitaṃ āgataṃ hatthiṃ, nandīmitto karehitaṃ;  
Ubho dante pīlayitvā, ukkuṭīkaṃ nisīdayi.
23. Hatthinā nandimitto tu, yasmā yattha ayujjhi so;  
Tasmā tattha tato gāmo, hatthiporoti vuccati.
24. Vīmaṃsitvā ubho rājā, vijītaṃ nagaraṃ agā;  
Yodhānaṃ dakkhiṇadvāre, saṅgāmo āsi bhīmsano.
25. Puratthimamhi dvāramhi, so veḷusumano pana;  
Aneka saṅkhe damiḷe, assāruḷhe aghātayi.
26. Dvāraṃ thakesuṃ damiḷā, rājā yodhe visajjayi;  
Kaṇṇulo nandimitto ca, suranimilo ca dakkhiṇe.
27. Mahāsoṇo ca goṭṭho ca,  
Thera putto ca te tayo;  
Dvāresu tīsu kammāni,  
Itaresu tadā karuṃ.
28. Nagaraṃ taṃ tiparikhaṃ, uccapākāra gopitaṃ;  
Ayokammakatadvāraṃ, arīhi duppadhaṃsiyaṃ.
29. Jāṇūhi ṭhatvā dāṭhāhi, bhinditvāna silāyudhā;  
Iṭṭhakā ceva hatthi so, ayodvāramupāgami.
30. Gopuratthā tu damiḷā, khipiṃsu vividhā'yudhe;  
Pakkaṃ ayoguḷañceva, kathikañca silesikaṃ.
31. Piṭṭhiṃ khitte silesamhi, dhūpāyante'tha kaṇḍulo;  
Vedanaṭṭo'dakathānaṃ, gantvāna tattha ogahī.
32. Na idaṃ surāpāṇaṃ te, ayodvāra vighāṭanaṃ;  
Gaccha dvāraṃ vighāṭehi, iccāhagoṭṭhayimbaro.
33. So mānaṃ janayitvāna, koñcaṃ katvā gajuttamo;  
Udakā utṭhahitvāna, thale aṭṭhāsi dappavā.
34. Hatthivajje viyojetvā, silesaṃ osadhaṃ akā;  
Rājā āruya hatthiṃ taṃ, kumbhe phusiyapāṇinā.

35. “Laṃkāḍīpamhi sakale, rajjaṃ te tāta kaṇḍula;  
Dammī’ ti taṃ tosayitvā, bhojetvā varabhojanaṃ.
36. Veṭṭhayitvā sāṭakena, kārayitvā suvammitaṃ;  
Sattagaṇaṃ māhisacammaṃ, bandhetvā cammapitṭhiyaṃ.
37. Tasso’ paritelacammaṃ, dāpetvā taṃ visajjayi;  
Asanīviya gajjanto, so gahetvā’paddave saha.
38. Padaraṃ vijjhi dāṭhāhi, ummāraṃ padasā’hani;  
Saddhārabāhaṃ taṃ dvāraṃ, bhūmiyaṃ saravaṃ pati.
39. Gopure dabbasambhāraṃ, patantaṃ hattipitṭhiyaṃ;  
Bāhāhi pariharitvāna, nandīmitto pavattayī.
40. Disvāna tassa kiriyāṃ, kaṇḍulo tuṭṭhamānaṃ;  
Dāṭhāpīṭhanaveraṃ taṃ, chaḍḍhesi paṭhamaṃ kataṃ.
41. Atthano piṭṭhitoyeva, pavesatthāya kaṇḍulo;  
Nivattitvāna oloki, yodhaṃ tattha gajuttamo.
42. “Hatthinākatamaggena, nappavekkhāmahaṃ’’iti;  
Nandīmitto vicintetvā, pākāraṃ hani bāhunā.
43. So aṭṭhārasahatthucco, patiaṭṭhusabho kira;  
Oloki suranimalaṃ, aniccaṃ sopi taṃ pathaṃ.
44. Laṅghayitvāna pākāraṃ,  
Nagarabbhantare pati;  
Bhinditvā dvāramekekaṃ,  
Goṭṭho soṇova pāvīsi.
45. Hattī gahetvā rathacakkaṃ, mitto sakaṭapañjaraṃ;  
Nāḷikerataruṃ goṭṭho, nimmalo khaggamuttamaṃ.
46. Tālarukkhaṃ mahāsoṇo, theraputto mahāgadam;  
Visuṃ visuṃ vīthigatā, damiḷe tattha cuṇṇayūṃ.
47. Vijitaṃ nagaraṃ bhetvā, catumāsena khattiyo;  
Tatho girilakaṃ gantvā, giriyaṃ damiḷaṃ hani.
48. Gantvā mahelanagaraṃ, timahāparikhaṃ tato;  
Kadamba pupphavallīhi, samantā parivāritaṃ.
49. Ekadvāraṃ duppavesaṃ, catumāse vasaṃ tahiṃ;  
Gaṇhi mahelarājānaṃ, mantayuddhena bhūmipo.
50. Tato’nurādhanagaraṃ, āgacchanto mahīpati;  
Kandhāvāraṃ nivesesi, paritokāsapabbataṃ.
51. Māsamhi jeṭṭhamūlamhi, taḷākaṃ tattha kāriya;  
Jalaṃ kīḷi tahiṃ gāmo, posonanagaravhayo.
52. Taṃ yuddhāyāgataṃ sutvā, rājānaṃ duṭṭhagāmaṇiṃ;  
Amacce sannipātetvā, eḷāro āha bhūmipo.

53. “So rājā ca sayam̐yodho,  
Yodhā cassa mahūkira;  
Amacco kinnu kātabbam̐,  
Kinti maññanti no ime.
54. Dīghajattuppabhutayo, yodhā eḷārarājino;  
“Suve yuddham̐ karissāmi”, iti te nicchayam̐ karum̐.
55. Duṭṭhagāmaṇirājāpi, mantetvā mātuyā saha;  
Tassā matena kāresi, dvattiṃsa balakoṭṭhake.
56. Rājacchattadhare tattha, ṭhapesi rājarūpake;  
Abbhantare koṭṭhake tu, sayam̐ aṭṭhāsi bhūpati.
57. Eḷārarājā sannaddho, mahāpabbata hatthinam̐;  
Āruyha agamā tattha, sayogga balavāhano.
58. Saṅgāme vattamānamhi, dīghajattu mahabbalo;  
Ādāya khaggaphalakam̐, yujjhamāno bhayānako.
59. Hatthe aṭṭharasu’ggantvā, nabham̐ taṃ rājarūpakam̐;  
Chinditvā asinā bhindi, paṭhamam̐ balakoṭṭhakam̐.
60. Evaṃ sesepi bhinditvā, malakoṭṭhe mahabbalo;  
Ṭhitam̐ gāmaṇirājena, balakoṭṭhamupāgami.
61. Yodho so suranimalo, gacchantam̐ rājino’ pari;  
Sāvetvā attano nāmam̐, tamakkosi mahabbalo.
62. Itaro “taṃ vadhissa”nti, kuddho ākāsamuggami;  
Itaro otarantassa, phalakam̐ upanāmayi.
63. “Chindā metam̐ saphalakam̐”, iti cintiya so pana;  
Phalakam̐ hani khaggena, taṃ muñciyi’ tarosayi.
64. Kappento muttaphalakam̐, dīghajattu tahim̐ pati;  
Uṭṭhāya sūranimilo, patitam̐ sattiyā’hani.
65. Saṅkham̐ dhami phussadevo, senā bhijjittha dāmiḷi;  
Eḷaropi nivattittha, ghātesum̐ damiḷe bahū.
66. Tattha vāpi jalam̐ āsi, hatānam̐ lohitā vilam̐;  
Tasmā kulatthavā pīti, nāmato vissutam̐ ahu.
67. Carāpetvā tahim̐ bherim̐, duṭṭhagāmaṇi bhūpati;  
“Na hanissatu eḷāram̐, mam̐muñciya paro”’iti.
68. Sannaddho sayamāruyha, sannaddham̐ kaṇḍulam̐ karim̐;  
Eḷāram̐ anubandhanto, dakkhiṇadvāramāgami.
69. Puradakkhiṇadvāramhi, ubho yujjhiṃsu bhūmipā;  
Tomaram̐ khipi eḷāro, gāmaṇi tamavañcayi.
70. Vijjhāpesi ca dantehi, taṃ hatthim̐ sakahatthinā;  
Tomaram̐ khipi eḷāram̐, sahatthi tattha so pati.

71. Tato vijitasañgāmo, sayoggabalavāhano;  
Laṃkaṃ ekātapattaṃ so, katvāna pāvīsi puraṃ.
72. Puramhi bheriṃ cāretvā, samantā yojane jane;  
Sannipātiya kāresi, pūjaṃ eḷārarājino.
73. Taṃ dehapatitaḥāne, kūṭāgārena jhāpayi;  
Cetiyaṃ tattha kāresi, parihāramadāsi ca.
74. Ajjāpi laṃkāpatino, taṃ padesasamīpagā;  
Teneva parihārena, na vādāpentī tūriyaṃ.
75. Evaṃ dvattiṃsa damiḷa, rājāno duṭṭhagāmaṇi;  
Gaṇhitvā ekacchattena, laṃkārajjamakāsi so.
76. Vijite nagare bhinne, yodho so dīghajattuko;  
Eḷārassa nivedetvā, bhāgineyyassa yodhatāṃ.
77. Tassa halluka nāmassa, bhāgineyyassa attano;  
Pesayī cāgamatthāya, tassa sutvāna halluko.
78. Eḷāradaddhadivasā, sattame divase idha;  
Purisānaṃ sahassehi, saṭṭhiyā saha otari.
79. Otiṇṇo so suṇitvāpi, patanaṃ tassa rājino;  
“Yujjhissāmī”ti lajjāya, mahātitthāṃ idhāgamā.
80. Khandhāvāraṃ nivesesi, gāme koḷambahālake;  
Rājā tassā’gamaṃ sutvā, yuddhāya abhinikkhami.
81. Yuddhasannaha sannaddho, hatthimārūya kaṇḍulaṃ;  
Hatthassa rathayo dhehi, pantīhi ca anunako.
82. Ummādaphusso devo so, dīpe aggadhanuggaho;  
Dasaddhāyudhasanaddho, sesayodhā ca anvagum.
83. Pavatte tumūle yuddhe, sannaddho bhalluko tahiṃ;  
Rājābhimukha māyāsi, nāgarājā tu kaṇḍulo.
84. Taṃ vegamandibhāvattāṃ, paccosakki saniṃ saniṃ;  
Senāpi saddhiṃ teneva, paccosakki saniṃ saniṃ.
85. Rājāha “pubbe yuddhesu, aṭṭhavīsatiyā ayaṃ;  
Na paccosakki kiṃ etaṃ, phussadevā”ti āha so.
86. Jayo no paramo deva, jayabhūmi mayaṃ gajo;  
Paccosakkati pekkhanto, jayaṭṭhānamhi ṭhassati.
87. Nāgo’tha paccosakkivā, phussadevassa passato;  
Mahāvihārasīmante, aṭṭhāsi suppatiṭṭhito.
88. Tatraṭṭhito nāgarājā, bhalluko damiḷo tahiṃ;  
Rājābhimukhamāgantvā, uppaṇḍesi mahīpati.
89. Mukhaṃ pidhāya khaggena, rājā akkosi taṃ pana;  
“Raṇṇo mukhamhi pātemi”, iti kaṇḍaṇca so khipi.

90. Āhacca so khaggatalaṃ, kaṇḍo papati bhūmiyaṃ;  
“Mukhe viddho”ti saññāya, ukkaṭṭhiṃ bhalluko akā.
91. Rañño pacchā nisinno bho, phussadevo mahabbalo;  
Kaṇḍa khipimukhe tassa, ghaṭṭento rājakuṇḍalaṃ.
92. Rājānaṃ pādato katvā, patamānassa tassa tu;  
Khipitvā aparaṃ kaṇḍaṃ, vijjhivā tassa jaṇḍukaṃ.
93. Rājānaṃ sīsato katvā, pātesī lahuhatthako;  
Bhalluke patite tasmim, jayanādo pavattatha.
94. Phussadevo tahiṃyeva, ñāpetuṃ dosa mattano;  
Kaṇḍavallim sakaṃ chetvā, pasataṃ lohitaṃ sayam.
95. Radhaññā dassesi taṃ disvā, rājā taṃ pucchi “kiṃ”iti;  
Rāja daṇḍo kato meti, so avoca mahīpati.
96. Kodho dosoti vuttova,  
Āha kuṇḍala ghaṭṭanaṃ;  
Adosaṃ dosamaññāya,  
Kimetaṃ kari bhātika.
97. Iti vatvā mahārājā, kataññu idha māha ca;  
“Kaṇḍānucchaviko tuyhaṃ, sakkāro hessate mahā.
98. Ghātetvā damiḷe sabbe, rājā laddhajayo kato;  
Pāsāda talamāruyha, sīhāsanagato tahiṃ.
99. Nāṭakāmacca majjhamhi, phussadevassa taṃ saraṃ;  
Āṇāpetvā ṭhapāpetvā, puṃkhena ujukaṃ tale.
100. Kahāpaṇehi kaṇḍaṃ taṃ, āsितte’yu parūpari;  
Chādāpetvā dāpesi, phussadevassa taṃ khaṇe.
101. Narindapāsādatale, narindotha alaṅkate;  
Sugandhadīpujjalite, nānāgandhasamāyute.
102. Nāṭaka janayogena, accharāhi ca bhūsite;  
Anagghattharaṇatthiṇṇe, muduke sayane subhe.
103. Sayito sirisampattiṃ, mahatiṃ apipekkhiya;  
Kataṃ akkhobhiṇighātaṃ, saranto na sukhaṃ labhi.
104. Yiyaṅgudīpe arahanto, ñatvā taṃ tassatakkitaṃ;  
Aṭṭhā’rahante pāhesuṃ, tamassāsetumissaraṃ.
105. Āgamma te majjhāyāme, rāja dvāramhi otaruṃ;  
Nivedi tabbhāgamanā, pāsāda talemāruhuṃ.
106. Vanditvā te mahārāja, nisīdāpiya āsane;  
Katvā vividhasakkāraṃ, pucchi āgatakāraṇaṃ.
107. Piyaṅgudīpe saṅghena, pesitaṃ manujādhipa;  
Tamassā sayituṃ amhe, iti rājā punā’hate.

108. “Kathaṃ nu bhante assāso, mama hessati yena me;  
Akkhobhiṇimahāsena, ghāto kārāpito”’iti.
109. “Saggamaggantarāyo ca, natthi te tena kammunā;  
Dīyaḍḍhamanujā ce’ttha, ghātītā manujādhipa.
110. Saraṇesu t̥hito eko, pañcasīlepi cā’paro;  
Micchādīṭṭhi ca dussīlo, sesā pasusamāmatā.
111. Jotayissasi ceva tvaṃ, bahudhā buddhasāsanam;  
Manovilekhaṃ tasmā tvaṃ, vinodaya narissara.
112. Iti vutto mahārājā, tehi assāsamāgato;  
Vanditvā te visajjetvā, sayito puna cintayi.
113. Vinā saṅghena āhāraṃ, mābhuñjetha kadācipi’;  
Iti mātāpitā’hāre, sapīṃsu dahare’ vano.
114. Adatvā bhikkhusaṅghassa, bhuttaṃ atthi nukho iti;  
Addasa pātarāsamhi, ekaṃ maricavaṭṭikaṃ.
115. Saṅghassa aṭṭhapetvāva paribhuttaṃ satim vinā;  
Tadatthaṃ daṇḍakammaṃ me, kattabbanti ca cintayi.
116. Ete tenekakoṭi idha manujagaṇe ghātite cintayitvā,  
Kāmānaṃ hetu etaṃ manasi ca kayirā sādhu ādīnavaṃ taṃ;  
Sabbesaṃ ghātaniṃ taṃ manasi ca kayirā’ niccataṃ sādhu sādhu,  
Evaṃ dukkhā pamokkhaṃ subhagati mahavā pāpuṇeyyā’cīrenāti.

Sujanappasādasamvegatthāya kate mahāvamse

Duṭṭhagāmaṇivijayo nāma

Pañcavīsatiso paricchedo.

## Chabbīsatiso pariccheda

### Maricavaṭṭikavīhāramho

1. Ekacchattaṃ karitvāna, laṃkārajjam mahāyaso;  
Nānantaraṃ saṃvidahi, yodhānaṃ so yathārahaṃ.
2. Theraputtābhayo yodho, diyyamānaṃ na icchitaṃ;  
Pucchitova kimatthanti, yuddhamatthīti abravi.
3. Ekarajje kate yuddhaṃ, kināmattīti pucchito;  
Yuddhaṃ kilesa corehi, karissāmi sudujjayaṃ.
4. Iceva māha taṃ rājā, punappunaṃ nisedhayi;  
Punappunaṃ soyācitvā, rañṇonuñṇāya pabbaji.
5. Pabbajitvā ca kālena, arahattamapāpuṇi;  
Pañcakhīṇāsavasata-parivāerā ahosi ca.
6. Chattamaṅgala sattāhe, gate gatabhayo’ bhayo;

Rājā katā bhisekova, mahatā vibhavena so.

7. Tissavāpi' magā kīḷa-vidhinā samalaṅka taṃ;  
Kīḷituṃ abhisittānaṃ, cārittañcā nurakkhituṃ.
8. Rañño paricchadaṃ sabbam, upāyanasatāni ca;  
Maricavaṭṭivihārassa, ṭhānamhi ṭhapayiṃsu ca.
9. Tattheva thūpaṭhānamhi, sadhātuṃ kuntamuttamaṃ;  
Ṭhapesuṃ kuntadharakā, ujukaṃ rājamānusā.
10. Sahorodho mahārājā, kīḷitvā salile divā;  
Sāyamāhaṃ gamissāma, kuntaṃ vaḍḍhetha bho''iti.
11. Cāletuṃ taṃ na sakkhiṃsu, kuntaṃ rājādhikārikā;  
Gandhāmālāhi pūjesuṃ, rājasenāsamāgatā.
12. Rājā mahantaṃ accheraṃ, disvā taṃ haṭṭhamānaso;  
Vidhāya tattha ārakkhaṃ, pavisitvā puraṃ tato.
13. Kuntaṃ parikkhipāpetvā, cetiyaṃ tattha kārayi;  
Thūpaṃ parikkhipāpetvā, vihārañca akārayi.
14. Tīhi vassehi niṭhāsi, vihāro so narissaro;  
Saṅghaṃ sasannipātesi, viharamahākāraṇā.
15. Bhikkhunaṃ satasahassāni, tadā bhikkhuniyo pana;  
Navuti ca sahasāni, abhaviṃsu samāgatā.
16. Tasmim samāgame saṅghaṃ, idamāka mahīpati;  
“Saṅghaṃ bhante visarivā, bhuñjiṃ maricavaṭṭikaṃ.
17. Hasse'taṃ daṇḍakammaṃ me, bhavatūti akārayi;  
Sacetiyaṃ maricavaṭṭi-vihāraṃ sumanoharaṃ.
18. Patiggaṇhātu taṃ saṅgho, iti so dakkhiṇodakaṃ;  
Pātivā bhikkhusaṅghassa, vihāraṃ sumano adā.
19. Vihāre taṃ samantāpi, mahantaṃ maṇḍapaṃ subhaṃ;  
Kāretvā tattha saṅghassa, mahādānaṃ pavattayi.
20. Pāde patiṭṭhāpetvāpi,  
Jale abhayavāpiyā;  
Kato so maṇḍapo āsi,  
Seso kāse kathāvaka.
21. Sattāhaṃ annapānādiṃ, datvāna manujādhipo;  
Adā sāmaṇakaṃ sabbam, parikkhāraṃ mahārahaṃ.
22. Ahu satasahassaggho, parikkhāro sa ādiko;  
Ante sahasagghanako, sabba saṅgho ca taṃlabhi.
23. Yuddhe dāne ca sūrena, sūrinā ratanattaye;  
Pasannāmalacittena, sāsanujota natthinā.

24. Raññā kataññunā tena, thūpakārāpanādito;  
Vihāra mahanantāni, pūjetuṃ ratanattayaṃ.
25. Pariccattadhanāne'ttha, anagghāni vimuñciya;  
Sesāni honti ekāya, ūnavīsatiakoṭiyo.
26. Togā dasaddhavidha dosavidūsitāpi,  
Paññāvisesa sahitehi janehi pattā;  
Honteva pañcaguṇayoga gahitasāraṃ,  
Iccassa sāragahaṇe matimāyateyyāti.

Sujanappasādasamvegatthāya kate mahāvamse

Maricavaṭṭikavihāramahonāma

Chabbīsatiṃ paricchedo.

## Sattavīsatiṃ pariccheda

### Lohapāsādamaho

1. Tato rājā vicintesi, vissutaṃ sussutaṃ sutam;  
Mahāpañño sadā puñño, paññāya katanicchayo.
2. “Dīpappasādako thero, rājino ayyakassa me;  
Evaṃ kirāhanattā te, duṭṭhagāmaṇibhūpati.
3. Mahāpuñño mahāthūpaṃ, soṇṇamāliṃ manoramaṃ;  
Vīsaṃhatthasataṃ uccaṃ, kāressati anāgate.
4. Puno uposathāgāraṃ, nānāratanaṃḍitaṃ;  
Navabhūmaṃ karitvāna, lohapāsāda meva ca.
5. Iti cintiya bhūmino, likhitvevaṃ ṭhapāpitaṃ;  
Pekkhāpento rājagehe, ṭhitaṃ eva karaṇḍake.
6. Sovanṇapaṭṭaṃ laddhāna, lekhaṃ tattha avācayi;  
“Cattālīsataṃ vassaṃ, atikkamma anāgate.
7. Kākavaṇṇasuto duṭṭha-gāmaṇimanujādhipo;  
Idañcidañca evañca, kāressati”ti vācitaṃ.
8. Sutvā haṭṭho udānetvā, appoṭṭhesi mahīpati;  
Tato pāto’va gantvāna, mahāmeghavanaṃ subhaṃ.
9. Sannipātaṃ kārayitvā, bhikkhusaṅghassa abravi;  
“Vimānatulyaṃ pāsādaṃ, kārayissāmi vo ahaṃ.
10. Dibbaṃ vimānaṃ pesetvā, tadā lekhaṃ adātha me”;  
Bhikkhusaṅgho visajjesi, aṭṭha khīṇāsava taḥiṃ.
11. Kassapamunino kāle, asoko nāma brāhmaṇo;  
Aṭṭha salākabhattāni, saṅghassa pariṇāmiya.
12. Bharaṇiṃ nāma dāsiṃ so, “niccaṃ dehi”ti abravi;



Datvā sā tāni sakkaccaṃ, yāvajīvaṃ tato cutā.

13. Ākāsaṭṭhavamānamhi, nibbattirucire subhe;  
Accharānaṃ sahasena, sadā'si parivāritā.
14. Tassā ratanapāsādo, dvādasayojanuggato;  
Yojanānaṃ parikkhepo, cattālīsañca aṭṭha ca.
15. Kūṭāgārasahassena, maṇḍito navabhūmiko;  
Sahassagabbhasampanno, rājamāno catummukho.
16. Sahassasaṅkhasaṃvutti, sīhapañjara nettavā;  
Sakiṅkaṇīkajālāya, sajjito vedikāya ca.
17. Ambalaṭṭhikapāsādo, tassa majjhe ṭhito ahu;  
Santamato dissamāno, paggahitadhajākulo.
18. Tāvatiṃsañca gacchantā, disvā therāṃ tameva te;  
Hiṅgulena tadā lekhaṃ, lekhayitvā paṭe tato.
19. Nivattitvāna āgantvā, paṭaṃ saṅghassa dassayūṃ;  
Saṅgho paṭaṃ gahetvā taṃ, pāhesi rājasantikaṃ.
20. Taṃ disvā sumano rājā, āgammārāma muttamaṃ;  
Ālekhatulyaṃ kāresi, lohapāsāda muttamaṃ.
21. Kammārambhanakāleva, catudvāramhi bhogavā;  
Aṭṭhasatasahassāni, hiraññāni ṭhapāpayi.
22. Puṭasahassa vatthāni, dvāre dvāre ṭhapāpayi;  
Guḷa telasakkharamadhu-purā cāneka cāṭiyo.
23. “Amūlakakamma mettha, na kātabba”nti bhāsiya;  
Agghāpetvā kataṃ kammaṃ, tesāṃ mūlamadāpayi.
24. Hatthasataṃ hatthasataṃ, āsi ekeka passato;  
Uccato tattakoyeva, pāsādo hi catummukho.
25. Tasmim pāsāda seṭṭhasmim, ahesuṃ navabhūmiyo;  
Ekekissā bhūmiyā ca, kūṭāgārasatāni ca.
26. Kūṭāgārāni sabbāni, sajjhunā khacitā na'yūṃ;  
Pavālavedikā tesāṃ, nānāratana bhūsitā.
27. Nānāratana cittāni, tāsāṃ padumakāni ca;  
Sajjhakimkiṇīkāpanti-parikkhittāva tā ahu.
28. Sahassaṃ tattha pāsādo, gabbhā āsuṃ susaṅkhatā;  
Nānāratana khacitā, sīhapañjaranettavā.
29. Nārivāhanayānantu, sutvā vessavaṇassa so;  
Tadā kāramakāresi, majjhe ratanamaṇḍapaṃ.
30. Sīhabyagghādirūpehi, devatā rūpakehi ca;  
Ahu ratanamayohe'sa, thambhehi ca vibhūsito.

31. Muttājālaparikkhepo, maṇḍapante samantato;  
Pavāavedikā cettha, pubbe vuttavidhā ahu.
32. Sattaratana cittassa, vemajjhe maṇḍapassa tu;  
Ruciro dantapallaṅko, rammo phalिकासantharo.
33. Dantamayāpassaye'ttha, suvaṇṇamaya sūriyo;  
Sajjhumaye candimā ca, tārā ca muttakā mayā.
34. Nānāratana padumāni, tattha tattha yathārahaṃ;  
Jātakāni ca tattheva, āsuṃ soṇṇalatantare.
35. Mahagghapaccattharaṇe, pallaṅke'ti manorame;  
Manoharā'siṭṭhapitā, ruciraṃ dantabjānī.
36. Pavālapādukā tattha, phalikaṃhi patiṭṭhitā;  
Setacchattaṃ sajjhudaṇḍaṃ, pallaṅko'parisobhatha.
37. Sattaratana mayānettha, aṭṭhamaṅgalikāni ca;  
Catuppadānaṃ pantī ca, maṇimuttantarā ahuṃ.
38. Rajatānañca ghaṇṭānaṃ, pantī bhattantalambitā;  
Pāsādachattapallaṅka-maṇḍapā'suṃ anagghikā.
39. Mahaggha paññapāpesi, mañcapīṭhaṃ yathārahaṃ;  
Tatheva bhūmattharaṇaṃ, kambalañca mahārahaṃ.
40. Ācāma kumbhisovaṇṇā, uluṅko ca ahu taḥiṃ;  
Pāsāda paribhogesu, sesesu ca kathā'vakā.
41. Cārupākāra parivāro,  
So catudvārakoṭṭhako;  
Pāsādo'laṅkato sobhi,  
Tāvatiṃsa sabhā viya.
42. Tamba lohiṭṭhakāhe'so,  
Pāsādo chādito ahu;  
Loha pāsāda vohāro,  
Tena tassa ajāyatha.
43. Naṭṭhite lohapāsāde, so saṅghaṃ sannipātayi;  
Rājā saṅgho sannipati, maricavaṭṭimahe viya.
44. Puthujjanā'va aṭṭhaṃsu, bhikkhū paṭhamabhūmiyaṃ;  
Tepiṭakā dutiyāya, sotāpannādayo pana.
45. Eke keyeva aṭṭhaṃsu, tatiyādīsu bhūmisu;  
Arahanto ca aṭṭhaṃsu, uddhaṃ catūsu bhūmisu.
46. Saṅghassa datvā pāsādaṃ, dakkhiṇambupurassaraṃ;  
Rājā'dattha mahādānaṃ, sattāhaṃ pubbakaṃ piya.
47. Pāsāda mahacattāni, mahācāgena rājinā;  
Anagghāni ṭhapetvāna, ahesuṃ tiṃsakoṭiyo.

48. Nissāre dhananicaye visesasāraṃ,  
Ye dānaṃ parigaṇayanti sādhuṇṇā;  
Te dānaṃ vipulamapeta cittasaṅgā,  
Sattānaṃ hitaparamā dadanti evaṃti.

Sujanappasādasamvegatthāya kate mahāvamse

Lokahapāsādamaho nāma

Sattavīsatimo paricchedo.

## Aṭṭhavīsatima pariccheda

### Mahā thūpasādhana lābho

1. Tato satahassamaṃ so, vissajjtvā mahīpati;  
Kārāpesi mahābodhi-pūjamaṃ suḷāramuttamaṃ.
2. Tato puramaṃ pavisinto, thūpaṭṭhāne nivesitaṃ;  
Passitvāna silāyūpamaṃ, saritvā pubbakamaṃ sutimaṃ.
3. “Kāressāmi mahāthūpamaṃ”, iti haṭṭho mahātalaṃ;  
Āruyha rattimaṃ bhuñjivā, sayito iti cintayi.
4. “Damiḷe maddamānena, loko’yamaṃ pīlito mayā;  
Na sakkā balimuddhattamaṃ, taṃ vajjiya baliṃ ahamā.
5. Kārayanto mahāthūpamaṃ, kataṃ dhammena iṭṭhikā;  
Uppādessāmi “iccevaṃ, cintayantassa cintitamaṃ.
6. Chattamhi devatājānī, tato kolāhalaṃ ahu;  
Devesu ṇatvā taṃ sakko, vissakammāna mabravi.
7. “Iṭṭhakattaṃ cetiyassa, rājā cintesi gāmaṇi;  
Gantvā purā yojanamhi, gambhīra nadī yantike.
8. Māpehi iṭṭhikā tattaṃ’, iti sakke na bhāsito;  
Vissakammo idhāgamma, māpesi tattha iṭṭhikā.
9. Pabhāte luddako tattha, sunakhehi vanaṃ agā;  
Vodhārūpena dassesi, luddakamaṃ bhummadevatā.
10. Luddako taṃ’ nubandhanto, gantvā disvāna iṭṭhakā;  
Antarahitāya godhāya, iti cidhantasi so tahimaṃ.
11. “Kāretu kāmo kira no, mahāthūpamaṃ mahīpati;  
Upāyanamidaṃ tassaṃ’, iti gantvā nivedayi.
12. Tassa taṃ vacanaṃ sutvā, piyamaṃ janahi tappiyo;  
Rājā kāresi sakkāraṃ, mahantaṃ tuṭṭhamānaso.
13. Purāpubbuttare dese, yojanattaya matthake;  
Ācāra viṭṭhigāmaṃhi, soḷasakarīse kale.
14. Sovaṇṇa bījānu’ṭṭhiṃsu, vividhāni pamāṇato;

Vidatthukkaṭṭha māṇāni, aṅgulimāṇā niheṭṭhato.

15. Suvanṇa puṇṇaṃ taṃ bhūmiṃ, disvā saṅgāmaṅgālikā;  
Suvanṇa pāhiṃ ādāya, gantvā rañño nivedayaṃ.
16. Purāpācīna passamhi, satta yojana matthake;  
Gaṅgāpāre tambapitṭhe, tambaloḥaṃ samuṭṭhahi.
17. Taṅgāmikā tambaloḥa-bijamādāya pātiyā;  
Rājāna mupasaṅkamma, tamatthaṅga nivedayaṃ.
18. Pubbadakkhiṇadesamhi, purato catuyojane;  
Sumana vāpi gāmaṃhi, utṭhahimsu maṇibahū.
19. Upala kuruvindehi, missakāneva gāmikā;  
Ādāya pātiyāeva, gantvā rañño nivedayaṃ.
20. Purato dakkhiṇe passe, aṭṭhayanamatthake;  
Ambaṭṭha kolaleṇamhi, rajataṃ upapajjatha.
21. Nagare vāṇijo eko, ādāya sakate bahū;  
Malayā siṅgīverādiṃ, ānetuṃ malayaṃ gato.
22. Leṇassa avidūramhi, sakaṭāṇiṭṭha pāpiya;  
Patodādāruṇicchanto, āruḷho taṃ mahādhamaṃ.
23. Cāṭippamāṇa taṃ tattha, pakkabhārena nāmi taṃ;  
Disvā pana salaṭṭhiṅga, pāsāṇaṭṭhaṅga taṃ phalaṃ.
24. Vaṇṭe taṃ vāsiyā chetvā, dassāma'gganti cintiya;  
Kālaṃ ghosesi saddhāya, cattāro'nāsavāgamaṃ.
25. Haṭṭho so te'bhivādetvā, nisīdāpiya sādaro;  
Vāsiyā vaṇṭasāmantā, tacamaṃ chetvā apassayaṃ.
26. Muṇḍitvā'vāṭa puṇṇaṃ taṃ, yūsaṃ pattehi ādiya;  
Cattāro yūsa pūrete, patte tesamadāsiso.
27. Te taṃ gahetvā pakkāmaṃ,  
Kālaṃ ghosesi so puna;  
Aññe khiṇāsavā therā,  
Cattāro tattha āgamaṃ.
28. Tesamaṃ patte gahetvā so, pattāmiṅgāhi pūriya;  
Adāsi tesamaṃ pakkāmaṃ, tayo eko napakkami.
29. Rajataṃ tassa dassetuṃ, orohitvā tato hi so;  
Nisajja leṇāsannaṃhi, tāmiṅgā paribhuṅgatha.
30. Sesāmiṅgā vāṇijo'pi, bhuṅgitvā yāvadatthakaṃ;  
Bhaṇḍikāya gahetvāna, sesatherapadānugo.
31. Añjasā iminā tvampi, gaccha dānī upāsaka;  
Gantvāna theramaṃ passivā, veyyāvacca mahāsi ca.

32. Thero ca leṇadvārena, tassa magga amāpayi;  
Theraṃ vandiya so tena, gacchanto leṇamaddasa.
33. Leṇa dvāramhi ṭhatvāna, passitvā rajatampi so;  
Vāsiyā āhanitvāna, rajatati vijāniya.
34. Gahetvekaṃ sajjhupiṇḍaṃ, gantvāna sakaṭantikaṃ;  
Sakaṭāni ṭhapāpetvā, sajjhupiṇḍaṃ tamādiya.
35. Lahuṃ anurādha puraṃ, āgamma varavāṇiyo;  
Dassetvā rajataṃ rañño, tamatthampi nivedayi.
36. Purato pacchime passe, pañcayojana matthake;  
Uruvelapaṭṭane muttā, mahāmalaka mattiyo.
37. Pavālantarikā saddhiṃ, samuddāthalamokkamūṃ;  
Kevaṭṭā tā samekkhitvā, rāsiṃ katvāna ekato.
38. Pātiyā ānayitvāna, muttā saha pavālakā;  
Rājāna mupasaṅkamma, tamatthampi nivedayūṃ.
39. Purato uttare passe, satta yojana matthake;  
Peḷivāpika gāmassa, vāpipakkhantakandare.
40. Jāyimsu vālukāpiṭṭhe, cattāro uttamā maṇi;  
Nīsada potappamāṇā, ummāpupphanibhāsabhā.
41. Te disvā sunakho luddo, agantvā rājasantikaṃ;  
“Evarūpā maṇidiṭṭho, mayā”iti nivedayi.
42. Itṭhakādīni etāni mahāpuñño mahāmati;  
Mahāthūpatthamuppannā-na’ssosi tadaheva so.
43. Yathānurūpaṃ sakkāraṃ, tesam katvā sumānato;  
Ete vā rakkhake katvā, sabbāni āharāpayi.
44. Khedampi kāyajamasayhamacintayitvā,  
Puññaṃ pasannamanaso pacita hi evaṃ;  
Sādheti sādhana satāni sukhā karāni,  
Tasmā pasannamanaso’va kareyya puññanti.

Sujanappasādasamvegatthāya kate mahāvamse

Mahāthūpasādhanalābho nāma

Aṭṭhavīsatiṃ paricchedo.

## **Ekūnatimsatima pariccheda**

### **Thūpārambho**

1. Evaṃ samatte sambhāre, vesākhapuṇṇamāsīyaṃ;  
Patte visākhanaḅhatte, mahāthūpatthamārabhi.
2. Hāretvāna tahiṃ thūpaṃ, thūpaṭṭhānamakhāṇayi;

Satthahattho mahīpālo, thirī kātum manekadhā.

3. Yodhehi āharāpetvā, gulapāsāṇake tahim;  
Kūṭhehi āhanāpetvā, pāsāṇe cuṇṇite atha.
4. Cammavanaddha pādehi, mahāhatthīhi maddayi;  
Bhūmiyā thirībhāvattam, atthānatthavicakkhaṇo.
5. Ākāsa gaṅgāpatita-ṭṭhāne satatatintake;  
Mattikā sukhumā tattha, samantā tim sayojane.
6. Navanīta mattikā'tesā, sukhumattā papuccati;  
Khīṇāsavā sāmaṇerā, mattikā āharum tato.
7. Mattikā attharāpesi, tattha pāsāṇakoṭṭime;  
Iṭṭhakā attharāpesi, mattiko pariissaro.
8. Tasso parikharasudham, kuruvindam tatopari;  
Tasso pariayojālam, marumbantu tatoparam.
9. Āhaṭam sāmaṇerehi, himavantā sugandhakam;  
Santharāpesi bhūmino, phalīkantu tatopari.
10. Sīlāyo santharāpesiccha phalīkasantharo pari;  
Sabbattha mattikākicce, navanītavhayā ahu.
11. Niyyāsenā kapiṭṭhassa, sannitena rasodake;  
Aṭṭhaṅgulam bahalaetā, lohapaṭṭam sīlopari.
12. Manosilāyatilate-lasannitāya tato pari;  
Sattaṅgulam sajjupaṭṭam, santharesi rathesabho.
13. Mahāthūpa patiṭṭhāna-ṭṭhāne evam mahīpati;  
Kāretvā parikammāni, vipasannena cetasā.
14. Āsalhī sukkapakkhassa, divasamhi catuddase;  
Kāretvā bhikkhusaṅghassa, sannipātamidam vadi.
15. Mahācetiya matthāya, bhadantāmaṅgaliṭṭhakam;  
Patiṭṭhāpessam sve ettha, sabbo saṅgho sametuno.
16. Buddha pūjā payogena, mahājanahītattiko;  
“Mahājano” posathiko, gandhamālādigaṇhiya.
17. Mahāthūpa patiṭṭhāna-ṭṭhānam yātu suve”iti;  
Cetiya ṭṭhāna bhūsāya, amacce ca niyojayi.
18. Āṇāpitā narindena, munino piyagāravā;  
Anekehi pakārehi, te tam ṭṭhānamalaṅkarum.
19. Nagaram sakalañceva, maggañceva idhāgatam;  
Anekehi pakārehi, alaṅkārayi bhūpati.
20. Pabhāte ca catudvāre, nagarassa ṭṭhāpāyay;  
Nahāpate nahāpake ca, appake ca bahūtathā.

21. Vatthāni gandhamālā ca, annāni madhurāni ca;  
Mahājanattham bhūmindo, mahājanahite rato.
22. Paṭiyattāni etāni, sādiyitvā yathāruci;  
Porājānapadāceva thūpaṭhānamupāgamum.
23. Sumaṇḍitehi nekehi, ṭhānantara vidhānato;  
Ārakkhito amaccehi, yathāṭhānam mahīpati.
24. Sumaṇḍitāhi nekāhi, devakaññūpamāhi ca;  
Nāṭakīhi paribbulho, sumaṇḍita passādhito.
25. Cattālīsa sahassehi, narehi parivārito;  
Nānā tūriya saṅghuṭṭho, devarāja vilāsavā.
26. Mahāthūpa patiṭṭhānam, ṭhānāṭhāna vicakkhaṇo;  
Aparaṇhe upāgañchi, nandayanto mahājanam.
27. Aṭṭhuttarasahassam so, sāṭakāniṭṭhapāpiya;  
Puṭabaddhāni majjhamhi, catupasse tato pana.
28. Vatthāni rāsīmkāresi, aenakāni mahīpati;  
Madhusappi guḷādīhi ca, maṅgalattham ṭhapāpayi.
29. Nānādesehipā'gañchum, bahavo bhikkhavo idha;  
Idha dīpaṭṭhasaṅghassa, kā kathāva idhāgame.
30. Thero' sīti sahasāni, bhikkhū ādāya āgamā;  
Rājagahassa sāmantā, indagutto mahāgaṇī.
31. Sahassāni'sipatanā, bhikkhūnam dvādasā'diya;  
Dhammaseno mahāthero, cetiyaṭhānamāgamā.
32. Saṭṭhibhikkhusahasāni, ādāya idhamāgamā;  
Pīyadassī mahāthero, jetārāma vihārato.
33. Vesālī mahāvanato, theroru buddharakkhito;  
Aṭṭhārāsa sahasāni, bhikkhū ādāya āgamā.
34. Kosambī ghoṣitārāmā, theroru dhammarakkhito;  
Tīmśabhikkhusahasāni, ādāya idha āgamā.
35. Ādāyujjenīyam thero, dakkhiṇa girito yati;  
Cattārīsa sahasāni, agoru saṅgharakkhito.
36. Bhikkhūnam satasahasam, saṭṭhasahasāni cā'diya;  
Pupphapure'sokarāmā, thero mittiṇṇa nāmakō.
37. Duvē satasahasāni, sahasāni asīti ca;  
Bhikkhū gahetvānu'ttiṇṇo, thero kasmiramaṇḍalā.
38. Cattārīsata sahasāni, sahasāni ca saṭṭhi ca;  
Bhikkhū pallavabhogamhā, mahādevo mahāmatī.
39. Yonagarā'lasandāso, yona mahādhammarakkhito;  
Thero tīmśa sahasāni, bhikkhū ādāya āgamā.

40. Vañjhātavivattaniyā, senāsanā tu uttaro;  
Thero saṭṭhisahassāni, bhikkhū ādāya āgamā.
41. Cittagutto mahāthero, bodhimaṇḍavihārato;  
Tiṃsa bhikkhusahassāni, ādiyitvā idhāgamā.
42. Candagutto mahāthero, vanavāsapadesato;  
Āgāsīti sahasāni, ādiyitvā yatī idha.
43. Sūriyaguttomahāthero, kelāsambhā vihārato;  
Channavutī sahasāni, bhikkhūādāya āgamā.
44. Bhikkhūnaṃ dīpavāsinaṃ, āgatānañca sabbaso;  
Gaṇānāya paricchedo, porāṇehi na bhāsito.
45. Samāgatānaṃ sabbesaṃ, bhikkhunaṃ taṃ samāgame;  
Vuttā khīṇāsavāyeva, te channavutikoṭṭiyo.
46. Te mahācetiyaṭṭhānaṃ, parivāretvā yathārahaṃ;  
Majjhe ṭhapetvā okāsaṃ, rañño aṭṭhaṃsu bhikkhavo.
47. Pavisitvā tahiṃ rājā, bhikkhusaṅghaṃ tathā ṭhitaṃ;  
Disvā pasannacittena, vanditvā haṭṭhamānaso.
48. Gandhamālāhi pūjetvā, katvāna tipadakkhiṇaṃ;  
Majjhe puṇṇaḡhaṭṭhānaṃ, pavisitvā samaṅgalaṃ.
49. Suvaṇṇakhīle paṭimukkaṃ, paribbhamanadaṇḍakaṃ;  
Rājatena kataṃ suddhaṃ, suddhapīti balodayo.
50. Gāhayitvā amaccena, maṇḍitena sujātinā;  
Abhimaṅgalabhūtena, bhūtabhūtiparāyaṇo.
51. Mahantaṃ cetiyāvaṭṭaṃ, kāretuṃ katanicchayo;  
Bhamāpayitu māraddho, parikammaṃ bhūmiyaṃ.
52. Siddhattho nāma nāmena, mahāthero mahiddhiko;  
Tathākarontaṃ rājānaṃ, dīghadassī nivārayi.
53. “Evaṃ mahantaṃ thūpañca, ayaṃ rājā’rabhissati;  
Thūpe aniṭṭhiteyeva, maraṇaṃ assa hessati.
54. Bhavissati mahanto ca, thūpoduppaṭṭisaṅkharo;  
Iti so nāgataṃ passaṃ, mahantattaṃ nivārayi.
55. Saṅghassa ca anuññāya, thero sambhāvanāyaca;  
Mahantaṃ kattukāmo’pi, gaṇhitvā therabhāsitaṃ.
56. Therassa upadesena, tassa rājā akārayi;  
Majjhimaṃ cetiyāvaṭṭaṃ, patiṭṭhāpetumiṭṭhikā.
57. Sovaṇṇarajate ceva, ghaṭe majjheṭṭhapāpayi;  
Aṭṭhaṭṭha aṭṭhitussāho, parivāriya te pana.
58. Aṭṭhuttarasahassañca, ṭhapāpesi nave ghaṭe;  
Aṭṭhuttare aṭṭhuttare, vatthānaṃ tu sate pana.



59. Iṭṭhikāpavarā aṭṭha, ṭhapāpesi visuṃ visuṃ;  
Sammatenā amaccena, bhūsitena anekadhā.
60. Tato ekaṃ gāhayitvā, nānāmaṅgalasaṅkhate;  
Purittimadisābhāge, paṭṭhamāṃ maṅgalitthikaṃ.
61. Patiṭṭhāpesi sakkaccaṃ, manuññe gandhakaddame;  
Jātisumana pupphesu, pūjitesu tahiṃ pana.
62. Ahosi puthavīkampo, sesā sattāpi sattahi;  
Pattiṭṭhāpesa' maccehi, maṅgalāni ca kārayi.
63. Evaṃ asāḷhamāsassa, sukkaṃpakke' bhisammate;  
Uposathe pannarase, patiṭṭhāpesi iṭṭhikā.
64. Catuddisaṃ ṭhite tattha, mahāthere anāsava;  
Vanditvā pūjayitvā ca, suppatito kamena so.
65. Pubbuttaṃ disaṃ gantvā, piyadassiṃ anāsavaṃ;  
Vanditvāna mahātheraṃ, aṭṭhāsi tassa santike.
66. Maṅgalaṃ tattha vaḍḍhento, tassa dhammamabhāsiso;  
Therassa desanā tassa, janassā' hosi sātthikā.
67. Cattālīsasahassānaṃ, dhammābhisamayo ahu;  
Cattālīsasahassānaṃ, sotāpattiphalaṃ ahu.
68. Sahassaṃ sakadāgāmi, anāgāmi ca tattakā;  
Sahassaṃyeva arahanto, tattha' hesuṃ gihījanā.
69. Aṭṭhārasasahassāni, bhikkhūbhikkhuniyo pana;  
Cuddaseva sahasāni, arahatte patiṭṭhayaṃ.
70. Evampapasannamatimā ratanattayamhi,  
Cāgāmiṃuttamanasājanatāhi tena;  
Lokatthasiddhi paramā bhavatīti ṇatvā,  
Saddhādinekaḡaṇayoga ratim kareyyāti.

Sujanappasādasāṃ vegatthāya kate mahāvamaṃse

Thūpārambho nāma

Ekūnatimṣatimo paricchedo.

## **Tiṃsatima pariccheda**

### **Dhātugabbharacano**

1. Vanditvāna mahārājā, sabbaṃ saṅghaṃ nimantayi;  
“Yāvacetiyaniṭṭhānā, bhikkhaṃ gaṇhatha me” iti.
2. Saṅgho taṃ nādhivāsesi, anupubbena so pana;  
Yāvanto yāva sattāhaṃ, sattāhamadhivāsaṃ.
3. Alatto' paḍḍhabhikkhūhi, te laddhā sumano' va so;

Aṭṭhārasasu ṭhānesu, thūpaṭhānasamantato.

4. Maṇḍape kārayitvāna, mahādānaṃ pavattayi;  
Sathāhaṃ tattha saṅghassa, tato saṅghaṃ vissajjayi.
5. Tato bheriṃ carāpetvā, iṭṭhakā vaḍḍhakī lahuṃ;  
Sannipātesi te āsuṃ, pañcamattasātāni hi.
6. Kathaṃ karissasi ne’ko, pucchito āha bhūpati;  
‘Pessiyānaṃ satam laddhā, paṃsūnaṃ sakaṭaṃ ahaṃ.
7. Khepayissāmi ekkā’haṃ, taṃ rājā paṭibāhayi;  
Tato upaḍḍhupaḍḍhañca, paṃsū dve ammaṇāni ca.
8. Āhaṃsu rājā paṭibāhi, caturo tepi vaḍḍhakī;  
Atheke paṇḍito byatto, vaḍḍhakī āha bhūpatiṃ.
9. ‘‘Udukkhale koṭṭayitvā, ahaṃ suppehi vaṭṭitaṃ;  
Piṃsāpayitvā nisade, etaṃ paṃsūnamammaṇaṃ.
10. Iti vutto anuññāsi, tiṇādinethano siyuṃ;  
Cetiyaṃhīti bhūmino, indatulyaparakkamo.
11. ‘‘Kaṃ saṅghānaṃ cetiyaṃ taṃ, karissasi tuvaṃ iti;  
Pucchitaṃ taṃkhaṇaṃyeva, vissakammo tamāvisi.
12. Sovaṇṇapātiṃ to yassa, purāpetvāva vaḍḍhakī;  
Pāṇinā vārimādāya, vāripiṭṭhiyamāhanī.
13. Phalika lolasadiṣaṃ, mahāphubbuḷamuṭṭhahi;  
Āhī’disaṃ karissati, tussitvāna’ssa bhūpati.
14. Sahassagghaṃ vatthayugaṃ, tathā’laṅkāra pādukā;  
Kahāpanāni dvādasa-sahassāni ca dāpapi.
15. ‘‘Iṭṭhakā āhārāpessaṃ, apīlento kathaṃ nare’’;  
Iti rājā vicintesi, rattimñatvāna taṃ marū.
16. Cetiyaṃ catuddhāre, āharitvāna iṭṭhakā;  
Rattim rattim ṭhapayimsu, ekekāhapahonakā.
17. Taṃ sutvā sumanorājā, cetiye kammamārabhi;  
Amūlamettha kammañca, na kātabbanti ñāpayi.
18. Ekekasmim duvārasim, ṭhapāpesi kahāpaṇe;  
Soḷasatasahassāni, vatthānisu bahūni ca.
19. Vividhañca alaṅkāraṃ, khajjaṃbhojjaṃ sapānaṃ;  
Gandhamālāguḷādica, mukhavāsakapañcakaṃ.
20. ‘‘Yathārucitaṃ gaṇhantu, kammaṃ katvā yathārucaṃ;  
Te tatheva apekkhitvā, adamsu rājakammikā.
21. Thūpakammasahāyattaṃ, eko bhikkhunikāmayam;  
Mattikāpiṇḍamādāya, attanā abhisankhataṃ.

22. Gantvāna cetiyatṭhānaṃ, vaḍḍhetvā rājakammike;  
Adāsi taṃ vaḍḍhakissa, gaṇhantoyeva jāniso.
23. Tassā kāraṃ viditvāna, tatthāhosi kutūhalaṃ;  
Kamena rājā sutvāna, āgato pucchi vaḍḍhakī.
24. Deva ekena hatthena, pupphānā' dāya bhikkhavo;  
Ekena mattikāpiṇḍaṃ, denti mayhaṃ ahaṃ pana.
25. Ayaṃ āgantuko bhikkhu, ayaṃ nevāsiko iti;  
Jānāminevā' ti vaco, sutvā rājāsamappayi.
26. Ekobalattaṃ dassetuṃ, mattikā dāyakaṃ yatim;  
So balatassa dassesi, so taṃ rañño nivedayi.
27. Jātimakulakumbheso, mahābodhaṅgaṇe tayo;  
Ṭhapāpetvā balatthena, rājā dāpesi bhikkhuno.
28. Ajānitvā pūjayitvā, ṭhitasse'tassa bhikkhuno;  
Balattho taṃ nivedesi, tadā taṃ jāni so yati.
29. Kelivāte janapade, piyaṅgallanivāsiko;  
Thero cetiyakammasmim, sahāyattaṃ nikāmayam.
30. Tassitthikāvaḍḍhakissa, ñātako idha āgato;  
Tassitthikā samattena, ñāto katvāna iṭṭhakaṃ.
31. Kammiyevaḍḍhayitvāna, vaḍḍhakissa adāsitaṃ;  
So taṃ tattha niyojesi, kolāhalamahosi ca.
32. Rājā sutvāva' taṃ āha, “ñātuṃ sakkā tamiṭṭhikaṃ”;  
Jānantopi na sakkāti, rājānaṃ āha vaḍḍhakī.
33. “Jānāsi taṃ tvaṃ theramti”,  
Vutto āmā'ti bhāsito;  
Taṃ ñāpanatthaṃ appesi,  
Balatthaṃ tassa tūpati.
34. Balattho tena taṃ ñatvā, rājānuññāyupāgato;  
Kaṭṭhahālapariveṇe, theram passiya mantiya.
35. Therassa magamanāhañca, gatiṭhānañca jāniya;  
“Tumhehi saha gacchāmi, sakaṃ gāmaṃ”nti bhāsiya.
36. Rañño sabbaṃ nivedesi, rājā tassa adāpayi;  
Vatthayugaṃ sahasagghaṃ, mahagghaṃ rattakambalaṃ.
37. Sāmaṇake parikkhāre, bahuke sakkharampi ca;  
Sugandha telanāḷiñca, dāpetvā anusāsitaṃ.
38. Therena saha gantvā so, dissante piyagallake;  
Theram sītāya chāyāya, sodakāya nisīdiya.
39. Sakkharapāṇakaṃ datvā, pāde telena makkhiya;  
Upāhanāni yojetvā, parikkhāre upānaya.

40. Kulūpagassa therassa, gahitā me ime mayā;  
Vatthayugamtu puttassa, sabbe tāni dadāmi vo.
41. Iti vatvāna datvā te, gahetvā gacchato pana;  
Vanditvā rājavacasā, rañño sandesamāha so.
42. Mahāthūpe kayiramāne, satiyākammakārakā;  
Anekasaṅkhāhi janā, pasannā sugatiṃ gatā.
43. Cittappasādamattena, sugate gatiuttamā;  
Labbhatīti viditvāna, thūpapūjaṃ kare budho.
44. Ettheva bhatiyā kammaṃ, karitvā itthiyo duve;  
Tāvatiṃsamhi nibbattā, mahāthūpamhi niṭṭhite.
45. Āvajjitvā pubbakammaṃ, diṭṭhakammaphalā ubho;  
Gandhamālā'diyitvāna, thūpaṃ pūjetumāgatā.
46. Gandhamālāhi pūjetvā, cetiyaṃ abhivandisum;  
Tasmiṃ khaṇe bhātivāṅka-vāsī thero mahāsivo.
47. Rattibhāge mahāthūpaṃ, vandissāmīti āgato;  
Tādisvāna mahāsatta-paññirukkhama passito.
48. Adassayitvā attānaṃ, passaṃ sampattimabbhutaṃ;  
Thatvā tāsāṃ vandanāya, pariyosāne apucchitaṃ.
49. “Bhāsate sakalo dīpo,  
Dehobhāsena vo idha;  
Kinnukammaṃ karitvāna,  
Devalokaṃ ito gatā.
50. Mahāthūpe kataṃ kammaṃ, tassa āhaṃsu devatā;  
Evaṃ tathāgate heva, pasādo hi mahapphalo.
51. Pupphadhānattayaṃ thūpe, iṭṭhikāhi citaṃ citaṃ;  
Samaṃ pathaviyā katvā, iddhimanto'va sīdayuṃ.
52. Nava vāre citaṃ sabbaṃ, evaṃ osīdayiṃsu te;  
Atha rājā bhikkhusaṅgha-sannipāta makārayi.
53. Tatthāsītisahassāni, sannipātamhi bhikkhavo;  
Rājā saṅghamupāgama, pūjetvā abhivandiya.
54. Iṭṭhakosidanehetuṃ, pucchi saṅgho viyākari;  
“No sīdanatthaṃ thūpassa, iddhimantehi bhikkhūhi.
55. Kataṃ etaṃ mahārāja, na idāni karissate;  
Aññathattamakavā taṃ, mahāthūpaṃ samāpaya.
56. Taṃ sutvā sumano rājā, thūpakammamakārayi;  
Pupphādhānesu dasasu, iṭṭhikā dasakoṭiyo.
57. Bhikkhusaṅgho sāmaṇere, uttaraṃ sumanampi ca;  
“Cebhiya dhātugabbhatthaṃ, pāsāṇe meghavaṇṇake.

58. Āharathā'’ti yojesi, te gantvā uttaraṃ kuruṃ;  
Asīti ratanāyāma, vitthāre ravibhāsure.
59. Aṭṭhaṅgulāni bahale, gaṇṭhipupphanibhe subhe;  
Chameghavaṇṇapāsāṇe, āharimsu khaṇetato.
60. Pupphadhānassa upari, majjhe ekaṃ nipātiya;  
Catupassamhi caturo, mañjūsam viya yojiya.
61. Ekaṃ pidhānakatthāya, disābhāge puratthime;  
Adassanaṃ karitvā te, ṭhapayimsu mahiddhikā.
62. Majjhamhi dhātugabbhassa, tassa rājā akārayi;  
Ratanamayam bodhirukkham, sabbākāramanoramam.
63. Aṭṭhārasa rataniko, khandho sākhāssa pañca ca;  
Pavālamayamūlo so, indanīle patiṭṭhito.
64. Susuddhara-jatakkhandho, maṇipattehi sobhito;  
Hemamayapaṇḍupatta, phalo pavālaaṅkuro.
65. Atha maṅgalikā tassa, khandhe pupphalatāpi ca;  
Catuppadānaṃ pantīdha, haṃsapanti ca sobhanā.
66. Uddham cāruvitānante, muttā kiṃ kiṇijālakā;  
Suvaṇṇa ghaṇṭāpantīdha, dāmāni ca tahiṃ tahiṃ.
67. Vitāna catukoṇamhi, muttādāmaka-lāpako;  
Navasata sahasaggho, eke ko asilambito.
68. Ravicandatāra rūpāni, nānāpadumakāni ca;  
Ratanehi katāneva, dhitāne appitāna'yum.
69. Aṭṭhuttarasahassāni, vattāni vividhāni ca;  
Mahagghanānāraṅgāni, vitāne lambitāna'yum.
70. Bodhiṃ parikkhipitvāna, nānāratanavedikā;  
Mahāmalaka muttāhi, santhāretu tadantare.
71. Nānāratana pupphānaṃ, catugandhūdakassa ca;  
Puṇṇā puṇṇaghaṭapanti, bodhimūle katāna'yum.
72. Bodhi pācina paññatte, pallaṅkekoṭiagghake;  
Sovaṇṇa buddhapaṭimam, nisīdāpesi bhāsuraṃ.
73. Sarīrāvayavātassā, paṭimāya yathārahaṃ;  
Nānāvaṇṇehi ratanehi, katā surucirā ahuṃ.
74. Mahābrahmā ṭhito tattha, rājatacchatta dhārako;  
Vijayuttarasāṅkhena, sakko ca abhisekado.
75. Viṇāhattho pañcasikho, kāḷanāgo sanāṭiko;  
Sahassahattho māro ca, sahattīsaha kiṃkaro.
76. Pācinapallaṅkanibhā, tīsu sesadisāsu ca;  
Koṭikoṭidhanagghā ca, pallaṅkā atthatā ahuṃ.

77. Bodhiṃ ussisake katvā, nānāratanaṃaṇḍitaṃ;  
Koṭi dhanagghakaṃṃyeva, paññattaṃ sayanaṃ ahu.
78. Sattasattāha ṭhānesu, tattha tattha yathārahaṃ;  
Adhikāre akāresi, brahmayācanaṃeva ca.
79. Dhammacakkappavattaṅca, yasapabbajanampi ca;  
Bhaddavaggiya pabbajjaṃ, jaṭilānaṃ dāmanampi ca.
80. Bimbisārāgamañcāpi, rājagehappavesanaṃ;  
Veḷuvanassagahanaṃ, asītisāvake tathā.
81. Kapila vatthugamaṃaṃ, tathā ratana caṅkamaṃ;  
Rāhulānandaṃpabbajjaṃ, gahaṃaṃ jetavanaṃssa ca.
82. Ambamūle pāṭihīraṃ, tāvatiṃsaṃhi desanaṃ;  
Devorohaṇapāṭihīraṃ, therapañhasamaṅgamaṃ.
83. Mahāsamaya suttantaṃ, rāhulovādamevaca;  
Mahāmaṅgalasuttaṅca, dhanapālasamaṅgamaṃ.
84. Āḷavakaṅgulimāla, apalāladāmanampi ca;  
Pārāyanaṃkaṃsamiṭṭiṃ, āyuvossajjanaṃ tathā.
85. Sūkaramaddavaggāhaṃ, siṅgīvaṇṇayugassa ca;  
Pasannodakapānaṅca, parinibbāna meva ca.
86. Devamaṃssa paridevaṃ, therena pādavandaṃaṃ;  
Dahaṃaṃ agginibbānaṃ, tattha sakkāra meva ca.
87. Dhātuṃvitaṅga doṇena, pasādajanaṃkāni ca;  
Yebhuṃyena akāresi, jātakāni sujātimā.
88. Vessantara jātakantu, vitthārena akārayi;  
Kusināpurato yāva, bodhimanti tatheva ca.
89. Catuddisaṃ te cattāro, mahārājā ṭhitā ahuṃ;  
Tettiṃsadeva puttā ca, bāttiṃsa ca kumāriyo.
90. Yakkhasenāpatiṭṭha, vīsati ca tato pari;  
Añjaliṃpaggahādevā, pupphapuṇṇaghaṭā tato.
91. Naccakā devatāceva, tūriyavādaka devatā;  
Ādāsagāhaka devā, pupphasākhā dharā tathā.
92. Padumādigāhaka devā, aññe devā ca nekadhā;  
Ratanagghiya panti ca, dhammacakkāna meva ca.
93. Khaggadharādevapanti, devāpātidharā tathā;  
Tesaṃ sīse pañcahatthā, gandhatelassa pūritā.
94. Dukūlavatṭikā panti, sadāpañjalitā ahu;  
Phalikagghiye catukkaṇṇe, ekeko ca mahāmaṇi.
95. Suvaṇṇamaṇi muttānaṃ, rāsiyo vajirassa ca;  
Catukkaṇṇesu cattāro, kathā'hesuṃ pabhassarā.

96. Medavaṇṇakapāsāṇa, bhittiyaṃyeva ujjalā;  
Vijjātā appitā āsuṃ, dhātugabbhevibhūsitā.
97. Rūpakānettasabbāni, dhātugabbhe manorame;  
Ghanakoṭṭi mahemassa, kārāpesi mahīpati.
98. Kammādhiṭṭhāyako ettha, sabbam saṃvidahi imaṃ;  
Indagutto mahāthero, chaḷabhiñño mahāmatī.
99. Sabbam rājiddhiyā etaṃ, devatānañca iddhiyā;  
Iddhiyā ariyānañca, asambādham patiṭṭhitam.
100. Niṭṭhantaṃ sugatañca pūjyatamaṃ lokuttamaṃ nittamaṃ;  
Dhātu tassa vicuṇṇitaṃ janahitaṃ āsimsatā pūjjiya;  
Puññaṃ taṃ samamicca'cecca matimā saddhāguṇalaṅkato;  
Tiṭṭhantaṃ sugataṃ viya'ssa munino dhātu ca sambūjaye.

Sujanappasādasamvegatthāya kate mahāvamse

Dhātugabbharacano nāma

Tiṃsatimo paricchedo.

## **Ekatimsatima pariccheda**

### **Dhātunidhānaṃ**

1. Dhātugabbhamhi kammāni, niṭṭhāpetvā arindamo;  
Sannipātaṃ kārayitvā, saṅghassa idhamabravi.
2. Dhātugabbhamhi kammāni, mayā niṭṭhāpi tāni hi;  
Suve dhātuṃ nidhessāmi, bhante jānātha dhātuyo'’.
3. Idaṃ vatvā mahārājā, nagaraṃ pāvisī tato;  
Dhātu āharaṃ bhikkhuṃ, bhikkhusaṅgho vicintiya.
4. Soṇuttaraṃ nāmayatiṃ, pūjāparivenāvāsi kaṃ;  
Dhātāharaṇa kammamhi, chaḷabhiññaṃ niyojaya.
5. Cārikaṃ caramānamhi, nāthe lokahitāyahi;  
Nanduttaro'ti nāmena, gaṅgātūramhi māṇavo.
6. Nimantetvā'bhisambuddham, saha saṅghaṃ abhojaya;  
Satthāpayogapaṭṭhāne, sasaṅghonāvamāruhi.
7. Tattha bhaddajithero tu, chaḷabhiñño mahiddhiko;  
Jalapakkhalitaṭṭhānaṃ, disvā bhikkhū idaṃ vadī.
8. ‘‘Mahā panādabhūtena, mayā vutto suvaṇṇayo;  
Pāsādo patito ettha, pañcavīsatiyojako.
9. Taṃ pāpuṇitvā gaṅgāya, jalaṃ pakkhili taṃ idha;  
Bhikkhū asaddahantā taṃ, satthuno taṃ nivedayaṃ.
10. Satthā'ha ‘‘kaṅkhaṃ bhikkhunaṃ, vinodehī’’tisotato;

Ñāpetuṃ brahmaloke'pi, vasavattisamattha taṃ.

11. Iddhiyā nabhamuggantvā, sattatālasame thito;  
Dūssathūpaṃ brahmaloke, ṭhapetvā vaḍḍhite kare.
12. Idhā'netvā dassayitvā, janassa puna taṃ taḥiṃ;  
Ṭhapayitvā yathāṭhāne, iddhiyā gaṅgāmāgato.
13. Pādaṅguṭṭhena pāsādaṃ, gahetvā thupikāyaso;  
Ussāpetvāna dassetvā, janassa khiṇi taṃ taḥiṃ.
14. Nanduttaro māṇavako, disvā taṃ pāṭihāriyaṃ;  
Parāyattamaḥaṃ dhātuṃ, pahuānayitūṃ siyaṃ.
15. Iti patthayi tenetaṃ, saṅgho soṇuttaraṃ yatitūṃ;  
Tasmīṃ kamme niyojesi, soḷasavassikaṃ api.
16. “Āharāmi kuto dhātuṃ”, iti saṅghamapucchiso;  
Kathesi saṅgho therassa, tassa tā dhātuyo iti.
17. “Parinibbāna mañcamhi, nipanno loka nāyako;  
Dhātūhipilokahi taṃ, kātuṃ devinda mabruvi.
18. Devinda'ṭṭhasu doṇesu, mama sārīradhāthusu;  
Ekaṃ doṇaṃ rāmagāme, koḷiyehi ca sakkataṃ.
19. Nāgalokaṃ tato nitaṃ, tato nāgehi sakkataṃ;  
Laṃkādiṇe mahāthūpe, nidhānāya bhavissati.
20. Mahākassapattheropi, dīghadassī mahāyati;  
Dhammāsoka narindena, dhātuvitthārakārako.
21. Rājagahassa sāmante, raññā ajātasattunā;  
Kārāpento mahādhātuṃ, nidhānaṃ sādhu saṅkhatāṃ.
22. Satta doṇāni dhātūnaṃ, āharitvāna kārayi;  
Rāmagāmaṃ doṇantu, sattucittaññuna'ggahi.
23. Mahādhātunidhānaṃ taṃ, dhammāsokopi bhūpati;  
Passitvā aṭṭhamaṃ doṇaṃ, āṇāpetuṃmakitūṃ akā.
24. Mahāthūpe nidhānatthaṃ, vihitāṃ taṃ jinēni'ti;  
Dhammāsokaṃ nivāresuṃ, tattha khiṇāsavāyati.
25. Rāmagāmaṃ thūpotu, gaṅgātīre kato tato;  
Bhijjigaṅgāya oghena, sotu dhātu karaṇḍako.
26. Samuddaṃ pavisitvāna, dvidhā bhinne jale taḥiṃ;  
Nānāratanaṃ piṭṭhamhi, aṭṭhārasmiṃ samākulo.
27. Nāgā disvā karaṇḍaṃ taṃ, kāḷānāgassa rājino;  
Mañjērīkānāgabavanaṃ, upagamma nivedayaṃ.
28. Dasakoṭīsaḥassehi, gantvā nāgehi so taḥiṃ;  
Dhātu tā abhipūjento, netvāna bhavanaṃ sakaṃ.



29. Sabbaratanamayam thūpaṃ, tassoparigharam tathā;  
Māpetvā saha nāgehi, sadā pūjesi sādaro.
30. Ārakkhāmahatī tattha, gantvā dhātuidhānaya;  
Suve dhātunidhānañhi, bhūmipālo karissati''.
31. Icevaṃ saṅghavacanaṃ, sutvā sādhitī so pana;  
Pattabbakālaṃ pekkhanto, pariveṇa magāsakaṃ.
32. Bhavissati suve dhātu, nidhānanti mahīpati;  
Cāresi nagare bheriṃ, sabba kiccaṃ vidhāya taṃ.
33. Nagaraṃ sakalañceva, idhāgāmiñca añjasaṃ;  
Alaṅkārayi sakkaccaṃ, nagare ca vibhūsayi.
34. Sakko devānamindo ca, laṃkādīpamasesakaṃ;  
Āmantevā vissakammaṃ, alaṅkārayinekadhā.
35. Nagarassa catudvāre, vattabhattaṃhi nekadhā;  
Mahājanopabhogattaṃ, ṭhapāpesi narādhipo.
36. Uposathe pannarase, aparane sumānaso;  
Paṇḍito rājakicesu, sabbālaṅkāra maṇḍito.
37. Sabbāhi nāṭakatthīhi, yodhehi sāyudhehi ca;  
Mahatā ca baloghena, hatthivā jirathehi ca.
38. Nānāvidhavibhūsehi, sabbato parivārito;  
Āruya surathaṃ aṭṭhā, suseta ca susindhavaṃ.
39. Bhūsitam kaṇḍūlaṃ hatthiṃ, kāretvā puratosubham;  
Suvaṇṇacaṅgoṭadharo, sotacchattassa heṭṭhāto.
40. Aṭṭhuttara sahasāni, nāgaranāriyo subhā;  
Supuṇṇaghaṭabhūsayo, taṃ raṭṭhaṃ parivārayuṃ.
41. Nānāpupphasamuggāni, tatheva daṇḍadīpikā;  
Tattakā tattakā eva, dhārayitvāna itthiyo.
42. Aṭṭhuttara sahasāni, dārakā samalaṅkatā;  
Gahetvā parivāresuṃ, nānāvaṇṇadhaje subhe.
43. Nānātūriyaghosehi, anekehi tahiṃ tahiṃ;  
Hatthasarathasaddehi, bhijjante viya bhūtale.
44. Yanto mahāmeghavanaṃ, siriya so mahāyaso;  
Yante'va nandanavanaṃ, devarājā asobhatha.
45. Rañño niggamanārambhe, mahātūriya ravaṃpure;  
Pariveṇe nisinnō'va, sutvā soṇuttaro yati.
46. Nīmujjitvā puthuviyā, gantvāna nāgamandiraṃ;  
Nāgarājassa purato, tattha pātūrahulahuṃ.
47. Vuṭṭhāya abhivādetvā, pallaṅke taṃ nivesīla;  
Sakkaritvāna nāgindo, pucchi āgata desakaṃ.

48. Tasmim vutte athopucchi, therāgamanakāraṇaṃ;  
Patvā' dhikāraṃ sabbam so, saṅgha sandesa mabruvi.
49. Mahāthūpe nidhānatthaṃ, buddhena vihitā idha;  
Tava hatthagatā dhātu, dehitā kira me tuvaṃ.
50. Taṃ sutvā nāgarājāso, atīva domanassi to;  
“Pahū ayañhi samaṇo, balakkārena gaṇhituṃ.
51. Tasmā aññattha netabbā, dhātuyo’’iti cintiya;  
Tattha t̥hitam bhāgineyyaṃ, ākārena nivedayi.
52. Nāmena vāsuladatto, jānitvā tassa iṅgitaṃ;  
Gantvā taṃ cetiyagharaṃ, gilitvāna karaṇḍakaṃ.
53. Sinerupādaṃ gantvāna, kuṇḍalāvaṭṭakosayi;  
Tiyojanasataṃ dīgho, bhogoyojanaṭṭavā.
54. Anekāni sahasāni, māpetvāna phaṇāni ca;  
Dhūpāyati pajjalati, sayitvā so mahiddhiko.
55. Anekāni sahasāni, attanā sadise ahi;  
Māpayitvā sayāpesi, samantā parivārite.
56. Bahū devā ca nāgā ca, osariṃsu tahiṃ tadā;  
“Yuddhaṃ ubhinnaṃ nāgānaṃ, pasissāma mayaṃ’’iti.
57. Mātulo bhāgineyyena, haṭātā dhātuyo iti;  
Ñatvā'naha theram taṃ, dhātunatthi me santike iti.
58. Āditoppabhutithero, tāsam dhātūnamāgamaṃ;  
Vatvāna nāgarājaṃ taṃ, “dehi dhātū’’ti abruvi.
59. Aññathā saññāpetuṃ taṃ, theram so uragādhipo;  
Ādāya cetiya gharaṃ, gantvā taṃ tassa vaṇṇayi.
60. Anekadhā anekehi, ratanehi susaṅkhatam;  
Cetiyaṃ cetiyagharaṃ, passa bhikkhu sunimmitam.
61. Lamkāḍīpamhi sakale, sabbāni ratanānīpi;  
Sopānante pāṭīkampi, nāgghanta'nñesu kā kathā.
62. Mahāsakkāraṭṭhānamhā, appasakkāraṭṭhāna kam;  
Dhātūnaṃ nayaṇaṃ nāma, nayuttaṃ bhikkhuvo idaṃ.
63. “Saccābhisamayo nāma, tumhākaṃ hīna vijjati;  
Saccābhisamayaṭṭhānaṃ, netuṃ yuttañhi dhātuyo’’.
64. “Saṃsāra dukkha mokkhāya, uppajjanti tathāgatā;  
Buddhassāyamadhippāyo, tenanessāma dhātuyo.
65. Dhātunidhānaṃ aje'va, so hi rājā karissati;  
Tasmā papañcamakaritvā, lahuṃ me dehi dhātuyo’’.
66. Nāgoāhasace bhante, tuvaṃ passasi dhātuyo;  
Gahetvā yāhi taṃ thero, tikkhattuṃ taṃ bhaṇāpiya.

67. Sukhumaṃ kamaṃ māpayitvā, thero tatraṭṭhito'vaso;  
Bhāgineyyassa vadane, hatthaṃ pakkipa tāvade.
68. Dhātukaraṇḍaṃ ādāya, "tiṭṭha nāgā"ti bhāsiya;  
Nimujjitvā pathaviyaṃ, pariveṇamhi uṭṭhahi.
69. Nāgarājā gato bhikkhu, amhehi vañcito"iti;  
Dhātu ānayanatthāya, bhāgineyyassa pāhiṇi.
70. Bhāgineyyo'tha kucchimhi, apassitvā karaṇḍakaṃ;  
Paridevamāno āgantvā, mātulassa nivedayi.
71. Tadā so nāgarājāpi, "vañcitamha mayaṃ"iti;  
Paridevi nāgā sabbepi, parideviṃsu pīlitā.
72. Bhikkhu nāgassa vijaye, tuṭṭhā devā samāgatā;  
Dhātuyo pūjayantā, teneva saha āgamuṃ.
73. Paridevamānā āgantvā, nāgā saṅghassa santike;  
Bahudhā parideviṃsu, dhātāharaṇa dukkhitā.
74. Tesam saṅgho'nukampāya, thokaṃ dhātumadāpayi;  
Te tena tuṭṭhā gantvāna, pūjā bhaṇḍāni āharuṃ.
75. Sakko ratanapallaṅkaṃ, soṇṇacaṅkoṭameva ca;  
Ādāya saha devehi, taṃ ṭhānaṃ samupāgato.
76. Therassa uggataṭṭhāne, kārite vissakammunā;  
Patiṭṭhapetvā pallaṅkaṃ, subhe ratanamaṇḍape.
77. Mātukaraṇḍamādāya, tassa therassa hatthato;  
Caṅkoṭake ṭhapetvāna, pallaṅke pavareṭṭhapi.
78. Brahmā chattamadhāresi, santussito vālabījanim;  
Maṇitālavaṇṭaṃ suyāmo, sakko saṅkhaṃ tusodakaṃ.
79. Cattāro tu mahārājā, aṭṭhaṃsu khaggapāṇino;  
Samuggahatthā tettiṃsa, devaputtā mahiddhikā.
80. Pāricchattaka pupphehi, pūjayantā tahiṃṭhitā;  
Kumāriyotu dvattiṃsa, daṇḍadīpadharā ṭhitā.
81. Palāpetvā duṭṭhayakkhe, yakkhasenāpati pana;  
Aṭṭhavīsati aṭṭhaṃsu, ārakkhaṃ kurumānakā.
82. Vīṇaṃ vādayamāno'va, aṭṭhā pañcasikho tahiṃ;  
Raṅgabhūmiṃ māpayitvā, timparuturiya ghosavā.
83. Anekadevaputtā ca, sādhuḡitappayojakā;  
Mahākāḷo nāgarājā, thuyamāno anekadhā.
84. Dibbatūriyāni vajjanti, dibbasamḡiti vattati;  
Dibbagandhādivassāni, vassapenti ca devatā.
85. So indaguttatherotu, mārassa paṭibāhanaṃ;  
Cakkavāḷasamaṃ katvā, lohacchattamāpayi.

86. Mātūnaṃ purato ceva, tattha tattha ca pañcasu;  
Tḥānesu gaṇasajjhāyaṃ, kariṃsva khilabhikkhavo.
87. Tatthā'gamā mahārājā, pahaṭṭho duṭṭhagāmaṇi;  
Sīsenā'dāya ānīte, caṅkoṭamhi suvaṇṇaye.
88. Tḥapetvā dhātu caṅkoṭaṃ, patiṭṭhāpiya āsane;  
Dhātuṃ pūjīya vanditvā, ṭhito pañcalīko tahiṃ.
89. Dibbacchattādikānettha, dibbagandhādikāni ca;  
Passitvā dibbatūriyādi-sadde sutvā ca khattiyo.
90. Apassitvā brahmadevo, tuṭṭho acchariyabbhuto;  
Dhātuchattena pūjesi, laṃkāraṇṇe'bhisīnci ca.
91. "Dibbacchattaṃ mānusañca, vimutticchattameva ca;  
Iti ticchittadhāriṣṣa, lokanāthassa satthuno.
92. Tikkhattumeva me rajjaṃ, dammī'ti haṭṭhamānaso;  
Tikkhattumeva dhātūnaṃ, laṃkāraṇṇamadāsiso.
93. Pūjayanto dhātuyotā, devehi mānusehi ca;  
Saha caṅkoṭakeheva, sīsenādāya khattiyo.
94. Bhikkhusaṅgha paribyuḷho, katvā thūpaṃ padakkhiṇaṃ;  
Pācinato āharitvā, dhātugabbhamhi otari.
95. Arahanto channavuti-koṭiyo thūpamuttamaṃ;  
Samantā parivāretvā, aṭṭhaṃsu katapañjalī.
96. Otaritvā dhātugabbhaṃ, mahagghe sayanesubhe;  
Tḥapessāmiti cintente, pītipuṇṇanarissare.
97. Sadhātu dhātucāṅkoṭo, uggantvā tassa sīsato;  
Sattatālapamāṇamhi, ākāsamhi ṭhito tato.
98. Sayam karaṇḍo vivari, uggantvā dhātuyo tato;  
Buddhavesaṃ gahetvāna, lakkhaṇebyañjanujjalaṃ.
99. Gaṇḍambamūle buddho'va, yamakam pāṭihāriyaṃ;  
Akāṃsu dharamānena, sugatena adhiṭṭhitaṃ.
100. Taṃ pāṭihāriyaṃ disvā, pasannekaggamānasā;  
Devāmanussā arahattaṃ, pattā dvādasa koṭiyo.
101. Sesā phalattayaṃ pattā, atītā gaṇanāpathaṃ;  
Hitvā'tha buddhavesaṃ tā, karaṇḍamhi patiṭṭhayaṃ.
102. Tato oruyha caṅkoṭo, rañño sīse patiṭṭhahi;  
Sahindaguttatherena, nāṭakīhi ca so pana.
103. Dhātugabbhaṃpariharaṃ, patvāna sayanaṃ subhaṃ;  
Caṅkoṭaṃ ratanapallaṅke, tḥapayitvā jutindharo.
104. Dhovitvāna punohatthe, gandhavāsita vārinā;  
Catujjātiyagandhena, ubbatetvā sagāravo.

105. Karaṇḍaṃ vivarivāna, tāgahetvāna dhātuyo;  
Iti cintayi bhūmindo, mahājanahitattthiko.
106. Anākulaṃ kehicipi, yadi hessanti dhātuyo;  
Janassa saraṇaṃ hutvā, yadi ṭhassanti dhātuyo.
107. Satthunipannākārena, parinibbānamañcake;  
Nīpajjantu supaññatte, sayanamhi mahārahe.
108. Iti cintiya so dhātū, ṭhapesi sayanuttame;  
Tadā kāra dhātuyo ca, sahiṃsu sayanuttame.
109. Āsaḷhīsukkapakkhassa, pannarasauposathe;  
Uttarāsaḷhanakkhatte, evaṃ dhātupatiṭṭhitā.
110. Saha dhātupatiṭṭhānā, akkhampittha mahāmahī;  
Pāṭihīrāninekāni, pavattiṃsu anekadhā.
111. Rājā pasannodhātutā, setacchattena pūjayi;  
Laṃkāya rajjaṃ sakalaṃ, sattāhāni adāsi ca.
112. Kāye ca sabbālaṅkāraṃ, dhātugabbhamhi pūjayi;  
Tathānāṭakiyo' macchā, parisā devatāpi ca.
113. Vatthagulaḡhatādīni, datvā saṅghassa bhūpati;  
Bhikkhūhi gaṇasajjhāyaṃ, kāretvā' khilarattiyaṃ.
114. Punāhani purebheriṃ, cāresi ‘‘ sakalā janā;  
Vindantu dhātusattāhaṃ, imaṃ’’ti janatāhito.
115. Indagutto mahāthero, adiṭṭhāsi mahiddhiko;  
‘‘ Dhātu vanditukāmāye, laṃkādīpamhi mānusā.
116. Taṅkhaṇaṃyeva āgantvā, vanditvā dhātuyo idha;  
Yathā sakaṃ gharaṃ yantu’’, taṃ yathādhiṭṭhitaṃ ahu.
117. So mahābhikkhusaṅghassa, mahārājā mahāyaso;  
Mahādānaṃ pavattetvā, taṃ sattāhaṃ nirantaraṃ.
118. Ācikkhidhātugabbhamhi, kiccaṃ niṭṭhāpitaṃ mayā;  
Dhātugabbhapidhānaṃtu, saṅgho jānitumarahati.
119. Saṅgho te dve sāmaṇere, tasmīṃ kamme niyojayi;  
Pidaḡiṃsu dhātugabbhaṃ, pāsāṇenā' haṭena te.
120. ‘‘ Mālettha mā milāyantu, gandhāsussantumā ime;  
Mā nibbāyantu dīpāva, mā kiñcāpi vivajjatu.
121. Medavaṇṇa cha pāsāṇā, sandhiyantunirantarā’’;  
Iti ghīṇāsavā ettha, sabbametaṃ adhiṭṭhayuṃ.
122. Āṇāpesi mahārājā, ‘‘ yathāsattiṃ mahājano;  
Dhātunidhānakāne'ttha, karotū’’ti hitattthiko.
123. Mahādhātunidhānassa, piṭṭhimhi ca mahājano;  
Akā sahassa dhātunaṃ, nidhānāni yathābalaṃ.

124. Pidaḥāpiyaṃ sabbam, rājāthūpaṃ samāpayi;  
Caturassa ca yañcetha, cetiyamhi samāpayi.
125. Puññāni evamamalāni sayañcasanto,  
Kubbanti sabbavibhavuttamapatti hetu;  
Kārenti cāpihi'khilā parisuddhacittā,  
Nānāvisesajānatā parivārahetū''ti.

Sujanappasāda saṃvegathāya kate mahāvaṃse

Dhātunidhānaṃ nāma

Ekaṭṭimsatimo paricchedo.

## Dvattimsatima pariccheda

### Tusitapuragamaṃ

1. Anitṭhite chattaṃkamme, sudhākamme ca cetiye;  
Māraṇantikarogena, rājā āsi gilānako.
2. Tissaṃ pakkosayitvā so, kaniṭṭhaṃ dīghavāpito;  
''Thūpe anitṭhitam kammaṃ, niṭṭhāpehīti abravi.
3. Bhātuno dubbalattāso, tunnavāyehi kāriya;  
Kañcukaṃ suddhavatthehi, tena chādiya cetiyam.
4. Cittakārehi kāresi, vedikaṃ tattha sādhuṃkam;  
Pantipuṇṇaghaṭṭānañca, pañcaṅgulakapantikaṃ.
5. Chattaṃkārehi kāresi, chattaṃ veḷumayaṃ tathā;  
Kharapattamaye canda-sūriye muddhavediyaṃ.
6. Lākhākuṅkumakehe'taṃ, cittayitvā sucittitaṃ;  
Rañño nivedayi''thūpe, kattabbaṃ niṭṭhitam''iti.
7. Sivikāya nipajjitvā, idhāgantvā mahīpati;  
Padakkhiṇaṃ karitvāna, sivikāye'va cetiyam.
8. Vanditvā dakkhiṇadvāre, sayane bhūmisanthate;  
Sayitvā dakkhiṇapassena, so mahāthūpa muttamaṃ.
9. Sayitvā vāmapassesa, lohapāsāda muttamaṃ;  
Passanto sumano āsi, bhikkhusaṅghapurekkhato.
10. Gilānapucchanatthāya, āgatāhi tato tato;  
Channavutikoṭiyo bhikkhū, tasmim āsuṃ samāgame.
11. Gaṇasajjhāyamaṃkaruṃ, vaggabandhena bhikkhavo;  
Theraputtābhayaṃ theram, tathā'disvā mahīpati.
12. Aṭṭhavāsa mahāyuddham, yujjhanto aparājayaṃ;  
Yo so na paccudāvatto, mahāyodho vasī mama.
13. Maccuyuddhamhi sampatte, disvā maññe parājayaṃ;

Idāni so maṃ no peti, thero theraputtabhayo.

14. Iti cintayi sothero, jānitvā tassa cintitaṃ;  
Karindanadiyā sise, vasaṃ pañjalipabbate.
15. Pañcakhīṇāsavasata-parivārena iddhiyā;  
Nabhasāgamma rājānaṃ, aṭṭhāsi parivāriya.
16. Rājā disvā pasanno taṃ, purato ca nisīdiya;  
Tumhe dasamahāyodhe, gaṇhitvāna pure ahaṃ.
17. Yujjhiṃ idāni eko'va, maccunā yuddhamārabhiṃ;  
Maccusattaṃ parājetuṃ, na sakkomī''ti āha ca.
18. Āha thero ''mahārāja-mā bhāyi manujādhipa;  
Kilesasattaṃ ajitvā, ajeyyo maccusattuko.
19. Sabbampi saṅkhāragataṃ, avassaṃyeva bhijjati;  
''Aniccā sabbasaṅkhārā'', iti vuttaṃhi satthunā.
20. Lajjā sārājjarahitā, buddhepe'ti aniccatā;  
Tasmā aniccā saṅkhārā, dukkhā'nattāti cintaya.
21. Dutiye attābhāvepi, dhammacchando mahāhite;  
Upaṭṭhite devaloke, hitvā dibbaṃ sukhaṃ tuvaṃ.
22. Idhāgamma bahuṃ puññaṃ, akāsi ca anekadhā;  
Karaṇampekarajjassa, sāsanujjotanāyate.
23. Mahāpuññakataṃ puññaṃ, yāvajjadivasā tayā;  
Sabbamṇussaramevaṃ te, sukhaṃ sajju bhavissati.
24. Therassavacanaṃ sutvā, rājā attamano ahu;  
''Avassayo maccuyuddhepi, tvaṃ me sī''ti abhāsitaṃ.
25. Tadā ca āharāpetvā, pahaṭṭho puñña potthakaṃ;  
Vācetūṃ lekhakaṃ āha, so taṃ vācesi potthakaṃ.
26. Ekūnasatavihārā, mahārājena kārītā;  
Ekūnavīsakoṭṭhi, vihāro marica vaṭṭi ca.
27. Uttamo lohapāsādo,  
Tiṃsakoṭṭhi kārīto;  
Mahāthūpe anagghāni,  
Kārītā catuvīsati.
28. Mahāthūpamhi sesāni, kārītāni subuddhinā;  
Koṭṭisahasam agghanti, mahārājā''ti vācayi.
29. ''Koṭṭhanāmamhi malaye, akkhakkhāyika chātake;  
Kuṇḍalāni mahagghāni, duve datvāna gaṇhiya.
30. Khīṇāsavānaṃ pañcannaṃ, mahātherāna muttamo;  
Dinno pasannacittena, kaṅguambilapiṇḍako.

31. Cūḷaṅganiya yuddhamhi, parājitvā palāyatā;  
Kālaṃ ghosāpayitvāna, āgatassa vihāyasā.
32. Khīṇāsavassa yatino, attānamanapekkhiya;  
Dinnaṃ sarakabhata'nti, vutte āha mahīpati.
33. Vihāramahasattāhe, pāsādassa mahetathā;  
Thūpārambhe tu sattāhe, tathā dhātunidhānake.
34. Cātuddisassa ubhato, saṅghassa ubhato mayā;  
Mahārahaṃ mahādānaṃ, avisesaṃ pavattitaṃ.
35. Mahāvesākhapūjā ca, catuvīsati kārayi;  
Dīpe saṅghassa tikkhattuṃ, ticīvaramadāpayi.
36. Sattasatta dināneva, dīpe rajjamahaṃ imaṃ;  
Pañcakkhattuṃ sāsanaṃ, adāsīṃ haṭṭhamānaso.
37. Satataṃ dvādasatthāne, sappinā suddhavatṭhiyā;  
Dīpasahassaṃ jālesīṃ, pūjento sugataṃ ahaṃ.
38. Niccaṃ aṭṭhārasatthāne, vajjehi vihitāṃ ahaṃ;  
Gilāna bhattachesajjaṃ, gilānānamadāpayiṃ.
39. Catuttālīsasatthānamhi, saṅkhataṃ madhupāyasaṃ;  
Tattakesveva tthānesu, telullopakameva ca.
40. Ghate pakke mahājāla, pūve tthānamhi tattake;  
Tatheva saha bhattehi, nicca emava adāpayiṃ.
41. Uposathesu divasesu, māse māse ca aṭṭhasu;  
Laṃkādīpe vihāresu, dīpa telamadāpayiṃ.
42. Dhammādānaṃ mahantanti, sutvā amisadānato;  
Loha pāsādato heṭṭhā, saṅghamajjhamhi āsane.
43. “Osāressāmi saṅghassa, maṅgalasutta’” miccahaṃ;  
Nisinno osārayituṃ, nāsakkhiṃ saṅghagāravā.
44. Tatoppabhuti laṃkāya, vihāresu tahiṃ tahiṃ;  
Dhammakathaṃ kathāpesiṃ, sakkaritvāna desake.
45. Dhammakathika ssekassa, sappiphāṇitasakkhamaṃ;  
Nāliṃ nālimadāpesiṃ, dāpesiṃ caturaṅgulaṃ.
46. Muṭṭhikaṃ yaṭṭhimadhukaṃ, dāpesiṃ sāṭakadvayaṃ;  
Sabbamāpissariye dānaṃ, name hāsesi mānasāṃ.
47. Jīvitaṃ anapekkhitvā, duggatena satā mayā;  
Dinna dāna dvayaṃyeva, taṃ me hāsesi mānasāṃ.
48. Taṃ sutvā abhayo thero, taṃ dānadvayameva so;  
Rañño cittappasādatthaṃ, saṃ vaṇṇesi anekadhā.
49. Tesu pañcasu theresu, kaṅguambilagāhako;  
Maliya deva mahāthero, sumanakūṭamhi pabbate.



50. Navannaṃ bhikkhusatānaṃ, datvā taṃ paribhuñji so;  
Pathavīcālako dhamma, suttathero tu taṃ pana.
51. Kalyāṇikavīhāramhi, bhikkhūnaṃ saṃvibhājiya;  
Dasaddhasa tasanākhānaṃ, paribhoga makāsayaṃ.
52. Talaṅgara vāsiko dhamma, dinnatthero piyaṅguke;  
Dīpe dasasahassānaṃ, datvāna paribhuñjitaṃ.
53. Maṅgaṇavāsiko khudda, tissatthero mahiddhiko;  
Kelāse saṅghisahasānaṃ, datvāna paribhuñji taṃ.
54. Mahābyaggho ca thero taṃ, ukkanagaravīhārake;  
Datvā satānaṃ sattānaṃ, paribhogamakāsayaṃ.
55. Sarakabhattagāhī tu, thero piyaṅgudīpake;  
Dvādasa bhikkhusahasānaṃ, datvāna paribhuñjitaṃ.
56. Iti vatvā'bhayatthero, rañño hāsesi mānaṃ;  
Rājā cittaṃ pasādetvā, taṃ therā idha mabruvi.
57. “Catuvīsativassāni, saṅghassa upakārako;  
Aha mevaṃ hotu kāyo'pi, saṅghassa upakārako.
58. Mahāthūpa dassanaṭhāne, saṅghassa kammamāḷake;  
Sarīraṃ saṅghadāsassa, tumhe jhāpetha me''iti.
59. Kaniṭṭhaṃ āha “bho tissa, mahāthūpe aniṭṭhitaṃ;  
Niṭṭhāpehi tuvaṃ sabbaṃ, kammaṃ sakkacca sādhuṃ.
60. Sāyaṃ pāto ca pupphāni, mahāthūpamhi pūjaya;  
Tikkhattuṃ upahāraṅca, mahāthūpassa kāraya.
61. Paṭiyāditaṅca yaṃ vattaṃ, mayā sugata sāsane;  
Sabbāṃ aparihāpetvā, tāta vattaya taṃ tuvaṃ.
62. Saṅghassa tāta kiccesu, mā pamajjittha sabbadā'';  
Itaṃ taṃ anusāsivā, tuṅhī āsi mahīpati.
63. Taṅkhaṇaṃ gaṇasajjhāyaṃ, bhikkhusaṅgho akāsi ca;  
Devatā cha rathe ceva, chahi devehi ānayaṃ.
64. Yācuṃ visuṃ visuṃ devā, rājānaṃ te rathe ṭhitā;  
“Amhākaṃ devalokaṃ tvāṃ, ehi rājamanoramāṃ”.
65. Rājā tesāṃ vaco sutvā, “yāva dhammaṃ suṇomahaṃ;  
Adhivāsetha tāvā''ti, hatthākārena vārayi.
66. Vāreti gaṇasajjhāya, mībhi mantvāna bhikkhavo;  
Sajjhāyaṃ ṭhapaṃ rājā, pucchitaṃ ṭhānakāraṇaṃ.
67. “Āgamethā''ti saññāya, dinnattā''ti vadiṃsu te;  
Rājā “netāṃ tathā bhante''”, iti vatvāna taṃ vadi.
68. Taṃ sutvāna janā keci, “bhīto maccubhayā ayaṃ;  
Lālappatī''ti maññiṃsu, tesāṃ kaṅkhāvīnodanaṃ.

69. Kāretuṃ abhayatthero, rājānaṃ evamāha so;  
“Jānāpetuṃ kathaṃ sakkā, ānītā te rathā”’iti.
70. Pupphadānaṃ khipāpesi, rāja nabhasi paṇḍito;  
Tāni laggāni lambiṃsu, rathīsāsu viṣuṃ viṣuṃ.
71. Ākāse lambamānāni, tāni disvā mahājano;  
Kaṅkhaṃ paṭivinodesi, rājā theramabhāsitaṃ.
72. “Katamo devaloko hi,  
Rammo bhante”’ti so bruvi;  
“Tusinānaṃ puraṃ rāja,  
Rammaṃ”’iti sataṃ mataṃ.
73. Buddhabhāvāya samayaṃ, olokeno mahādayo;  
Metteyyo bodhisatto hi, vasate tusite pure.
74. Therassa vacanaṃ sutvā, mahārājā mahāmatī;  
Olokeno mahāthūpaṃ, nipannova nimīlayi.
75. Cavitvā taṃkhaṇaṃyeva, tusitā ahaṭe rathe;  
Nibbattivā ṭhitoyeva, dibbadeho adissatha.
76. Katassa puññakammaṃ, phalaṃ dassetumattano;  
Mahājanassa dassento, attānaṃ samalaṅkataṃ.
77. Rathatṭhoyeva tikkhattuṃ, mahāthūpaṃ padakkhiṇaṃ;  
Katvāna thūpaṃ saṅghaṅca, vanditvā tusitaṃ agā.
78. Nāṭakiyo idhāgantvā, makuṭaṃ yattha mocayuṃ;  
“Makuṭamuttasālā”’ti, ettha sālā katā ahu.
79. Cītake ṭhapite raññe, sarīramhi mahājano;  
Yatthāravi “rāvavaṭṭi-sālā”’nāma tahiṃ ahu.
80. Rañño sarīraṃ jhāpesuṃ, yasmiṃ nissīmamāḷake;  
So eva māḷako ettha, vuccate “rāja māḷako”’.
81. Duṭṭhagāmaṇirājā so, rājā nāmāraho mahā;  
Metteyyassa bhagavato, hessati aggasāvako.
82. Rañño pitā pitā tassa,  
Mātā mātā bhavissati;  
Saddhātisso kaniṭṭho tu,  
Dutiyo hessati sāvako.
83. Sālirājakumāro yo,  
Tassa rañño suto tuso;  
Metteyyassa bhagavato,  
Puttoyeva bhavissati.
84. Evaṃ yo kusalaparo karoti puññaṃ,  
Chādentō aniyatapāpakaṃ bahumpi;  
So saggaṃ sakale rami vo payāti tasmā,  
Sappañño sa tatarato bhavēyya puññeti.

Sujanappasādasamvegatthāya kate mahāvamse

Tusitapuragamanam nāma

Dvattimsatimo paricchedo

## Tettiṃsatima pariccheda

### Dasarājako

1. Duṭṭhagāmaṇirañño tu, rajjeṭhitā janā ahū;  
Sāliṛājakumāroti, hassāsi vissuto suto.
2. Atīva dhañño so āsi, puññakammarato sadā;  
Atīva cārurupāya, satto caṇḍāliyā ahu.
3. Asokamālādeviṃtaṃ, sambandhaṃ pubbajātiyā;  
Rūpenā'ti piyāyanto, so rajjaṃ nevakāmayi.
4. Duṭṭhagāmaṇibhātā'so, saddhātisso tadacchaye;  
Rajjaṃ kāressā'bhisitto, aṭṭhārassa samā'samo.
5. Chakkakammaṃ sudhākammaṃ, hatthipākārameva ca;  
Mahāthūpassa kāresi, so saddhākatanāmako.
6. Dīpena lohapāsādo, uḍḍiyhittha susaṅkhato;  
Kāresi lohapāsādaṃ, puna so sattabhūmakam.
7. Navutisatasahassaggho, pāsādo āsi so tadā;  
Dakkhinagīrivihāraṃ, kallakaleṇa meva ca.
8. Kuḷumbālavihāraṇca, tathāpettaṅga vālikam;  
Velaṅgavaṭṭikañceva, dubbalavāpitissataṃ.
9. Duratissakavāpiṇca, tathāmātuvihāraṃ;  
Kāresi ādīghavāpiṃ, vihāraṃyojana yojane.
10. Dīghavāpivihāraṇca, kāresi sahacetiyaṃ;  
Nānāratanaṅgacchannaṃ, tattha kāresi cetiye.
11. Sandhiyaṃ sandhiyaṃ tattha, rathacakkappamāṇakam;  
Sovaṇṇamālaṃ kāretvā, laggāpesi manoramaṃ.
12. Caturāsītisahassānaṃ, dhammakkhandaṅgamaṃ;  
Caturāsītisahassāni, pūjācāpi akārayi.
13. Evaṃ puññāni katvā so, anekāni mahīpati;  
Kāyassabhedā devesu, tusitesu'papajjatha.
14. Saddhātissapakārāje, vasante dīghavāpiyaṃ;  
Lajjītisso jeṭṭhasuto, girikumbhimaṅgamaṃ.
15. Vihāraṃ kārayi rammaṃ, taṃkaniṭṭhasuto pana;  
Thullatthano akāresi, vihāraṃ kandaṅgavayaṃ.

16. Pitarā thullatthanako, bhātusantikamāyatā;  
Sahevā’ha vihārassa, saṅghabhogattamattano.
17. Saddhātisseuparate, sabbe’ maccā samāgatā;  
Thūpārāme bhikkhusaṅghaṃ, sakalaṃ sannipātiya.
18. Saṅghānuññāyaraṭṭhassa, rakkhaṇatthaṃ kumārakaṃ;  
Abhisiñcum thullatthanam, taṃ sutvā lajjītissato.
19. Idhāgantvā gahetvā taṃ, sayam rajjamakārayi;  
Māsañceva dasāhañca, rājā thullatthano pana.
20. Tissosamaṃ lajjītisso, saṅgho hutvā anādaro;  
‘‘Na jāniṃsu yathāvuḍḍham’’ mīti taṃ paribhāsai.
21. Pacchā saṅghaṃ khamāpetvā, daṇḍakammatthamissaro;  
Tīṇi satasahassāni, datvāna urucetiye.
22. Silāmayāni kāresi, pupphayānāni tīṇiso;  
Atha satasahassena, citāpesi ca antarā.
23. Mahāthūpathūpārāmānaṃ, bhūmiṃbhūmissaro samaṃ;  
Thūpārāme ca thūpassa, silākañcuka muttamaṃ.
24. Thūpārāmassa purato, silāthūpakameva ca;  
Lajjikāsanasālañca, bhikkhusaṅghassa kārayi.
25. Kañcukaṃ kaṇṭake thūpe, kārāpesi silāmayam;  
Datvāna satasahassaṃ, vihāre cetiyavhaye.
26. Girikumbhilaṇāmassa, vihārassa mahamhi so;  
Saṭṭhibhikkhusahassānaṃ, ticīvaramadāpayi.
27. Ariṭṭhavihāraṃ kāresi, tathākandarāhinakaṃ;  
Gāmikānañca bhikkhūnaṃ, bhesajjāni adāpayi.
28. Kimicchakaṃ taṇḍulañca, bhikkhunīnamadāpayi;  
Samānava’ṭhamāsañca, rajjam so kārayī idha.
29. Mate lajjikatissamhi, kaniṭṭho tassa kārayi;  
Rajjam chaḷeva vassāni, khallāṭanāganāmako.
30. Lohapāsādaparivāre, pāsāde’ ti manorame;  
Lohapāsādasobhatthaṃ, eso dvattiṃsakārayi.
31. Mahāthūpassa parito, cārūno hemamālino;  
Vālikaṅgaṇamariyādaṃ, pākārañca akārayi.
32. Sovakurundapāsakaṃ, vihārañca akārayi;  
Puññakammānicaññāni, kārāpesi mahīpati.
33. Taṃ mahārattatonāma, senāpati mahīpatiṃ;  
Khallāṭanāgarājānaṃ, nagareyeva aggahi.
34. Tassa rañño kaniṭṭhotu, vaṭṭagāmaṇināmako;  
Taṃ duṭṭhasenāpatikaṃ, hantvā rajjamakārayi.

35. Khallāṭanāgarañño, puttakaṃ sakabhātuno;  
Mahācūlikanāmānaṃ, puttaṭhāne ṭhapesi ca.
36. Tammātaraṃ nuḷādeviṃ, mahesiṅca akāsiso;  
Pītiṭhāne ṭhitatā'ssa, pītirājāti abravuṃ.
37. Evaṃ rajje'bhisittassa, tassa māsamhi pañcame;  
Rohaṇe nakulanagare, eko brāhmaṇaceṭato.
38. Tiyo nāma brāhmaṇassa, vaco sutvā apaṇḍito;  
Coro asu mahātassa, parivāro ahosi ca.
39. Sagaṇāsattadamiḷā, mahātitthamhi otaruṃ;  
Tadā brāhmaṇatiyo ca, te sattadamiḷāpica.
40. Chakkatthāya visajjesuṃ, lekhaṃ bhūpatisantikaṃ;  
Rājā brāhmaṇatiyassa, lekhaṃ pesesi nītimā.
41. “Rajjaṃ tava idāneva, gaṇha tvaṃ damiḷe” iti;  
Sādhūti so damiḷehi, yujjhi gaṇhiṃsu te tu taṃ.
42. Tato te damiḷā yuddhaṃ, raññā saha pavattayuṃ;  
Koḷambālakasāmāntā, yuddhe rājā parājito.
43. Titthārāmaduvārena, rathāruḷho palāyati;  
Paṇḍukābhayarājena, titthārāmohi kārīto;  
Vāsito ca tadā āsi, ekavīsati rājusū.
44. Taṃ disvā palāyantam, nigaṇṭhogirināmako;  
“Palāyati mahākāḷa-siḷaḷo”ti bhusaṃ ravi.
45. Taṃ sutvāna mahārājā, “siddhe mama manorathe;  
Vihāraṃ ettha kāressaṃ”, iccevaṃ cintayī tadā.
46. Sagabbhaṃ anulādeviṃ, aggahī rakkhiyā iti;  
Mahācūḷa mahānāga-kumārecāpī rakkhiye.
47. Rathassa lahubhāvattam, ḍatvā cūḷamaṇiṃsubham;  
Otāresi somadeviṃ, tassa' nuññāya bhūpati.
48. Yuddhāyagamaneyeva, puttake dve ca deviyo;  
Gāhayitvāna nikkhanto, saṅkito so parājaye.
49. Asakkuṇitvā gāhetuṃ, pattaṃ bhuttaṃ jinena taṃ;  
Palāyitvā vessagīri-vane abhiniyiyiso.
50. Kutthikkulamahātissa-thero disvā tahaṃ tu taṃ;  
Bhattaṃ pādā anāmaṭṭhaṃ, piṇḍadānaṃ vivajjiya.
51. Atha ketakipattamhi, likhitvā haṭṭhamānaso;  
Saṅghabhogaṃ vihārassa, tassa pādāmahīpati.
52. Tato gantvā silāsobbha-kaṇḍakamhi vasī tato;  
Gantvāna mātuvelaṅge, sālagaḷasamīpago.

53. Tatthaddasa diṭṭhapubbaṃ, theramaṃ thero mahīpatiṃ;  
Upaṭṭhākassa appesi, tanasivassa sādhukaṃ.
54. Tassa so tanasivassa, raṭṭhikassa'ntike tahiṃ;  
Rājā cuddasavassāni, vasī tena upaṭṭhito.
55. Sattasu damīlesve'ko, somādeviṃ madāvahaṃ;  
Rāgaratto gahetvāna, paratīramagālahuṃ.
56. Ekopattaṃ dasabalassa, anurādhapure ṭhitaṃ;  
Ādāya tena santuṭṭho, paratīramagālahuṃ.
57. Puḷahattho tu damiḷo, tīṇivassāni kārayi;  
Rajjaṃ senāpatiṃ katvā, damiḷaṃ bāhiyavhayaṃ.
58. Puḷahatthaṃ gahetvā taṃ, dūre vassāni bāhīyo;  
Rajjaṃ kāresi tassā'si, paṇayamāro camūpati.
59. Bāhīyaṃ taṃ gahetvāna, rājā'si paṇayamārako;  
Sattavassāni tassā'si, piḷayamāro camūpati.
60. Paṇayamāraṃ gahetvā so, rājāsi piḷayamārako;  
Sattamāsāni tassāsi, dāṭhiyo tu camūpati.
61. Piḷayamāraṃ gahetvā so, dāṭhiyo damiḷo pana;  
Rajjaṃ'nurādhanagare, duve vassāni kārayi.
62. Evaṃ damiḷarājūnaṃ, tesam pañcannamevahi;  
Honti cuddasavassāni, sattamāsā ca uttariṃ.
63. Gatāya tu nivāsattaṃ, malaye'nuladeviyā;  
Bhariyākanasivassa, pādāpahari pacchiyaṃ.
64. Kujjhitvā rodamānāsā, rājānaṃ upasakimi;  
Taṃ sutvā tanasivoso, manumādāya nikkhami.
65. Deviyā vacanaṃ sutvā, tassa āgamanā purā;  
Dviputtaṃ devimādāya, tato rājā'pi nikkhami.
66. Dhanuṃ sandhāya āyantaṃ, sīvaṃ vijjhi mahāsīvo;  
Rājā nāmaṃ bhāvayitvā, akāsi jinasāṅghaṃ.
67. Alattha aṭṭhāmacceca, mahante yodhasammate;  
Parivāro mahāāsī, parihāro ca rājino.
68. Kumbhīlakamahātissa-thera disvā mahāyaso;  
Acchagallavihāramhi, buddhapūjamakārayi.
69. Vatthuṃ sodhetumāruḷho, akāsacetiyaṅgaṇaṃ;  
Kavisīse amaccamhi, orohantomahīpati.
70. Ārohanto sadeviko, disvā magge nisinnakaṃ;  
“Na nipanno”'ti kujjhitvā, kavisīsaṃ aghātayi.
71. Sesā sattaamaccāvi, nibbinnā tena rājīnā;  
Tassa'ntikā palāyitvā, pakkamantā yathāruci.

72. Magge viluttā corehi, vihāraṃ hambugallakaṃ;  
Pavisitvāna addakkhuṃ, tissattheraṃ bahussutaṃ.
73. Catunekāyiko thero, yathāladdhāni dāpayi;  
Vatthaphānitatelāni, taṇḍulā pāhuṇā tathā.
74. Assatthakāle thero so,  
“Kuhimyātā”’ti pucchite;  
Attānaṃ āvīkatvā te,  
Taṃ pavattiṃ nivedayaṃ.
75. “Kāretuṃ kehi sakkā nu, jinasāsanapaggahaṃ;  
Damiḷehi vā’tha raññā, iti puṭṭhā tu te pana.
76. “Rañño sakkā”’ti āhaṃsu, saññāpetvāna te iti;  
Ubho tissa mahātissa-therā ādāya te tato.
77. Rājino santikaṃ netvā, aññamaññaṃ khamāpayuṃ;  
Rājā ca te amaccā ca, thero eva mayācayūṃ.
78. Siddhe kamme pesiteno, gantabbaṃ santikaṃ iti;  
Therā datvā paṭiññaṃ te, yathāṭṭhānamagañchisuṃ.
79. Anurādhapuraṃ rājā, āgantvāna mahāyaso;  
Dāṭhikaṃ damiḷaṃ hantvā, sayāṃ rajjamakārayi.
80. Tato nigaṇṭhārāmaṃ taṃ, viddhaṃsetvā mahīpati;  
Vihāraṃ kārayi tattha, dvādasa pariveṇakaṃ.
81. Mahāvihārapaṭṭhānā, dvīsu vassasa tesu ca;  
Sattarasasu vassesu, dasamāsā’ mikesu ca.
82. Tathā dinesu dasasu, atikkantesu sādaro;  
Abhayagiri vihāraṃso, paṭiṭṭhāpesi bhūpati.
83. Akkosiyitvā te there, tesu pubbupakārino;  
Taṃ mahātissa therassa, vihāraṃ mānado adā.
84. Girissa yasmā gārāme, rājā kāresi sobhayo;  
Tasmā’bhaya giritveva, vihāro nāmako ahu.
85. Āṇāpetvā somādeviṃ,  
Yathā ṭhāne ṭhapesiso;  
Tassātannāmakāṃ katvā,  
Somārāma makārayi.
86. Rathā oropitā sā hi, tasmimṭhāne varaṅganā;  
Kaddambapuppha gumbamhi, nilinā tattha addasa.
87. Muttayantaṃ sāmaṇeraṃ, maggaṃ hatthena chādiya;  
Rājā tassa vaco sutvā, vihāraṃ tattha kārayi.
88. Mahāthūpassuttarato,  
Cetiyaṃ uccavatthukaṃ;  
Silā sobhakaṇḍakaṃ nāma,  
Rājā soyeva kārayi.

89. Tesu sattu yodhesu, uttiyo nāma kārayi;  
Nagaramhā dakkhiṇato, vihāraṃ dakkhiṇavhayam.
90. Tatteva mūlavokāsa, vihāraṃ mūlanāmako;  
Amacco kārayī tena, sopi taṃnāmako ahu.
91. Kāresi sāliyārāmaṃ, amacco sāliyavhayo;  
Kāresi pabbatārāmaṃ, amacco pabbatavhayo.
92. Uttaratissarāmantu, tissāmacco akārayi;  
Vihāre niṭṭhite ramme, tissathera mupaccate.
93. “Tumhākaṃ paṭisanthāra, vasena’ mhehi kārite;  
Vihāre dema tumhākaṃ, iti vatvā adamsu ca.
94. Thero sabbatthavāsesi, te te bhikkhū yathā rahaṃ;  
Amaccā’ dāmsu saṅghassa, vividhe samaṇārahe.
95. Rājā sakavihāramhi, vasante samupaṭṭhahi;  
Paccayehi anunehi, tena te bahavo ahum.
96. Theraṃ kulehī saṃsaṭṭhaṃ, mahātissoti vissutaṃ;  
Kulasaṃsaṭṭha dosena, saṅgho taṃ nīhari ito.
97. Tassa sisso bahalamassu-  
Tissattheroti pissuto;  
Kuddho’ bhayagirim gantvā,  
Vasi pakkhaṃ vahaṃ tahiṃ.
98. Tatoppabhuti te bhikkhū, mahāvihāranāgamuṃ;  
Evaṃ te’ bhayagirikā, niggatā theravādato.
99. Pabhinnā’ bhayagirikehi, dakkhiṇavihārikāyati;  
Evaṃ te theravādīhi, pabhinnā bhikkhavo dvidhā.
100. Mahā abhayabhikkhū te, vaḍḍhetuṃ dīpavāsino;  
Vaṭṭagāmaṇibhūmindo, pattim nāma adāsi so.
101. Vihārapariveṇāni, ghaṭābaddhe akārayi;  
“Paṭisaṅkharāṇaṃ evaṃ, hessatīti vicintiya.
102. Piṭakattayapāliṅga, tassa aṭṭhakathampi ca;  
Mukhapāṭhena ānesuṃ, pubbe bhikkhū mahāmati.
103. Hāniṃ disvāna sattānaṃ, tadā bhikkhū samāgatā;  
Ciraṭṭhitatthaṃ dhammassa, potthakesu likhāpayuṃ.
104. Vaṭṭagāmaṇi abhayo, rājā rajjamakārayi;  
Iti dvādasavassāni, pañcamāsesu ādito.
105. Itī parahita mattano hitaṅga,  
Paṭilabhiyissariyaṃ karoti paṇṇo;  
Vipulamapi kubuddhiladdhabhovaṃ,  
Ubhayahitaṃ na karoti bhogaluddho’ ti.

Sujanappasādasamvegatthāya kate mahāvamse



Dasarājako nāma

Tettiṃsatimo paricchedo.

## Catuttiṃsatima pariccheda

### Ekādasarājadīpano

1. Tadaccaye mahācūlī-mahātisso akārayi;  
Rajjaṃ cuddasavassāni, dhammena ca samena ca.
2. Sahatthena kataṃ dānaṃ, so sutvāna mahapphalaṃ;  
Paṭhameyeva vassamhi, gantvā aññātavessavā.
3. Katvāna sālilavanaṃ, laddhāya bhatiyā tato;  
Piṇḍapātaṃ mahāsumma-therassā'dā mahīpati.
4. Soṇṇagirimhi puna so, tīṇivassāni khattiyo;  
Guḷayantamhi katvāna, bhatimladdhā guḷe tato.
5. Te guḷe āharāpetvā, puraṃ āgamma bhūpati;  
Bhikkhusaṅghassa pādāsi, mahādānaṃ mahīpati.
6. Tiṃsabhikkhusahassassa, adā acchādanāni ca;  
Dvādasannaṃ sahasānaṃ, bhikkhūnīnaṃ tatheva ca.
7. Kārayitvā mahīpālo, vihāraṃ suppatiṭṭhitaṃ;  
Saṭṭhibhikkhu sahasassa, ticīvaramadāpayi.
8. Tiṃsa sahasa saṅkhānaṃ, bhikkhunīnañca dāpayi;  
Maṇḍavāpi vihāraṃ so, tathā abhayagallakaṃ.
9. Vaṅgupaṭṭaṅgagallañca, dīghabāhukagallakaṃ;  
Vālagāma vihārañca, rājā soyeva kārayi.
10. Evaṃ saddhāya so rājā, katvā puññānīnekadhā;  
Catuddasannaṃ vassānaṃ, accayena divaṃ agā.
11. Vaṭṭagāmaṇino putto, coranāgoti vissuto;  
Mahācūḷissarajjamhi, coro hutvā caritadā.
12. Mahācūḷe uparate, rajjaṃ kārayi āgato;  
Attano corakāle so, nivāsaṃ yesunālabhi.
13. Aṭṭharasavihāre te, viddhaṃsāpesi dummati;  
Rajjaṃ dvādasavassāni, coranāgo akārayi.
14. Lokantarika nirayaṃ, pāposoupapajjatha;  
Tadaccaye mahācūḷhi-rañño putto akārayi.
15. Rajjaṃ tīṇeva vassāni, rājātisso'ti vissuto;  
Coranāgassa devītu, vīsamaṃ vīsamānulā.
16. Vīsaṃ datvāna māresi, balattherattamānasā;  
Tasmimyevalatthesā, anulāratamānasā.

17. Tissaṃ vīsenaghātetvā, tassa rajjamadāsīsā;  
Sīvo nāma balatthoso, jeṭṭhadovāriko tahiṃ.
18. Katvā mahesiṃ anulāṃ, vassaṃ māsadvayā'cikaṃ;  
Rajjaṃ kāresi nagare, vaṭuke damiḷe'nulā.
19. Rattā vīsenā taṃ hantvā, vaṭuke rajjamappayi;  
Vaṭuko damiḷo so hi, pure nagaravaḍḍhakī.
20. Mahesiṃ anulāṃ katvā, vassaṃ māsadvayādhikaṃ;  
Rajjaṃ kāresi nagare, anulā tattha āgataṃ.
21. Passitvā dārubhatikaṃ, tasmīṃ sārattamānasā;  
Hantvā visena vaṭukaṃ, tassa rajjaṃ samappayi.
22. Dārubhatikatisso so, mahesiṃ kariyānulaṃ;  
Ekamāsādhikaṃ vassaṃ, pure rajjamakārayi.
23. Kāresi so pokkharāṇiṃ, mahāmeghavane lahuṃ;  
Nilīye nāma damiḷe, sā purohitabrāhmaṇe.
24. Rāgena rattā anulā, tena saṃvāsakāminī;  
Dārubhatikatissaṃtaṃ, vīsaṃ datvāna ghātiya.
25. Nilīyassa adā rajjaṃ, sopi nilīyabrāhmaṇo;  
Taṃ mahesiṃ karitvāna, niccaṃ tāya upaṭṭhito.
26. Rajjaṃ kāresi chammāsaṃ, anurādhapure idha;  
Dvattiṃsāya balatthehi, vatthukāmā yathārucciṃ.
27. Vīsenā taṃ ghātayitvā, nilīyaṃ khattiyānulaṃ;  
Rajjaṃ sā anulādevī, catumāsamakārayi.
28. Mahācūḷikarājassa, putto dutiyako pana;  
Kūṭakaṇṇatisso nāma, bhīto so'nuladeviyā.
29. Palāyitvā pabbajitvā, kāle patabalo idha;  
Āgantvā ghātayitvā, taṃ anulāṃ duṭṭhamānasāṃ.
30. Rajjaṃ kāresi dvāvīsaṃ, vassāni manujādhipo;  
Mahāuposathāgāraṃ, akā cetiyapabbate.
31. Gharassa tassa purato, silāthūpamakārayi;  
Bodhiṃ ropesi tattheva, sova cetiyepabbate.
32. Pelagānavihāraṇca, antaragaṅgāya kārayi;  
Tattheva vaṇṇakaṃ nāma, mahāmātikameva ca.
33. Ambaduggamahāvāpiṃ, bhayoluppalamameva ca;  
Sattahatthuccapākāraṃ, purassa parikhaṃ tathā.
34. Mahāvattumhi anulāṃ, jhāpayitvā asaṅṅataṃ;  
Apanīya tato thokaṃ, mahāvattumakārayi.
35. Padumassaravanuyyānaṃ, nagareyeva kārayi;  
Matā'ssa dante dhovitvā, pabbaji jinasāsane.

36. Kulasantake gharatthāne, mātubhikkhunupassayaṃ;  
Kāresi dantagehanti, vissato āsi tena so.
37. Tadaccaye tassa putto, nāmako bhātikābhayo;  
Aṭṭhavīsativassāni, rajjaṃ kāresi khattiyo.
38. Mahādāṭṭhikarājassa, bhātikattāmahīpati;  
Dīpe ‘‘bhātikarājā’’ti, pākaṭo āsi dhammiko.
39. Kāresi lohapāsāde, paṭisaṅkhārametthaso;  
Mahāthūpe vedikā dve, thūpavhe’posathavhayaṃ.
40. Attano balimujjhivā, nagarassa samantato;  
Ropāpetvā yojanamhi, sumanāna’jjukāni ca.
41. Pādavecikato yāva, dhuracchattānarādhipo;  
Caturaṅgalabahalena, gandhena urucetiyaṃ.
42. Limpāpetvāna pupphāni, vaṇṭhehi tattha sādhukaṃ;  
Nivesitvāna koresi, thūpaṃ mālāgulopamaṃ.
43. Punadvaṅgulabahalāya, manosilāya cetiyaṃ;  
Limpāpetvāna kāresi, tatheva kusumācītaṃ.
44. Puna sopānato yāva, dhuracchattāva cetiyaṃ;  
Pupphehi okirāpetvā, chādesi puppharāsino.
45. Uṭṭhāpetvāna yantehi, jalaṃ abhayavāpito;  
Jalehi thūpaṃ sevanto, balapūjamakārayi.
46. Sakaṭasatena muttānaṃ, saddhiṃ telena sādhukaṃ;  
Maddāpetvā sudhāpiṇḍaṃ, sudhākammamakārayi.
47. Pavālaṅjalaṃ kāretvā, taṃ khipāpiya cetiye;  
Sovaṇṇāni padumāni, cakkamattāni sandhisu.
48. Laggāpetvā tato muttā-kalāpe yāva heṭṭhimā;  
Padumā’lambayitvāna, mahāthūpamapūjayi.
49. Gaṇasajjhāyasaddaṃ so, dhātugabbhamhitādini;  
Sutvā ‘‘adivā taṃnā’haṃ, vuṭṭhahissanti nicchito.
50. Pācinādīkamūlamhi, anāhāro nipajjatha;  
Therā dvāraṃ māpayitvā, dhātugabbhaṃ nayiṃsu taṃ.
51. Dhātugabbhavibhūtiṃso, sabbaṃ divvā mahīpati;  
Nikkhanto tādiseheva, pottharūpehi pūjayi.
52. Madhugandhehi gandhehi, ghaṭehi sarasehi ca;  
Añjanaharītālehi, tathāmanosilāhi ca.
53. Manosilāsu vassena, bhassitvā cetiyaṅgaṇe;  
Ṭhitāsu gopphamattāsu, racite pu’ppalehi ca.
54. Thūpaṅgaṇamhi sakale, purite gandhakaddame;  
Cittakilañjachiddesu, racite pu’ppalehi ca.

55. Vārayitvā vārimaggam, tatheva purite ghaṭe;  
Dīpavaṭṭihi nekāni, katavaṭṭisikhāhi ca.
56. Madhukatelamhi tathā, tilatele tatheva ca;  
Tatheva paṭṭavaṭṭīnam, su bahūhi sikhāhi ca.
57. Yathāvuttehi etehi, mahāthūpassa khattiyo;  
Sattakkhattum sattakkhattum, pūjā'kāsi visum visum.
58. Anuvassaṇca niyataṃ, sudhāmaṅgalamuttamaṃ;  
Bodhisinānapūjā ca, tatheva urubodhiyā.
59. Mahāvesākha pūjā ca, uḷārā aṭṭhavīsati;  
Caturāsīti sahasāni, pūjā ca anuḷārikā.
60. Vividham naṇanaccaṇca, nānātūriyavāditaṃ;  
Mahāthūpe mahāpūjaṃ, saddhānunno akārayi.
61. Divasassa ca tikkhattum, buddhuppaṭṭhānamāgamā;  
Dvikkhattum, pupphabheriṇca, niyataṃ so akārayi.
62. Niyatañcanadānaṇca, pavāraṇādānameva ca;  
Telaphāṇitavattḥādi-parikkhāraṃ samaṇārahaṃ.
63. Bahum pādāsi saṅghassa, cetiyakhattameva ca;  
Cetiye parikammattham, adāsi tattha khattiyo.
64. Sadā bhikkhusahassassa, vihāre cetiyapabbate;  
Salākavattabhataṇca, so dāpesi ca bhūpati.
65. Cintāmaṇimucelavhe, upaṭṭhānattaye ca so;  
Tathā padumaghare chatta-pāsāde ca manorame.
66. Bhojento pañcaṭṭhānamhi, bhikkhūganthadhure yute;  
Paccayehi upaṭṭhāsi, sadā dhamme sagāravo.
67. Porāṇarājaniyātaṃ, yaṃkiñci sāsanaṣṣitaṃ;  
Akāsi puñṇakammaṃso, sabbam bhātikabhūpati.
68. Tassa bhābhakarājassa, accaye taṃ kaniṭṭhako;  
Mahādāṭṭhimahānāga-nāmo rajjamakārayi.
69. Dvādasamaṃyeva vassāni, nānapuñṇaparāyano;  
Mahāthūpamhi kiṅjakka- pāsāṇe attharāpayi.
70. Vālikāmarīyādaṇca, kāresi vitthataṅgaṇam;  
Dīpe sabbavīhāresu, dhammāsanamadāpayi.
71. Ambatthala mahāthūpaṃ, kārapesi mahīpati;  
Ca yeañṭhamānamhi, saritvā munino guṇam.
72. Cajitvāna sakaṃ pāṇam, nipajjitvā sayam taḥim;  
Ṭhapayitvā cayaṃ tassa, niṭṭhāpetvāna cetiyam.
73. Catudvāre ṭhapāpesi, caturo ratanagghike;  
Susippikehi suvibhatte, nānāratanaḥotite.

74. Cetiye paṭimocetvā, nānāratanaṅkaṅcukam;  
Kaṅcana bubbulaṅcetta, muttolambaṅca dāpayi.
75. Cetiya pabbatāvaṭṭe, alaṅkariya yojanam;  
Yojāpetvā catudvāram, samantā cāruvīthikam.
76. Vīthiyā ubhato passe, āpaṅāni pasāriya;  
Dhajagghika to raṅāni, maṅḍayitvā tahiṃ tahiṃ.
77. Dīpamālā samujjotaṃ, kārayitvā samantato;  
Naṅanaccāni gītāni, vādītāni ca kārayi.
78. Magge kadambanadīto, yāvacetiya pabbatā;  
Gantum dhotēhi pādehi, kārayi'ttharaṅatthataṃ.
79. Sanaccagītavādehi, samajjamakarum tahiṃ;  
Nagarassa catudvāre, mahā dānaṅca dāpayi.
80. Akāsi sakale dīpe, dīpamālānirantaram;  
Salilepi samuddassa, samantā yojanantare.
81. Cetiya mahetena, pūjā sā kāritā subhā;  
Giribhaṅḍā mahāpūjā, uḷārā vuccate idha.
82. Samāgatānam bhikkhūnam, tasmim pūjā samāgame;  
Dānam aṅṅhasu ṅhānesu, ṅhapāpetvā mahīpati.
83. Tālayitvāna tatraṅṅhā, aṅṅhasovaṅṅabheriyo;  
Catuvīsasahassānam, mahādānam pavattayī.
84. Chacīvarāni pādāsi, bandhamokkhaṅca kārayi;  
Catudvārenvāpītehi, sadā kammamakārayi.
85. Pubbarājūhi ṅhapitaṃ, bhātaram ṅhapitaṃ tathā;  
Puṅṅakammaṃ ahāpetvā, sabbaṃ kārayibhūpati.
86. Attānam devimputte dve, hatthim assaṅca maṅgalaṃ;  
Vāriyanto'pi saṅghena, saṅghassa'dāsi bhūpati.
87. Chasata sahasagghakam, bhikkhusaṅghassa so adā;  
Satasahasagghanakam, bhikkhūnīnam gaṅassa tu.
88. Datvāna kappiyam bhaṅḍam, vividham vidhikovidō;  
Attānaṅca'va sese ca, saṅghato abhinīhari.
89. Kālāyana kaṅṅikamhi, maṅināga pabbatavhayam;  
Vihāraṅca kaḷavhayam, kāresi manujādhipo.
90. Kubu bandhanadīte, samuddavīhārameva ca;  
Huvāvakaṅṅike cūḷa, nagapabbatasavhayam.
91. Pāsānadīpakavhamhi, vihāre kārite sayam;  
Pāniyam upanitassa, sāmaṅerassa khattiyō.
92. Upacāre pasīditvā, samantā aṅṅhayaṅjanam;  
Saṅghabhogamadātassa, vihārassa mahīpati.

93. Maṇḍavāpi vihāre ca, sāmaṇerassa khattiyo;  
Tuṭṭho vihāraṃ dāpesi, saṅghe bhogaṃ tatheva so.
94. Iti vibhavamanappaṃ sādhuṇṇā labhitvā,  
Vigatamadapamādācatta kāmapaṅgā;  
Akariyajanakhedam puṇṇakammābhirāmā,  
Vipulavividhapuṇṇaṃ suppanākaronṭīti.

Sujanappasādasamvegatthāya kate mahāvamse

Ekādasarājadīpano nāma

Catuttiṃsatimo paricchedo.

## Pañcatimṣatimapariccheda

### Dvādasarājako

1. Āmaṇḍagāmaṇyabhayo, mahādāthikaaccaye;  
Navavassanaṭṭhamāse, rajjaṃ kāresi taṃ suto.
2. Chattāti chattaṃ kāresi, mahāthūpe manorame;  
Tatheva pādavediṇca, muddhavediṇca kārayi.
3. Tatheva lohapāsāda, thūpavhe posathavhaye;  
Kāresi kucchiājiraṃ, kucchiāḷindameva ca.
4. Ubhayatthāpi kāresi, cāruṃ ratanapaṇḍapaṃ;  
Rajataleṇa vihāraṇca, kārāpesi narādhipē.
5. Mahāgāmeṇḍavāpiṃso, passe kāriya dakkhiṇe;  
Dakkhiṇassa vihārassa, adāsi puṇṇadakkhiṇo.
6. Māghātaṃ sakale dīpe, kāresi manujādhipo;  
Vallīphalāni sabbāni, ropāpetvā taṃ taṃ.
7. Maṃ sakubhaṇḍakaṃ nāma, āmaṇḍiya mahīpati;  
Pattaṃ pūrāpayitvāna, kāretvā vatthacumbaṭaṃ.
8. Dāpesi sabbasaṅghassa, vipasannena cetasā;  
Patte pūrāpayitvā so, āmaṇḍa gāmaṇividū.
9. Taṅkaniṭṭhokaṇirājā-tisso ghātiya tātaraṃ;  
Tīni vassāni nagare, rajjaṃ kāresi khattiyo.
10. Uposathagharatṭaṃ esā, nicchini cekiyaavhaye;  
Rājāparādhakammamhi, putte saṭṭhitu bhikkhavo.
11. Saḥoḍḍe gāhayitvāna, rājā cetiya pabbate;  
Khipāpesi kaṇiravhe, pabbhāramhi asīlake.
12. Kaṇirājā accayena, āmaṇḍagāmaṇi suto;  
Cūḷābhayo vassamekaṃ, rajjaṃ kāresi khattiyo.
13. So goṇakanadīṭire, purapassamhi dakkhiṇe;

Kārāpesi mahīpālo, vihāre cūḷagallakaṃ.

14. Cūḷābhayassa'cca yena, sīvali taṃ kaniṭṭhikā;  
Āmaṇḍadhītā caturo, māse rajjamakārayi.
15. Āmaṇḍa bhāgineyyā tu, sīvaliṃ apanīyatam;  
Iḷanāgoti nāmena, chattaṃ ussāpayi pure.
16. Tissavāpiṃ gate tasmim, ādivasse narādhipē;  
Taṃ hitvā puramāgañchum, bahavolambakaṇṇakā.
17. Tahim adisvā te rājā, kuddho tehi akārayi;  
Maddayaṃ vāpiyā passe, mahāthūpañjasamayaṃ.
18. Tesam vicārake katvā, caṇḍāle ca ṭhapāpayi;  
Tena kuddhālbakāṇṇā, sabbe hutvāna ekato.
19. Rājānaṃ taṃ gahetvāna, rundhitvāna sake ghare;  
Sayam rajjam vicāresum, rañño devī tadā sakaṃ.
20. Puttaṃ candamukhasivaṃ, maṇḍayitvā kumārakaṃ;  
Datvāna hatthe dhātīnaṃ, maṅgalaṭṭhi santike.
21. Pesesi vatvā sandesaṃ, netvā taṃ dhātiyo tahim;  
Vadimsu devisandesam, sabbaṃ maṅgala ṭṭhino.
22. “Ayaṃ te sādhiṇo putto,  
Sāmiko cārake ṭhito;  
Arihi ghātato seso,  
Tayā ghāto imassa tu.
23. Tvamenam kira ghātehi, idam devivaco’’iti;  
Vatvā tu sayāpesum, pādāmūlamhi ṭṭhino.
24. Dukkhiṭo so ruditvāna, nāgo bhettvāna āḷakaṃ;  
Pavisitvā mahāvattum, dvāraṃ pātiya thāmasā.
25. Rañño nisinnaṅgaṇamhi, ugghāṭetvā kavāṭakaṃ;  
Nisīdāpiya taṃ khandhe, mahāṭṭhamupāgami.
26. Nāvaṃ āro payitvāna, rājānaṃ tattha kuñjaro;  
Pacchimo dadhitīrena, sayam malaya māruhī.
27. Paratīre vasitvā so, tīṇivassāni khattiyo;  
Balakāyaṃ gahetvāna, āgā nāvāti rohaṇam.
28. Tīṭṭhe sakkharasobbhamhi, otaritvāna bhūpati;  
Akāsi rohaṇe tattha, mahantaṃ balasaṅgamaṃ.
29. Rañño maṅgalaṭṭhisso, dakkhiṇam malayaṃ tato;  
Rohaṇamye’vupāgañchi, tassa kammāni kātave.
30. Mahāpadumanāmassa, tattha jātakabhāṇiṇo;  
Tulādharavhāvāsissa, mahātherassa santike.

31. Kapijātakam sutvāna, bodhisatte pasādavā;  
Nāgamahāvihāraṃ so, jiyāmuttadhanussataṃ.
32. Katvā kāresi thūpañca, vaḍḍhāpesi yathāṭṭhitam;  
Tissavāpiñca kāresi, tathā duravhavāpikam.
33. So gahetvā balaṃ rājā, yuddhāya abhinikkhami;  
Taṃ sutvā lambakaṇṇā ca, yuddhāya abhisamṃyutā.
34. Papallakkhandhadvāramhi, khetto hiṅkaravāpīke;  
Yuddham ubhinnaṃ vattittha, aññamaññavihesanaṃ.
35. Nāvākilantadehattā, posā sīdanti rājino;  
Rājā nāmaṃ sāvayitvā, sayam pāvisi tena so.
36. Tena bhītāmbakaṇṇā, sayiṃsu udarena so;  
Tesaṃ sīsāni chinditvā, ratanābhisamaṃkari.
37. Tikkhattumevantukate, karuṇāya mahīpati;  
“Amāretvā”va gaṇhātha, jīvaggāha’nti abruvi.
38. Tato vijitasāṅgāmo, puraṃ āgamma bhūpati;  
Chattaṃ ussāpayitvāna tissavāpi chaṇaṃ agā.
39. Jalakīlāya uggantvā, sumaṇḍitapasādhito;  
Attano sirisampattiṃ, disvā tassantarāyike.
40. Lambakaṇṇe saritvāna, kuddho so yojayīrathe;  
Yugaparamparā tesam, purato pāvisī puraṃ.
41. Mahāvattussa ummāre, ṭhatvā rājāṇapesi so;  
“Imesaṃ sīsamummāre, asmiṃ chindatha bho”iti.
42. Goṇā eterathe yuttā, tava honti rathesabha;  
Siṅgaṃkhurañca etesaṃ, chedāpayata bho”iti.
43. Mātuyā atha saññatto, sīsacchedaṃ nivāriya;  
Nāsañca pādaṅguṭṭhañca, tesam rājā achedayi.
44. Hatthivutthaṃ janapadaṃ, adā hatthissa khattiyo;  
Hatthibhogo janapado, iti tenāsi nāmato.
45. Evaṃ anurādhapure, iḷānāgo mahīpati;  
Chabbassāni anunāni, rajjaṃ kāresi khattiyo.
46. Iḷānāgaccaye tassa, putto candamukhosivo;  
Aṭṭhavassaṃ sattamāsaṃ, rājā rajjamakārayi.
47. Maṇikāragāme vāpi, kārapetvā mahīpati;  
Issarasamaṇavhassa, vihārassa adāsī so.
48. Tassa rañño mahesī ca, saṅgāme pattimattano;  
Tassevā’ dā vihārassa, damiḷadevīti vissutā.
49. Taṃ tissavāpī kīlāya, hantvā candamukhaṃ sivaṃ;  
Yasaḷalakatisso’ ti, vissuto taṅkaniṭṭhako.



50. Anurādhapure ramme, laṅkābhuvadane subhe;  
Sattavassānaṭṭhamāse, rājā rajjamakārayi.
51. Dovirikassa dattassa, puttho dovāriko sayam;  
Rañño sadisarūpena, ahosi subhanāmavā.
52. Subham balattham tam rājā, rājabhūsāya bhūsiya;  
Nisidāpiya pallaṅke, hāsatham yasaḷālakko.
53. Sīsacoḷam balatthassa, sasīse paṭimuñciya;  
Yaṭṭhiṃ gahetvā hatthena, dvāramūle ṭhito sayam.
54. Vandantesu amaccesu, nisinnam āsanamhi tam;  
Rājā hasati evam so, kurute antarantarā.
55. “Balattho ekadivasam, rājānam hasamānakam;  
Ayam balattho kasmā me, sammukhāhasatī” ti so.
56. Mārāpayitvā rājānam, balattho so subho idha;  
Rajjam kāresi chabbassam, subharājāti vissuto.
57. Dvisu mahāvihāresu, subharājā manoramam;  
Parivenapantiṃ subha-nāmakamyeva kārayi.
58. Uruvelasamīpamhi, tathā vellivihārakam;  
Puratthime ekadvāram, gaṅgante nandigāmakam.
59. Lambakaṇṇasuto eko, uttarapassavāsiko;  
Senāpatimupaṭṭhāsi, vasabho nāma mātulam.
60. Hessati vasabho nāma, rājā’ ti sutiyāsadā;  
Ghāteti rājādīpamhi, sabbe vasabhanāmake.
61. “Rañño dassāma vasatam, ima’ nti bhariyāya so;  
Senāpatimantayitvā, pāto rājakulam agā.
62. Gacchato tena sahasā, tambulam cuṇṇavajjitam;  
Hatthamhi vasabhassā’ dā, tam sādhu parirakkhitum.
63. Rājagehassa dvāramhi, tambulam cuṇṇavajjitam;  
Senāpati udikkhitvā, tam cuṇṇattham visajjayi.
64. Senāpatissa bhariyā, cuṇṇattham vasabham gatam;  
Vatvā rahassam datvā ca, sahasam tam palāpayi.
65. Mahāvihāraṭṭhānam so, gantvāna vasabho pana;  
Tattha therehi khiranna-vatthehi katasāngaho.
66. Tato param kuṭṭhino ca, rājabhāvāya nicchitam;  
Sutvāna vacanamhaṭṭho, “coro hessa’ nti nicchito.
67. Laddhasamatthapurise, gāmaghātam tato param;  
Karonto rohanam gantvā, kapallapuvopadesato.
68. Kamena raṭṭham kaṇhantho, sampattabalavāhano;  
So rājā dvīhi vassehi, āgamma purasantikam.

69. Subharājaṃ raṇe hantvā, vasabho so mahabbalo;  
Ussāpayi purebhattaṃ, mātulo'pi raṇe pati.
70. Taṃ mātulassa sariraṃ, pubbabhūtopakārikaṃ;  
Akāsi vasabho rājā, mahesiṃ mettanāmikaṃ.
71. Sohorapāṭhakaṃ pucchi, āyuppaṃānamattano;  
“Āha dvādasavassāni”, rahoyevassa sopi ca.
72. Rahassaṃ rakkhaṇatthāya, sahassaṃ tassā dāpiya;  
Saṅghaṃ so sannipātetvā, vanditvā pucchi bhūpati.
73. “Siyānu bhante āyussa, vaḍḍhanakāraṇaṃ”’iti;  
“Atthi”’ti saṅgho ācikkhi, antarāyavimocanaṃ.
74. Parissāvanadānañca, āvāsadāna meva ca;  
Gilānavattadānañca, dātappaṃ manuḍadhīpa.
75. “Kātabbaṃ jīṇṇakāvāsa-ṭṭisaṅkharāṇaṃ tathā;  
Pañcasīlasamādānaṃ, katvā taṃ sādhuṃrakkhiyaṃ.
76. Uposathūpavāso ca, kattaḃbo’ posathe”’iti;  
Rājā sādhuṃti gantvāna, tathā sabbāṃ makāsi so.
77. Tiṇṇaṃ tiṇṇaṇca vassānaṃ, accayena mahīpati;  
Dīpaṃhi sabbasaṅghassa, ticīvaramadāpayi.
78. Anāgatānaṃ therānaṃ, pesayitvāna dāpayi;  
Dvattiṃsāyahi ṭṭhānesu, dāpesi madhupāyasaṃ.
79. Catusaṭṭhiyā ca ṭṭhānesu, mahādānaṃtu missakaṃ;  
Sahassavaṭṭi catusu, ṭṭhānesu ca jalāpayi.
80. Cetiyaṃpabbate ceva, thūpārāme ca cetiye;  
Mahāthūpe mahābodhi-ghare iti imesu hi.
81. Cittalakūṭe kāresi, dasathūpe manorame;  
Dīpe’khilamhi āvāse, jīṇṇe ca ṭṭisaṅkhari.
82. Valliyeravihāre ca, therassa so pasīdiya;  
Mahāvalligottaṃ nāma, vihāraṇca akārayi.
83. Kāresi anurārāmaṃ, mahāgāmaṃsa santike;  
Heḷigāmaṭṭhakarisa, sahassaṃ tassa dāpayi.
84. Mucelavihāraṃ kāretvā, so tissavaḍḍhamānake;  
Āḷisārodakabhāgaṃ, vihārassa adāpayi.
85. Kalambatitthe thūpaṃhi, kāresiṭṭhikakaṇcukaṃ;  
Kāresuposathā gāraṃ, vaṭṭitelattha massatu.
86. Sahassakarīsavāpiṃso, kārapetvā adāsi ca;  
Kāresuposathāgāraṃ, vihāre kumbhigallake.
87. Soye’vu posathāgāraṃ, issarasamaṇake idha;  
Thūpārāmethūpaḡharaṃ, kārapesi mahīpati.

88. Mahāvihāre pariveṇa, paṇṭim pacchimapekkhinaṃ;  
Kāresi ca catusālaṅca, jīṇṇakaṃ paṭisaṅkhari.
89. Catubuddhapaṭimārammaṃ, paṭimānaṃgharaṃtathā;  
Mahābodhiṅgaṇe ramme, rājā soyeva kārayi.
90. Tassa rañño mahesī sā, vuttanāmā manoramaṃ;  
Thūpaṃ thūpagharaṅceva, rammaṃ tatheva kārayi.
91. Thūpārāme thūpagharaṃ, niṭṭhāpetvā mahīpati;  
Tassa niṭṭhāpitamahe, mahādānamadāsi ca.
92. Yuttānaṃ buddhavaṇṇaṃ, bhikkhūnaṃ paccayampi ca;  
Bhikkhūnaṃ dhammakathikānaṃ, sappihāṇitameva ca.
93. Nagarassa catudvāre, kapaṇavaṭṭaṅca dāpayi;  
Gīlānaṅca bhikkhūnaṃ, gīlānaṅca meva ca.
94. Mayettim rājuppalavāpiṃ, vahakolambagāmakam;  
Mahānika vittavāpiṃ, mahārāmotti meva ca.
95. Kehālaṃ kāḷivāpiṅca, cambuṭṭhiṃ vātamaṅgaṇaṃ;  
Abhivaḍḍhamānakaṅca, iccekādasa vāpiyo.
96. Dvādasa mātikā ceva, subhikkhatthamakārayi;  
Guttattha purapākāraṃ, ceva muccamakārayi.
97. Gopuraṅca catudvāre, mahāvattuṅca kārayi;  
Saraṃ kāresi uyyāne, haṃsetatthavisajjayi.
98. Pure bahū pokkharaṇī, kārapetvā tahiṃ tahiṃ;  
Ummaggena jalaṃ tattha, pavesesi mahīpati.
99. Evaṃ nānāvidhaṃ puññaṃ, katvā vasabhabhūpati;  
Hatantarāyo so hutvā, puññaṃ sadādarō.
100. Catuttāsīsavassāni, pure rajjamakārayi;  
Catuttālīsavesākha, pūjā yo ca akārayi.
101. Subharājā dharanto so, attano ekadhītaṃ;  
Vasabhena bhayāsamkī, appesi'thika vaḍḍhakim.
102. Attano kambalaṅceva, rājā bhaṅḍāni ca'ppayi;  
Vasabhena hate tasmim, tamādāsiṭṭhavaḍḍhakī.
103. Dhītiṭṭhāne ṭhapetvāna, vaḍḍheti attano ghare;  
Sakammaṃ karato tassa, bhattaṃ āhari dārikā.
104. Sā nirodhasamāpannaṃ, tadambapuppha gumbake;  
Sattame divase disvā, bhattaṃ medhāvīnī adā.
105. Puna bhattaṃ randhayitvā, pituno bhattamāhari;  
Papaṅcakāraṇaṃ puṭṭhā, tamatthaṃ pituno vadi.
106. Tuṭṭho punappunaṅce'so, bhattaṃ therassa dāpayi;  
Vissattho'nāgataṃ disvā, therō āha kumārikaṃ.

107. “Tavaissariyejāte, imaṃ ṭhānaṃ kumārike;  
Sareyyāsī’ti thero tu, tadā ca parinibbuto.
108. Sake so vasabho rājā, vayappattamhi puttake;  
Vaṅkanāsikatissamhi, kaṅṅamassānurūpikaṃ.
109. Gavesāpesi purisā, taṃ disvāna kumārikaṃ;  
Iṭṭhakavaḍḍhakīgāme, itthilakkhaṇa kovidā.
110. Raṅṅo nivedayaṃ rājā, tamāṅāpetumārabhi;  
Tassāha rājadhītattam, iṭṭhakavaḍḍhakī tadā.
111. Subharaṅṅo tu dhītattam, kambalādīhi ṅāpayi;  
Rājā tuṭṭho sutassā’dā, taṃ sādhu katamaṅgalaṃ.
112. Vasabhassaccaye putto, vaṅkanāsika tissako;  
Anurādhapure rajjaṃ, tīṇi vassāni kārayi.
113. So goṇanadiyā tīre, mahāmaṅgalanāmakam;  
Vihāraṃ kārayi rājā, vaṅkanāsikatissako.
114. Mahāmatā tu devī sā, sarantī therabhāsitaṃ;  
Vihārakāraṇatthāya, akāsi dhanasaṅcayaṃ.
115. Vaṅkanāsikatissassa, accaye kārayī suto;  
Rajjaṃ bāvīsavassāni, gajjabāhukagāmaṇi.
116. Sutvā so mātuvacanam, mātudatthāya kārayi;  
Kadambapupphaṭṭhānamhi, rājamātuvihāraṃ.
117. Mātā satasahassaṃ sā, bhūmiatthoya paṇḍitā;  
Adā mahāvihārassa, vihāraṅca akāra yi.
118. Sayameva akāresi, tattha thūpaṃ silāmayam;  
Saṅghabhogaṅca pādāsī, kiṅitvāna tato tato.
119. Abhayuttara mahāthūpaṃ, vaḍḍhāpetvā citāpayi;  
Catudvāre ca tattheva, ādimukhamakārayi.
120. Gāmaṇitissavāpiṃ so, kārapetvā mahīpati;  
Abhayagiri vihārassa, pākavattāya’dāsī ca.
121. Maricavattīkathūpaṃ, kaṅcukaṅca akārayi;  
Kiṅitvā satasahassena, saṅghabhogamadāsī ca.
122. Kāresi pacchime vasse, vihāraṃ rāmakavhayaṃ;  
Mahejasanasālaṅca, nagaramhi akārayi.
123. Gajjabāhussaccayena, sasuro tassa rājino;  
Rajjaṃ mahallako nāgo, chabbassāni akārayi.
124. Puratthime pejalakam, dakkhiṇe koṭi pabbatam;  
Pacchime dakapāsāṇe, nāgadīpe sālīpabbatam.
125. Bījagāme tanaveḷiṃ, rohaṇe janapade pana;  
Tobbalanāgapabbataṅca, antoṭṭhe girihālikam.

126. Ete satta vihāre so, mahallanāgabhūpati;  
Parittenapi kālena, kārāpesi mahāmatī.
127. Evaṃ asārehi dhanehi sāraṃ,  
Puññāni katvāna bahūni paññā;  
Ādenti bālā pana kāma hetu,  
Bahūni pāpāni karontā mohā'ti.

Sujanappasādasamvegatthāya kate mahāvamse

Dvādasa rājako nāma

Pañcatimsatimo paricchedo.

## Chattimsatima pariccheda

### Tayodasa rājako

1. Mahallanāgaccayena, putto bhātikatissako;  
Catuvīsativassāni, laṃkārajjamakārayi.
2. Mahāvihāre pākāraṃ, kārāpesi samantato;  
Gavaratissavihāraṃ, so kārayitvā mahīpati.
3. Mahāgāmaṇikaṃ vāpiṃ, vihārassa'ssa'dāsi ca;  
Vihārañca akāresi, bhātiyatissa nāmakaṃ.
4. Kāresuposathāgāraṃ, thūpārāme manorame;  
Randhakaṇḍakavāpiñca, kārāpesi mahīpati.
5. Sattesu muducittoso, saṅghamhi tibbagāravo;  
Ubhatosaṅhe mahīpālo, mahādānaṃ pavattayi.
6. Bhātikatissaccayena, tassa kaniṭṭhatissako;  
Aṭṭhavīsasamāraṃ, laṃkādiṭṭhe akārayi.
7. Bhūtārāma mahānāga, thesasmim so pasīdiya;  
Kāresi ratanapāsādaṃ, abhayagirimhi sādhukaṃ.
8. Abhayagirimhi pākāraṃ, mahāpariveṇameva ca;  
Kāresi maṇisomavhe, mahāpariveṇameva ca.
9. Tattheva cetiyagharaṃ, ambatthale tattheva ca;  
Kāresi paṭisaṅkhāraṃ, nāgadīpe ghare pana.
10. Mahāvihārasīmaṃso, madditvā tattha kārayi;  
Kukkuṭagiri pariveṇa, pantim sakkacca bhūpati.
11. Mahāvihāre kāresi, dvādasa manujādhipo;  
Mahācaturassapāsāde, dassaneyyemanorame.
12. Dakkhiṇavihāra thūpamhi, kañcukañca akārayi;  
Bhattachālaṃ mahāmegha, vanāsimañca maddiya.
13. Mahāvihārapākāraṃ, passato apanīyaso;

- Maggaṃ dakkhiṇavihāra, gāmiñcāpi akārayi.
14. Bhūtārāma vihārañca, rāmaṅṅakameva ca;  
Tatheva nandatissassa, ārāmañca akārayi.
  15. Pācinato anuḷātissa, pabbataṃ gaṅgarājiyaṃ;  
Niyelatissārāmañca, piḷa piṭṭhi vihāraṃ.
  16. Rājamahāvihārañca, kāresi manujādhipo;  
Soyeva tīsu ṭhānesu, kāresu'posathālayaṃ.
  17. Kalyāṇika vihāre ca, maṅḍalagiriṅṅe tathā;  
Dubbalavāpitiṅṅasavhe, vihāresu imesu hi.
  18. Kaniṭṭhatissaccayena, tassa putto akārayi;  
Rajjaṃ dveyeva vassāni, cūḷanāgoti vissuto.
  19. Cūḷanāgakaniṭṭhotu, rājāghātiya bhātikaṃ;  
Ekavassaṃ kuḍḍanāgo, rajjaṃ laṃkāya kārayi.
  20. Mahāpeḷaṅṅa vaḍḍhesi, ekanāḷikachātaka;  
Bhikkhusatānaṃ pañcannaṃ, abbhocchinnaṃ mahīpati.
  21. Kuḍḍanāgassa rañño tu, devīyā bhātuko tadā;  
Senāpati sirināgo, coro hutvāna rājino.
  22. Balavāhana sampanno, āgamma nagarantikaṃ;  
Rājabalena yujjhanto, kuḍḍanāgaṃ mahīpatiṃ.
  23. Palāpetvā laddhajayo, anurādha pure vare;  
Laṃkārajjamakāresi, vassānekūnavīsati.
  24. Mahāthūpavare chattaṃ, kārapetvāna bhūpati;  
Suvaṅṅakammaṃ kāresi, dassaneyyaṃ manoramaṃ.
  25. Kāresi lohapāsādaṃ, saṃkhittaṃ pañcabhūmakam;  
Mahābodhi catudvāre, sopānaṃ punakārayi.
  26. Kāretvā chattapāsādaṃ, mahe pūjamakārayi;  
Kulambaṅṅaṅṅa dīpasmiṃ, vissajjesi dayāparo.
  27. Sirināgaccaye tassa, putto tisso akārayi;  
Rajjaṃ dvāvīsavassāni, dhammavohāra kovido.
  28. Ṭhapesi so hi vohāraṃ, hiṃsā muttaṃ yatoidha;  
Vohāraka tissarājā, iti nāmaṃ tato ahu.
  29. Kambugāmakavāsissa, devattherassa santike;  
Dhammaṃ sutvā paṭikammaṃ, pañcāvāse akārayi.
  30. Mahātissassa therassa, anurā rāmavāsino;  
Pasanno mucelapaṭṭane, dāna vaṭṭamakārayi.
  31. Tissarāja maṅḍapañca, mahāvihāradvayepi so;  
Mahābodhiḅhare pāci, loharūpaddhayampi ca.

32. Sattapaṇṇikapāsādaṃ, kāretvā sukhavāsakaṃ;  
Māse māse sahaṣṣaṃ so, mahāvihārassa dāpayi.
33. Abhayagirivihāre, dakkhiṇamūlasavhaye;  
Maricavaṭṭi vihāramhi, kulālitissasavhaye.
34. Mahiyaṅgaṇa vihāramhi, mahāgāmakasavhaye;  
Mahānāgatissavhamhi, tathā kalyāṇīkavhaye.
35. Iti aṭṭhasu thūpesu, chatakammamakārayi;  
Mūkanāgasenāpati, vihāre dakkhiṇe tathā.
36. Marica vaṭṭi vihāramhi, puttabhāgavhaye tathā;  
Issarasamaṇavhamhi, tissavhe nāgadīpake.
37. Iti chasu vihāresu, pākāraṇca akārayi;  
Kāresu' posathāgāraṃ, anurārāmasavhaye.
38. Ariyavaṃsakathāthāne, laṃkādīpekhilepi ca;  
Dāna vaṭṭaṃ ṭhapāpesi, saddhamme gāravena so.
39. Tiṇī sataśaṣṣāni, datvāna manujādhipo;  
Iṇato sayike bhikkhū, mocesi sāsanappiyo.
40. Mahā vesākha pūjaṃ so, kāretvā dīpavāsinaṃ;  
Sabbe saṃyeva bhikkhūnaṃ, ticīvaramadāpayi.
41. Vetullavādaṃ madditvā, kāretvā pāpaniggahaṃ;  
Kapilena amaccena, sāsanaṃ jotayīca so.
42. Vissuto'bhayanāgo'ti, kaniṭṭho tassarājino;  
Deviyā tassa saṃsaṭṭho, ñāto bhīto sabhātarā.
43. Palāyitvā hallatitthaṃ, gantvāna saḥasevako;  
Kuddho viya mātulassa, hatthapādaṇca chedayi.
44. Rājino raṭṭhatedatthaṃ, ṭhapetvāna idheva taṃ;  
Sunakhopamaṃ dassayitvā, gahetvā'ti siniddhake.
45. Tattheva nāvaṃ āruyha, paratīramagāsayaṃ;  
Subhavo mātulo tu, upagamma mahīpati.
46. Suhado viya hutvāna, tasmim raṭṭhamabhindiso;  
Abhayo taṃ jānanatthaṃ, dūtaṃ idha visajjayi.
47. Taṃ disvā pūgarukkhaṃ so, samantā kuntanāḷiyā;  
Paribbhamanto madditvā, katvā dubbalamūlakaṃ.
48. Bāhunāyeva pātetvā, tajjetvā taṃ palāpayi;  
Dūto gantvā abhayassa, taṃ pavattiṃ pavedayi.
49. Ñatvā'bhayo taṃ damiḷe, ādāya basuke tato;  
Nagarantikamāgañchi, bhātarā saha yujjhituṃ.
50. Taṃ ñatvāna palāyitvā, assamāruyhadeviyā;  
Malayaṃ āgamā rājā, taṃkaniṭṭho'nu bandhiya.

51. Rājānaṃ malaye hantvā, devīmādāya āgato;  
Kāresi nagare rajjaṃ, aṭṭhavassāni bhūpati.
52. Pāsāṇavediṃ kāresi, mahābodhisamantato;  
Lohapāsādaṅgaṇamhi, rājā maṇḍapameva ca.
53. Dvihi satasahasseehi, nekavatthāni bhāgiya;  
Dīpamhi bhikkhusaṅghassa, vatthadānamadāsi so.
54. Abhayassa'ccaye bhātu, tassassa tassa atrajo;  
Dvevassāni sirināgo, laṃkārajja makārayi.
55. Paṭisaṅkhariya pākāraṃ, mahābodhisamantato;  
Mahābodhigharasseva, soyeva vālikātale.
56. Mūcelarukkharato, haṃsavaṭṭaṃ manoramam;  
Mahantaṃ maṇḍapañceva, kārāpesi mahīpati.
57. Vijayakumārako nāma, sirināgassa atrajo;  
Pituno accaye rajjaṃ, ekavassamakārayi.
58. Lambakaṇṇā tayo āsuṃ, sahātā mahiyaṅgaṇe;  
Saṅghatisso saṅghabodhi, tatiyo goṭṭhakābhayo.
59. Te tissavāpimariyāda-gato andho vicakkhaṇo;  
Rājupaṭṭhānamāyante, padasaddena abravi.
60. “Pathavīsāmino ete, tayo vahatibhū’iti;  
Taṃ sutvā abhayo pacchā, yanto pucchi punāhaso.
61. Tassa vaṃso ṭhassatīti,  
Puna pucchitameva so;  
“Pacchimassā”’ti so āha,  
Taṃ sutvā dvīhisoagā.
62. Te puraṃ pavisitvāna, tayo rañño’ti vallabho;  
Rājakiccāni sādhentā, vasantā rājasantike.
63. Hantvā vijayarājānaṃ, rājagehamhi ekato;  
Senāpatiṃsaṅghatissaṃ, duverajje’bhisecayuṃ.
64. Evaṃ so abhisittova, anurādhapuruttame;  
Rajjaṃ cattāri vassāni, saṅghatisso akārayi.
65. Mahāthūpamhi chattañca, hemakammañca kārayi;  
Visuṃ satasahasagghe, caturo ca mahāmaṇi.
66. Majjhe catunnaṃ sūriyānaṃ, ṭhapāpesi mahīpati;  
Thūpassa muddhani tathā-nagghavajiracumbaṭaṃ.
67. So chattamahapūjāya, saṅghassa manujādhipo;  
Cattālīsahasassassa, cha cīvaramadāpayi.
68. Taṃ mahādevatherena, dāmagallaka vāsino;  
Desitaṃ khandhake suttaṃ, yāgānisamsa dīpanaṃ.



69. Sutvā pasanno saṅghassa, yāgudānamadāpayi;  
Nagarassa catudvāre, sakkaccañceva sādhu ca.
70. So antarantare rājā, jambupakkāni khādituṃ;  
Sahorodho sahāmacco, agāpācina dīpakam.
71. Upaddutaṃ'ssa gamane, manussā pāci vāsino;  
Visaṃ phalesu yo jesuṃ, rājabhojjāya jambuyā.
72. Khādītva jambupakkāni, tāni tattheva so mato;  
Senāpati saṅghadhabādhīm-bhayo rajje'bhisevayī.
73. Rājāsiri saṅgha bodhi, vissuto pañcasīlavā;  
Anurādhapure rajjaṃ, duve vassāni kārayī.
74. Mahāvihāre kāresi, salākaggaṃ manoramaṃ;  
Tadādīpe manussesō, ñatvā dubbuṭṭhupaddute.
75. Karuṇāya kampitamano, mahāthūpaṅgaṇe sayam;  
Nipajji bhūmiyaṃ rājā, katvāna iti nicchayaṃ.
76. "Pavassitvāna devena, jalenupalāvite mayi;  
Naheva vuṭṭhahissāmi, maramānopahaṃ idha".
77. Evaṃ nipanne bhūminde, devo pāvassi tāvade;  
Lamkādīpamhi sakale, piṇayanto mahāmahiṃ.
78. Tathāpi nuṭṭhahatiso, apilāpanato jale;  
Āvariṃsu tato'maccā, jalaniggamanāḷiyo.
79. Tato jalamhi pilavaṃ, rājā vuṭṭhāsi dhammiko;  
Karuṇāyanudī evaṃ, dīpe dubbuṭṭhikābhayaṃ.
80. Corātaḥiṃ tahiṃ jātā, iti sutvāna bhūpati;  
Core āṇāpayitvāna, rahassena palāpīya.
81. Āṇāpetvā rahassena, matānaṃ so kalevaram;  
Aggīhi uttāsetvāna, hanitaṃ corupaddavaṃ.
82. Eko yakkho idhāgamma, rattakkho iti vissuto;  
Karoti rattāna'kkhīti, manussānaṃ tahiṃ tahiṃ.
83. Aññamaññamapekkhitvā, bhāyitvā rattanettataṃ;  
Narāmaranti te yakkho, sobhakkhesi asaṅkito.
84. Rājā upaddavaṃ tesam, sutvā santattamānasō;  
Eko'pavāsa gabbhamhi, hutvā aṭṭhaṅguposathi.
85. "Apassitvāna taṃ yakkham, na cuṭṭhāmī"ti so sayi;  
Tassa so dhammatejena, agā yakkho tadantikaṃ.
86. Tena "kosī"ti puṭṭho ca, so "aha"nti pavedayi;  
"Kasmā pajam me bhakkhesi, mā khāda"iti sobravi.
87. "Ekasmiṃ me janapade, nare dehī"ti sobravi;  
"Na sakkā iti vutte so, kamenekaṃti abravi.

88. “Aññaṃ na sakkā dātuṃ me, maṃ khāda” iti sobravi;  
“Na sakkā” iti taṃ yāci, gāme gāme baliṅca so.
89. Sādhūti vatvā bhūmindo, dipampi sakalepi ca;  
Gā mavare nivesetvā, baliṃtassa adāpayi.
90. Mahāsattena teneva, sabbabhūtānukampinā;  
Mahārogabhayaṃ jātamaṃ, dīpadīpena nāsitaṃ.
91. So bhaṇḍāgāriko rañño,  
Amacco goṭṭhatābhayo;  
Cero hutvā uttarato,  
Nagaraṃ samupāgami.
92. Parissāvanamādāya, rājā dakkhiṇadvārato;  
Parahiṃsamarocento, ekakova palāyi so.
93. Puṭabhataṃ gahetvāna, gacchanta purito pathi;  
Bhattabhogāyarājānaṃ, nibandhittha punappunaṃ.
94. Jalaṃ parissāvayitvā, bhuñjitvāna dayāluco;  
Tassevaṃ nuggahaṃ kātuṃ, idaṃ vacanamabruvi.
95. “Saṅghabodhi ahaṃ rājā, gahetvā mamabho sīraṃ;  
Goṭṭhābhayassa dassehi, bahuṃ dassati te dhanamaṃ.
96. Na icchito tathākātuṃ, tassatthāya mahīpati;  
Nisinnoyeva amari, so sīsaṃ tassa ādiya.
97. Goṭṭhābhayassa dassesi, sotu vimhitamānaso;  
Datvā tassa dhanamaṃ rañño, sakkāraṃ sādhu kārāyi.
98. Evaṃ goṭṭhābhayo eso, meghavaṇṇābhayo’ ti ca;  
Vissuto terasa samā, laṃkārajjamakārāyi.
99. Mahāvattaṃ kārāyitvā, vatthudvāramhi maṇḍapaṃ;  
Kārāyitvā maṇḍayitvā, so bhikkhu tattha saṅghato.
100. Aṭṭhuttarasahassāni, nisīdetvā dine dine;  
Yāgukhajjaka bhojjehi, sādūhi vividhehi ca.
101. Sacīvarehi kappetvā, mahādānaṃ pavattayi;  
Ekavīsadinā nevaṃ, nibaddhañcassa kārāyi.
102. Mahāvihāre kāresi, silāmaṇḍapa muttamaṃ;  
Lohapāsādathambhe ca, parivattiya ṭhāpayi.
103. Mahābodhi silāvedim, uttaradvāratorānaṃ;  
Patiṭṭhāpesi thambhe ca, cakukaṇṇe sacakkake.
104. Tisso silāpaṭimāyo, tīsu dvāresu kārāyi;  
Ṭhāpāpesi ca pallaṅkaṃ, dakkhiṇamaṃhi silāmayamaṃ.
105. Padhānabhūmiṃ kāresi, mahāvihārapacchato;  
Dīpamaṃhi jiṇṇakāvāsaṃ, sabbañca paṭisaṅkhari.

106. Thūpārāme thūpagharaṃ, therambatthalake tathā;  
Ārāme maṇisomavhe, paṭisaṅkhārayi ca so.
107. Thūpārāme maṇisomā-rāme maricavaṭṭake;  
Dakkhiṇavha vihāre ca, uposathagharāni ca.
108. Meghavaṇṇābhayavhañca, navavihāramakārayi;  
Vihāramahapūjāyaṃ, piṇḍetvā dīpavāsīnaṃ.
109. Tiṃsabhikkhusahassānaṃ, chacīvaramadāsi ca;  
Mahāvesākhapūjañca, tadā evaṃ akārayi.
110. Anuvassañca saṅghassa, chacīvaramadāmayi;  
Pāpakānaṃ niggahena, sodhento sāsanaṃ tu so.
111. Vetullavādino bhikkhū, abhayagirinivāsino;  
Gāhayitvāsaṭṭhimatte, jinasāsanakaṇṭake.
112. Katvāna niggahaṃ tesam, paratire khipāpayi;  
Tattha khittassa therassa, nissito bhikkhucolīko.
113. Saṅghamitto'tināmena, bhūtivijjādikovidō;  
Mahāvihāre bhikkhunaṃ, kujjhivāna idhagamā.
114. Thūpārāme sannipātaṃ, pavisitvā asaṅṅato;  
Saṅghapālassa pariveṇa, vāsittherassa tattha so.
115. Goṭṭhāsayaṃsa therassa, mātulassa'ssa rājino;  
Raṅṅo nāmenā'lapanto, vacanaṃ paṭibāhiya.
116. Raṅṅo kulūpago āsi, rājā tasmim pasīdiya;  
Jeṭṭhaputtaṃ jeṭṭhatissaṃ, mahāsenam kaniṭṭhakaṃ.
117. Appesi tassa bhikkhussa, so saṅgaṇhi dutiyakaṃ;  
Upanandhi tasmim bhikkhusmim, jeṭṭhatisso kumārako.
118. Pituno accaye jeṭṭha, sisso rājāahosiso;  
Pitu sārīra sakkāre, niggantuṃ nicchamānake.
119. Duṭṭhāmacce niggahetuṃ, sayam nikkhamma bhūpati;  
Kaniṭṭhaṃ purato katvā, pitukāyaṃ anantaraṃ.
120. Tato amacce katvāna, sayam hutvāna pacchato;  
Kaniṭṭhe pitukāye ca, nikkhante tadanantaraṃ.
121. Dvāraṃ saṃvarayitvāna, duṭṭhāmacce nighātiya;  
Sūle appesi pituno, citakāyasamantato.
122. Tena'ssa kammunā nāmaṃ, kakkhalopapadaṃahu;  
Saṅghamittotu so bhikkhu, bhīto tasmim narādhipā.
123. Tassābhisekasamakālam, mahāsenena mantiya;  
Tassābhisekaṃ pekkhanto, paratīraṃ gato ito.
124. Pitarā so vippakataṃ, lohapāsāda muttamaṃ;  
Koṭidhanaṃ agghanakaṃ, kāresi sattabhūmakaṃ.

125. Saṭṭhisatasahassaggaṃ, pūjayitvā maṇiṃtaḥiṃ;  
Kāresi jeṭṭhatissotaṃ, maṇipāsādanāmaṃ.
126. Maṇi duve mahagghe ca, mahāthūpe apūjayi;  
Mahābodhighare tīṇi, toraṇāni ca kārayi.
127. Kārayitvā vihāraṃ so, pācinatissa pabbataṃ;  
Pañcavāsesu saṅghassa, adāsi puthuvī pati.
128. Devānaṃpiyatissena, so patiṭṭhāpitaṃ purā;  
Thūpārāme urusilā, paṭimaṃ cārudassanaṃ.
129. Netvāna thūpārāmaṃ, jeṭṭhatisso mahīpahi;  
Patiṭṭhāpesi ārāme, pācinatissa pabbate.
130. Kālamattikavāpiṃso, adācetiya pabbate;  
Vihāra pāsāda mahaṃ, mahāvesākhameva ca.
131. Katvā tiṃsa saḥassassa, saṅghassa'dā chacīvaraṃ;  
Āḷambagāmaṃvāpiṃso, jeṭṭhatisso akārayi.
132. Evaṃ so vividhaṃ puññaṃ, pāsādakaraṇādikaṃ;  
Kārento dasavassāni, rājā rajjamakārayi.
133. Iti bahuvīdha puññaṃ hetu bhūtā,  
Narapatitā bahupāpāhetu cāti;  
Madhuramiva visenamissamannaṃ,  
Sujanamano bhajate na taṃ kadāpi.

Sujanappasāda saṃvegathāya kate mahāvaṃse

Tayodasārājakonāma

Chattimsatimo pariccheda.

## Sattatimsatima pariccheda

### Pañcarājako

1. Jeṭṭhatissaccaye tassa, mahāsena kaniṭṭhako;  
Sattavāsativassāni, rājā rajjamakārayi.
2. Tassa rajjābhisekaṃ taṃ,  
Kāretuṃ paratīrato;  
So saṅghamittatthero tu,  
Kālaṃ ṇatvā idhāgato.
3. Tassābhisekaṃ kāretvā, aññaṃ kiccañcanekadhā;  
Mahāvihāra viddhaṃsaṃ, kātukāmo asaṅṅato.
4. Avinayavādino ete, mahāvihāravāsino;  
Vīnayaṃvādī mayaṃ rāja, iti gāhiya bhūpabhiṃ.
5. Mahāvihāravāsissa, āhāraṃ deti bhikkhuno;  
Yo so sataṃ daṇḍiyo'ti, raññā daṇḍaṃ ṭhapāpayi.

6. Upaddutā tehi bhikkhū, mahāvihāravāsino;  
Mahāvihāraṃ chaḍḍetvā, malayaṃ rohaṇaṃ aguṃ.
7. Tena mahāvihāro'yaṃ, navavassāni chaḍḍito;  
Mahāvihāravāsīhi, bhikkhūhi āsi suñṇako.
8. “Hoti assāmikaṃ vatthu, putuvisāmino’’iti;  
Rājānaṃ saññāpetvā so, thero dummati dummatim.
9. Mahāvihāraṃ nāsetuṃ, laddhānumati rājato;  
Tathā kātuṃ manusse so, yojesi duṭṭhamānaso.
10. Saṅghamittassa therassa, sevako rājavallabho;  
Soṇāmacco dāraṇo ca, bhikkhavo ca alajjino.
11. Bhinditvā lohapāsādaṃ, sattabhūmaka muttamaṃ;  
Ghare nānappakāre ca, ito'bhayagiriṃ nayuṃ.
12. Mahāvihārā nītehi, pāsādehi bahūhi ca;  
Abhayagirivihāroyaṃ, bahupāsādako ahu.
13. Saṅghamittaṃ pāpamittaṃ, therāṃ soṇaṅca sevakāṃ;  
Āgamma subahuṃ pāpaṃ, akāsi so mahīpati.
14. Mahāsilāpaṭimaṃ so, pācinatissapabbatā;  
Ānetvā'bhayagiriṃhi, patitṭhāpesi bhūpati.
15. Paṭimāgharaṃ bodhigharaṃ, dhātusālaṃ manoramaṃ;  
Catusālaṅca kāresi, saṅkharī kukkuṭavhayaṃ.
16. Saṅghamittena therena, tena dāruṇakammunā;  
Vihāro so'bhayagiri, dassaneyyo ahu tadā.
17. Meghavaṇṇābhayo nāma, rañño sabbattha sākhalo;  
Sakhā amacco kujjhitvā, mahāvihāranāsane.
18. Coro hutvāna malayaṃ, gantvā laddhamahabbalo;  
Khandhāvāraṃ nivesesi, duratissakavāpiyaṃ.
19. Tatrā'gataṃ taṃ sutvā, sahāyaṃ so mahīpati;  
Yuddhāha paccuggantvāna, khandhāvāraṃ nivesayi.
20. Sādhuṃ pānaṅca maṃsaṅca, labhitvā malayāgataṃ;  
“Na sevissaṃ sahāyena, vinā raññā’’ti cintiya.
21. Ādāya taṃ sayameva, rattim nikkamma ekako;  
Rañño santikamāgamma, tamatthaṃ paṭivedayi.
22. Tenā'bhatāṃ tena saha, vissattho paribhuñjiya;  
“Kasmā coro ahu me tvaṃ, “iti rājā apucchitaṃ.
23. “Tayā mahāvihārassa, nāsittatā’’ti abruvi;  
“Vihāraṃ vāsāyissāmi, khemametaṃ mamaccayaṃ.
24. Iccheva mabravī rājā, rājānaṃ so khamāpayi;  
Tena saññāpito rājā, nagaraṃyeva āgami.

25. Rājānaṃ saññapetvā so, meghavaṇṇābhayo pana;  
Raññā saha na āgañchi, dabbasambhārakāraṇā.
26. Valabhā bhariyā rañño, ekaṃ lekhakadhītikā;  
Mahāvihāranāsamhi, dukkhitam taṃ vināsakaṃ.
27. Theram mārāpayi kuddhā, saṃgahetvāna vaḍḍhakim;  
Thūpārāmaṃ vināsetum, āgataṃ duṭṭhamānasam.
28. Mārāpetvā saṅghamitta-ttheram dāruṇakāraṇam;  
Soṇāmaccadāraṇaṇca, ghātayimṣu asaññakā.
29. Ānetvā dabbasambhāram, meghavaṇṇābhayo tu so;  
Mahāvihārenekāni, pariveṇāni kārayi.
30. Abhayenabhayo tasmim, vūpasante tu bhikkhavo;  
Mahāvihāram vāsesum, āgantvāna tato tato.
31. Rājā mahābodhighare, pacchimāya disāya tu;  
Kāretvā loharūpāni, ṭhapāpesi duve tu so.
32. Dakkhiṇārāmavāsimhi, kuhake jimhamānase;  
Pasīdītvā pāpamitte, tissatthere asaññate.
33. Mahāvihārasīmante, uyyāne jotināmake;  
Jetavanavihāram so, vārayantopi kārayi.
34. Tato sīmaṃ samugghātam, bhikkhusaṅghamayāciso;  
Adātukāmā taṃ bhikkhū, vihāramhā apakkamum.
35. Idha sīmāsamugghātam, parehi kariyamānakaṃ;  
Kopetum bhikkhavo keci, nilīyimṣu tahiṃ tahiṃ.
36. Mahāvihāro navamāse, evaṃ bhikkhūhi vajjito;  
“Samugghātam karimhā”’ti-pare bhikkhū amaññisum.
37. Tato sīmāsamugghāte, byāpāre pariniṭṭhite;  
Mahāvihāram vāsesum, idhāgantvāna bhikkhavo.
38. Tassa vihāragāhissa, tissattherassa codanā;  
Antimavatthunā āsi, bhūtattham saṅghamajjhagā.
39. Vinicchiya mahāmacco, tathā dhammikasammato;  
Uppabbājesi dhammena, taṃ anicchāya rājino.
40. Soyeva rājā kāresi, vihāram maṇihīraṇam;  
Tayo vihāre kāresi, devālayam vināsiya.
41. Gokaṇṇam erakāpillam, kalandabrāhmaṇagāmake;  
Migagāma vihāraṇca, gaṅgasenakapabbatam.
42. Pacchimāya disāyātha, dhātusenaṇca pabbatam;  
Rājā mahāvihāraṇca, kokavātamhi kārayi.
43. Rūpārammavihāraṇca, cūḷaviṭṭaṇca kārayi;  
Uttarābhayasavhe ca, duve bhikkhūnupassaye.

44. Kāvelakayakkhassa, thāne thūpañca kārayi;  
Dīpamhi jiṇṇakāvāse, bahū ca paṭisaṅkhari.
45. Saṅghattherasahassassa, saḥassagghamadāsi so;  
Theradānañca sabbesaṃ, anuvassañca cīvaraṃ.
46. Annapānādidānassa, paricchedo na vijjati;  
Subhikkhatthāya kāresi, so'va soḷasa vāpiyo.
47. Maṇihīramahāvāpiṃ, jalluraṃ khāṇunāmakam;  
Mahāmaṇiṃ kokavātaṃ, morakaparakavāpikam.
48. Kubbhāhakam vāhakañca, rattamālakaṇḍakampi ca;  
Tissavaḍḍhamānakañca, veḷaṅgaviṭṭhikampi ca.
49. Mahāgallacīravāpiṃ, mahādāragallakampi ca;  
Kālapāsānavāpiñca, imā soḷasa vāpiyo.
50. Gaṅgāya pabbavavhaṃso, mahāmātiñca kārayi;  
Evaṃ puññaṃapuññañca, subahuṃ so upācinīti.
51. Asādhusaṅganevaṃ, yāvajīvaṃ subhāsubham;  
Kativā gato yathākammaṃ, so mahāsenabhūpati.
52. Tasmā asādhusaṃsaggam, ārakā parivajjiya;  
Ahiṃ vā'si viṣaṃ khippaṃ, kareyya'tthahitaṃ budho.
53. Ahu rājā sirimegha-vaṇṇo tassa suto tato;  
Vandhātā viya lokassa, sabbasampattidāyako.
54. Mahāsenena pāpānaṃ, vasagena vināsita;  
Mahāvihāre sabbepi, sannipātiya bhikkhavo.
55. Upasaṅkamma vanditvā, nisinno pucchi sādaro;  
“Pitarā saṅghamittassa, sahāyena vināsitaṃ.
56. Kiṃ kimevā'ti āhaṃsu, bhikkhavo taṃ narissaraṃ;  
“Sīmāyugghāṇaṃ kātuṃ, vāyavitvāpi te pitā.
57. Nāsakkhi antosīmāyaṃ, bhikkhūnaṃ vijjamānato;  
Bhūmigabbhanilīnāhi, sattāsuṃ ettha bhikkhavo.
58. Amacco soṇāmacco ca, saṅghamitto ca pāpiyo;  
Rājānaṃ saññāpetvāna, apuññaṃ tena kārayuṃ.
59. Bhinditvā lohapāsādaṃ, sattabhūmakamuttamaṃ;  
Ghare nānappakāre ca, ito'bhayagiriṃ nayuṃ.
60. Māsake catubuddhehi, nivutthe cetiyaṅgaṇe;  
Vapāpesuñca duppaññā, passa bālasamāgamaṃ”.
61. Taṃ sutvā pitukammaṃ so, nibbinno bālasaṅgame;  
Pitarā nāsitaṃ tattha, sabbam pākatikaṃ akā.
62. Lohapāsādamagado'va, kāsi pāsādamuttamaṃ;  
Rañño mahāpanādassa, dassento viya bhūtale.

63. Parivenāni sabbāni, nāsitāni nivesayi;  
Bhoge ārāmikānañca, yathāṭhāne ṭhapesi so.
64. Pitarā paccayānañca, pacchinnattā vibuddhinā;  
Chiddāvāsaṃ ghanāvāsaṃ, vihāraṃ'kāsi buddhimā.
65. Kārite pitarā joti vanece'so vihārake;  
Kammaṃ vippakataṃ sabbam, niṭṭhāpesi narissaro.
66. Therassā'tha mahindassa, samañindassa sununo;  
Sutvāna manujindo so, pavattiṃ sabbamādito.
67. Pasīditvā guṇe tassa, rājā dippapasādake;  
“Issaro vata dīpassa, thero” iti viciniya.
68. Paṭibimbaṃ suvaṇṇassa, katvā tammāṇa nissitaṃ;  
Pubbakattikamāsassa, pabbapakkhe tu sattame.
69. Dine netvā cetiyamba-thale therambasaññite;  
Tatraṭṭhame nivāsetvā, tato tu navame pana.
70. Mahāsenam gahetvā so, devasenā samūpamaṃ;  
Orodhe nagare ceva, geharakkhaṇake vinā.
71. Lamkādiṭṭe ca sakale, sabbe ādāya bhikkhavo;  
Vissajjetvā manusse ca, nagare cāraṭṭhite.
72. Paṭṭhapetvā mahādānaṃ, ayañcākhilapāṇinaṃ;  
Pūjaṃ sabbopahārehi, karonto ca anūpamaṃ.
73. Paccuggamanametassa, dīpasatthussa satthuno;  
Varaputtassa so katvā, devarājā'va satthuno.
74. Cetiyambathalā yāva, nagaram sādhusajjayi;  
Maggam vesālito yāva, sāvattinagaram yathā.
75. Vissajjetvā tahiṃ bhogaṃ, sabbam therassa so pitā;  
Rājā moggaliputtassa, therassā'gamane viya.
76. Datvā tattha mahādānaṃ, kapaṇaddhivanibbake;  
Bhikkhavopi ca tosetvā, paccayehi catūhi'pi.
77. Therassā'gamane evaṃ, passatūti mahājane;  
Gahetvā taṃmahantena, sakkārena mahāyaso.
78. Tamhā oruyha so mahā, sayam hutvā purecaro;  
Bhikkhavo cāpi katvāna, parivāre samantato.
79. Therassa bimbaṃ sovaṇṇam, khirasāgaramajjhago;  
Sañjhā ghanaparikkhitto, hemameru'va sobhatha.
80. Vesālinagaram suttaṃ, desetum lokanāyako;  
Agamā evamevāti, dassesi ca mahājanaṃ.
81. Evaṃ karonto sakkāra-sammānaṃ so narāsabho;  
Nagarassa'ssa pācīna-dvārapasse sayamkataṃ.



82. Upasaṅkamma sāyaṅhe, vihāraṃ sotthiyā karaṃ;  
Tīhaṃ tatthāpi vāsesi, bimbaṃ taṃ jinasununo.
83. Nagaraṃ sādhusajjtvā, tato dvādasame dine;  
Satthussā' dippavesamhi, puraṃ rājagahaṃ yathā.
84. Paṭimaṃ nīharitvā taṃ, vihāraṃ sotthiyā karaṃ;  
Nagare sāgarākāre, vattamāne mahāmahe.
85. Mahāvihāraṃ netvāna, temāsaṃ bodhiyaṅgaṇe;  
Nivāsetvā pavesetvā, teneva vidhinā puraṃ.
86. Rājagehasamīpamhi, pubbadakkhiṇakoṇake;  
Paṭibimbassa kāresi, tassa sādhunivesanaṃ.
87. Kāretvā iddhiyādīnaṃ, paṭimāyo visārado;  
Therena saha tatthe'va, nivesesi mahāpati.
88. Ārakkhaṃ paṭṭhapetvā, pūjāya ca paribbayaṃ;  
Anusaṃvaccharamaṃ kātuṃ, evameva niyojayi.
89. Tassāṇamanurakkhantā, rājā tabbaṃsikā idha;  
Yāva'jjaparirakkhanti, taṃ vidhiṃ na vināsiya.
90. Pavāraṇādine netvā, vihāraṃ nagarā tato;  
Kātuṃ terasiyaṃ pūjaṃ, anuvassaṃ niyojayi.
91. Vihāre abhaye tissa-vasabhe bodhipādape;  
Silāvedīṅca kāresi, pākāraṅca manoharaṃ.
92. Navame tassa vassamhi, dāṭhādhatuṃ mahesino;  
Brāhmaṇikāci ādiya, kāliṅgamhā idhānaya.
93. Dāṭhādhatussa vaṃsamhi, vuttana vidhasanaṃ;  
Gahetvā bahumānena, katvā sammā na muttamaṃ.
94. Pakkhiptvā karaṇḍamhi, visuddhaphalikumbhavhe;  
Devānaṃpiyatissena, rājavatthumhi kārite.
95. Dhammacakkavhaye gehe, vaḍḍhayittha mahīpati;  
Tato paṭṭhāya taṃ gehaṃ, dāṭhādhatuḡharaṃ ahu.
96. Rājā satahassānaṃ, navakaṃ puṇṇamānaso;  
Vissajjtvā tato'kāsi, dāṭhādhatu mahāmahaṃ.
97. Anusaṃvaccharamaṃ netvā, vihāramabhayuttaraṃ;  
Tassa pūjāvidhiṃ kātu, meva rūpaṃ niyojayi.
98. Aṭṭhārasa vihāre ca, kārāpesi mahīpati;  
Anukampāya pāṇīnaṃ, vāpiyo ca thirodikā.
99. Bodhi pūjādi puñṇāni, appameyyāni kāriya;  
Aṭṭhavīsatiṃ vasse, gabho so tassa yā gati.
100. Kumāro jetṭhatiso'tha, bhātā tassa kaniṭṭhako;  
Chattaṃ laṅghesi saṃkāyaṃ, dantasippamhi kovido.

101. Katvā kammāni catrāni, dukkarāni mahīpati;  
Sippāyatana metaṃ so, tikkhāpesi bahūjane.
102. Aṇatto pitunā'kāsi, iddhihi viya nimmitaṃ;  
Bodhisatta sarūpañca, rūpaṃ sādhu manoharam.
103. Apasayañca pallaṅkaṃ, chattaṃ ratanamaṇḍapaṃ;  
Citradantamayaṃ kiñci, tassa kammaṃ tahiṃ tahiṃ.
104. Katvā so navavassāni, laṃkāḍīpānusāsanaṃ;  
Anekāni ca puññāni, yathākammamupāgami.
105. Buddhadāso tato tassa, putto āsi mahīpati;  
Guṇānaṃ ākaro sabba-ratanānaṃ'va sāgaro.
106. Sukhaṃ sabbapayogehi, karonto dīpavāsinaṃ;  
Rakkhamālakamandaṃ'va, puraṃ vassavaṇo dhanī.
107. Paññā puññaguṇūpeto, visuddhkaruṇālayo;  
Tathā dasahi rājūnaṃ, dhammehi samugāgato.
108. Catasso agati hitvā, kārayanto vinicchayaṃ;  
Janaṃ saṅgahavatthūhi, saṅgahesi catūhipi.
109. Cariyaṃ bodhisattānaṃ, dassento sakkhipāṇinaṃ;  
Pitā'va putte so satte, anukampittha bhūpati.
110. Daḷidde dhanadānenā-kāsi puṇṇamanorathe;  
Sukhite sabbabhogānaṃ, jīvitassa ca guttiyā.
111. Sādhavo saṅgahenā'tha, niggahena asādhavo;  
Gilāne vejjakammena, saṅgahesi mahāpati.
112. Atheka divasaṃ rājā, hatthikkhandhavaraṃ gato;  
Tissavāpiṃ nahānattaṃ, gacchamāno mahāpathe.
113. Addase'kaṃ mahānāgaṃ, kucchiroga samappitaṃ;  
Puttabhāga vihārassa, passe vammikamatthake.
114. Uttāna mudare rogaṃ, dassetuṃ gaṇḍasaññitaṃ;  
Nīpannaṃso'tha cintesi, tato rogīti nicchayaṃ.
115. Atho'ruya mahānāgaṃ, mahānāga samīpago;  
Evamāha mahānāgo, mahānāgamanāgavā.
116. "Kāraṇaṃ te mahānāga, ñātamāgamane mayā;  
Kumhe khalu mahātejā, khippaṃ kuppitasīlino.
117. Tasmā phusitvā taṃ kammaṃ, kātuṃ sakkā na te mayā;  
Aphusitvāpi no sakkā, kinnukātabbametthī'ti.
118. Evaṃ putte phaṇindo so, kevalaṃ phaṇamattano;  
Bilassa'nto pavesetvā, nippajjittha samāhito.
119. Athe'na mupasaṅkamma, ucchaṅgagamattano  
Sattaṃ gahetvā phāletvā, udaraṃ tassa bhogino.

120. Nīharitvā tato dosam, katvā bhesajja muttamam;  
Sappam tam taṅkhaṇeneva, akāsi sukhitam tadā.
121. Attāna mevaṃ thomesi, “mahākāruṇṇatam mama;  
Tiracchānāpi jāniṃsu, sādhu rajjanti me katam.
122. Disvā sukhitamattānam, pannagoso mahīpatim;  
Pūjetum tassa pādāsi, mahaggham maṇimattano.
123. Silāmayāya sambuddha-ṭaṭimāya akārayi;  
Miṇim tam nayanam rājā, vihāre abhayuttare.
124. Ekopi bhikkhu bhikkhanto, gāmamhi thusavitthike;  
Sukkham bhikkham labhitvāna, khīrabhikkhāya saṅcaram.
125. Khīram sappānakam laddhā, paribhuñjittha kucchiyam;  
Pānakā balavo hutvā, udaram tassa khādisum.
126. Tato so upasaṅkamma, tam nivedesi rājino;  
Rāha “jāto sulo’yam, kadā hāresi kīdisam.
127. So āha’’ thusavitthimhi, gāme khīrena bhojane;  
Bhutte’ti rājā aññāsi, khīram sappānakam’’iti.
128. Tadeva asso ekopi, sirāvedha tikicchiyo;  
Rājā tassa sirāvedham, katvā ādāya lohitaṃ.
129. Pāyetvā samaṇam āha, muhuttaṃ vītināmaya;  
“Assalohitamaṇa’’nti, tam sutvā samaṇovami.
130. Pānakā lohiteneva, nikkhamimḃhu sukhī ahu;  
Bhikkhum rājā nivedesi, kucchimevaṃ panattano.
131. “Ekasatthapahārena, pānakā samaṇo hayo;  
Katā arogā sammame, vejjakamma maho’’iti.
132. Pivanto toyameko hi,  
Deḍḍubhaṇḍam majāniya;  
Ajjhoharitaḍā āsi,  
Tato jāto’ti deḍḍubho.
133. Anto tu ditthatuḍena, tena dukkhena pīlito;  
Rājānam magamā rājā, nidānam tassa pucchiya.
133. Anto tu ditthatuḍena, tena dukkhena pīlito;  
Rājānam magamā rājā, nidānam tassa pucchiya.
134. Aentā sappo’ti viññāya, sattāhamupavāsiya;  
Sunhātasu vilittaṅca, sayane sādhu santhate.
135. Sayāpesi tato so’ti, niddāya mukhamattano;  
Vivaritvā tadā sutto, tato tassa mukhantike.
136. Maṃsapesim ṭhapāpesi, sarajjum tassa niggato;  
Gandhena tam ḍaṃsitvāna, anto visitumārabhi.

137. Rajjuyā'tha gahetvāna, samākaḍḍhika pāṇiyam;  
Udake pātayitvāna, idaṃ vacanamabravi.
138. “Vejjo ahoṣi sammāsa-mbuddhassa kira jīvako;  
Kammaṃ vijjati lokassa, kataṃ kiṃtena dukkaraṃ.
139. Īdisaṃ kasirāso'pi, kammaṃ natthe'ttha saṃsayo;  
Sabbādarena kubbanto, aho puñño dayo mama.
140. Tathā helloligāmamhi, caṇḍāli muḥagabbhinim;  
Jātaṃ sattasu vāresu, sagabbhaṃ sukhitaṃ akā.
141. Vātabodhena eko'pi, bhikkhu uṭṭhāpito ahu;  
Gopānasī gatetamhi, dukkhāmocesi buddhimā.
142. Pivantassāpi maṇḍūka, jībayuttaṃ jalaṃ lahuṃ;  
Nāsikā bilato gantvā, bījamāruya matthakaṃ.
143. Bhijjitvā āsi maṇḍūko, so vuddho tattha gacchati;  
Meghassā'gamane tena, so'nibbajjati māṇavo.
144. Phāletvā matthakaṃ rājā, maṇḍūkamapanīya so;  
Kapālāni ghaṭetvāna-kāsi pākatikaṃ khaṇe.
145. Hitatthaṃ dīpāvāsinaṃ, gāme gāme mahīpati;  
Kāretvā vejjasālāyo, vaje tattha niyojayi.
146. Sabbesaṃ vajjasatthānaṃ, katvā sārattasāṅgahaṃ;  
Ṭhapesi vejje dīpassa, tikicchatthamanāgate;  
Yojesi vejja mekekaṃ, rājā gāma dvipaṇcake.
147. Adā visaddha khettānaṃ, vejjānamupajīvanaṃ;  
Vejjehatthīnamassānaṃ, balassa ca niyojayi.
148. Piṭṭhasappinamanvānaṃ, sālāyo ca tahiṃ tahiṃ;  
Kāresi saha bhogena, sālāyo ca mahāpathe.
149. Niccamassosi saddhammaṃ, sakkatvā dhammabhāṇake;  
Dhammabhāṇakavaṭṭaṇca, paṭṭhapesi tahiṃ tahiṃ.
150. Sāṭakantarato katvā, sattha vaṭṭim mahādayo;  
Diṭṭhe diṭṭhe pamocesi, dukkhamhā dukkhite jane.
151. Atheka divasaṃ rājā, rājābharāṇa maṇḍito;  
Saddhiṃ gacchati senāya, devehi viya vāsavo.
152. Taṃ disvā sirisobhagga-maggaṃ pattam mahī patim;  
Rājiddhihi virājantaṃ, baddhaverō bhavantare.
153. Kuṭṭhi eko pakuppitvā, haṭṭhenāhaniyā'vatim;  
Pothento taṇca pothento, bhūmiṃ kattarayaṭṭhiyā.
154. Akkosesi anekehi, akkosavacanehi ca;  
Vippakāraṃmimaṃ disvā, dūrato'va mahīpati.

155. “Nāhaṃ sarāmi sattassa, kassā’pi katamappiyaṃ;  
Pubbaverī ayaṃ jātu, nibbāpessāmitaṃ” itī.
156. Aṇāpesi samīpaṭṭhaṃ, purisaṃ “gaccha kuṭṭhino;  
Amukassā’bhijānāhi, cittācāra”nti so tato.
157. Sahāyo viya kuṭṭhissa, samīpamhi nisīdiya;  
“Ruṭṭho kimatthaṃ bho tva’nti, pucchi sabbamavoca so.
158. “Dāso me buddhadāso’yaṃ, rājāhu puññakammunā;  
Avamaññāya maṃ mayhaṃ, parato to yāti hatthinā.
159. Jānāpessāmi attānaṃ, katipāhena soyadi;  
Hatthaṃ me eti kāretvā, sabbaṃ dāsāna niggahaṃ.
160. No ce hatthaṃ mamā’yāti, māretvā galalohitaṃ;  
Pivissāmi na sandeho, na cireneva passasi”.
161. So gantvā narapālassa, pavattiṃ taṃ nivedayi;  
“Pubbaveri mamāyanti, nicchinitvā mahāmati.
162. Vīno detumupāyena, puttaṃveranti verino;  
“Sādhu saṅgaṇutaṃ tva’nti, purisaṃ taṃ niyejayi.
163. So kuṭṭhimupasaṅkamma, sahāyo piya āhataṃ;  
“Rājānaṃ taṃ vināsetuṃ, cetetvā kālamettakaṃ.
164. Alabhanto sahāyaṃ me, nāsakkhi tassa ghātane;  
Laddhātumhe nayissāmi, matthakaṃ me manorathaṃ.
165. Etha gehe vasitvā me, hotha me anuvattakā;  
Ahameva’ssa nāsemi, katipāhena jīvitaṃ.
166. Iti vatvāna taṃ kuṭṭhaṃ, netvā so gharamattano;  
Sunhāta suvilittañca, nivatthasukhumambaraṃ.
167. Subhuttamadhurāhāraṃ, yobbanitthikathādaraṃ;  
Sayāpesi manuññamhi, sayane sādhu santhate.
168. Ete neva niyāmena, katipāhaṃ nīvāsiya;  
Ñatvā taṃ jātavissāsaṃ, sukhitāṃ piṇitindriyaṃ.
169. “Rañño dinna’nti vatvāna, khajjabhojjādikaṃ adā;  
Dvattikkhattuṃ nisedhetvā, tena’jjhiṭṭho namaggahi.
170. Bhūpālena kameṇā’si, vissattho’tiva bhūmipo;  
Matoti sutvā tassā-si hadayaṃ phalitaṃ dvidhā.
171. Evaṃ roge tikicchesi, rājā sārīramānase;  
Ṭhapesi vejje dīpassa, tikacchattha manāgate.
172. Pañcavīsatihatthena, pāsāde nopasobhitaṃ;  
Mahāvihāremoravha-pariveṇamakārayi.
173. Samaṇaṃ goḷapānuñca, adā gāmadvayaṃ tahiṃ;  
Dhammaghāsaka bhikkhūnaṃ, bhoge kappiyakārake.

174. Vihāre pariveṇe ca, sampanna catupaccaye;  
Vāpiyo dānasālāyo, paṭimāyoca kārayi.
175. Tasseva rañño rajjamhi, mahādhammakathīyati;  
Suttāni parivattesi, sīhaḷāyaniruttīyā.
176. Abhīti puttā tassā'suṃ, sūrāviraṅgarūpino;  
Asītiyā sāvakānaṃ, nāmakāyīpadassanā.
177. Sāriputtādināmehi, puttehi parivārito;  
Buddhadāso sasambuddha-rājāviya virocatha.
178. Evaṃ katvā hitaṃdīpa-vīsīnaṃ tīdivaṃ gato;  
Vasse ekūnatīṃsamhi, buddhadāso narādhipo.
179. Tato jeṭṭhasuto tassa, upatīso'si bhūpati;  
Sabbarājagūṇopeso, niccasīlo mahādayo.
180. Dasāpuññakriyāhitvā, dasapuññakriyā'dīyi;  
Rājadharmeca pūresi, rājapāramitā dasa.
181. Gaṇhi saṅgahavatthūhi, cathūhi ca catuddisaṃ;  
Mahāpāḷimhi dāpesi, rājārājānubhojanaṃ.
182. Uttaramhi disābhāge, cetiyamhā tu maṅgalā;  
Thūpañca paṭimāgehaṃ, paṭimañcā'pi kārayi.
184. Karonto tañca so rājā, mākhijjantu janā iti;  
Kārāpesi kumārehi, dāpetvā guḷakaṇḍulaṃ.
185. Rājuppalavhayaṃ gijjha-kūṭaṃ pokkharapāsayaṃ;  
Vālāhassañca ambuṭṭhiṃ, goṇḍigomamhi vāpikaṃ.
186. Vihāraṃ khaṇḍarājiñca, vāpiyo ca thirodikā;  
Appamāṇāni puññāni, kārāpesi tahiṃ tahiṃ.
187. Vassāmānepi so vasse, sayane sannisinnako;  
Kevalaṃ pariṇāmesi, rattiṃ "khedo janassī'ti.
188. Ñatvā amacco taṃ netvā, uyyānaṃ jādayīgharaṃ;  
Evaṃ paṭicca attānaṃ, dukkhaṃ nākāsi pāṇinaṃ.
189. Kāle tassā'sī dukkhitta-rogaḍukkhehi pīlito;  
Dīpo dīpo pamopāpa-tamaso so sumānaso.
190. Bhikkhū pucchittha''kiṃbhante, dubbhikkhādibhayaddite;  
Loke lokahitaṃ natthi, kataṃ kiñci mahesīnā.
191. Gahghārohaṇasuttassa, uppattiṃtassa niddisaṃ;  
Sutvā taṃ sabbasovaṇṇaṃ, bimbaṃ sambuddhadhātuno.
192. Katvā satthusilāpattaṃ, sodakaṃ pāṇisampute;  
Ṭhapetvā tassa te rūpa-māropetvā mahārathaṃ.
193. Sayam sīlaṃ samādāya, samādetvā mahājanaṃ;  
Mahādānaṃ pavattetvā, abhayaṃ tambapāṇinaṃ.

194. Alaṅkatvā ca nagaraṃ, devalokamanoharaṃ;  
Dīpavāsīhi sabbehi, bhikkhūhi parivārito.
195. Otarittha mahāvīthiṃ, bhikkhū tattha samāgatā;  
Bhaṇantā ratanaṃ suttaṃ, siṅcamānā jalaṃ tathā.
196. Rājagehantike vīti-magge pākārasantike;  
Vicarīṃsu tiyāmate, kurumānā padakkhiṇaṃ.
197. Bhijjamaṇe'ruṇe vassi, mahāmegho mahītale;  
Rogaṭurāca sabbepi, sukhitākaṃsu ussavaṃ.
198. “Yadā dubbhikkharogādi-bhayaṃ dīpamhi hessati;  
Evameva karontū'ti, niyojesi narādhipo.
199. Āruḷho cetiyaṃ kunta-kipillādīmavekkhiya;  
Pucchitvā morapiṅcena, “saṅikaṃ yantuvanāṃti ca.
200. Saṅkhaṃ sodakamādāya, caratā'sanadhovane;  
Dakkhiṇaparitoṇamhi, kāretvā rājagehato.
201. Uposathagaraṃ buddha-paṭimāgeha meva ca;  
Pākārena parikkhattaṃ, uyyānaṅca manoramaṃ.
202. Cātuddasimpaṅcadasiṃ, yā ca pakkhassa aṭṭhamī;  
Pāṭihāriyapakkhaṅca, aṭṭhaṅgasamupāgataṃ.
203. Uposathaṃsamādāya, sāpadānaṃ taṃ vaṣī;  
Yāvajīvaṅca so bhūñji, mahāpāḷimhi bhojanaṃ.
204. Carantocakalandāna muiyāne bhattamattano;  
Katvā nivāpaṃ dāpesi, tadajjāpi ca vattati.
205. Coraṃ vajjamupaṇītaṃ, disvā saṃviggamānaso;  
Chavaṃ susānaṃ ānetvā, khipitvā lohakumbhiyaṃ.
206. Datvā dhamaṃ palāpetvā, coraṃ rattiyamuggate;  
Sūriye kujjhito coraṃ-viyajhāpayi taṃ chavaṃ.
207. Akā dīpamhi sabbesaṃ, cetiyānaṃ mahāmahaṃ;  
Thūpārāme ca thūpassa, hemacumbaṭakaṅcukaṃ.
208. Dvācattālīsavassāni, katvā vaṅcuṃkhaṇampiso;  
Katvā puññaṃupāgaṅchi, devarājasahabyataṃ.
209. Rañño tassa kaniṭṭhena, mahānāmena vallabhā;  
Devī sattaṃ nipātetvā, tamaṭhānamhi mārayi.
210. Pabbajitkā kaniṭṭho so, jīvamānamhi bhātari;  
Hate rājini bhītāya, āvattitvā'si bhūpati.
211. Mahesiṃmattano'kāsi, mahesiṃ bhātughātiniṃ;  
Gilānasālā kāresi, mahāpāḷiṅca vaḍḍhayi.
212. Lohadvāra raggāma-koṭipassavanavhaye;  
Tayo vihāre katvā'dā, bhikkhūnamabhayuttare.

213. Vihāraṃ kārayitvāna, dhumarakkhamhi pabbate;  
Mahesiyā nāyena' dā, bhikkhūnaṃ theravādīnaṃ.
214. Navakammañca jīṇṇesu, vihāresu sakārayi;  
Dānasīlarato vatthu-pūjako ca ahu sadā.
215. Bodhimaṇḍasamīpamhi, jāto brohmaṇamaṇavo;  
Vijjāsippakalāvedī, tīsu vedesu pārāgo.
216. Sammāviññātasamayo, sabbavāDavisārado;  
Vādatti jambudīpamhi, āhiṇḍanto pavādiko.
217. Vihāramekaṃ āgamma, rattiṃ pātañjalaṃ matam;  
Parivattesi sampuṇṇa-padaṃ suparimaṇḍalam.
218. Tattheke revatonāma, mahāthero vijāniya;  
“Mahāpañño ayaṃ sattho, dametuṃ vaṭṭati” ti so.
219. “Ko nu gadrabharāvena, viravanto” ti abravi;  
“Gadrabhānaṃ rave atthaṃ, kiṃ jānāsī” ti āhatam.
220. “Ahaṃ jāne” ti vuttoso, otāresi sakaṃ matam;  
Vuttaṃ vuttaṃ viyākāsi, virodhampi ca dassayī.
221. “Tenahi tvaṃ sakavāda-motārehī” ti codito;  
Pāḷimāhā' bhidhammassa, atthamassa na so' migā.
222. Āha kasse' samanto' ti, buddhamanto' ti sobravi;  
“Dehi me ta” nti vuttehi, “gaṇhu pabbajjatan” iti.
223. Mantattī pabbajitvāso, uggaṇhi piṭakattayaṃ;  
“Ekāyano ayaṃ maggo”, iti pacchā tamaggahi.
224. Buddhassa viya gambhīra-ghosattātaṃ viyākaruṃ;  
“Buddhaghoso” ti ghosohi, buddho viya mahītale.
225. Tattha ñāṇodayaṃ nāma, katvā makaraṇaṃ tadā;  
Dhammasaṅgaṇīyā' kāsi, kacchaṃ so aṭṭhasāliniṃ.
226. Patittatṭhakathañceva, kārāmārabhibuddhimā;  
Taṃ disvā revato therō, idaṃ vacanamabruvi.
227. Pāḷimattaidhānitaṃ, natthi aṭṭhakathā idha;  
Tathācariyavādā ca, bhinnarūpā na vijjare.
228. Sīhaḷaṭṭhakathā suddhā, mahindena matīmatā;  
Saṃgītittayaṃmāruḷaṃ, sammāsambuddhadesitaṃ.
229. Sāriputtādigiṭaṇca, kathāmaggaṃ samekkhiya;  
Ekā sīhaḷabhāsāya, sīhaḷesu pavattati.
230. Taṃ tattha gantvā sutvā taṃ, māgadhānaṃ niruttiyā;  
Parivattesi sā hoti, sabbalokahitā vahā.
231. Evaṃ vutto pasanno so, nikkhamitvā tatoimaṃ;  
Dīpamāgā imasseva, raññokāle mahāmati.



232. Mahāvihāraṃ sampatto, vihāraṃ sabbasādhūnaṃ;  
Mahāpadhānagharaṃ gantvā, saṅghapālassa santikā.
233. Sīhaḷaṭṭhakathā suddhā, theravādañca sabbaso;  
“Dhammasāmissa esova, adhippāyo”ti nicchiya.
234. Tattha saṅghaṃ samānetvā, “kātumaṭṭhakathāmama;  
Potthake detha sabbe”ti, āha vīmaṃsitum satam.
235. Saṅgho gāthādvayaṃ tassā-dāsi “sāmattiyam tava;  
Ettha dassēhi tam disvā, sabbe demā”ti potthake.
236. Piṭakattayamettheva, saddhimaṭṭhakathāya so;  
Visuddhimagga nāmākā, saṅgahetvā samāsato.
237. Tato saṅghaṃ samuhetvā, sambuddhamatakovidam;  
Mahābodhisamīpamhi, so tam vācetumārabhi.
238. Devatā tassa nepuññaṃ, pakāsetum mahājane;  
Chādesum potthakamso’yi, dvattikkhattumpi tam akā.
239. Vācetum tatiye vāre, potthake samudāhaṭe;  
Potthakadvayamaññaṃpi, saṅghāpesum tahiṃ marū.
240. Vācayimṣu tadābhikkhū, potthakattaya mekato;  
Ganthato atthato cāpi, pubbāparavasena vā.
241. Theravādehi pālīhi, padehi byañjanehi ca;  
Aññatthattamahūneva, potthattakesupi tīsupi.
242. Atha ugghosayi saṅgho, tuṭṭhahaṭṭho tisesato;  
“Nissamsayā’yam metteyyo”, iti vatvā punappunam.
243. Saddhimaṭṭhakathāyā’dā, potthake piṭakattaye;  
Ganthakāre vasanto so, vihāre durasaṅkare.
244. Parivattesi sabbāpi, sīhaḷaṭṭhakathā tadā;  
Sabbesaṃ mūlabhāsāya, māgadhāya niruttiyā.
245. “Sattānaṃ sabbabhāsānaṃ, sā ahosi hitāvahā;  
Theriyā cariyāsabbe, pālīṃviya tamaggayham.
246. Atha kattabbakiccesu, gahetu pariniṭṭhitim;  
Vanditum so mahābodhiṃ, jambudīpamupāgami.
247. Sutvā dvāvīsavassāni, mahānāmo mahāmahim;  
Katvā puññaṃ citrāni, yathā kammamugāgami.
248. Sabbe’pe te dharaṇīpatayo maccumacchetumante,  
No sakkhiṃ sūpacitasukhabalāsādhu sampannabhogo;  
Evaṃ sabbe nidhanavasagā honti sattā’ti niccam,  
Rāgaṃ sammā vinayatudhane jīvite cāpi dhīmā.

Sujanappasādasamvegatthāya kate mahāvamse

Pañcarājako nāma

Sattatimsatimo paricchedo.

## Aṭṭhatimsatima pariccheda

### Dasarājako

1. Mahānāma suto āsi, damiḷī kucchisambhavo;  
Sothhiseno, tathāsaṅgho-dhītā cā'si mahesiyā.
2. Sothhiseno tadā rajjaṃ, patvā saṅghayanāsito;  
Tasmiṃyeva dine bheriṃ, carāpetvā tadā tu sā.
3. Attano sāmikassadā, chattaggāhakajantuno;  
Chattaggāhakavāpiṃ so, katvā saṃvacchare mato.
4. Atha macco mahāpañño, sahāyo tassa taṃ mataṃ;  
Antovatthumhi jhāpetvā, vīhicoṃ mahābalaṃ.
5. Rajjayoggoti cintetvā, katvā taṃ bhūpatiṃ raho;  
Antoyeva nivāsetvā, rājā rogāturo iti.
6. Yasaṃ rajjaṃ vicāresi, chaṇe patte mahājanā;  
Rājā ce atthi amhehi, saddhiṃ metūti ghosayum.
7. Taṃ sutvā narapālo so, sabbalaṅkāramaṇḍito;  
Samānaṃte mahānāge, nesayoggā mamā'tiso.
8. Dāṭṭhādhatugharaṭhāne, suvā nāgaṃ samādisi;  
Rañño āṇāti vutte so, agā āruyha taṃ puram.
9. Katvā padakkhiṇaṃ gantvā, pācinadvārato bahi;  
Paṭhame cetiyāṭhāne, dhātunāgaṃ samappayi.
10. Mahācetittaye hatthi-pākāre'kāsi toraṇaṃ;  
Mittaseno bahuṃ puññaṃ, katvā vassena so cuto.
11. Mittasenaṃ raṇe hantvā, damiḷo paṇḍunāmako;  
Āgato paratīramhā, laṅkārajjamakārayi.
12. Janā kulīnā sabbepi, rohaṇaṃ samupāgatā;  
Oragaṅgāya isseraṃ, damiḷā eva kappayum.
13. Ye subhassa balaṭṭhassa, bhītāmoriyavaṃsajā;  
Balāyitvā narāvāsaṃ, kappayimsu taṃ taṃ.
14. Tesamaññatamo nandi-vāpi gāme kuṭimbako;  
Dhātusenavhaya āsi, dāṭṭhānāmo ca taṃ suto.
15. Gāme ambilayāgumhi, vasaṃ putte duve labhi;  
Dhātusenaṃ silātissa-bodhiṃca sampajātike.
16. Mātuso dariyo tesam, saddho pabbajja vattati;  
Dīghasandakatāvāse, dhātusenāpi māṇavo.

17. Santike tassa pabbajja-rukkhamūlamhi ekadā;  
Sajjhāyati pavissittha, meghe nāgotupassiya.
18. Parikkhipitvā bhogehi, chādayitvā phaṇena ca;  
Potthakañca kumārañca, rakkhitam passi mātulo.
19. Sīse ākiri saṅkāram, tassa ruṭṭho paroyati;  
Tasmiṃ cittaṃ na dūsesi, tampi disvāna mātulo.
20. Uttamo vata'yam satto, rājā hessati nicchayam;  
Rakkhitabbo'ti ādāya, tam vihāramupāgato.
21. Gonisādi vihāre'yam, kattabbo nītimā iti;  
Sikkhāpesi kumāram tam, paṇḍuko tam vijāniya.
22. Gaṇhathetantipesesi, sevoke tassārattiyam;  
Disvāna supinaṃ thero, nīharittha kumārakam.
23. Tasmiṃ nikkhantamattamhi, sevakam parivāriya;  
Pariveṇe na passimsu, tato nikkhamma te ubho.
24. Dakkhiṇasmim disābhāge, goṇa nāmaṃ mahānadim;  
Patvā sampuṇṇamaṭṭhamasu, gantukāmāpi vegasā.
25. Yathā nadiyam vāreti, amhe tam tvampi vāraya;  
Vāpimghetvā etthe'ti, vatvā thero tadā nadim.
26. Otaritthakumārena, saddhim disvāna te ubho;  
Nāgarājā tadā eko, piṭṭhim pādāsi tena so.
27. Uttaritvā kumāram tam, netvā paccantamāvasam;  
Laddhā khīrodanam sutvā, sesam pattena tassa'dā.
28. Cittakārena theramhi, bhattam pakkhippa bhūmiyam;  
Bhuñji theropi tam jāni, bhuñja te yam mahim iti.
29. Paṇḍurājāpi katvāna, rajjam vassamhi pañcame;  
Cuto putto pipārindo, tatiyo tassa bhātuko.
30. Kaṇiṭṭho khuddapārindo, kubbam rajjam mahāmahim;  
Dhātusenānuge sabbe, viheṭhesi mahājane.
31. Saṅgahetvā jane sādhu-seno yujjittha rājinā;  
So soḷasahi vassehi, puñṇapāpakaromato.
32. Niritaro tato āsi, rājāmāsadvayena tam;  
Dhātuseno vināsesi, tena katvā mahāhavam.
33. Hate tasmiṃ mahīpāle, dāṭhiyo damiḷo tato;  
Rājā vassattha ye hutvā, dhātusenahatotato.
34. Piṭṭhiyo damiḷo satta-māsena nidhanam gato;  
Dhātusenena yujjhitvā, vamsa pacchijji dāmiḷo.
35. Athā'si rājālaṅkāyam, dhātuseno irādhipo;  
Bhātarā saha dīpamhi, damiḷe dīpaghātake.

36. Upāyehi anekeyi, ekavīsappamāṇake;  
Khandhavāre nivesetvā, katvā yuddhamasesato.
37. Sodhetvā mediniṃ sādhu, katvā ca sukhitamjanam;  
Sāsanañca yathāṭhāne, ṭhapesi paranāsitam.
38. Damiḷe ye'nuvattiṃsu, kulīnā kulagāṃavā;  
Te maṃ vā sāsanaṃ vā no, rakkhiṃsū'ti pakuppiya.
39. Tesam gāme gahetvāna, gāme svākāsirakkhake;  
Rohaṇā'gamma te sabbe, kulīnā tamupaṭṭhahum.
40. Tesam sakkārasammānaṃ, yathāyogamakāsi so;  
Amacce attano dukkha-sahāyecā'bhi tosayi.
41. Bandhāpetvā mahāgaṅgaṃ, kedāre'kā thirodake;  
Mahāpāḷamhi bhikkhūnaṃ, sālibhattaṅca dāpayi.
42. Paṅgurogā turaṭṭānaṃ, sālāyokāsi buddhimā;  
Kālavāpiṃca gaṇhitvā, bandhi goṇaṃ mahānadim.
43. Mahāvihāraṃ katvāna, pantiyuttamanākulaṃ;  
Tathā bodhigharañceva, dassaneyya makārayi.
44. Bhikkhavo paritosevā, paccayehi catūhipi;  
Dhammāsoko'va sokāsi, saṅgahaṃ piṭakattaye.
45. Aṭṭhārasavihāre ca, theriyāna makārayi;  
Sampannabhoge dīpamhi, aṭṭhārasa ca vāpiyo.
46. Kālavāpī vihāro ca, koṭipassāvanāmako;  
Dakkhiṇa girināmo ca, vihāro vaḍḍhamānako.
47. Paṇṇavallakabhūto ca, bhallātakasanāmako;  
Pāsāṇasinne desamhi, dhātuseno ca pabbato.
48. Maṃ gano thūpaviṭṭhi ca, dhātusenopi uttare;  
Pācina kambaviṭṭhi ca, tathā antarame giri.
49. Antāḷi dhātuseno ca, kassapiṭṭhika pubbako;  
Rohaṇedāyagāmo ca, sālavāṇo vibhāsano.
50. Vihāro bhallivāṇo ca, aṭṭhārasanaruttamo;  
Pādūlakaṃ hambalaṭṭhi, mahādatthādivāpi yo.
51. Khuddake ca vihāreso, aṭṭhārasanaruttamo;  
Vāpīyo ca tathākatvā, tesameva tu dāpayi.
52. Pañcavīsati hatthañca, mayūrapariveṇakaṃ;  
Haritvā'kāsipāsāda-mekavīsati hatthakaṃ.
53. Kumārasenassa'petvā, pubbabhogam visodhayi;  
Kālavāpimmibhāgaddham, khettānañca satadvayaṃ.
54. Loha pāsadake jiṇṇe, navakammamakārayi;  
Mahāthūpesu chattāni, tīsu jiṇṇāni kārayi.

55. Devānaṃpiyatissena, kataṃ bodhimahaṃ viya;  
Sinhānapūjaṃ bodhissa, varabodhissa kārayi.
56. Dhāvanā lobhanāvāyo, tattha pūjesi soḷasa;  
Alaṅkāraṃ munindassa, abhisekañca kārayi.
57. Mahābodhi patiṭṭhānā, oraṃ laṅkāya bhūmipā;  
Yāva dvādasamaṃ vassaṃ, bodhipūjamakārayuṃ.
58. Mahāmahindattherassa, kāretvā paṭibimbakaṃ;  
Therassā'lāhanaṃ netvā, kātuṃ pūjaṃ mahārahaṃ.
59. Datvā sahasaṃ dīpetuṃ, dīpavaṃsaṃ samādisi;  
Ṭhitānaṃ tattha bhikkhūnaṃ, dātuñcāṇāpayiguḷaṃ.
60. Bhikkhussa attano sīse, saṅkārokiraṇaṃ saraṃ;  
Lābhaṃ nādāsi vutthassa, pariveṇassa attano.
61. Phāṭikammaṃ bahuṃ'kāsi, vihāre abhayuttare;  
Silāsathussa kāresi, mandirañca samaṇḍapaṃ.
62. Buddha dāsakatenette, naṭṭhe'nagghamaṇi dvayaṃ;  
Akāsi nettaṃ satthussa, raṃsi cūḷāmaṇiṃtathā.
63. Maṇihi ghananīlehi, kesā vattaṃ sumuttamaṃ;  
Hemaṇḍapaṃ tathevuṇṇa-lomaṃ sovaṇṇa cīvaram.
64. Pādajālaṃ suvaṇṇassa, padumaṃ dīpamuttamaṃ;  
Nānārāgambaram tattha, pūjayittha asaṅkhiyaṃ.
65. Akāsi paṭimā gehe, bahumaṅgalacetiye;  
Bodhisatte tathā'kāsi, kāḷaselassa satthuno.
66. Upasumbhavhayassāpi, lokanāthassa kārayi;  
Raṃsīcūḷāmaṇiñceva, abhisekavhayassa ca.
67. Buddhabimbassa kāresi, pubbe vuttaṃ piḷandhanaṃ;  
Vāmapassamhi bodhissa, bodhisattagharāṃ tathā.
68. Metteyyassa ca kāresi, sabbaṃ rājapiḷandhanaṃ;  
Samantā yojane tassa, tadā rakkhañca yojayi.
69. Kārāpesi vihāresu, dhāturājavhapantiyo;  
Tathā satahassena, mahābodhigharaṃ varaṃ.
70. Thūpāramamhi thūpassa, pūjaṃ jiṇṇavisodhanaṃ;  
Dāṭhā dhātugharecāpi, jiṇṇassa paṭisaṅkharaṃ.
71. Dāṭhādhatukaruṇḍaṅca, raṃsiñca ghanakoṭṭimaṃ;  
Mahagghamanisaṃkiṇṇaṃ, suvaṇṇa padumāni ca.
72. Dāṭhādhatumhi pūjesi, pūjācākā asaṅkhiyā;  
Cīvarādīni dāpesi, bhikkhūnaṃ dīpavāsinaṃ.
73. Kārāpetvā vihāresu, navakammaṃ tahiṃ tahiṃ;  
Pākāre ca gharetvā'kā, sudhākammaṃ manoharaṃ.

74. Mahācettitaye katvā, sudhākammaṃ mahārahaṃ;  
Suvanṇachattaṃ kāresi, tathā vajiracumbaṃ.
75. Mahāvihāre pāpena, mahāsenena nāsīte;  
Vasiṣuṃ dhammarucikā, bhikkhū cetiyapabbate.
76. Katvā ambatthalaṃ thera-vādānaṃ dātu kāmako;  
Yācito tehi tesam'va, adāsi dharaṇī pati.
77. Dātu paṭhānanāvañca, kāretvā kaṃsalohajaṃ;  
Dānavaṭṭaṃ pavattesi, ambaṇebhi dvipañcahi.
78. Anto bahi ca kāretvā, nagarassa jinālaye;  
Paṭimāyo ca pūjesi, dhammāsokasamo'samo.
79. Tassa puññāni sabbāni, vatthu paṭipadaṃ naro;  
Ko hi nāma samatthoti, mukhamattaṃ nidassitaṃ.
80. Tassa puttaduve āsuṃ, kassapo bhinnamātiko;  
Samānamātiko ceva, moggallāno mahabbalo.
81. Tathā pāṇasamā ekā, duhitā ca manoramā;  
Bhāgineyyassa pādāsi, senāpaccañca tañca so.
82. Vinā dosena tāḷesi, kasāyūrusu so'pitaṃ;  
Rājā disvāna duhitu-vatthaṃ lohitaṃakkhitaṃ.
83. Ñatvā taṃ mātaṃ tassa, naggaṃ jhapesi kujjhiya;  
Tatoppabhutiso baddha-vero saṅgamma kassapaṃ.
84. Rajje netam palobhetvā, bhinditvā pituante;  
Saṅghetvā janaṃ java-gāhaṃ gāhāpayī patitaṃ.
85. Ussāpesi tato chattaṃ, kassapo pitupakkhiye;  
Vināsetvā jane laddha-sabbapāpasahāyako.
86. Moggallāno tato tena,  
Kātukāmo mahāhavaṃ;  
Aladdha balatāya'gā,  
Jambudīpa balatthiko.
87. Mahārajja vināsenā, viyogena ca sūnuno;  
Baddhanāgārāvāsena, dukkhitampi durādhipaṃ.
88. Dukkhāpetumapañño, āha kassaparājakaṃ;  
Nidhi rājakulerāja-gutta te pitarā iti.
89. Ne'ti gutte na jānāsi, cittametassa bhūmipa;  
Moggallānassa kāpeti, nidhiṃsoti tadabrūvi.
90. Sutvā taṃ kupito dūte, pāhesī pitusantikaṃ;  
Ācikkhatu nidhiṭhāna-miti vatvā narādhamo.
91. Māretu amhe pāpassa, tassupāyo'ti cintiya;  
Tuṅhī ahoṣi te gantvā, rājakassa nivedayaṃ.

92. Tato'tīva pakuppitvā, pesayittha punappunaṃ;  
Sādhu disvā sahāyamme, nhatvāna kālavāpiyaṃ.
93. Parissāmīti cintetvā, āha dūte sace mamaṃ;  
Kālavāpimsamāpeti, sakkā nātunti te gatā.
94. Rañño āhaṃsu rājāpi, tuṭṭhahaṭṭho dhanatthiko;  
Pesesi dūte datvāna, rathaṃ jiṇṇena vājinā.
95. Evaṃ gacchati bhūpāle, pājento rathiko rathaṃ;  
Khādanto lājamassāpi, kiñci mattaṃ adāsi so.
96. Taṃ khāditvā pasīditvā, tasmim pāṇamadā tadā;  
Moggallānassa taṃ kātuṃ, saṅgahaṃ dvāranāyakam.
97. Evaṃ sampattiyo nāma, calā vijjullatopamā;  
Tasmā tāsu pamajjeyya, ko hi nāma sacetano.
98. Rājā etītisutvāna, thero so tassa soha do;  
Laddhā māsodanaṃ maṃsaṃ, sāṇuṇaṇca varam saram.
99. Rājā roceti etanti, gopayitvā upāvisi;  
Gantvā rājāpi vanditvā, ekamantamupāvisī.
100. Evaṃ nisinnā sampatta-rajjā viya ubhopi te;  
Aññaṃañña'bhilāpena, nibbāpesuṃ mahādaram.
101. Bhojayitvāna taṃ thero, ovaditvā anekadhā;  
Appamāde niyojesi, dassetvā lokadhammataṃ.
102. Tato vāpī mupagamma, oggayhitvā yathā sukhaṃ;  
Nhayitvā pivitvā ca, āhevaṃ rājasevake.
103. Ettakaṃ me dhanam bho'ti, sutvā taṃ rājasevakā;  
Āparitvā puraṃrañño, nivedesuṃ nirissaro.
104. Dhanam rakkhati puttassa, dīpe bhindati mānuse;  
Jivanto'yaṃtī kujjhitvā, āṇāpesi camūpatiṃ.
105. Mārehi pitaraṃ meti, diṭṭhā piṭṭhīti verino;  
Haṭṭhatuṭṭho tiruṭṭhoso, sabbālaṅkaramaṇḍito.
106. Rājānamupasankamma, purato ca'ssa caṅkami;  
Rājādisvā ca cintesi, pāpiyo'yaṃ mataṃ mama.
107. Kāyaṃ viya dukkhāpetvā, narakam hetu micchati;  
Rosuppādena tasseva, kiṃpuremi manorathaṃ.
108. Iti mettāyamāno taṃ, āha senāpatiṃ pati;  
Moggallāne tvayiceva, ekacitto ahaṃ iti.
109. Hasaṃcālesi sīsaṃso, disvā taṃ jānibhūpati;  
“Nūna māreti ajjā”'ti, tadā sāhasikopi so.
110. Naggaṃ katvāna rājānaṃ, sasaṅkhalika bandhanaṃ;  
Purathābhimukhaṃ katvā, antobandhiya bhittiyaṃ.

111. Mattikāya vilimpesi, evaṃ disvāpi paṇḍito;  
Ko hi rajjeyya bhogesu, jīvitepi yasepi vā.
112. Dhātuseno narindo so, evaṃ puttahato gato;  
Aṭṭhārasahi vassehi, devarājassa santikaṃ.
113. Kālavāpī mayamaṃ rājā, kārapento samāhitamaṃ;  
Passitvā bhikkhumentantu, vuṭṭhāpetumaṃ samādhito.
114. Asakkonto khipāpesi, paṃsumaṃ bhikkhussa matthake;  
Sandhiṭṭhiko vipākoyamaṃ, tassa kammassa dīpito.
115. Dasāpīte rājavarā sabhogā,  
Upāgamaṃ maccumukhamaṃ sabhovā;  
Aniccataṃ bhogavato dhane ca,  
Disvā sapañño vibhavaṃ icche.

Sujanappasādasamaṃvegatthāya kate mahāvaṃse

Dasarājako nāma

Aṭṭhatimsatiemā paricchedo.

## Ekūnacattālīsatiṃ pariccheda

### Rājadvayadīpano

1. Tato kassapanāmo so, pāpako narapālako;  
Assa go pañcasūdañca, pesayitvāna bhātikaṃ.
2. Mārāpetumaṃ asakkonto, bhīto sīhagirimaṃ gato;  
Durārohaṃ manussehi, sodhāpetvā samantato.
3. Pākārena parikkhippa, sīhākārena kārayi;  
Tattha nisseṇi gehāni, tena taṃ nāmaṃ ahū.
4. Saṃharitvā dhanamaṃ tattha, nidahitvā sugopitamaṃ;  
Attano nihitānaṃ so, rakkhamaṃ datvā tahiṃ tahiṃ.
5. Katvā rājaghamaṃ tattha, dassaneyyamaṃ manoramamaṃ;  
Dutiyālakamaṃva, kuverova tahiṃ vasi.
6. Migāro nāma kāresi, senāpati sanāmakamaṃ;  
Pariveṇamaṃ tathāgeha-mabhisekajinissa ca.
7. Tassābhisekamaṃ yācitvā, silāsambuddhato' dhiramaṃ;  
Aladdhāsāmi no rajje, jānissāmīti saṅṭhahi.
8. Hutvā vipaṭṭisārī so, attanā katakammaṃ;  
Muccissāmi kataṃ nu'ti, puññaṃ kāsi anappakamaṃ.
9. Mahā vatthuni kāresi, dvāresu nagarassa so;  
Ambuyyāne ca kāresi, dīpe yojana yojane.
10. Issarasamaṇārāmaṃ, kāretvā pubbavatthuto;



Adhikaṃ bhogagāme ca, adhikaṃ tassa dāpayi.

11. Bodhi uppalavaṇṇā ca, tassāsuṃ dhītaro duve;  
Vihārassa'ssa kāresi, nāmaṃ tāsāṅca attano.
12. Dente tasmim̐ na icchimsu, samaṇā theravādino;  
“Pitughātissa kamma’nti, lokagārayha bhīruno.
13. Dātukāmosa tesam̐’va, sambuddha paṭimāya’dā;  
Bhikkhave adhivāsesuṃ, bhogo no satthuno iti.
14. Kathā niyyanti uyyāne, samīpe pabbatassa so;  
Kārāpesi vihāraṃ so, tesam̐ nāmo tato ahu.
15. Adā dhammarucinaṃ taṃ, sampatta catupaccayaṃ;  
Vihārañceva uyyānaṃ, disābhāgamhi uttare.
16. Bhattaṃ sanīrapakkaṃ so, bhuñjivā dinnamitthiyā;  
Sappiyuttaṃ manuññehi, sūpehi abhisankhataṃ.
17. Manuññamidamayyānaṃ, dassamevanti tādisaṃ;  
Bhattaṃ pādāsi bhikkhūnaṃ, sabbesaṅca sacīvaraṃ.
18. Uposathamadhiṭṭhāsi, appamaññaṅca bhāvayi,  
Samādiyi dhutaṅge ca, likhāpesi ca potthake.
19. Paṭimādāna sālādiṃ, kārāpesi anappakaṃ;  
Bhito so paralokamhā, moggallānā ca vattati.
20. Tato aṭṭhārāse vasse, moggallāno mahābhaṭo;  
Ādesena nigaṇṭhānaṃ, dvādasaggasahāya vā.
21. Jambudīpā idhāgamma, dese ambaṭṭhakolake;  
Kuḷārī nāme bandhittha, vihāre balasaṅcayaṃ.
22. Rājā sutvā gahetvā taṃ, bhañjissāmiti nikkhami;  
Nemittehi na sakkāti, vadantepi mahābalo.
23. Moggallānopi sannaddha balo sūrasahāya vā;  
Gacchanto surasaṅgāmaṃ, devo viya sujampati.
24. Aññaṃaṇṇaṃ upāgamma, bhinnavelāva sāgarā;  
Ārabhimsu mahāyuddhaṃ, balakāyā ubhopi te.
25. Kassapo purato disvā, mahantaṃ kaddamāsayaṃ;  
Gantumaññaena maggena, parivattesi dantinaṃ.
26. Disvā taṃ sāmikono’yam, palāyati bhaṇe iti;  
Balakāyo pabhijjittha, “diṭṭhaṃ piṭha’nti ghosayaṃ.
27. Moggalāna balārājā, chetvā nikaraṇena so;  
Sīsaṃ ukkhipiyā’kāsaṃ, churikaṃ kosiyaṃ khipi.
28. Katvā’lāhana kiccaṃ so, tassa kamme pasīdiya;  
Sabbamso dhanamādāya, āgañchi nagaraṃ varaṃ.

29. Bhikkhū sutvā pavattiṃ taṃ, sunivatthā supārutā;  
Sammajjitvā vihārañca, aṭṭhaṃsu paṭipāṭiyā.
30. Mahāmeghavanam patvā, devarājāva nandanam;  
Mahāsena nivattetvā, hatthipākārato bahi.
31. Upasaṅkamma vanditvā, saṅghe tasmim pasīdiya;  
Chattattena saṅgham pūjesi, saṅgho tasseva taṃ adā.
32. Taṃ ṭhānam chattavaḍḍhīti, vohariṃsu tahiṃ kataṃ;  
Pariveṇampi taṃ nāmaṃ, ahosi puramāgato.
33. Vihāre dvepi gantvāna, saṅgham tatthā'bhivandiya;  
Pāpuṇitvā mahārajjam, lokaṃ dhammena pālayi.
34. Kuddho nīhari dāṭhaṃso, ghātakaṃ pituno mama;  
Anuvattitvā maccāti, tena rakkhasa nāma vā.
35. Atirekasahassaṃ so, amaccānam vināsayi;  
Kaṇṇanāsādi chedesi, pabbājesi tathā bahū.
36. Tato sutvāna saddhamma-mupasanno sumānaso;  
Mahādānam pavattesi, meggho viya mahītale.
37. Phussapuṇṇamīyam dāna-manuvassaṃ pavattayi;  
Tato paṭṭhāya taṃ dānam, dīpe ajjāpi vattati.
38. Sopi sārathiko lāja-dāyako piturājino;  
Ānetvā pitusande saṃ, moggallānassa dassayi.
39. Taṃ disvā paridevitvā, pituno pema mattanī;  
Vaṇṇetvā tassa pādāsi, dvāranāyakataṃ vibhū.
40. Senāpati migārohi, nivedetvā yathā vidhiṃ;  
Abhiseka jinassā'kā, abhisekaṃ yathāruciṃ.
41. Sīhā'cale dalhanāmaṃ, dāṭhā koṇḍaññakampi ca;  
Vihāram dhammaruciṃ, sāgalinañca dāpayi.
42. Pabbatantu vihāraṃso, katvā therassa dāpayi;  
Mahānāmasanāmassa, dīghasaṇḍa vihārake.
43. Rājiniṇāmakañceva, katvā bhikkhunupassayaṃ;  
Adā sāgalikānaṃ so, bhikkhunīnaṃ mahāmati.
44. Lambakaṇṇakagottopi, dāṭhā pabhuti nāmako;  
Kassapassa upaṭhāne, koci nibbinna mānaso.
45. Gantā me reliyam vaggam,  
Vāsam tattheva kappayi;  
Ahosi putto tasseko,  
Silākā loti pissuto.
46. Sopi kassapato bhīto, ñātakena saha'ttano;  
Moggallānena gantvāna, jambudīpatalaṃ ito.

47. Bodhipaṇḍavihārampi, pabbajjaṃ samupāgato;  
Karonto saṅghakiccāni, sādaro so supesalo.
48. Ammaṃ saṅghassa pādāsi, saṅgho tasmim̐ pasīdiya;  
Āha'mba sāmaṇero'ti, tena taṃ nāmako ahu.
49. So kesadhātuvamsamhi, vuttena vidhinā tato;  
Kesadhātum̐ labhitvāna, tassa rajje idhā'nayi.
50. Tassa katvāna sakkāraṃ, gahetvā kesa dhātuyo;  
Mahagghe nidahitvāna, karaṇḍe phalikumbhavhe.
51. Dīpaṅkarassa nāthassa, paṭimāya ghare vare;  
Vaḍḍhetvā parihārena, mahāpūjaṃ pavattayi.
52. Mātulaṃ bhariyañca'ssa, katvā sovaṇṇayaṃ tahiṃ;  
Thapesi paṭimāyo ca, assa bimbañca cārukaṃ.
53. Kesadhātukaraṇḍañca, chattaṃ ratanamaṇḍapaṃ;  
Sāvakaggayumaṃgamaṃ vāḷa-bījaniñca sakārayi.
54. Parihārañca tassa'dā, rājā adhikamattano;  
Silākāḷa masiggāhaṃ, katvā rakkhāya yojayi.
55. Asiggāhasilākāḷo, iti tenā'si vissuto;  
Bhaginiñca'ssa pādāsi, saddhiṃ bhogena bhūmipo.
56. Vutto'yamati saṅkhepo, vitthāro pana sabbaso;  
Kesadhātukavaṃsamhā, gahetabbo vibhāvinā.
57. Bandhitvā sāgarā rakkhaṃ, dīpañca kāsiniḃbhayaṃ;  
Dhammakammaṃ sodhesi, sadhammaṃ jinasāsaṃ.
58. Senāpatisa nāmaṃ'kā, padhānaghara muttaro;  
Katvā'tthārasame vasse, so puññāni khayaṃ gato.
59. Kassapato jito atibali puññakkhaye saṅkhate;  
Jetaṃ no visahittha maccumupagaṃ so yevadāsoviya;  
Tasmā maccubalaṃ nihacca sukhino hessanti medhāvino;  
Nibbānaṃ paramaccutaṃ sivapadaṃ pattaḃbamattaññunā.

Sujanappasāda saṃvegathāya kate mahāvaṃse

Rājadvayadīpano nāma

Ekūnacattālīsatiṃ paricchedo.

## **Cattālīsatiṃ pariccheda**

### **Aṭṭharājako**

1. Tassaccaye kumārādi-dhātusenoti vissuto;  
Ahu tassa suto rājā, devarūpo mahābalo.
2. Kārite pitarā'kāsi, vihāre navakammaṃ;

Kāretvā dhammasaṅgītiṃ parisodheti sāsanam.

3. Santappesi mahāsaṅgham, paccayehi catūhipi;  
Katvā puññāni' nekāni, navame hāyane'tigā.
4. Tittiseno suto tassa, rājā hutvā anekadhā;  
Katvā puññāni rajjam taṃ, māsampi navame jahi.
5. Sivo taṃ mātulo hantvā, hutvā rājā anappakam;  
Puññam katvo' patissena, pañcavīsa dine hatō.
6. Upatisso tato āsi, rājā hantvāna sīvakam;  
Moggallānassa bhaginī, sāmiko dhajinīpati.
7. Rājā ṭhānantarādīhi, katvāna janasaṅgham;  
Sīlākāḷassa pādāsi, saha bho kanadhīvaram.
8. Eko putto ahu rañño, upatissassa kassapo;  
Sasoḷasa sahāyehi, sūro sūpehi saññuto.
9. Eka vuttisahāyehi, dānamāna mahādhanō;  
Dhammaṭṭho vīriyājīvi, sādhu jeṭṭhapacāyako.
10. Silā kāḷotato rajja-lobhavañcita mānaso;  
Dakkhiṇam malayaṃ gantvā, saṅgaṇhitvā mahā balaṃ.
11. Vilumpamāno paccanti, sampatto nagarantikam;  
Taṃ sutvā kassapo jeṭṭho, varamāruyha kuñjaram.
12. Assā setvāna pitaram, samādāya sahāyake;  
Nikkamma nagarā gacchi, silākāḷassa dassanam.
13. Evaṃ satta'tṭha vāresu, palāto līnavuttiko;  
Hatthe katvā upāyena, dese pācina pacchime.
14. Yujjhituṃ puna pācina-tissa pabbatamāgami;  
Kassapopi sahāyehi, saddhimāruyha dantinaṃ.
15. Tattha gantvā palāpetvā, coram pabbatamatthakam;  
Āropesi mahānāgam, tenā'si girikassapo.
16. Mānatthaddho silākāḷo, bhiyyo raṭṭham pabhindiya;  
Sabbam hatthagataṃ katvā, ajeyya balavāhano.
17. Āgamma nagaram rundhi, satthāham rājasevakā;  
Yujjhivā viralā āsuṃ, tato cintesi kassapo.
18. Ete nagararodhena, sabbe bhijjanti pāṇino;  
Parihīnam balaṃ rājā, andhako ca mahallako.
19. Merukandarake katvā, mātaram pitarañca me;  
Aṅgahetvā balaṃ pacchā, coro niggaṇhi yo iti.
20. Rattiyam so sahāye ca, rājasādhanamevaca;  
Ādāya pitaro ceva, malayaṃ gantumārabhi.

21. Tadā maggamañānantā, sammūlā maggadesakā;  
Nagarassa samīpeva, sambhamiṃsu ito tato.
22. Silākāḷo pavattiṃ taṃ, sutvā saṅgamma vegasā;  
Parivāresi saṅgāmo, tattha bhiṃsanako ahu.
23. Devāsuraṇākāre, vattamāne mahāhave;  
Patitesu sahāyesu, sīdamāne mahāgaje.
24. Hatthārohassa datvā, chinditvā sīsammattano;  
Puñchitvā lohitaṃ katvā, kosiyam asi puttikaṃ.
25. Hatthikumbhe ubho hatthe, ṭhapetvāna avatthari;  
Upatissopi taṃ sutvā, sokasallāhato mari.
26. Evaṃ diyaḍḍhavassena, upatisse divaṃgate;  
Rājā'hosi silākāḷo, pubbanāmena ekato.
27. Taṃ ambasāmaṇerādi-silākāḷoti voharuṃ;  
Tittam terasavassāni, dipam dhammena pālayi.
28. Mahāpāḷimhi dāpesi, paccaggaṃ rājabhojanaṃ;  
Vejjasālāsu bhoge ca, vaḍḍhesi janatāhito.
29. Anvahaṃ pūjayi bodhiṃ, paṭimāyo ca kārayi;  
Sabbesaṃ dīpavāsīnaṃ, bhikkhūnaṃ'dā ticīvaram.
30. Māghātaṃ kārayidīpe, sabbesaṃyeva pāṇinaṃ;  
Ānitaṃ attanā kesa-dhātuṃ sammā apūjayi.
31. Raheradakavāraṇca, adāsi abhayuttare;  
Purattimā therīyānaṃ, vihārakunthanāma so.
32. Ānetvā āsanaṃ tattha, ṭhapesi dumarājake;  
Yāvajīvaṃ pavattesi, puññakammamasāṅkhiyaṃ.
33. Moggallāno tathā dāṭhā, pabhuti co'patissako;  
Putto tassā'sumaggassa, desaṃ datvā purattimaṃ.
34. Datvā ṭhānantarañcādi-pādasaññaṃ visajjayi;  
Gantvā tattha vasāhīti, soṇi gantvā tahiṃ vasi.
35. Ṭhānaṃ malayarājaggaṃ, desaṃ datvāna dakkhiṇaṃ;  
Rakkhaṇatthaṃ samuddassa, majjhimaṃ tu niyojayi.
36. Upatisaṃ tu vāsesi, santikeyeva attano;  
Visesena mamāyanto, yūnaṃ kalyānadassanaṃ.
37. Tassa dvādasame vasse, ito kāsi puraṃ gato;  
Dhammātu midhā'nesi, tato vāṇija māṇavo.
38. Rājā disvā'samattho so, dhammādhammavicāraṇe;  
Hemasāññāya dīpamhi, patanto salabho viya.
39. Buddhadhammoti saññāya, taṃ gahetvāna sādhukaṃ;  
Katvā sakkārasammānaṃ, gehe rājagharantike.

40. Ṭhāpetvā anuvassaṃ tu, netvā jetavanaṃ mahaṃ;  
Kātuṃ kāresi cārittaṃ, hitaṃ mantvāna pāṇinaṃ.
41. Evaṃ katvā silākāḷo, puññakammamanappakaṃ;  
Patte terasame vasse, yathākammamupāgami.
42. Dāṭhappabbutiko rajjaṃ, gahetvā bhātaraṃsakaṃ;  
Akkamoti nivārentaṃ, mārāpesi vibuddhiko.
43. Moggallāno'tha taṃ sutvā, appattaṃ rajjamaggahi;  
Akāraṇe me māresi, kaṇiṭṭhaṃ dhammavādīnaṃ.
44. Kārāpessāmahampajja, rajjanti parikuppiya;  
Samādāya mahāsenāṃ, agārāhera pabbataṃ.
45. Rājāpi sutvā sannaddha-balakāyo karindake;  
Pabbate siviraṃ bandhi, moggallāno nisammataṃ.
46. Sāparādhāna te me vā, manussā dīpavāsino;  
Ekasmiṃca mate rajja-mubhinnaṃyeva nosiyā.
47. Tasmā aññaṇa yujjhantu, ubhoyeva mayaṃ idha;  
Hatthiyuddhaṃ karomāti, rañño pesesi sāsaṇaṃ.
48. Sopi sādḥūti vatvāna, baddhapañcāyudho gajaṃ;  
Āruyha munino māro viya otthari tāvade.
49. Moggallānopi sannaddho, āruyha karīnaṃ vamaṃ;  
Tatthā'go aññaṃaññaṃ te, pāpuṇiṃsu mahāgajā.
50. Saddo sūyittha saṅghaṭṭe, asanirāva sannibho;  
Dantaghātena utṭhāsi, jālā vijjullatā viya.
51. Sañjhāghanasabhāgā'suṃ, gajā lohitaṃakkhitā;  
Moggallānagajāviddho, raññoosakki kuñjaro.
52. Rājā ārabhi taṃ disvā, chindituṃ sīsamattano;  
Moggallāno'tha vandanto, yāci'me'vaṃ kirīti.
53. Yācamānēpi somānaṃ, mānento chindikandharaṃ;  
Chaḍḍesi chahi so rajjaṃ, māsehi divasehi ca.
54. Moggallāno tato rājā, āsi dīpe mahābalo;  
Mātulañca paṭiccemaṃ, cūlanāmena voharuṃ.
55. Āsādhāraṇakāveyyo, vatthuttaya parāyaṇo;  
Dānaṃyama soceyyo, soraccādiguṇālayo.
56. Dānena piyavācāya, atthassa cariyāya ca;  
Samānattassabhāvena, saṅgahesi mahājanaṃ.
57. Piṇḍapātavihārehi, bhesajjacchādanehi ca;  
Bhikkhusaṅghañhi saṅgaṇhi, dhammikāya ca guttiyā.
58. Atirekāya pūjāya, pūjetvā dhammabhāṇake;  
Piṭake tīṇi vācesi, saddhimaṭṭhakathāya so.

59. Kumāre upalāletvā, nivāpena yathārucim;  
Sajjhāpesi sadā dhammaṃ, dhammadīpo mahāmati.
60. Dhammadīpañca so katvā, kuñjarasekhareni sā;  
Dhammāvāsāne vācesi, puramhi purisuttamo.
61. Bandhāpesi kadambañca, nadim̐pabbatamajjhato;  
Pattapasāṇavāpiñca, dhanavāpiṃ garitaraṃ.
62. Gaṇhāpesi sadīghāyu-hetu kammanti sādaro;  
Likhāpesi ca saddhammaṃ, vatthupūjañca kārayi.
63. Lokam̐ so anukampitvā, mātāputtaṃva orasaṃ;  
Datvā bhutvā yathākāmaṃ, vasse vīsatime mari.
64. Mahesī tassa ghātetvā, visayogena ñātake;  
Puttaṃ rajje'bhisiñcitvā, sayam̐ rajjam̐ vicārayi.
65. Tathābhisitto so kitti-sirimegho narādhipo;  
Tipupattehi chādesi, dumindadharamādito.
66. Kapaṇaddhivaṇibbānaṃ, mahādānaṃ pavattayi;  
Maggapālo tathākāro, ahu sabbopabhogiyō.
67. Mahesī sā sadā āsi, padhānā sabbakammasu;  
Rajjam̐ tassā'si teneva, heṭṭhupariyavattikaṃ.
68. Rājāpādā mahāmaccā'-hesuṃ lañcaparāyanā;  
Dubbele ca viheṭṭhesuṃ, balī jānapadā narā.
69. Silākāḷassa kālamhi, gāme saṅgillanāmake;  
Bhayavasīvhayo poso, ahu moriyavaṃsajo.
70. Ahosi putto sīvassa, aggabodhi sanāmako;  
Bhāgineyyopi tassāsi, mahānāgoti vissuto.
71. Bhāgineyo mahānāgo, aggabodhi ca sundaro;  
Uḷārajjhāsayaṭṭā so, mahānāgo mahabbalo.
72. Hitvā kassakakammāni, corakammamakā vane;  
Godham̐ laddhāna pesesi, mātulāniya santikaṃ.
73. Godham̐ disvā'vasā ñatvā, dhaññapacchimapesayi;  
Kammārassā'pi pesesi, sasam̐ sopi tathevakā.
74. Bījam̐ bhaginī māyāci, bījagāhañca tassa sā;  
Dāsañca ñatvā pesesi, annapānādinā raho.
75. Tadā dubbhikkhakālamhi, eko mantadharo naro;  
Bhikkhālābhāya saddhehi, bhikkhavesena bhikkhati.
76. Tam̐ gāmaṃ pavisitvā so, aladdhā kiñci bhojanaṃ;  
Abhibhūto jighacchāya, kampamāno nigacchati.
77. Tam̐ disvā karuṇāyanto, mahānāgo mahādayo;  
Pattamādāya gāmanta-māhiṇḍitvāpi sabbaso.

78. Yāgumattampi nālattha, tato uttarasātakam;  
Datvā āhari āhāram, so taṃ bhutvā pasīdiya.
79. Rajjārahamimaṃ dīpe, karissāmīti cintiya;  
Tamādāya khaṇenā'gā, gokaṇṇakamahāṇṇavam.
80. Atha tattha nisīditvā, sañjapanto yathāvidhiṃma;  
Mantonā'nesi nāgindam, phussapuṇṇamarattiyam.
81. Mahānāgam phusāhīti, mahānāgam niyojayi;  
So bhīto purīme yāme, āgataṃ taṃ na sambhusī.
82. Tathā majjhimayāmepe, pacchime pana naṅgale;  
Gahetvā khīpi tīheva, aṅgulīhi satam chupi.
83. So taṃ byākāsi taṃ ditvā, sabalam me parissamam;  
Tīhi rājūhi yujjhivā, catuttham tvam nighātiya.
84. Vuḍḍho tīṇeva vassāni, rājā hutvā na jīvasi;  
Tathā hessanti rājāno, tayo te vamsajā narā.
85. Gantvā sevassu rājānam, pacchā passasi mekhalam;  
Iti vatvāna pesesi, sopi gantvā narissaram.
86. Passitvā tamupaṭṭhāsi, rājā rohaṇakammikam;  
Tam akāsi taduṭṭhānam, bhaṇḍamāhari so bahum.
87. Rājā tasmim pasīditvā, andhasenāpativhayam;  
Datvā ṭhānantaram tassa, gantum tattheva yojayi.
88. Bhayasīvassa puttañca, bhāgineyyañca attano;  
Ādāya gantvā taṃ desam, parivattesi sabbaso.
89. Paccekabhogam katvāna, rohaṇam tattha so vasam;  
Dāṭhappabhūtina kātum, yuddhamgantvā mahabbalo.
90. Moggallānabhayā gantvā, rohaṇañca tahiṃ vasī;  
Sutvā kittisirīmeghavaṇṇa-rañño rajje samañjasam.
91. Rajjam gahetum kāloti, sīgham āgamma rohaṇā;  
Ekūnavise divase, mārayitvā mahīpatim.
92. Sayam hutvā mahīpālo, desam katvā yathā pure;  
Bhāgineyyassa pāhesi, paṇṇamāgacchatūti so.
93. Āgacchanto nimittena, nivattitvā marittha so;  
Tato mātulaputtam'kā, uparajjam kataññuko.
94. Ālavālam dumindassa, katvā hemamayam gharam;  
Chādāpesi munindassa, paṭimāyo ca sandahi.
95. Mahācettitaye kāsi, sudhākammañca cumbaṭam;  
Hatthivediñca kāretvā, cittakammamakārayi.
96. Pesakārakagāmaṃ so, jambelavhayamuttare;  
Mahāvihārecābandhi, gāmaṃ tintiṇikavhayam.



97. Uddhagāmamhi vasabha-gāmaṃ jetavanassa'dā;  
Vatthadānaṃ nikāyesu, tīsu ceva pavattayi.
98. Khettnāṃ hisataṃ datvā, vihāre jetanāmake;  
Yāguṃ tattha pavattesi, bhikkhūnaṃ sabbakālikaṃ.
99. Sahassa dūratissavhā, khettaṃ datvā tapassinaṃ;  
Mahāvihāravāsīnaṃ, yāguṃ niccaṃ pavattayi.
100. Cīramātikavārañca, tattheva'dā guṇe rato;  
Mayūrapariveṇe ca, navakammamakārayi.
101. Kāsikhaṇḍe mahādeva-rattakuravanāmake;  
Vihāre anurārāmaṃ, jīṇṇaṃca paṭisaṅkharī.
102. Kamaṃ sovaggikaṃ katvā, evamādiṃ narissaro;  
Agamā tīhi vassehi, devarājasahabyataṃ.
103. Aṭṭhete kuṭṭhacittā'parimitavibhavā rājarājenarūpā;  
Rājāno rājamānā narakarituragāsūrasenārathehi;  
Ante hitvā'khilaṃ taṃ vigataparījanā'ḷāhanaṃ saṅkhatāsuṃ;  
Sappañño taṃ saranto bhavatu bhavasukhaṃ vantukāmo hitesī.

Sujanappasādasamvegatthāya kate mahāvamse

Aṭṭharājako nāma

Cattālīsatiso paricchedo.

## Ekacattālīsatiso pariccheda

### Dvirājako

1. Mahānāganarindassa, bhāgineyyo subhāgiyo;  
So aggabodhirājāsī, aggabodhigatāsayo.
2. Tejena bāhuṃ sommena, candaṃ sampuṇṇamaṇḍalaṃ;  
Sumerumacalantena, gambhirena mahodadhiṃ.
3. Vasundharā pakampena, mārutaṃ sampavuttīyā;  
Buddhiyāmaramantāraṃ, suddhiyā saradambaraṃ.
4. Kāmabhogena devinda, matthena ca narissaraṃ;  
Dhammena suddhavāsetṭhaṃ, vikkamena migādhipaṃ.
5. Rājadhammehi rajjehi, cakkavattinarissaraṃ;  
Vessantarañca dānena, anugantvā jane suto.
6. Mātulaṃ uparājavhe, bhātaraṃ yuvarājake;  
Bhāgineyyaṃca malaya-rājathāne ṭhapesi so.
7. Ṭhānantare yathāyogaṃ-setṭhāmacce ṭhapesi ca;  
Janaṃ saṅgahavatthūhī, rājadhammehi caggahi.
8. Desam sayoggaṃ pādāsī, yuvarājassa dakkhiṇaṃ;

Vasaṃ tattha sirīvaḍḍha-mānavāpiṃ sagāhayi.

9. Katvā girivihārañca, saṅghikaṃ tassa dāpayi;  
Khettānaṃ dvisataṃ saṅgha-bhogatthāya mahāmati.
10. Adā malayarājassa, dāṭhānāmaṃ sadhītaraṃ;  
Pariveṇaṃ sīrisaṅgha-bodhināmañca kārayi.
11. Mahāsivassa kāresi, pariveṇaṃ sanāmakāṃ;  
Parivāro'pi tassāsi, evaṃ puñṇaparāyano.
12. Katvā sādhipacārena, porāṇaṃ saṅgahaṃ vidhiṃ;  
Antarāyaṃ visodhetuṃ, jīṇṇaṃca paṭisaṅkhari.
13. Kavayo tassa rajjamhi, sīhaḷāya niruttiyā;  
Kāveyye bahuke'kāsuṃ, vicītranayāsālino.
14. Vihāre dakkhiṇe kāsi, pāsādaṃ sumanoharaṃ;  
Akā navahi vassehi, dipe kaṇṭakasodhanaṃ.
15. Kurundanāmaṃ kāretvā, vihāraṃ sabbasaṅghikaṃ;  
Vāpiṃ tannāmakāṃ nāli-kerārāmaṃ tiyojanaṃ.
16. Mahāsivavhaye ceva, sassaṃ kārayituṃ adā;  
Lābhasakkārasammāna-mārāmikasataṃ tadā.
17. Vihāraṃ taṃ samīpamhi, katvā ambilapassavaṃ;  
Gāmaṃ tannāmakāṃ cādā, theriyānaṃ tapassīnaṃ.
18. Uttaravallivihārassa, ratanaṃ dīghavaṇṇitaṃ;  
Datvā gāmaṃ patiṭṭhesi, satthubimbaṃ silāmayāṃ.
19. Keḷivāte ca kāresi, sumanaṃ nāma pabbataṃ;  
Mahātelavaṭaṃbodhi-ghare pāsāṇavedikaṃ.
20. Kāretvā lohapāsādaṃ, pāsādamaḥane adā;  
Chattiṃsānaṃ saḥassānaṃ, bhikkhūnaṃ so ticīvaraṃ.
21. Gāmaṃ datvā niyojesi, ārakkhaṃ dhītu nāmakāṃ;  
Hatthikucchivihārepi, pāsādaṃ kāsi buddhimā.
22. Dāṭhā sivassa ṭhatvāna, ovāde sādhu bhikkhuno;  
Samācaranto dhammena, sakkaccaṃ tamupaṭṭhahi.
23. Mūgasenāpatiṃ cākā, vihāraṃ so visālakaṃ;  
Gāmaṃ lajjikametassa, dāsa bhogāya'dāsi ca.
24. Mahānāgassa puñṇatthaṃ, rañño taṃnāmakāṃ akā;  
Mahātherassa tañcā'dā, rājā tepiṭakassa so.
25. Attano sadisānañca, yogīnaṃ vigatālayo;  
Bhikkhūnaṃ catusaṭṭhīnaṃ, vihāraṃ taṃ tadā adā.
26. Katvā tasseva mahā-pariveṇanivāsino;  
Bhinnorudīpaṃ datvāna, vaṭṭakākārapitṭhito.

27. Dakkhiṇagīridaḷhavhe, mahānāge ca pabbate;  
Kālavāpādike cā'kā, vihāre posathālaye.
28. Vihāre abhaye'kāsi, mahāpokkharāṇiṃ tathā;  
Cetiyaṃpabbate cākā, nāgasonḍiṃ thirodikaṃ.
29. Mahindataṭavāvīṇca, kārapetvāna sādhuṃkaṃ;  
Etissā mariyādāya, therāṃ netuṃ niyojayi.
30. Mahāmahinda theramhi, taṃṭhānasamupāgato;  
Taracchā eva netuntī, katikañceva kārayi.
31. Chattāṃ soṇṇaṇca kāresi, nikāyesuṃpi tīsu so;  
Sattāṭṭhanava vāresu, mahaggharatanehi ca.
32. Mahātūpe catubbīsa-bhāraṃ chattāṃ suvaṇṇayaṃ;  
Tattha tattha ca pūjesi, mahagghaṃ ratanuttamaṃ.
33. Dāṭṭhādhatugharaṃ katvā, vicitraratanujjalaṃ;  
Kāsi hemakaraṇḍaṇca, lohanāvaṇca pāḷiyaṃ.
34. Maṇimekhalanāmaṇca, bandhāpesi sabandhanaṃ;  
Mahāmātiṇca gaṇhesi, maṇihīrakavāpiyaṃ.
35. Tadā eko mahāthero, jotipālakanāmako;  
Parājesi vivādena, dīpe vetullavādino.
36. Dāṭṭhāpabhutināmo'tha, ādīpādo'tilajjito;  
Hatthamukkhippi taṃ hantuṃ, gaṇḍo sañjāyi taṃkhaṇe.
37. Rājā tasmīṃ pasīditvā, vihāreyeva vāsaya;  
Mānena taṃ anāgamma, dāṭṭhāpabhūmato kira.
38. Datvā mahādīpādattaṃ, bhāgineyyaggabodhino;  
Rakkhituṃ taṃ niyojesi, therāṃ soṃpi tamācari.
39. Nīlagehāparicchedaṃ, katvā tasseva so adā;  
Katvevaṃ bahudhā puññaṃ, catuttīṃse same mato.
40. Aggabodhi tato āsi, rājā pubbassa rājino;  
Mahallakattānaṃ khudda-nāmena paridīpayuṃ.
41. So dīpaṃ paripālesi, pubbacārittakovidō;  
Akāsi ca mahesiṃ so, mātuladhītumattano.
42. Saṅghabhaddaṃ asiggāhaṃ, kāsi bandhuṃ mahesiyā;  
Yathārahamaḍā ceva, ṭhānantaramanālayo.
43. Katvā veḷuvanaṃ rājā, sāgalīnaṃ niyojayi;  
Jamburantaragallaṇca, kāsi mātikapiṭṭhikaṃ.
44. Rañño tasse'va rajjamhi, kāliṅgesu mahīpati;  
Sattānaṃ maraṇaṃ yuddhe, disvā saṃviggamānaso.
45. Imaṃ dīpamupāgamma, pabbajjā katanicchayo;  
Jotipālamhi pabbaji, rājā sakkāsi taṃ ciraṃ.

46. Padhānaṭhānaṃ tassa'kā, vihāre mattapabbate;  
Tassāmacco mahesī ca, tathevā'gamma pabbajum.
47. Rañño mahesī sutvāna, tassa pabbajjamuttamaṃ;  
Sakkaccaṃ tamupaṭṭhāsi, ratanavhaṅga kārāyi.
48. Adā rājā amaccassa, pācīnakaṇḍarājjiyaṃ;  
Vettavāsavihāraṅga, so'dā saṅghassa taṃ yati.
49. Rājattheremate rājā, socitvā parideviya;  
Padhānaṭhānaṃ kāresi, cūlagallavihārake.
50. Palaṃnagaragañceva, tassa ṭhānaṅhi kārāyi;  
Evaṃ tadatthaṃ puñṇāni, bahūni'pi mahīpati.
51. Jotipālita theramhi, tūpārāmamhi cetiyaṃ;  
Vandamāne pabhijjitvā, bhāgo taṃ purato pati.
52. Pakkositvāna rājānaṃ, thero dassesi dukkhito;  
Rājā disvāva saṃviggo, kammaṃ paṭṭhapi taṃkhaṇe.
53. Dakkhiṇakkhakhadhātuṃ so, lohapāsādakucchiyaṃ;  
Sārakkhaṃ ṭhapayitvāna, rattindivamaṃpūjayi.
54. Navakamme cirāyante, thūpārāmamhi devatā;  
Supinaṃ tassa dassesuṃ, rattimārāmikā viya.
55. Sace rājā papañceti, kātuṃ dhātugharaṃ mayam;  
Dhātuṃ gahetvā gacchāma, yatthatatthā'ti taṃkhaṇe.
56. Rājā pabuddho saṃviggo, na cireneva kārāyi;  
Kammaṃ dhātugharesabbaṃ, cittakammādisaññuttaṃ.
57. Catasso paṭimāyo ca, pallanke ca silāmaye;  
Hemacchattaṃ silādanta-kammaṃ gehamhi sabbaso.
58. Mahāmaccādayo'kaṃsu, karaṇḍānaṃ satam nava;  
Devānaṃpiyatissassa, kammaṅga nikhilaṃ navam.
59. Sabbussāhena kāretvā, mahāpūjaṃ yathārahaṃ;  
Ānetvā lohapāsādā, dhātuṃ sabbādarena so.
60. Jotipālaṃ mahātheraṃ, sasāṅghaṃ parivāriya;  
Parihārena vaḍḍhesi, dhātuṃ dhātukaraṇḍake.
61. Dhātugehassa pādāsi, laṅkādīpaṃ sahattanā;  
Lābhaggāma-madā tassā, rakkhakānaṃ mahesiyā.
62. Nāgadīpamhi gehaṅga, rājāyatanadhātuyā;  
Uṇṇalomagharañceva, chattaṃāmālacetiye.
63. Tattha gāmaṃ vihārassa, yāgudānāya'dāsi ca;  
Vihārassa'bhayassā'dā, gāmamaṅgaṇasālakaṃ.
64. Nāmaṃ katvāna so'kāsi, attano ca mahesiyā;  
Dāṭhaggabodhimāvāsaṃ, vihāre atayuttare.

65. Devī kapālanāgaṃ sā, vihāraṃ sādhuḥkāriya;  
Tasse'vādā vihārassa, sampannacatupaccayaṃ.
66. Gehaṃ jetavane kāsi, rājā rājatacumbaṭaṃ;  
Udapānaṃ maṇāpesi, sova bodhigharantike.
67. Gaṅgātaṭaṃ valāhassaṃ, vāpiṃ giritatañcakā;  
Mahāpāḷiṃpi vaḍḍhesi, bhatanāvañca kārayi.
68. Bhikkhūnīnaṃ mahesī ca, bhattavaṃsaṃ samādisi;  
Evaṃ puññāni katvā so, divaṃ'gā dasame same.
69. Evaṃ puññaratā narādhipatayo sampannabhogā gamuṃ;  
Maccusseva vasam tatohi matimā sammā bhavassīdisaṃ;  
Passanto niyamaṃ vihāya vidhinā sabbaṃ bhava saṅgatiṃ;  
Nibbānābhimukho careyya dhitimā pabbajjamajjhūpago.

Sujanappasādasamvegatthāya kate mahāvamsse

Dvirājako nāma

Ekacattālīsatiṃ paricchedo.

## Dvicattālīsatiṃ pariccheda

### Cha rājako

1. Saṅghatisso tato āsi, asiggāho mahīpati;  
Sāsanassa ca raṭṭhassa, vuddhikāmo naye rato.
2. Thānantaraṃ yathārahaṃ, datvā saṅgaṇhisso janaṃ;  
Tadā khuddakarājassa, moggallāno camūpati.
3. Vasanto rohaṇe sutvā, saṅghatissassa rājataṃ;  
Khandhavāraṃ sayuddhatthaṃ, mahāgalle nivesayi.
4. Saṅghatisso ca sutvā taṃ, balakāyamapesayi;  
Yujjhitaṃ tena tajjesi, moggallāno mahabbalo.
5. Tato hatthassamādāya, gantvā rattivihāraṃ;  
Balaṃ so sannipātentō, vāsaṃ tattheva kappayi.
6. Rājā sutvā punā'gantvā, kadallādīnivātake;  
Yujjhivā taṃ palāpetvā, pesetvā balamattano.
7. Sayam puramupāgañchi, sopi naṭṭhaṃ savāhiniṃ;  
Puna pākatikaṃ katvā, kareheramupāgami.
8. Rañño senāpati puttaṃ, pesetvā corasantikaṃ;  
Yena kenaci lesena, sayam dukkhiva dummano.
9. Āturo viya bālhaṃ so, hosi mañcaparāyano;  
Rājā sutvā pavattitaṃ, upasaṅkamma taṅkhaṇe.
10. Mā tvaṃ soci kumārassa, sammānetvānusāsiya;

Handa tvaṃ nagaraṃ rakkha, nate sakkā mayā saha.

11. Yuddhamaṇḍalamāgantūṃ, gilānattāti yojayi;  
Ubbāsīte jane sabbe, vicchinne rājabhojane.
12. Mahāpālimhi sampakkaṃ, rañño bhojanamāharūṃ;  
Rājā dvisvā'ti nibinno, yāva mando na hessati.
13. Ekko pīti vicintevā, yuddhāya samāsā'gamā;  
Saddhiṃ puttēna āruya, hatthiṃsannaddhavāhano.
14. Thokeneva balenāgā, pācinatissapabbataṃ;  
Evaṃ ubhayato cūla-saṅgāme paccupaṭṭhite.
15. Senāpatīsamittaddu, yuddhamārabhi pacchato;  
Putto disvā narindassa, ghātessāmi imaṃ iti.
16. Āha rājā nivāresi, mā te rucci balaṃ idaṃ;  
Neva sakkā'dhivāsetuṃ, atimandaṃ hanissati.
17. Duvinnaṃ balakāyānaṃ, rājāmajjhagato ahu;  
Tato senā dvidhā'hosi, corasenāpatīpati.
18. Rañño nāgo madhukavha rukkhacchāyaṃ samāvisi;  
Tadā chattaṃ patitassa, sākhamāhacca bhūmiyaṃ.
19. Corassa senā taṃ ditvā, haritvā sāmīno adā;  
So taṃ ussāpayichattaṃ, thatvāpabbatamuddhani.
20. Tadā rājabalaṃ rājā, nunamesoti cintiya;  
Gantvā taṃ parivāresi, rājā āsi tadekako.
21. Hatthikkhandhā tadoruyha-puttaṃ'maccañca sohadam;  
Upāvisi samīpamhi, merumajjarakānanaṃ.
22. Moggallāno tato laddha-jayo vāhanamādiya;  
Senāpatiṃca mittadduṃ, tassa puttañca pāpinaṃ.
23. Upāgamma puraṃ rājā, āsī laṅkā talādhipo;  
Tato cintesi jīvante, sattumhi na sukhaṃ iti.
24. So sutvā pubbarājassa, putto etthāti kujjhiya;  
Āṇāpesi ca tassā'su, hatthapādāni chindituṃ.
25. Upakkami tadā raññā, āṇatto puriso khaṇe;  
Chindituṃ hatthapādaṃ so, kumāro rodi dummano.
26. Pūvakhādakahatthaṃ me, chindeyyaṃ ce tadā ahaṃ;  
Khādisaṃ tena pūveti, haṃ sutvā rājakammiko.
27. Roditvā paridevitvā, rājāṇāya dukhaddito;  
Vāmaṃ hatthañca pādañca, tassa chindi narādhamo.
28. Jeṭṭhatisso palāyitvā, rañño putto'paro agā;  
Aññato malayaṃ desaṃ, merukandaranāmakam.

29. Rājā'tha sasutā'macco, gantvā veḷuvanaṃ raho;  
Codito tattha bhikkhūhi, kāsāvāni samādiyi.
30. Bhikkhuvesaṃ gahetvāna, rohaṇaṃ gantumānaso;  
Mañihīraṃ samāgañchi, tatraṭhā rājasevakā.
31. Sañjānitvā tayopete, tesam pādevarujjhiya;  
Sāsanam tassa pesesum, rājā sutvā visesato.
32. Tuṭṭho āṇāpayi gantvā, sīghamādāya tejane;  
Tato sīhagirimnetvā, tissaṅkaṃ nirupaddavaṃ.
33. Sīsam gaṇhatha tattheva, rañño ca tanayassa ca;  
Amaccaṃ pana jīvanta-māneyyātha mama'ntikaṃ.
34. Manussā evamāṇattā, te gahetvā tayoJane;  
Netvā sīhagirimkātum, yathāvuttamupakkamum.
35. Tato rājasuto āha, purise kammakārake;  
Sīsam me paṭhamaṃ chetvā, detha mayhaṃ sukhaṃ iti.
36. Rājaposā tathā'kāsum, pacchāchindiṃsu rājino;  
Sīsam passatha bālānaṃ, kammaṃ kammavidūjanā.
37. Evaṃ aniccā bhogāhi, adhuvā asayaṃvasī;  
Tattha laggā kathaṃ niccaṃ, sukhaṃ bho na gavesatha.
38. Rañño sāsanamāhaṃsu, amaccassa hitesino;  
Taṃ sutvāna hasitvāna, idaṃ vacanamabravi.
39. Chinnaśiso mayā diṭṭho, mayi jīvati sāmiko;  
Ṭhapetvā hampi sevāmi, aho aññañhi sāmikaṃ.
40. Idha taṃ mārayitvāna, chāyaṃ tassa harissatha;  
Aho aññaṇakā tumhe, maññe ummattakā iti.
41. Iti vatvāna so pāde, gahetvā sāmīno sayi;  
Tassa te haraṇopāyaṃ, aPassantā yathā tathā.
42. Tassāpi sīsam chetvāna, maccā ādāya tīṇi'pi;  
Rañño dassetumāhacca, rājā tusittha nibbhayo.
43. Duṭṭhasenā patissā'dā, tato malayarājataṃ;  
Asiggāhakaṭhānamhi, tassa puttaṃ ṭhapesi ca.
44. Thūpattayampi chādesi, vatthehi ahatehi so;  
Tathā laṅkātale sabbe, thūpekāsi mahussavaṃ.
45. Kesadhātuñca nāthassa, dāṭhādhatum tattheva ca;  
Mahābodhiṃ sasakkaccaṃ, mahāpūjāya sakkari.
46. Sabbaṃ vesākhapūjādīṃ, cārittaṃnugataṃ akā;  
Dhammakamma sodhesi, sabbaṃ sugatasāsanam.
47. Piṭakānañca sajjhāyaṃ, mahāpūjāya kārayi;  
Lābhaṃ datvā tīrekena, pūjayittha bahussute.

48. Bhikkhūnaṃ dīpavāsīnaṃ, sabbesaṃ cīvaraṃ agā;  
Āvāsesu ca sabbesu, kathinaṃ attharāpayi.
49. Paṭimāyo ca kāresi, jiṇṇaṅca paṭisaṅkhari;  
Loṇakkhettaṅca pādāsī, saṅghassa tisatādhikaṃ.
50. Kārapitṭhimhi kāresi, moggallāna vihāraṃ;  
Vihāraṃ piṭṭhigāmaṅca, sagāmaṃ vaṭagāmakam.
51. Tathā cetiyagehaṅca' -kāsi rakkhavihāraṃ;  
Vihāraṃ naṃ bahunnaṃ so, bhogagāme bahū adā.
52. Evaṃ puññānī so'kāsi, appameyyāni bhūmipo;  
Sampattīnāmanicattam, saranto pubbarājino.
53. Tadā kenaci dosena, kuddhomalayarājino;  
Saritvā pubbarājassa, kataṃ tena virūpakam.
54. Upāyena gahetvāna, hatthapādaṅca chedayi;  
Taṃ sutvā so asiggāho, saputto rohaṇaṃgato.
55. Vasanto tattha so katvā, hatthe janapadaṃ lahuṃ;  
Jeṭṭhasissamupagaṅchi, nilīnaṃ malaye ṭhitam.
56. Saddhim tenasaghātento, raṭṭham janapadaṃ khaṇe;  
Doḷapabbatamāgamma, khandhāvāraṃ nivesayi.
57. Rājā sutvāna taṃ sabbam, sannaddhabalavāhano;  
Khandhāvāraṃ nivesesi, gantvā tasseva santikam.
58. Tadā pajjararogena, manussārājino bahū;  
Upaddutā matā āsuṃ, taṃ sutvā so asiggāho.
59. Yuddhamārabhivegena, rañño senātidubbalā;  
Pabhijjivā palāyittha, rājāpacchā palāyi so.
60. Disvā ekākinaṃ yantaṃ, sīhapabbatasantike;  
Asiggāho mahārājaṃ, mārayittha sapaṇisaṃ.
61. Ohīnaṃ pacchato jeṭṭha-tissampī pana mārituṃ;  
Sāsanaṃ tassa pesesi, ehi rājā bhavāhīti.
62. So taññatvā palāyitvā, nivatto malayaṃ agā;  
Kathaṅhi laddham kicchena, rajjaṃso deti me iti.
63. Evaṃ kho dallanāmaṃ so, moggallānaṃ narissaraṃ;  
Māretvā chahi vassehi, sampattabalavāhano.
64. Athā' gantvā asiggāho, anurādhapuraṃ varaṃ;  
Rājā hutvā pavattesi, āṇācakkam mahītale.
65. Sa silāmeghavaṇṇavho, saṅghaṃ bodhiṅca vandiya;  
Thūpattayaṅca sakkāsi, mahāpālīṅca vaḍḍhayi.
66. Pāyasaṃ' dāsi saṅghassa, sappiphāṇitasāṅkhatam;  
Chātake atikicchamhi, parissāvanameva ca.



67. Sabbadānena saṅgaṇhī, kapaṇaddhivaṇibbake;  
Pūvamūladhanaṃcā'dā, kumārānaṃ mahādayo.
68. Vihāre abhaye buddhaṃ, pūjayittha sīlāmayāṃ;  
Jiṇṇaṅca gehaṃ tassā'kā, nānāratana-cittikaṃ.
69. Kolavāpiṅca datvāna, ārakkhatthaṃ jinassa so;  
Pūjaṃ sabbopahārehi, sabbakālaṃ pavattayī.
70. Evaṃ tasmaṃ mahīpāle, vasante puññabhājane;  
Nāyako sirināgavho, jeṭṭhatissassa mātulo.
71. Gantvāna paratīraṃ so, ādāya damaḷe bahū;  
Āgantvā uttaraṃ desaṃ, gaṇhituṃ tamupakkami.
72. Rājāpi sutvā taṃ gantvā, yujjhitvā rājamittake;  
Gāme hantvāna taṃ tena, damaḷe saddhimāgate.
73. Hatasese gahetvāna, katvā paribhavaṃ bahuṃ;  
Adāsi dāse katvāna, vihāresu tahiṃ tahiṃ.
74. Evaṃsāmpattavijaye, puramāgammabhūmipe;  
Sabbāṃ raṭṭhaṃ vīsodhetvā, vasante akuto bhaye.
75. Bhikkhubodhī sanāmo'tha, vihāre abhayuttare;  
Dussīle bahule disvā, pabbajjāya navopī so.
76. Rājānamupasaṅkamma, dhammakammamayācatha;  
Rājā te neva kāresi, dhammakammaṃ vihārake.
77. Dussīlā nihaṭṭā tena, sabbe mantiya ekato;  
Raho taṃ mārayitvāna, taṃ kammaṃ paṭibāhayyūṃ.
78. Rājā sutvā tadā kuddho, sabbegaṇhiya ekato;  
Akā pokkharāṇī pāle, chinnahatthe sabandhane.
79. Aññe tattha sataṃ bhikkhū, jambudīpe khipāpayi;  
Saranto tassa ussāhaṃ, parisodhesi sāsaṇaṃ.
80. Bhikkhū theriyavāde so, kātuṃ tehi uposathaṃ;  
Ārādhetvā paṭikkhitto, pakuppitvā anādarō.
81. Akkositvā ca bhāsitvā, vācāhi pharusāhi so;  
Bhikkhū te akkhamāpetvā, dakkhiṇaṃ desamajjhagā.
82. Tassa so mahatā phuṭṭho, rogena marisajjukaṃ;  
Evaṃ navahi vassehi, pariccaji mahītalaṃ.
83. Tassa putto tato agga-bodhi nāmo kumārako;  
Āsi rājāsirisāṅgha-bodhināmena visuto.
84. Kaṇiṭṭhaṃ bhātaraṃ māṇaṃ, oparajje'bhisañciya;  
Tassā'dā dakkhiṇaṃ desaṃ, sayoggabalavāhanaṃ.
85. Rājā so pubbarājūnaṃ, pavattaṃ na vināsiya;  
Raṭṭhaṃ dhammena pālesi, saṅghaṅca bahumānaya.

86. Jeṭṭhatisso'tha taṃ sabbaṃ, suṇitvā malaye t̥hito;  
Ariṭṭhaṃ girimāgama, saṅgahesi mahājanaṃ.
87. Katvā hatthagate pubba-dakkhīṇe susamānase;  
Kamena puramāgantu-mārabhittha mahābalo.
88. Dāṭhāsiva mamaccañca, gaḥetuṃ pacchimaṃ disaṃ;  
Pesayitvā sayam gāme, vasittha siripiṭṭhike.
89. Rājā nisamma taṃsabbaṃ, uparājaṃ visajjayi;  
Sabalaṃ pacchimaṃ desaṃ, so gantvā taṃ palāpayi.
90. Potakaṃva kulāvamhi, sakkā hantunti dāraṃ;  
Māyettaṃ āgataṃ rājā, kumārā'macca maggaḥi.
91. Jeṭṭhatissaṃpi etaṃva, gaṇhissāmīti cintiya;  
Thokeneva balenāgā, nirāsankotivikkamo.
92. Jeṭṭhasissopi taṃ sutvā, sannaddhabalavāhano;  
Sāgaro bhinnavelova, rājasenaṃ samotthari.
93. Rājasenā pabhijjittha, rājā āruyha kuñjaraṃ;  
Eko aññāta-vesena, palāyitvā khaṇena so.
94. Chaṭṭhe māsamhi rajjamhā, nāvamāruyha sajjukaṃ;  
Jambudīpamaḡāhitvā, dhanam desaṅca ñātake.
95. Jeṭṭhatisso tato hutvā, pure rājāyathā pure;  
Sabbam kiccaṃ pavattesi, paripālesi sāsanam.
96. Mahādāragiriṃ so'dā, vihāre abhayuttare;  
Mahāvihārassā'dāsi, mahāmettavhabodhikaṃ.
97. Goṇḍigāmañca pādāsi, rājā jetavanassa so;  
Mātulaṅgaṅakañceva, gāmañco dumbaraṅgaṅam.
98. Mahānāgassa pādāsi, padhānagharakassa so;  
Kassapassa girissāpi, āhāraṃ ambulāpikaṃ.
99. Gāmaṃ kakkhalavitthiñca, adāveḷuvanassa so;  
Gaṅgāmāti vihārassa, kehetam gāmakam adā.
100. Antarāgaṅgasavhassa, cullamātikagāmakam;  
Mayettikassapāvāse, sahanna nagaram adā.
101. Kālāvāpi vihārassa, udavham gāmamādisi;  
Ete caññeca so bhoga-gāmeḥi paripūrayi.
102. Jinaṃ satahassehi, tīhi so paṭisaṅkhari;  
Bhikkhūnam dīpavāsīnam, ticīvaramadāsi ca.
103. Jambudīpagatassā'suṃ, rañño sodariyā narā;  
Tattha tattha nilīnā te, desaṃ hantumupakkamuṃ.
104. Sutvā taṃ jeṭṭhatisso'tha, kālavāpimupacca so;  
Yujjhanto tehi tattheva, vāsam'kāsi savāhano.

105. Paratīraṃ gato rājā, gahetvā damiḷaṃ balaṃ;  
Kālavāpimupāgama, kātuṃ yuddhamupakkami.
106. Jeṭṭhatissopi sannaddha balakāyo dhanāyudho;  
Jambudīpaṃ gamāpetvā, amaccaṃ dāṭhasivakaṃ.
107. Vammitaṃ gajamāruya, yujjhanto attano balaṃ;  
Ohīyamānaṃ disvāna, āruḷhaṃ attanā saha.
108. Mahāmaccavaco vedaṃ, sandesaṃ me mahesiyā;  
Ārocehi yathākāmaṃ, pacchā tava karissati.
109. Pabbajitvā mahādevī, sajjhāyitvā ca āgamaṃ;  
Abhidhammaṃ kathetvāna, pattiṃ dehīti rājino.
110. Icceṭaṃ sāsanaṃ datvā, damiḷe āgatāgate;  
Yāva yuddhaṃ nihantvāna, āyumi khayamāgate.
111. Veḷuppadamiḷaṃ nāma, disvā yujjhitumāgataṃ;  
Tambulatthaviyaṃ hatthe, rakkhanto churikaṃ tadā.
112. Tato nikkaraṇiṃ sammā, gahetvā sīsamattano;  
Chetvā hatthimhi appetvā, churikaṃ kosiyaṃ khipi.
113. Ugghosayi mahāsenā, mahāmaccopi so tadā;  
Gantvā’bhīyogaṃ vatvāna, sīsacchedamhi rājino.
114. Sandesaṃ deviyā vatvā, tāya pabbajjasāsane;  
Samāpito bhidhammamhi, saddhimaṭṭhakathāya hi.
115. Dhammāsanā samoruya, nisīdiya mahītale;  
Ehi rañño mahākāraṃ, dassēhī’ti niyojito.
116. Nisajja purato tassā, chinditvā sīsamattano;  
Khipitvā churikaṃ āha, evaṃ devo mato iti.
117. Sā taṃ disvā-tisokena, phāletvā hadayaṃ matā;  
Evaṃ pañcahi māsehi, rājā so tidivaṃ gato.
118. Evaṃ vijitasāṅgāmo, sattavo abhimaddiya;  
Rajjaṃ pākatikaṃ katvā, viharanto pure vare.
119. Uparājassa nāmena, kāritassa pana’ttanā;  
Mahallarājā savhassa, padhānagharakassa so.
120. Addhā gāmadvayaṃ rājā, haṅkāraṃ sāmugāmakam;  
Kehellarājabhāgañca, sabbepi paricārake.
121. Tathā jetavanassa’dā, mahāmaṇikagāmakam;  
Mayettikassapāvāsaṃ, sālagāmena pūjayi.
122. Ambillapadaraṃ cā’dā, cetiyassa girissa so;  
Pulatthinagare kāsi, mahāpānādi dīpakam.
123. Amaccā tassa māresuṃ, māṇavhaṃ yuvarājakaṃ;  
Antopure’parajjhītvā, datvāpi samamettikaṃ.

124. Tato kassapanāmaṃ so, kaṇiṭṭhaṃ sakabhātaraṃ;  
Pāleno santatiṃ rājā, oparajje' bhisecayi.
125. Māṇassa maraṇaṃ sutvā, gahetvā dāmiḷe lahuṃ;  
Dāṭhāsivo samāgañchi, gāmaṃ tintiṇī nāmakam.
126. Tassāgamanamaññāma, nikkhamitvā savāhano;  
Yujjhanto dvārāse vasse, jambudīpaṃ palātavā.
127. Pahāya sabbaṃ gacchanto, saññānatthāya attano;  
Ekāvaliṃ gahetvāva, ekākī so hi nikkhami.
128. Ekāvaliṃ vināceva, rājā hutvā yathāvidhiṃ;  
Ahu dāṭhopatissoti, visuto dharaṇī tale.
129. Itaro laddhaokāso, rajjamaggahi yujjhiya;  
Aññamaññaṃ palāpesuṃ, evaṃ te antarantarā.
130. Evaṃ ubhinnaṃ rājūnaṃ, saṅgāmenā' bhipīlito;  
Loko upadduto-sabbo vihīnadhanadhaññavā.
131. Dāṭhopatisso nāsesi, sabbaṃ pubbakarājūnaṃ;  
Gaṇhī tīsu nikāyesu, sāraṃ dhātugharesu ca.
132. Suvanṇapaṭimāyo so, suvaṇṇaṃ gaṇhi bhindiya;  
Soṇṇamālādikaṃ sabbaṃ, pūjābhaṇḍaṃ nirākari.
133. Thūpārāme tathāgaṇhi, sovaṇṇaṃ thupikaṃ ghare;  
Mahaggharatanākiṇṇaṃ, chattaṃ bhindittha cetiye.
134. Mahāpāḷimhi nāvāyo, dāmiḷānaṃ sadāpayi;  
Rājagehā nijhāpesuṃ, saddhiṃ dhātugharena te.
135. Pacchā vippaṭisārī so, desetum, pāpamattano;  
Kāresi saha bhogena, sākavatthuvihāraṃ.
136. Bhāgineyyopi ratana-dāṭho iti jane suto;  
Mahādīpādo hutvāna, sabhogo tamupaṭṭhahi.
137. Aggabodhimhi sampatte, rajjaṃ yuddhabalena ca;  
Kassapo yuvarājā so, senaṃ rakkhitumattano.
138. Duppañño sahasā bhettvā, thūpārāmamhi cetiyaṃ;  
Devānaṃpiyatissena, khuddarājena ceva hi.
139. Pubbakehica rājūhi, pūjitaṃdhanasārakaṃ;  
Aggahehi dunnitīhi, pāpakehi purakkhato.
140. Dakkhiṇassa vihārassa, cetiyaṃ paribhindiya;  
Aggahehi dhanam sāraṃ, evamaññepi bhindayi.
141. Evaṃ karontaṃ taṃ rājā, dunnitikapurakkhataṃ;  
Nāsakkhi kira vāretum, aho pāpā nivāriyā.
142. Taṃ vāretu masakkonto, thūpārāmamhi cetiyaṃ;  
Bhinnaṃ tena sakāresi, sahassena samaṅgalaṃ.

143. Tadā dāṭhopatissena, aggabodhi narissaro;  
Jito rohaṇamevā'gā, sajjetuṃ balavāhanam.
144. Tatra ṭhito soḷasame, vasse byādhihato mato;  
Tadā tassa kaṇiṭṭho so, yuvarājāpi kassapo.
145. Dāṭhopatissa rājānam, jambudīpaṃ palāpiya;  
Ekarajjamakādesaṃ, makuṭantu na dhārayi.
146. Sādhūnaṃ saṅgamene'sa, hutvā vippaṭisārako;  
Nāsaṃ pāpassa kammaṣa, karissāmīti cintiya.
147. Puppārāme phalārāme, vāpiyo'pi ca kārayi;  
Mahācettayañcāpi, mahāpūjāhi sakkari.
148. Thūpārāmañca pūjetvā, ekaṃgāmañca tassadā;  
Sabbāgamiyabhikkhūhi, dhammaṃdesāpayittha ca.
149. Katvā maricavaṭṭimhi, pāsādaṃ sutthiraṃ tahim;  
Vāsayingittha mahātheraṃ, nāgasāla nivāsitaṃ.
150. Tatratṭhaṃ tamupaṭṭhāya, paccayeti catūhi'pi;  
Abhidhammaṃ kathāpesi, saddhimaṭṭhakathāya so.
151. Nāgasālakamāvāsaṃ, katvā tasseva'dāsi so;  
Mahāniṭṭhilagāmañca, paccayatthāya tassa'dā.
152. Atha dāṭhopatisso so, jambudīpā idhāgato;  
Mahantaṃ balamādāya, karonto tena āhavaṃ.
153. Kassapena susannaddha-vāhanena tato mari;  
Dvādasāsuṃ kiretassa, rājabhūtassa hāyanā.
154. Tassa dāṭhopatissassa, bhāgineyyo sanāmakō;  
Jambudīpaṃ palāyittha, bhīto tamhā mahāraṇe.
155. Evaṃ aniccā vata sabbabhogā,  
Sudullabhā ceva khaṇeva sobhā;  
Tasmāhi etesu ratim vihāya,  
Bhaveyya dhammābhimukho hitesī.

Sujanappasādasamvegatthāya kate mahāvamse

Cha rājako nāma

Dvicattālīsatiṃ paricchedo.

## Tecattālīsatiṃ pariccheda

### Caturājako

1. Tato vijitasāṅgāmo, kassapo puritāsayo;  
Mahāpālīmhi saṅghassa, samiddhaṃ bhojanaṃ akā.
2. Nāgasālā nivāsiṃ so, mahādhammakathim yatim;

Mahāpūjāya pūjetvā, saddhammaṃ tena vācayi.

3. Vasantaṃ bhātuāvāse, samuddissa likhāpayi;  
Kaṭandhakāravāsiṃ so, pāḷi sabbam sasaṅgahaṃ.
4. Jiṇṇaṃ saṅkharikammaṅca, navaṃ kāresi cetiye;  
Saṅghabhogamanekaṅca, tattha tattha pavattayi.
5. Nānāmaṇisamujjotaṃ, kāsi cūḷamaṇittayaṃ;  
Sataṃ paṇḍupalāsānaṃ, vatthadānena tappayi.
6. Tassāsuṃ bahavo puttā, jeṭṭho tesaṅca māṇako;  
Sabbe te na vayappattā, bālāvigatabuddhino.
7. Tato so byādhinā phuṭṭho, atekicchena kenaci;  
Puttā me bālakā sabbe, ne'te rajjakkhamā iti.
8. Vasantaṃ rohaṇe dese, bhāgineyyaṃ mahāmatim;  
Āhuya sabbam pādāsi, rajjaṃ puttehi attano.
9. Gandhamālādipūjāhi, pūjayitvāna cetiye;  
Bhikkhusaṅghaṃ khamādhapasi, datvāna catupaccayaṃ.
10. Evaṃ dhammaṃ caritvāna, mittāmaccajanesu ca;  
Gato navahi vassehi, yathākammaṃ narādhipo.
11. Katvā kattabbakiccaṃ so, mātulassa sagāravo;  
Saṅghahanto janaṃ māṇo, damiḷe nīharāpayi.
12. Ekato damiḷā hutvā, nibbāsema imaṃ iti;  
Tasmim ṭhite bahiddhāva, aggahesuṃ puraṃ sayam.
13. Hatta dāṭhassa pesesi, jambudīpagatassa te;  
Āgantumtava kāloti, sāsanaṃ rajjagāhaṇe.
14. Māṇo'pi saṅghaṃ pesesi, sāsanaṃ piturohaṇaṃ;  
Pitā sutvāna taṃ āgā, na cīreneva rohaṇā.
15. Ubhe te mantayitvāna, akaṃsu sandhilesakaṃ;  
Umiḷehi tato jātā, sabbe te samavuttino.
16. Tato so pitaraṃ rajje, abhisiñcittha māṇako;  
So'bhisitto nikāyānaṃ, sahasānaṃ tayaṃ adā.
17. Saṅghaṃ raṭṭhaṅca saṅgayha, sabbam rājakulaṭṭhitaṃ;  
Bhaṇḍaṃ pesesi sattūhi, rakkhaṇatthāya rohaṇaṃ.
18. Hatthadāṭhopi sutvāna, damiḷānaṃ tu sāsanaṃ;  
Khaṇeṇā'gā imaṃ dīpaṃ, gahetvā damiḷhaṃ balaṃ.
19. Tadā te damiḷā sabbe, paribhūtā idha ṭhitā;  
Āyantameva taṃ gantvā, parivāresu mañjase.
20. Māṇopi sutvā taṃ sabbam, nāyaṃ kāloti yujjhituṃ;  
Pesetvā piturājānaṃ, saddhiṃ sārena rohaṇaṃ.

21. Pubbadesaṃ sayamaṃ gantvā, saṅgaṇhanto janaṃ vasī;  
Laddhā dāmiḷapakkhaṃ so, gahetvā rājakaṃ puramaṃ.
22. Dāṭhopatisso rājāti, nāmaṃ sāveti attano;  
Mātulaṃ viya taṃ loko, tena nāmena vohari.
23. Pitucchaputtamānetvā, aggabodhi sanāmakamaṃ;  
Ṭhapetvā yuvarājatte, desaṅcā'dāsi dakkhiṇamaṃ.
24. Ṭhānantaraṅca pādāsi, nissitānaṃ yathārahaṃ;  
Sāsanassa ca lokassa, sabbaṃ kattabbamācari.
25. Mahāpāḷimhi dāpesi, savatthaṃ dadhibhattakamaṃ;  
Khīraṃ pāyāsakaṅceva, dhammaṃ suṇi uposathi.
26. Kāretvā sabbapūjāyo, desā petvāna desanaṃ;  
Evamādīhi puṇṇehi, attānaṃ'kāsi bhaddakamaṃ.
27. Kassapassa vihārassa, datvāsenavhagāmakamaṃ;  
Mahāgallaṅca pādāsi, padhānagharakassa so.
28. Pariveṇassa morassa, akāsi sakagāmakamaṃ;  
Thūpārāmassa puṇṇoḷiṃ, datvā sakkāsi cetiyamaṃ.
29. Kappūrapariveṇamaṃ so, kāresi abhayuttare;  
Vihāraṃ tiputhullavhaṃ, katvā tasseva dāpayi.
30. Tasmaṃ karonte vāresuṃ, sīmāyanto'ti bhikkhavo;  
Theriyā te kibāhetvā, balaṃ tatheva kārayi.
31. Atha te te theriyā bhikkhū, dummaññū tattha rājini;  
Assaddhaṃ taṃ viditvāna, pattanikkujjanaṃ karuṃ.
32. Vuttañhi muninā tena, assaddho yo upāsako;  
Alābhāya ca bhikkhūnaṃ, ceteta'kkosati ca te.
33. Pattanikkujjanaṃ tassa, kattabbanti tato hi te;  
Tassa taṃ kammamakarūṃ, loko maññittha aññathā.
34. Ādāyu kujjitaṃ pattaṃ, caranto bhikkhubhikkhakamaṃ;  
Nikkujjeyya gharadvāre, tassā'ti kathikamaṃ karuṃ.
35. Tasmaṃ so samaye phuṭṭho, byādhinā mahatāmari;  
Vassamhi navame rājā, sampatto jīvitakkhayaṃ.
36. Dappulopi tato rājā, gato rohaṇakamaṃ sakamaṃ;  
Vāsaṃ kappesi tattheva, karonto puṇṇasaṅcayamaṃ.
37. Ito paṭṭhāya vakkhāma, tassa vaṃsamanākulaṃ;  
Vuccamānamhi ettheva, tasmaṃ hoti asaṅkaro.
38. Jāto okkākavaṃsamhi, mahātissoti vissuto;  
Āsi eko mahāpuṇṇo, samākiṇṇaguṇākaro.
39. Tasse'kā bhariyā āsi, saṅghapivāti vīssutā;  
Dhañṇapuṇṇaguṇūpetā, dhītā rohaṇasāmino.

40. Tassāputtā tayo āsuṃ, paṭhamo aggabedhiko;  
Dutiyo dappulo nāma, tatiyo maṇiakkhiko.
41. Ekāva dhītā tassāsi, rājanamagamā ca sā;  
Jeṭṭho rohaṇanāmassa, desassā'si sayam vasī.
42. Mahāpāliṃ sa kāresi, mahāgāme mahādhanō;  
Dāṭhaggabodhināmañca, pariveṇaṃ tahi vaṃso.
43. Kāṇagāmamhi kāṇānaṃ, gilānānañca sālake;  
Vihāre paṭimāvhe ca, mahantaṃ paṭimāgharaṃ.
44. Paṭiṭṭhapesi katvāna, buddhatattha silāmayam;  
Mahantanāmaṃ sappañño, iddhīhi viya nimmitam.
45. Sālavanāñca kāresi, vihāraṃ attanāmakam,  
Pariveṇavihārañca, tathā kājaragāmakam.
46. Navakammāni kāretvā, dhammasālavihārake;  
Sayam vaccakuṭi esa, tattha sodhesi buddhimā.
47. Uccitṭham bhikkhusaṅghassa, bhojanaṃ paribhuñjiya;  
Maṇḍagāmañca saṅghassa, gāmaṃ'dāsi masādavā.
48. Puññāne'tānicaññāni, katvā tasmim divaṅgate;  
Āsī tassā'nujo tattha, sāmi dappulanāmako.
49. Isseraṃ tattha vattesi, sampamaddiya satta vo;  
Mahādānaṃ pavattesi, nissaṅkaṃ rohaṇaṃ agā.
50. Tassa tuṭṭho jano āha, mahāsāmīti esano;  
Tato paṭṭhāya taṃ loko-mahāsāmīti vohari.
51. Sutvāna taṃ silādāṭho, narindo sakadhītaraṃ;  
Tassa pādāsi santuṭṭho, guṇehi bahukehi ca.
52. Yujarājattamassādā, rajjayoggoti mānitaṃ;  
Māṇavamādayo tassa, puttā āsuṃ mahāsaya.
53. Pāsānadipavāsissa, mahātherassa santike;  
Dhammaṃ sutvā pasīditvā, tasmim taṃ bahumānitaṃ.
54. Vihāraṃ rohaṇe katvā, tassa pādāsi sopi taṃ;  
Cātuddisiyasaṅghassa, paribhogāya vissajji.
55. Ambamālā vihārādi, vihāre kārayi bahū;  
Khadirālivihārañca, katvā deva mapūjayi.
56. Pāsādamanurārāmaṃ, muttolambaṃ sujīṇṇakam;  
Sīrivaḍḍhañca pāsādaṃ, tathā takkambilaṃ paraṃ.
57. Sodhetvā bhikkhavo tattha, dvattimsa parivāsaya;  
Sabbapaccayadānena, santappetvā mahīmati.
58. Adā kevaṭṭagambhīraṃ, gāmaṃ nāgavihārake;  
Tathā rājavihārassa, gonnagāmaṃ samādiyi.



59. Adā tīsavihārassa, tathākantikapabbakaṃ;  
Cittalapabbatassā'dā, gāmaṃ so gonnaviṭṭhikaṃ.
60. Datvā riyākarassesa, gāmaṃ somālavatthukaṃ;  
Akāsi paṭimāgehaṃ, tatheva sumanoharaṃ.
61. Tatraṭṭhassa jinassā'kā, uṇṇalomaṃ mahagghiyaṃ;  
Hemaṭṭaṅga kāresi, sabbaṃ pūjāvidhiṃ sa'kā.
62. Cetiye pariṇiṇṇe so, sudhākammaṃ rañjayi;  
Tipaṅcahatthaṃ kāresi, metteyyaṃ sugataṃ paraṃ.
63. Evamādini puññāni, appameyyāni so vibhū;  
Akāsi ca sayamaṃ sādhu, parivārehi kārayi.
64. Parivārā ca tassāsuṃ, bahūpuññakarā narā;  
Vihārā nekakā āsuṃ, katā tehi sappaccayā.
65. Kadāci maggaṃ gacchaṃ so, araññaṃhi agāmake;  
Senamaṃ saṃvidahitvāna, vāsaṃ kappesi rattiyaṃ.
66. Sunahātavillitto so, subhuttosayane sukhe;  
Nipannesu ghare ramme, niddāyitumupakkami.
67. Alabhanto tadā niddaṃ, kinna kho iti kāraṇaṃ;  
Pavattiṃ upadhārento, divase sabbamattano.
68. Adisvā kāraṇaṃ anto, avassaṃ bahi hessati;  
Iti cintiya yojesi, manussetaṃ gavesitaṃ.
69. Evamāha ca nissaṅkaṃ, ayyakā mama rattiyaṃ;  
Tementā rukkhamūlasmiṃ, ṭhitā ānetha te iti.
70. Tepi gantvā gavesantā, dīpahatthā mahājanā;  
Mahāgāmā'gate bhikkhū, rukkhamūlagate tadā.
71. Te gantvā sāsanaṃ rañño, ārocesuṃ padhāviso;  
Disvā ca bhikkhu santuṭṭho, netvā vāsagharaṃ sakaṃ.
72. Niccadānāya bhikkhūnaṃ, ṭhapite rattacīvare;  
Tesaṃ datvāna tintāni, cīvarāni samādiya.
73. Sukkhāpiya ca katvāna, pādadhovanakādikaṃ;  
Nisīdāpiya te sabbe, sayane sādhu santhate.
74. Bhesajjaṃ paṭiyādetvā, sayamevo'panāmiya;  
Paccūsepi ca katvāna, kattabbaṃ bhojanādikaṃ.
75. Datvā kappiya kāre'tha, vissajjesi yathārucaṃ;  
Evaṃ puññaratasseva, tassā'si divasaṃ gataṃ.
76. Evaṃ puññaparetasmim, vasamāne naruttame;  
Raṭṭhaṃ janapadaṃ sabbaṃ, yojetvā puññakammesu.
77. Māṇo pācinadesamhi, vasanto balasaṅgahaṃ;  
Katvāna pituno senaṃ, dhanamaṃ cevā harāpiya.

78. Kātuṃ saṅgāmaṃgañchi, tipucullasagāmakam;  
Dāṭhopatisso taṃ sutvā, tambalaṃgā mahābalo.
79. Tatthā'kaṃsu mahāyuddham, aññaṃaññaṃ samāgatā;  
Yodhā dāṭho patissassa, māṇaṃ saṅgaṃva mārayuṃ.
80. Taṃ sutvā dappulo sopi, sokasallahato mari;  
Sattāha manurādhamhi, vasaṃ rajjamakārayi.
81. Rohaṇe tīṇi vassāni, esa rajjamakārayi;  
Tasmā tassa kathā āsi, rohaṇamhi idhāpi ca.
82. Evaṃ paremāriya āhavamhi,  
Kicchena laddhāva narena bhogā;  
Āsuṃ khaṇe vijjulato bhogā,  
Ko buddhimā tesu ratim kareyya.

Sujanappasādasamvegatthāya kate mahāvamse

Caturājako nāma

Tecattālīsatiṃ paricchedo.

## Catucattālīsatiṃ pariccheda

### Tirājako

1. Accaye hatthadāṭhassa, aggabodhikumārako;  
Kaṇiṭṭho rājino āsi, sirisaṅghādi bodhiko.
2. Dhammarājā ayaṃ āsi, sammā dassanasaññuto;  
Tasmā so puññaṃkammāni, appameyyāni vattayi.
3. Nikāyattayavāsīnaṃ, bhattaggamavalokayi;  
Mahāpāliṅca vaḍḍhesi, māghātañceva kārayi.
4. Thānantarañca dāpesi, yathāraha manālayo;  
Sipagottādiyoggehi, saṃgatehi ca saṃgahi.
5. Yattha katthaci disvāpi, bhikkhavo so mahāmati;  
Sakkatvā sobhaṇāpesi, parittaṃ sāsanoḡadham.
6. Theraṃ so upasankamma, nāgasālanivāsīnaṃ;  
Dāṭhāsivaṃ mahāpaññaṃ, sīlavantaṃ bahussutaṃ.
7. Sakkacca naṃ tato sutvā, sammāsambuddhasāsanaṃ;  
Dhamme'tivapasīditvā, sabbasantikaro iti.
8. Sutvā theriyavādānaṃ, pubbañātīnamattano;  
Pāpānaṃ duṭṭhacittānaṃ, apakāre kate bahū.
9. Vihāre pariveṇe ca, jīṇepākatike akā;  
Bhogagāme ca dāpesi, tattha tattha bahūdaye.
10. Vicchinnapaccaye cākā, tadātyaṃ kurite viya;

Dāsakepi ca saṅghassa, yathāṭhāne ṭhapāpayi.

11. Padhānaghara metassa, therassa'kāsanāmakam;  
Paṭiggahetvā taṃ so'pi, saṅghassā'dā mahāmatī.
12. Bhogagāme ca tassā'dā, bharrattālam kihimbilam;  
Katakañca tulādhāram, andhakārakameva ca.
13. Andhakāram antureḷim, bālavam dvāranāyakam;  
Mahānikaḍḍhikañceva, peḷahālam tathāparam.
14. Ete aññe ca so datvā, bhogagāme narissaro;  
Dāsi ārāmike ceva, attano kira ñātaka.
15. Tathā dvinnam nikāyānam, vihāre mandapaccaye;  
Disvāpi ca sutvā vā, bhogagāme bahū adā.
16. Bahunā kintuvuttana, nikāyesu'pi tīsu'pi;  
Adā gāmasahassam so, bahuppādam nirākulam.
17. Anussaranto so tiṇṇam, ratanānam guṇe vare;  
Ekāvalim gahetvāna, akkhamāla makā kira.
18. Evaṃ sabbappayogehi, so'hu dhammaparāyano;  
Sabbe tamanusikkhantā, hesu dhammakarā narā.
19. Damiḷo potthakuṭṭhavo, tassa kammakaro tadā;  
Māṭambiyavham kāresi, padhānagharamabbhutam.
20. Būkakalle ambavāpim, tantavāyikacāṭikam;  
Gāmam niṭṭhilaveṭṭhiñca, tassā'dā so sadā sakam.
21. Kappūrapariveṇe ca, kurundapillake tathā;  
Mahārājaghare ceva, pāsāde so'va kārayi.
22. Aññatthā'dā tayo gāme, vihāresu mahādhano;  
Potthasātavhaya pañño, vihāre jetanāmake.
23. Senāpatirājanāmam, pariveṇam samāpayi;  
Mahākando ca damiḷo, pariveṇam sanāmakam.
24. Cullapantham tathā eko, sehālauparājakam;  
Uparājā sakāresi, saṅghatisso'pi rājino.
25. Aññesu bahavo āsum, vihāre evamādike;  
Bhassa rañño' nuvattantā, evam dhammīhi paṇino.
26. Pāpam vāpi hi puñnam vā,  
Padhānoyam karoti yo;  
Lo ko tam tam karoteva,  
Tam vijaneyya paṇḍito.
27. Jeṭṭhanāmā mahāpuññā, mahesī tassa rājino;  
Jeṭṭhārāmañca kāresi, bhikkhūnīnamupassayam.

28. Tassā'dāsi ca dve gāme, pakkapāsāṇabhūmiyaṃ;  
Tambuddhaṃ bhelaḡamañca, āramikasataṃ tathā.
29. Akā malayarājāpi, dhātugehaṃ mahārahaṃ;  
Maṅḡalagiri vihāraṃhi, cetiyassa mahādhano.
30. Lohapāsādake so'va, chādesi majjhakūṭakaṃ;  
Bodhitissavihārañca, bodhitasso mahāyaso.
31. Dīpe maṅḡalikā sabbe, tattha tattha yathābalaṃ;  
Vihāre pariveṇe ca, kārayiṃsu anappake.
32. Tassa kālo narindassa, puññakammamayo idha;  
Ativithārabhītena, sabbaso na vicāritaṃ.
33. Pubbakopi kathāmaggo, ākulo viya bhātime;  
Yathāpadhānaṃ kathitaṃ, hetūnaṃ upalakkhaṇaṃ.
34. Athāparena kālena, pulatthinagaraṃ gato;  
Vāsaṃ tattheva kappesi, karonto puññasañcayaṃ.
35. Atekiçhiyarogena, samphuṭṭho kālamattano;  
Maraṇassa viditvāna, tamāhuyamahājanaṃ.
36. Ovaditvāna dhammena, maraṇaṃ so upāgami;  
Mahājano mate tasmim, bālhasoko parodiya.
37. Katvā ālaḡaṇe tassa, kiccaṃ sabbamasesato;  
Tassālaḡaṇabhasmampi, katvā bhesajjamattano.
38. Rājā bhaṅḡaṇca taṃ sabbam, sabbañca balavāhanaṃ;  
Sammā ādāya gopetvā, nagaraṃ samupāgami.
39. Evaṃ soḡasame vasse, rājā āsi divaṅgato;  
Potthakuṭṭhopi damiḡo, rajjaṃ tassa vicārayi.
40. Uparājaṃ gahetvāna, dāṭṭhāsivaṃ khipāpayi;  
Cārako vihituṃ sammā, rakkhāvaraṇa mādisi.
41. Vinā raññā na sakkāti, mediniṃ paribhuñjituṃ;  
Ānetvā dattanāmakam, dhanapiṭṭhappadhānakam.
42. Uppannaṃ rājavaṃsamhi, rajje taṃ abhisinçiya;  
Tassa nāmaṃ ṭhapetvāna, sayam sabbam vicārayi.
43. Danto so dhanapiṭṭhimhi, vihāraṃ sakanāmakam;  
Kārayitvāna puññāni, aññānipi samācini.
44. Samakantu so ṭhatvā'va, vassadvaya mahumato;  
Potthakuṭṭho matetasmim, puna aññampi māṇavaṃ.
45. Hatthadāṭṭhaṃ samāhūya, uṇhā nagarasambhavaṃ;  
Tampi rajje bhisinçitvā, yathā pubbaṃ sayamvasi.
46. Kāladīghāvikaṃ katvā, padhānagharakaṃ tathā;  
Puññamaññaṃ chamāsehi, so'pi maccuvasam gato.

47. Evaṃ viditvā bahupaddavāni;  
Dhanāni dhaññāni ca vāhanāni;  
Vihāya rajjesu ratimsappaññā;  
Manuññapuññābhiratā bhaveyyuṃ.

Sujanappasādasamvegatthāya kate mahāvaṃse

Tirājako nāma

Catucattālīsatisimo paricchedo.

## Pañcacattālīsatisima pariccheda

1. Rañño tassaccaye rājā, māṇavammo ahosi so;  
Kiṃ gotto kassa putto ca, katham rajjamaṃpāpuṇi.
2. Mahāsammatavaṃsamhi, jāto jātiḡuṇāvaho;  
Putto kassapanāmassa, thūpārāmassa bhedino.
3. Dhītā malayarājassa, saṅghanāmassa rājino;  
Taṃ labhitvā vasaṃ dese, uttare līnavuttiko.
4. Hatthadāṭhanarindena, tasmim attheva dhārite;  
Jambudīpamupāgama, naraśiham mahīpati.
5. Gantvā vatvā sakaṃ nāmaṃ, sevitum tamupakkami;  
Ārādhesi ca sabbehi, payogehi narādhipaṃ.
6. Viditvā tassa sohajjaṃ, netvā bhariyamattano;  
Vāsaṃ tattheva kappesi, sevamāno divānisaṃ.
7. Sopi ārādhitō tena, kaṇḍuveṭṭhi naruttamo;  
Sabbam nentova taṃ rajjaṃ, mahābhogamadāpayi.
8. Tena samvāsamanvāya, bhariyā saṅghanāmikā;  
Catasso dhītaro putte, cattāropi vijāyatha.
9. Athekadivasam rājā, hatthikkhandhavaram gato;  
Sañcaranto yathākāmaṃ, māṇavamma ekato.
10. Nāḷikeraṃ pivitvāna, tatraṭṭhova pipāsito;  
Māṇavamma pādāsi, maññanto aññameva taṃ.
11. So taṃ gahetvā cintesi, sakham pesa narādhipo;  
Ucchiṭṭham nāma kiṃ hoti, sattānaṃ paramatthato.
12. Tasmā yuttam mayāpātu-mīti cintiya taṃ pivi;  
Evaṃ honti mahussāhā, detukāmāhi buddhino.
13. Rājāpi disvā taṃ bhīto, tassapī tāva sesakaṃ;  
Sayam pivi tathāhoti, kammaṃ puññavataṃ sadā.
14. Ṭhapesi sakaveseva, tato paṭṭhāya attano;  
Bhojane sayane ceva, parihāre ca vāhane.

15. Evaṃ tesu vasantesu, yuddhatthāyamupakkami;  
Vallabho narasīhena, narasīho vicintayi.
16. Ayaṃ kho mama sevāya, rajjaṃ vaṃsa gataṃ sakaṃ;  
Labhissāmīti seveti, rattim diva matandito.
17. Sace sopi mayā gantvā, yujjhanto maraṇaṃ gato;  
Takkitam tassa mayhañca, sabbaṃ tamaphalaṃ bhava.
18. Evaṃ cintiyataṃ rājā, nivattetvā sake pure;  
Sayam vallabharājena, kātuṃ saṅgāmamāraṣi.
19. Māṇavammopi cintesi, sace'yaṃ mayi jīvīti;  
Rājā mīyati yuddhamhi, kiṃ phalaṃ mama jīvīte.
20. Vissāso dukkato tena, bhavissati tathāsati;  
Saṅgahesi kimatthaṃ maṃ, samānattena attano.
21. Tasmā yuttaṃ mayā gantuṃ, sahasaṅgāma maṇḍalaṃ;  
Sukhañhi saddhiṃ tenettha, jīvitam maraṇampi vā.
22. Evaṃ cintiya sannaddha-balo hatthivaraṃ gato;  
Gantvā dassesi attānaṃ, so taṃ saṅgāma maṇḍale.
23. Narasīhova taṃ disvā, haṭṭhatuṭṭho samuggiri;  
Saho santhavametasmim, kattabbaṃ me kataṃ iti.
24. Tato mānassa senā ca, senā cevassarājino;  
Senam vallabharājassa, viddhamsesi samāgatā.
25. Māṇavammopi dassesi, tahiṃ surattamattano;  
Parakkamanto devānaṃ, raṇe nārāyaṇo viya.
26. Narasītopi santuṭṭho, māṇavammaṣa vikkame;  
Āliṅgatvā sinehena, tvaṃ kho me jayado iti.
27. Attano puramāgama, katvā vijayamaṅgalaṃ;  
Māṇavammaṣa senāya, kattabbaṃ sabbamācari.
28. Athevaṃ cintayi rājā, kattabbaṃ me sahāyako;  
Attanā'kāsi sabbañca, anaṇo so mamajjato.
29. Iṇaṃ mamāpi sodhemi, katvā kattabbamattanā;  
Kattaññū katavedīhi, purisā'tivadullabhā.
30. Amacce sannipātetvā, idaṃ vacanamabravi;  
Sahāyassa mametassa, kamme tumhepi sakkhino.
31. Mayāpi tassa kattabbaṃ, kammaṃ sādhu sukhāvahaṃ;  
Upakāro hi sādhuṇaṃ, dhammo pubbopakārino.
32. Evaṃ vutte amaccā te, paccāhaṃsu mahīpati;  
Yaṃ yamicchati devohi, taṃ taṃ rucati no iti.
33. Atha so māṇavammaṣa, senaṃ datvā savāhanaṃ;  
Sabbopakaraṇaṅceva, sabbakammakarepi ca.

34. Gacchāti vatvā taṃ yantaṃ, sahasenāyapekkhiya;  
Paridevittha bhūmino, vippavutthaṃ'va puttakaṃ.
35. Māṇavammopi āruya, nāvāyo jaladhītaṃ;  
Na cireneva āgama, samattikkamma vegasā.
36. Saha senāya maddantho, laṅkāḍīpamupavisī;  
Taṃ sutvāna palāyittha, rājā dāṭhopatissako.
37. Māṇavammo puraṃ gantvā, ahutvāva narādhipo;  
Palātamanubandhittha, padānupadamugato.
38. Tadā sā dāmiḷi senā, assosi kira sāmiko;  
Mahārogā'bhībhūtoti, sutvā taṃ sā apakkami.
39. Sutvā dāṭhopatisso taṃ, samādāya mahābalaṃ;  
Māṇavammaṃ upāgama, kātumārabhi saṃyudhaṃ.
40. Māṇavammo ca cintesi, sabbā senā gatā mama;  
Mate mayi samijjheyya, verino me manorathaṃ.
41. Jambudīpaṃva tasmā'haṃ, gantvā'dāsa balaṃ tato;  
Puna rajjaṃ gahessaṃti, tasmā evamakāsi so.
42. Gantvā puna'pi disvāna, sahāyaṃ narasīhakaṃ;  
Ārādhahanto nipuṇaṃ, sakkaccaṃ tamupaṭṭhahi.
43. Yāva rājacattukkaṃso, māṇāmmo tahiṃ vasi;  
Narasīho'tha cintesi, mānatthaddho yasodhano.
44. Rajjatthaṃ me sahā yo maṃ, sevantoyeva addhago;  
Vuddho hessati taṃ passaṃ, kathaṃ rajjaṃ karomahaṃ.
45. Imasmiṃ pana vārasmiṃ, pesayitvā balaṃ mama;  
Rajjaṃ taṃ na gahessāmi, ko attho jīvitena me.
46. Evaṃ cintiya so senaṃ, sannipātiya attano;  
Sannāhetvā yathā yogaṃ, dāpetvāna yathāruciṃ.
47. Sayameva tamādāya, samuddataṭamāgato;  
Nāvāyo cittarūpāyo, kārayitvā thirā bahū.
48. Amacce āha “etena, saddhiṃ gacchatha bho’’iti;  
Nāvaṃ ārohituṃ sabbe, na icchiṃsu tadā janā.
49. Tadā sīho vicintevā, sayama hutvā tirohito;  
Attano parihāraṃ so, rājalakkhaṇasammatamaṃ.
50. Sabbama tasseva datvāna, alaṅkāraṃpi attano;  
Āropetvāna taṃ nāvaṃ, gaccha ṭhatvāna sāgare.
51. Imaṃ bheriṃca vādehi, koṭṭhanāmantī yojayī;  
So'pi sabbama tathākāsi, rājāno agamā iti.
52. Āruhiṃsu janā nāvaṃ, ekaṃ katvā narādhipaṃ;  
So taṃ senaṅgamādāya, māṇo gantuṃ samārabhi.

53. Kevalo'pi samuddo so, ahobhi nagarūpamo;  
Atha so paṭṭanaṃ patvā, otarivā savāhano.
54. Vissāmetvā balaṃ tattha, vasaṃ katipaye dine;  
Uttaraṃ desamādāya, katvā hatthagataṃ janaṃ.
55. Akkhobbhiya mahāseno, nagaraṃ gantumārabhi;  
Potthakuṭṭhopi taṃ sutvā, paccuggaṅchi mahābalo.
56. Saṃgacchimsu ubho senā, bhinnavelā'va sāgarā;  
Māṇavammo tato hatthi-māruyha gahitāyudho.
57. Potthakuṭṭhañca rājānaṃ, dvedhā katvā palāpayi;  
Hatthadāṭhaṃ palāyantaṃ, disvā janapadā narā.
58. Sīsamassa gahetvāna, māṇavammaṃ dassayūṃ;  
Potthakuṭṭhopalāyitvā, merukandaramāgami.
59. Tato taṃ sāmiko disvā, sahāyo me ayaṃciraṃ;  
Tasmā na sakkā caḍḍetuṃ, āpade saraṇāgataṃ.
60. Sāmīno ca sahāyassa, niddosohaṃ kathaṃ bhava;  
Iti cintiya pūvaṃ so, savisaṃ khādiyā'mari.
61. Kuṭṭhakopi ca teneva, khāditvā pūvakaṃ mato;  
Māṇavammaṃ tassevaṃ, dīpo āsi akaṅṭako.
62. Māṇavammo tato dīpe, chattaṃ ussāpayi tadā;  
Vārento viya teneva, dukkhaṃ dīpe janassa so.
63. Puññakammāni so'kāsi, anagghāni bahūni ca;  
Samattho kōhi taṃ sabbaṃ, vattuṃ paṭipadaṃ naro.
64. Kappagāmvhayañceva, tathā sepaṇṇināmakāṃ;  
Padhānarakkhe ca sirīṃ, sirīsaṅghādi bodhike.
65. Pāsādaṃ sova kāresi, pasādāvahamuttamo;  
Chādesi lohapāsādaṃ, thūpārāmagharaṃ tathā.
66. Thūpārāme ca pāsādaṃ katvā'dā paṃsukūlinaṃ;  
Jiṇṇakaṃ paṭisaṅkhāsi chattaṃ cetiyamuddhani;  
Bahavo jiṇṇakāvāse tattheva paṭisaṅkhari.

[Ettha māṇavammaṃ rajjakathāya ūnatā dissati. Ito paṭṭhāya aggabodhissa rajjapaṭibaddhā kathā vira khāyati.]

## Chacattālīsatiṃ pariccheda

1. ...Vāsaṃ-katvā sulabhapaccayaṃ;  
Dāsi dhammarucinaṃ so, rājīnī dīpakampi ca.
2. Kāretvāna paricchedaṃ, mahānettādi pādikaṃ;  
Tesameva adā koḷu-vāte so devatissakaṃ.
3. Vahatthale ca so katvā, kadambagonanāmakāṃ;



Devapāḷimhi katvāna, gīrivhanagaram tathā.

4. Katvā antarasobbhamhi, devanāmaṃ vihāraṃ;  
Rājamātikamārāmaṃ, katvā' dā paṃsukūlinam.
5. Gokaṇṇakavihāre'kā, padhānagharameva ca;  
Jiṇṇagehañca kāresi, vaḍḍhamānakabodhiyā.
6. Saṅghamittavhaye ceva, aññattha ca mahāyaso;  
Tattha tattha vihāresu, navakammamakārayi.
7. Chabbīsati sahasāni, suvaṇṇānaṃ samappiya;  
Jiṇṇāni paṭisaṅkhāsi, rājā cetiyapabbate.
8. Tālavatthuvihārañca, kāretvā paṇṇabhataṃ;  
Vihārassa mahāsenā-narindavhassa dāpayi.
9. Goṇḍigāmikavāpiñca, chinnaṃ bandhi yathā purā;  
Dānabhaṇḍaṇca so sabbam, sabbesaṃ dāsi pāṇinaṃ.
10. Uposathaṃ upavasati, saddhiṃ dīpajanehi so;  
Dhammañca tesam deseti, dātuṃ lokuttaram sukham.
11. Kammaṃ sovaggiyaṃ tassa, rajje sabbo samācari;  
Yaṃ karoti mahīpālo, taṃ tassa kurute jano.
12. Tasmā rājā mahāpañño, dhammameva samācare;  
So nivutthanivutthamhi, ṭhāne hoti mahāyaso.
13. Sampattaparivāro ca, ante gacchati nibbutiṃ;  
Attatthañca paratthañca, tasmā passeyya buddhimā.
14. Attanā yadi ekena, vinitena mahājanā;  
Vinayaṃ yanti sabbepi, kotaṃ nāseyya paṇḍito.
15. Payogo yo hi sattānaṃ, lohadvaya hitāvaho;  
So tena akato natthi, rattandivamatandinā.
16. Attano so nivatthāni, vatthāni sukhumāni ca;  
Paṃsūkūlikabhikkhūnaṃ, cīvaratthāya dāpayi.
17. Aṭṭhānaviniyogopi, saṅgaho vā virūpako;  
Sāvajjo paribhogo vā, tassa nāhosi sabbaso.
18. Ye ye sattā yadā hārā, tesam taṃ taṃ sadāpayi;  
Ye yena sukhī honti, te te tena sukhāpayi.
19. Evaṃ puññāni katvāna, chabbassāni narādhipo;  
Agamā devarājassa, santikaṃ santiyāvaho.
20. Atha tassa nujo rājā, kassapo hoti khattiyo;  
Samattho rajjabhārassa, vahituṃ pubbavuttino.
21. Pitā viya niyaṃ puttam, so saṅgaṇhi mahājanaṃ;  
Dānena peyyavajjena, atthassa cariyāya ca.

22. Ṭhānantarañca dāpesi, tassa tassa yathārahaṃ;  
Sayamaṃ bhuñjittha bhogepi, sabbadukkhavivajjito.
23. Gṭhinañceva bhikkhūnaṃ, brahmaṇānañca khattiyo;  
Vattāpayi sakāvāre, māghātañceva kārayi.
24. Macchatitthe duve ceva, āvāsaṃ heligāmakamaṃ;  
Vaṇijjagāmamārāmaṃ, kassapādīgiriṃ tathā.
25. Tathā ambatanavhañca, padhānaghara muttamaṃ; Bhogagāmañca...  
[Etthakassapassa rajjapaṭibaddhāya kathāya ūnatā dissati.]
26. Tesamaṃ sabbakaniṭṭhopi, mahindo nāma khattiyo;  
Sampattarajjo nāhosi, rājā rajja dhurandharo.
27. Tassapi kira nilavho, sahāyo cīrasatthuto;  
Mato pubbeva tasmā, so saranto taṃ na icchitaṃ.
28. Ahorajjampi dīpamhi, na maññittha sukhāvahaṃ;  
Abhāvena sahāyassa, sahāyā'tīva dullabhā.
29. Teneva vuttaṃ muninā, dhammā yekeci lokiyā;  
Tathā lokuttarā ceva, dhammā nibbānagāmino.
30. Kalyāṇamittaṃ āgamma, sabbe te honti pāṇinaṃ;  
Tasmā kalyāṇamittesu, kattabbo'ti sadā daro.
31. Ādipādova so tasmā, hutvā rajjamaṃ vicārayi;  
Pāletumyeva dīpamhi, jivanto viya pāṇino.
32. Kassapassa sabhātussa, puttaṃ so aggabodhikamaṃ;  
Ṭhapetvā oparajjamhi, datvā bhogamanappakamaṃ.
33. Desamaṃ datvāna pācinaṃ, vasitumaṃ tattha pesiya;  
Desamaṃ dakkhiṇamādāsī, rāja puttassa attano.
34. Mahāpāḷimhi dānañca, dāpesi dasavāhaṇamaṃ;  
Sabbe bhoge same'kāsi, yācanānaṃ saha'ttanā.
35. Adatvā yācakānaṃ so, nu kiñci paribhuñjati;  
Bhuttaṃ vā satiyā deti, dvi guṇamaṃ attabhuttato.
36. Sakanāmaṃ sakāresi, bhikkhunī na mupassayaṃ;  
Pādānagaragallañca, ārāma mariyādakamaṃ.
37. Mahindataṭamaṃārāmaṃ, sampatta catupaccayaṃ;  
Aññaṃpi bahudhā kāsi, puññaṃ puññaṃguṇerato.
38. Tiṇī vassāni kāretvā, rajjameva mahāmati;  
Gavesanto sahāyamaṃ'va, devalokamupāgami.
39. Vasanto dakkhiṇe dese, aggabodhi kumārako;  
Kenāpi karaṇīyena, nagamaṃ āgato ahu.
40. Tasmimaṃ tattha vasantamhi, ādipādo mahindako;  
Mato āsi tato tassa, rajjamaṃ hatthagataṃ ahu.

41. So taṃ haṭṭhagaṭaṃ katvā, saṅṭhapetvāna sāsanaṃ;  
Pācina desapatino, aggabodhissa pesayi.
42. Sa āgantvā ahu rājā, silāmeghoti saññito;  
Oparajje kumārañca, abhisīcīttha bhūpati.
43. So rājā naṃ niyojetvā, cintā bhāraṃ vimuñciya;  
Bhoge bhuñjatha tumheti, sayaṃ rajjaṃ vicārayi.
44. Yathāyogaṃ janassesa-kāsi niggahasamgahe;  
Dese ubbinayaṃ sabbaṃ, maggaṃ pāpesi cakkhumā.
45. Evaṃ tesu vasantesu, otāraṃ pāpakammino;  
Na labhantā vicintesuṃ, bhinditabbā ime iti.
46. Rājānamupasaṅkamma, avocuṃ pisunaṃ raho;  
Tuvaṃ rājāsi nāmena, rājā añño sabhāvaho.
47. Uparājā ayaṃ rajjaṃ, gaṇhissati mahājanaṃ;  
Saṅgayha na cireneva, hoti rājā na saṃsayo.
48. Taṃ sutvāna mahīpālo, paribhijji kumārake;  
Kumāropi vidhitvā taṃ, coro hutvāna rājindo.
49. Palāyitvā sakaṃ desaṃ, saṅgaṇhitvā tahiṃ jane;  
Mahantaṃ balamādāya, kātuṃ saṅgāma mārabhi.
50. Kadalyādinivātamhi, saṅgāmo bhiṃsano ahu;  
Gato tattha parājītvā, kumāro malayaṃ vaso.
51. Tato rājā kataññū so, upakāraṃ sabhātuno;  
Cintetvā rajjadānādiṃ, paridevittha pākaṭaṃ.
52. Kumāropi ca taṃ sutvā, ahosi muducittako;  
Evaṃ te aññamaññassa, siniddhantaṃ pakāsayaṃ.
53. Rājā gantvā sayamyeva, malayaṃ ekako vaṃso;  
Kumāraṃ taṃ samādāya, āgamīttha sakaṃ puraṃ.
54. Hoti nissamsayaṃ [evaṃpi citto] atīva so;  
Vivāhaṃ tena kāresi, dhītaraṃ saṅghanāmikaṃ.
55. Tāya saddhiṃ vasanto so, vissattho tena rājīnā;  
Pahāraṃ tāya pādāsi, duṭṭho dosamhi kismiṃci.
56. Pitarāṃ sā upāgamma, karuṇaṃ roditampati;  
Akāraṇe maṃ māreti, dinno vo sāmiko iti.
57. Sopi taṃ sutamatteva, dukkataṃ vata me iti;  
Pabbājesi lahuṃ gantvā, bhikkhūnī na mupassayaṃ.
58. Aggabodhisanaṃmotha, tassā mātula puttako;  
Sucireneva kālena, tassaṃ sā rattamānaso.
59. Kālo'yanti viditvāna, tamādāya palāyituṃ;  
Aññato taṃ gahetvāna, gato ekova rohaṇaṃ.

60. Aggabodhiṃ narindo so, aggabodhi namādiya;  
Aggabodhiṃ nihantum taṃ, rohaṇaṃ tamupāvīsi.
61. Aggabodhi nisedhetvā, aggabodhiṃ sabhātaraṃ;  
Apare pabbate hantu-maggabodhiṃ sayaṃ gato.
62. Kasiṇaṃ rohaṇaṃ hattha-gataṃ katvā mahā balo;  
Yujjhivā tena taṃ gaṇhi, bhariyaṃ saṅghamattano.
63. Tato paṭṭhāya sukhitā, samaggā te tayo janā;  
Vissatṭhā aññaṃaññesu, vihariṃsu yathāruciṃ.
64. Vāpāraṇiṃ akārāmaṃ, tathā māṇaggabodhikaṃ;  
Sabhattuddesabhogañca, vihāre atiyuttare.
65. Hatthi kucchivihāre ca, vihāre puna piṭṭhike;  
Mahādīpariveṇe ca, pāsāde vāhadīpake.
66. Thūpārāmaṃhi gehassa, dvāre ca pariḷḷaṇḍake;  
Kāsi pākātikaṃ tattha, thambhe ca parivattayi.
67. Evaṃ katvāna puññaṇi, puññaṇi ca yathābalaṃ;  
Cattālīsatiṃ vasse, yathākamma mupāgami.
68. Athoparājā rājā'si, aggabodhi sirīdharo;  
Tanayo so mahindassa, ādipādassa dhīmato.
69. Sāsanampi ca lokañca, saṅgaṇittha yathārahaṃ;  
Oparajje'bhisiñcattha, mahindaṃ puttamattano.
70. Mahābodhissa kāresi, gharaṃ jiṇṇaṃ navaṃ thiraṃ;  
Ārāme dve ca kāresi, kaḷandaṃ mallavātakaṃ.
71. Dhammakammehi sakkaccaṃ, sodhesi jinasāsaṇaṃ;  
Vinicchananto dhammena, chindi kūṭṭakārake.
72. Bhesajjañca gilānānaṃ, maṅgalaṃ cāvamaṅgalaṃ;  
Laṅkādiṇḍiṃ sakale, sayameva vicārayī.
73. Salākabhattaṃ dāpesi, nikāyattaya vāsinaṃ;  
Bhojanaṃ paṃsukūlīnaṃ, attayoggaṃ mahārahaṃ.
74. Evamādīni katvāna, puññaṇi sasayaṃ vasī;  
Cuto'si chahi vassehi, pulatthinagare vasaṃ.
75. Tato pubbeva tassāsi, putto so yuvarājako;  
Mato kira tato rajjaṃ, aputtaṃ taṃ tadā ahu.
76. Putto mahindo nāmā'si, silā meghassa rājino;  
Rajjayoggo mahāpuñña, lokasaṅgaṇha nakkhama.
77. Tassa jātadineyeva, rājā nakkhattapāṭhake;  
Pucchitvā rajjayoggoti, sutvā tehi viyākataṃ.
78. Datvā tesāṃ dhaṇaṃ sādhu, pavattiṃ taṃ nigūhayi;  
Atha naṃ so vayappattaṃ, katvā senāpatiṃsakaṃ.

79. Rajjaṃ vasseva katvāna, sabbaṃ hatthe sayamaṃvasī;  
So dhammena vicāresi, rāja kiccaṃ mahāmati.
80. Matepi tasmim̐ tasmā so, aggabodhābhiddhānino;  
Senāpaccaṃ na gaṇhittha, nayaññū tassa hatthako.
81. Tadā kenaci gantvā so, karaṇīyena rājino;  
Samuddatīre vasati, mahātitthamhi paṭṭane.
82. Sutvā so cūlapituno, maraṇaṃ vegasā'gamā;  
Corā rajjaṃ gahetvāna, nāseyyumaṃ nagaraṃ iti.
83. Tato uttaradesamhi, maṇḍalīkā saraṭṭhiyā;  
Acchinditvāna taṃ desaṃ, chinnarājakaṃ karuṃ.
84. So taṃ sutvā mahāseno, gantvā uttaradesakaṃ;  
Sabbe nimmathayitvāna, maṇḍalī kesaraṭṭhiye.
85. Gantvā rañño mataṭṭhānaṃ, disvā devimaṃ parodiya;  
Assāsetvā yathākālaṃ, idaṃ vacanamabravi.
86. Mācintesi mahādevī, mato me sāmiko iti;  
Rakkhissāmi ahaṃ dīpaṃ, tumhe rajjaṃ karissatha.
87. Tuṇhibhūtā' dhivāsetvā, piyasā pāpabuddhikā;  
Raho yojayī taṃ hantuṃ, vatthukāmā yathāruciṃ.
88. Senāpati taṃ ñatvāna, tassā'rakkhaṃ vidhāya so;  
Taṃ pakkhiyehi yujjhitvā, palāpesi mahājanaṃ.
89. Tato devimaṃ sabandhetvā, pakkhipitvāna yānake;  
Ādāya taṃ puraṃ gantvā, rajjaṃ gaṇhi sasādhanam̐.
90. Atthi dappuḷa nāmo'pi,  
Silā meghassa rājino;  
Bhāgineyyo mahāseno,  
Ādipādo mahā dhano.
91. So senaṃ sannipātetvā, vasanto kālavāpiyaṃ;  
Kātuṃ saṅgāma māgañchi, saṅgagāmapadesakaṃ.
92. Senāpati pavattiṃ taṃ, sutvā sampannavāhano;  
Deviñca taṃ samādāya, agamā tattha sajjukaṃ.
93. Tesam̐ tatthasi saṅgāmo, ubhinnaṃ lomahaṃsano;  
Ādipādo tadāsenam̐, ohīyantaṃ samekkhiya.
94. Palāyitvā āruhittha, acchaseḷaṃ savāhano;  
Palāpetvāna taṃ tattha, senāpati sukhaṃ vasi.
95. Suññaṃti nagaraṃ sutvā, maṇḍalīkāpi uttare;  
Dese sabbe samāgama, aggahesumaṃ puraṃ tadā.
96. So hi te paṭibāhesi, sūro dhīraparakkamo;  
Athāgama puraṃ rajjaṃ, vicāresi yathānayaṃ.

97. Bhikkhusaṅghassa lokassa, macchānaṃ migapakkhināṃ;  
Ñātīnaṃ balakāyassa, kattabbaṃ sabbamācari.
98. Pacchā anu balappatto, dappulo malayaṃ gato;  
Bhāgineyyo duve ceva, pakkosivāna rohaṇā.
99. Raṭṭhe janapade sabbe, ādāya bahuvāhano;  
Rattiyāṃ puramāgamma, samuddo viya otthari.
100. Balakāyo puraṃ rundhi, ugghosento samantato;  
Hesitena turaṅgānaṃ, koñcanāde nadantinaṃ.
101. Tālāvacara saddānaṃ, kāhaḷānaṃ ravena ca;  
Gajjitena bhaṭṭānaṃ, ākāsaṃ na tadā phali.
102. Tadā senāpati disvā, mahāsenāṃ pamodiya;  
Ārocesi avattimā taṃ, balakāyassa attano.
103. Rājaputtā tayo ete, mahantaṃ balamādiya;  
Nagaraṃ no'parundhiṃsu, kintu kattabba mettha vo.
104. Evaṃ vuttā tamāhaṃsu, sūrā tassa raṇatthino;  
Devāsevā dineyeva, sevakānaṃ na jīvitaṃ.
105. Evaṃ bhūte sace kāle, ohīnā jīvibhatthino;  
Posesi sāmi kiṃ kāla-mettakaṃ no yathā sukhaṃ.
106. Vutte evaṃ saussāho, balaṃ sajjīya rattiyāṃ;  
Uggate aruṇe hatthi-māruyha katakammaṃ.
107. Dvārene'kena nikkamma, patanto asanī viya;  
Saddhiṃ yo dhasahasseehi, saṅgāmaṃ kāsi dussahaṃ.
108. Balaṃ taṃ ādipādassa, nipphoṭetvā tato tato;  
Sannipātiya ekajjhaṃ, niyattimā sampavedayi.
109. Hatāvasese ādāya, ādipādopi dappulo;  
Pubbaṇheva parājivā, palāyivā'ga rohaṇaṃ.
110. Rājaputte duve ceva, rohaṇamhā tadā gate;  
Jīvaggāhaṃ sagāhetvā, te ādāya puraṃ gato.
111. Evaṃ pattajayo sūro, dīpe jāte nirākule;  
Pācinadesaṃ sādhetuṃ, pesayittha savāhane.
112. Tepi gantvāna desaṃ taṃ, uttaraṃ desameva ca;  
Sādhayitvā'cireneva, saṅgahesumaṃ mahābalaṃ.
113. Rājāpi taṃ mahādeviṃ, bhariyaṃ kāsi attano;  
Pariccattuṅca māretuṃ, na sakkāyanti cintiya.
114. Tesāṃ saṃvāsamanvāya, gabbho āsi patitthito;  
Puttaṃ vijāyi sādhaṅṅa-puṅṅalakkhaṇasaṅṅuttamaṃ.
115. Raṅṅo sā'tipiyā āsi, tato paṭṭhāya sopi kho;  
Puttassa tassa pādāsi, oparajjaṃ sabhogiyaṃ.

116. Țhitā pācinadesamhi, ādipādā nisammatam;  
Vinā so'yanti amhākaṃ, ubho hutvāna ekato.
117. Dvīsu passesu senaṅca, samādāya mahādhanam;  
Sandhiṃbhātaramāhūya, katvārohaṇa desato.
118. Gaṅgātīramhi vāsam te, kappayimsu mahabbalā;  
Rājā sabbaṃ nisamme'tam, maṅḍalīke tahiṃ tahiṃ.
119. Ārādhētā gahetvāna, duṭṭhe māriya kecana;  
Rakkhaṃ datvāna nagare, kattabbaṃ sādhujojiya.
120. Mahāsenanṅamādāya, mahesiṅca tamādiya;  
Khandhāvāraṃ niveseti, mahummāramhi gāmake.
121. Tassāgamanamaññāya, ādipādāpi te tayo;  
Koviḷāravhaye gāme, mahāyuddhaṃ pavattayum.
122. Atha rājā mahāseno, samugghātesī taṃ balaṃ;  
Dappuḷo so palāyittha, ādi pādā duve hatā.
123. Tatthāpi laddhavijayo, puramāgammabhūmipo;  
Rājakkiccam vicāresi, mahādānaṃ pavattayī.
124. Mahābodhi dumindassa, mahācetittayassa ca;  
Dhātūnampi ca sakkaccaṃ, mahāpūjāmakārayī.
125. Rohaṇaṃ samupāgamma, dappuḷo so tamāgato;  
Balaṃ sampaṭipādesī, yujjhitaṃ puna rājinā.
126. Rājā so puttānattānaṃ, desaṃ kātuṃ nirākulaṃ;  
Thūpārāmaṃhi sabbepi, sannipātiya bhikkhavo.
127. Aññepi ca mahāpaññe, yuttā yuttivīsārade;  
Rājadhāmmesu sabbesu, nipuṇo nayakovido.
128. Ārocetvā pavattiṃ taṃ, tehi sammā pakāsīto;  
Caturaṅgamahāseno, sabbūpakaraṇānugo.
129. Dīpe sabbattha yojetvā, kattabbaṃ nagarepi ca;  
Nikkhanto na cireneva, agamā mārapabbataṃ.
130. Sammadditvāna taṃ desaṃ, khippaṃ pabbatamāruhī;  
Taṃ disvā rohaṇe sabbe, bhītā taṃ vasamāgamum.
131. Tato sandhiṃ karitvāna, dappuḷena sadappako;  
Hatthī asse ca maṇayo, gahetvā tassa hatthato.
132. Gāḷhagaṅgaṅca katvāna, sīmaṃ rohaṇabhoginaṃ;  
Oragaṅgaṃ samādāya, rājabhogamakārayī.
133. Dīpamevaṃ mahātejo, katvā vigatakaṅṭakaṃ;  
Ekātapatto āgamma, puraṃ vasi yathāsukhaṃ.
134. Pariveṇaṃ sakāresi, rājā dāmaṃvihāraṃ;  
Tathā sanniratitthaṅca, pulatthinagare vibhū.

135. Mahālekhañca kāresi, pariveṇamabhayā cale;  
Tathā ratanapāsādaṃ, tatheva sumanoharaṃ.
136. Anekabhūmaṃ kāretvā, vejayantamivāparaṃ;  
Tathā satasahasseehi, tīhi ceva mahādhano.
137. Jambonadatuvaṇṇassa, sahasseehi ca saṭṭhihi;  
Bimbaṃ satthussa kāretvā, nagghaṃ cūḷamaṇiyutaṃ.
138. Pūjaṃ sabbopahārena, kāretvāna mahārahaṃ;  
Pāsādamahane sabbāṃ, rajjaṃ ossajji attano.
139. Bodhisattañca kāretvā, rājānaṃ sumanoharaṃ;  
Saṅghapitthasilā meghe, cāruṃ bhikkhūnupassaye.
140. Thūpārāmaṃhi thupassa, kāsi sovaṇṇakañcukaṃ;  
Paṭṭaṃ katvā vicitatthaṃ, rajataṃ antarantarā.
141. Tasmimyeva ca pāsādaṃ, pariḷḷaṇṇaṃ sakārayi;  
Abhidhammaṃ kathāpesi, kārapetvā mahāmahaṃ.
142. Mahātherena satimā, hemaśālinivāsina;  
Tattha pokkharāṇiñcassa, paribhogāya kārayi.
143. Jiṇṇe devakūle katvā, bahuke tattha tattha so;  
Devānaṃ paṭimāyo ca, kārayittha mahārahā.
144. Brāhmaṇānañca datvāna, paccagghaṃ rājabhojanaṃ;  
Pāyesi khīraṃ sovaṇṇa-taṭṭakehi sasakkharaṃ.
145. Usabhe paṅgulānañca, jīvikañca sadāpayī;  
Damiḷānantu pādāsi, asse goṇe agaṇhataṃ.
146. Anāthā ye salajjā ca, te ca saṅgaṇhi so raho;  
Asaṃgahito dīpamhi, natthi tena yathārahaṃ.
147. Dātābhoti kathaṃ gunna-mahāro so vicintiya;  
Sasse khīragate'dāsi, tesāṃ khettasahassake.
148. Kāḷavāpimhi so vāri-sampātaṃ kārayi thiraṃ;  
Puñṇamevaṃ vidhaṃ tassa, appameyyaṃ bahuṃ kira.
149. Tassa putto tadā āsi, yuvarājā divaṅgato;  
Jāto senāpati kāle, aparō atthi dārako.
150. Taṃ rājā rājaputtehi, bhīto rājāraho iti;  
Māretuṃ taṃ na sakkonti, vaḍḍhapesi yathā tathā.
151. Arīhi nagare ruddhe, pitaraṃ so kirekadā;  
Upasaṅkamma yācittha, saṅgamāvacaraṃ gajaṃ.
152. So dāpesi mahānāgaṃ, ghoraṃ māraḥarūpamaṃ;  
Katahatthaṃ balañceva, sabbāyudha visāraḍaṃ.
153. Kāloyamīti mantvā so, bandhitvā churikaṃ tadā;  
Kuñjaraṃ varamāruyha, nikkhamma nagarā bahi.



154. Viddhamsetvā balaṃ sabbaṃ, dujjayaṃ jayamaggahī;  
Rājā disvā pasanno taṃ, senāpaccañca tassa' dā.
155. Esova kira gantvāna, sabalo desamuttaraṃ;  
Palāpesi sasenāṃ taṃ, ādipādañca dappulaṃ.
156. Baddhaverō tato'hosi, dappuḷo tamhi sādhuḷkaṃ;  
Mahāummārayuddhamhi, disvā tamatikodhavā.
157. Sīghaṃ pesesi taṃ hantuṃ, hatthimāruḷhamattanā;  
Ovijjihiya palāpesi, tamesa sakadantīnā.
158. Disvā tamatisantuṭṭho, aññesañca abhāvato;  
Rajjayoge adā tassa, uparājattamattano.
159. Evaṃ vīsati vassāni, dīpametaṃ subhuñjiya;  
Vipākaṃ puññakammassa, bhuñjituñca divaṅgato.
160. Evaṃ anekehi nayehi thaddhā;  
Janassa dukkhehi virūpakehi;  
Bhogā vinassanti khaṇe na sabbe;  
Aho tahiṃyeva ramanti bālā.

Sujanappasādasamvegatthāya kate mahāvamse

Cha rājako nāma

Chacattālīsatisimo paricchedo.

## Sattacattālīsatisima pariccheda

### Pañcarājako

1. Accaye pituno rājā, uparājā ahosi so;  
Samattho sakkumittānaṃ, kātuṃ niggaha saṃgahe.
2. Senā nāmāsi sappaññā, mahesī tassa rājino;  
Khuddaputtā piyā'tīva, rañño kalyāṇadassanā.
3. Adāsi yuvarājattaṃ, jeṭṭhaputtassa attano;  
Ādipāde'parekāsi, rājiniṃpi ca dhītarō.
4. Datvā ṭhānantaraṃ rājā, tesāṃ tesāṃ yathārahaṃ;  
Janaṃ saṅgahavatthūhi, saṅgahesi catūhipi.
5. Atha kenāpi so gantvā, hetunā maṇihīraḷkaṃ;  
Vasanto kira assosi, paccanto kupito iti.
6. Tato senāpatiñceva, jeṭṭhaputtañca attano;  
Gantvā sādhettha taṃ desa-mīti pesesi sajjukaṃ.
7. Tesu tatthopayātesu, pisunā bhedacintakā;  
Vatvā yaṃkiñci bhindiṃsu, te ubhopi narādhipe.
8. Tato dve verino hutvā, desaṃ gaṇhitumārabbhuṃ;

Rājā sutvā khaṇeneva, duratissa mupāgami.

9. Te ubho tattha ghātetvā, tesam sabbam samādiya;  
Hantvā tam pakkhiye sabbe, puḷatthinagaraṃ gami.
10. Tadā rohaṇadesamhi, bhogādhipatino suto;  
Dāṭhāsivādipādassa, mahindo nāma khattiyo.
11. Pituno so' pariijhitvā, rañño santikamāgamā;  
Disvā rājāpi santuṭṭho, tam saṅgaṇhi yathārahaṃ.
12. Tena mettiṃ thiraṃ kātuṃ, dhītaraṃ deva nāmikaṃ;  
Tassa datvāna pāhesi, balaṃ rohaṇamevaso.
13. So gantvā rājasenāya, maddāpetvāna rohaṇaṃ;  
Jambudīpaṃ palāpetvā, pitaraṃ rohaṇaṃ labhi.
14. Mahāvihāre kāresi, salākaggaṃ thiraṃ subhaṃ;  
Kholakkhiyamunindassa, parihārāya dāpayi.
15. Mahānāmavhayaṃ gāmaṃ, pūjayitvā yathābalaṃ;  
Vaḍḍhamānadumindassa, jīṇṇaṃ gehaṇca kāriya.
16. Rukkhaṇatthāya tassā;dā, koṭṭhāgāmaṃ bahudayaṃ;  
Nīlārāmassa pādāsi, kāḷussaṃ nāma gāmakaṃ.
17. Loharūpassa pādāsi, ārāmassa ca gāmakaṃ;  
Jīṇṇaṇca paṭisaṅkhāsi, paṭimāyo ca kārayi.
18. Pāsāde cetiyo ceva, vihāre ca anappake;  
Puḷatthinagare'kāsi, vejjasālaṃ mahādayo.
19. Tathā paṇḍā viyañceva, bhogagāmasamāyutaṃ;  
Piṭṭhasappinamandhānaṃ, sālāyo ca tahiṃ tahiṃ.
20. Potthakesu likhāpetvā, aṭṭe sammā vinicchite;  
Rājagehe ṭhapāpesi, ukkoṭanabhayena so.
21. Nāgavaḍḍhananāmassa, bhogagāme bahū adā;  
Lekhe'pubbe na vāretvā, pāletvā pubbasānaṃ.
22. Pitarā ca mahādānaṃ, puññaṃaññaṃpi vā kataṃ;  
Sabbam tamavināsetvā, niccam so rakkhi sādaro.
23. Mahesī ca mahārañño, puññaṇi bahukārayi;  
Kaṇṭakaṃ cetiyaṃ kāsi, devī cetiyapabbate.
24. Kāretvā jayasenaṇca, pabbataṃ gāmikassadā;  
Bhikkhusaṅghassa sā gāmaṃ, mahummāraṇca tassa dā.
25. Silāmeghahayaṃ katvā, bhikkhunīnamupassayaṃ;  
Silāmeghahaye dāsi, bhikkhunīnaṇca paccaye.
26. Gāmāye'suṃ purākītā, vihāro tattha sādhanam;  
Datvā te me cayitvāna, vihārasseva dāpayi.

27. Chādayitvā mahārukkhe, sabbe cetiyapabbate;  
Nānārāge dhaje ceva, paṭākāyo ca pūjayi.
28. Pubbārāmakabhāgampi, pāsādaṃ paṭisaṅkhari;  
Ussānaviṭṭhiṃ dubbhogaṃ, subhogaṃ tassa kārayi.
29. Vihāraṃ giribhaṇḍaṅca, naṭṭhaṃ pākatikaṃ kari;  
Bhogagāme ca dāpesi, bhikkhūnaṃ tannivāsinaṃ.
30. Ambuyyānamhi āvāsaṃ, katvā dappuḷapabbataṃ;  
Bhikkhūnaṃ tisaṭassā' dā, sampannacatuḷaccayaṃ.
31. Kāretvā nīlagallaṅca, ārāmaṃ so manoramaṃ;  
Dakavāraṃ bahuppādaṃ, tassa dāpesi kāriya.
32. Arikāri vihāre ca, paṭisaṅkhāsi jiṇṇakaṃ;  
Salākaggaṅca pāsādaṃ, apubbaṃyeva kārayi.
33. Vāhadīpe sakāresi, senaggabodhipabbataṃ;  
Dhammaṃ tīsu nikāyesu, vācayittha bahussute.
34. Gaṇhāpesi ca bhikkhūnaṃ, ayopattesu gaṇṭhike;  
Puññanti vuttaṃ sabbaṃ so, na kiñci parivajjayi.
35. Kulīnānāmanāthānaṃ, itthīnaṃ' dā piḷandhanaṃ;  
Bhojanaṃ bhojanatthīnaṃ, bahu so dāsi rattiyaṃ.
36. Gunnaṃ sassāni pādāsi, kākādīnaṅca bhattakaṃ;  
Taṇḍulaṅca kumārānaṃ, madhuphāṇitasamḃyuttaṃ.
37. Evaṃ puññāni katvāna, narindo so sapāriso;  
Bhutvā pañcasu vassesu, mediniṃ sampariccaji.
38. Tato tassa suto āsi, sīhaḷānaṃ rathesato;  
Sabbarūpaṅuḷopeto, mahindo nāma khattiyo.
39. So dhammikasilāmegho, iccāsi dharaṇītale;  
Dhammadīpo dhammadhajo, suddhadhammaparāyano.
40. Pubbakehi narindehi, kataṃ dhammapathānugaṃ;  
Sabbāṃ kāsī ahāpetvā, adhammaṃ tu vivajjayi.
41. Rājāratanaḷpāsāde, kātuṃ so navakammaṃ;  
Sabbakālesu dāpesi, geṭṭhumbadakaḷvāraṃ.
42. Jiṇṇaṅca paṭisaṅkhāsi, puññakammamakāsi ca;  
Rajjaṃ katvāna catūsu, vassesu nidhanaṃ gato.
43. Aggabodhi tato rājā, chattaṃ ussāpayi pure;  
Kārento sabbasattānaṃ, hitaṃ sukhamasesato.
44. Dhātupūjaṃ sakāresi, satthusabbagaṇārāhaṃ;  
Pitāmahakatassā' pi, sambuddhassa mahāmahaṃ.
45. Udayaggādibodhiṅca, pariveṇaṃ sakārayi;  
Nāmaṃ gahetvā pituno, attano ca narādhipo.

46. Sabhogam parivenaṅca, katvā taṃ bhūtanāmakam;  
Sakācariyakassā'dā, bhikkhūnam tīsatassa ca.
47. Rājasālāya dāpesi, cūlavāpiyagāmakam;  
Gāmadvayaṅca dāpesi, kāḷulamallavātake.
48. Pavesam vinivāresi, uposathadinesu so;  
Macchamaṃsasurādīnam, antonagaramattano.
49. Bhikkhū vā cetiye vā so, vanditvā nikkhamam tato;  
Vālukā hā vinassantu, iti pādesu vodhayī.
50. Yam yam sovaggiyam kammam, kammam nissaraṇavaham;  
Vatthuttaye pasanno so, kammam taṃ sabbamācari.
51. Mātupaṭṭhānanirato, rattindivamahosiso;  
Gantvā tassā upaṭṭhānam, pātova kira bhūpati.
52. Sīsam telena makkhetvā, ubbaṭṭetvāna jallikam;  
Nakhe visuddhe katvāna, nahāpetvāna sādaram.
53. Acchādetvā navam vattham, sukhasamphassamattano;  
Vattham chaḍḍitamādāya, pelletvā sayameva taṃ.
54. Tassa toyena siñcitvā, sīsam samakuṭam sakam;  
Gandhamālāhi taṃ sammā, cetiyam viha pūjīya.
55. Namassitvāna tikkhattum, katvā taṃ so padakkhiṇam;  
Dāpetvā parisāya'ssā, vatthādīni yathāruciṃ.
56. Sahattheneva bhojetvā, bhojanam taṃ mahāraham;  
Bhutthāvesam bhuñjitvā, samākiriyaṃmatthake.
57. Bhojetvā parisam tassā, rājabhojanamuttamam;  
Sajjetvā vāsagehaṅca, sugandhaparivāsitaṃ.
58. Sahatthā pañṇāpetvāna, sayanam tattha sādhamam;  
Pāde dhoviya makkhetvā, gandhatelena saṅhamam.
59. Sambāhento nisīditvā, katvā niddamupetakam;  
Katvā padakkhiṇam mañcam, tikkhattum sādhuvaṇḍiya.
60. Ārakkhake niyojetvā, dāsekammakarepi ca;  
Tassā piṭṭhimakatvāna, apakkameva piṭṭhito.
61. Ṭhatvā adassane ṭhāne, tikkhattum puna vaṇḍiya;  
Santuṭṭho tena kammena, saranto taṃ punappunam.
62. Geham yāti sajjīvantam, evameva upaṭṭhahi;  
Ekadā dāsavādena, vanditvā dāsamattano.
63. Tenattano kathāpesi, khamāpetum sayam vaco;  
Attānam bhikkhusaṅghassa, dāpayitvāna mātārā.
64. Dhanamatthagghanam ṇatvā, bhujisso āsi buddhimā;  
Evam puñṇāparo hutvā, katvā dīpassa saṅhamam.

65. Ekādasahi vassehi, devalokamupāgami;  
Tassānujo dappuḷo'tha, rājā hosi tadaccaye.
66. Sabbam pubbakarājūnaṃ, cariyam so samācari;  
Tadā mahindanāmassa, puttārohaṇasāmino.
67. Pitarā nihaṭā'gañchum, rājānaṃ mātulaṃ sakam;  
So te disvā pavattim taṃ, sutvā datvā mahābalaṃ.
68. Pāhesi pitarā yuddham, kātuṃ bandhu hite rate;  
Mahindopi tathābhāvaṃ, viditvā rohaṇādhipo.
69. Yuddham paṭipadeyeva, tesam'kāsi mahābalo;  
Te ubhopi palāyimsu, datvā senāya nāyakaṃ.
70. Punāgantvā mahīpālaṃ, sevamānā idhā'vasum;  
Pitāpi tena santuṭṭho, aññena sakabandhunā.
71. Yujjhanto maraṇam gañchi, ñātisopi mato kira;  
Tadā'dā bhāgineyyassa, rājā kittaggabodhino.
72. Sabbarūpaṇopetaṃ, dhitarāṃ deva nāmikaṃ;  
So dappulaṃ ṭhapetvāna, sevattaṃ tassa rājino.
73. Sayam senaṅgamādāya, rohaṇam samupāgami;  
Rohaṇādhipati hutvā, sabbākārasamappito.
74. Puttadhītāhi vaḍḍhento, vāsam tattheva kappayi;  
Rājākāsi dumindassa, gharaṃ jiṇṇam navaṃ thiraṃ.
75. Sovaṇṇakhacitaṃ kammaṃ, maṅgalena ca tassa so;  
Attano rājabhāvassa, satthupāramitāya ca.
76. Sammānucchavikaṃ katvā, mahāpūjaṃ pavattayi;  
Jiṇṇam kāresi pāsādaṃ, hatthikucchivihārake.
77. Vāhadīpassa ārāmaṃ, lāvarāvaṅca pabbataṃ;  
Vihāre jetanāme ca, katvā sovaṇṇayaṃ munim.
78. Vaḍḍhetvā bodhigehamhi, pūjamkāsi acintiyam;  
Anusamvaccharaṃ dīpe, vatthadānaṃ pavattayi.
79. Mahāpāḷiṅca vaḍḍhesi, bhattaggamavalokayī;  
Tulābhāraṅca dāpesi, jiṇṇaṅca paṭisaṅkhari.
80. Cārittaṃ pubbarājūnaṃ, pālesi manavajjiyam;  
Tassā'si vajiro nāma, senāpati mahāpati.
81. Kacchavālaṃ sakāresi, ārāmaṃ paṃsukūlinaṃ;  
Thūpārāmaṃhi thūpassa, gharaṃ chādesi sādhuṃ.
82. Iṭṭhakāhi suvaṇṇāhi, hemadvāre ca kārayi;  
Evaṃ soḷasavassāni, katvā rajjaṃ narādhipo.
83. Agamā sabbasattānaṃ, gantabbaṃ desameva so;  
Tasmim rājini sampatte, devalokaṃ tadā ahu.

84. Aggabodhisanāmo'tha, āṇābheriṃ carāpayi;  
Pitā tassa sabhātussa, puttāṃ mahindanāmakāṃ.
85. Rajjatthaṃ sakaputtānaṃ, ādipādaṃ na kārayi;  
Ādaraṃ so sabandhūnaṃ, kaniṭṭhānampi kātave.
86. Asahanto palāyittha, paratīraṃ samākulo;  
Te samāgamaṃ sutvā, pesayitvā mahābalaṃ.
87. Kāretvā yuddhametehi, sīsaṃ tesāṃ saganhayi;  
Nikāyesu vicāretvā, kattabbaṃ sabbameva so.
88. Dīpe'pi sakale kāsi, pāpācāranivāraṇaṃ;  
Bhikkhū cūlavihāresu, yāguṃ gaṇhanti sabbadā.
89. Mahāvihāre taṃ sutvā, rājā nibbinnamānaso;  
Kaṇṭhapiṭṭhimahāgāmaṃ tathā yābālagāmakāṃ.
90. Telagāmaṃ bahudañca, dakavāraṃ padāpiya;  
Yāguṃ gahetuṃ yojesi, vihāresu'pi bhikkhavo.
91. Tato paṭṭhāya taṃ yāguṃ, sabbe gaṇhiṃsu sādārā;  
Dīpe bheriṃca rāpetvā, sannipātiya yācake.
92. Suvaṇṇaṃ sopadāpesi, yathicchaṃ divasattayaṃ;  
Evamādiṃ sa katvāna, puñṇavaṃ vassehi tīhi ca.
93. Vatthuttayapasādassa, phalaṃ passitumattano;  
Rājā dibbena yānena, gacchanto viya so mari.
94. Evaṃ aniccā vata sabbadehino;  
Sabbaññūnopeva mupeti maccuṃ;  
Pahāya tasmā bhavarāgajātaṃ;  
Budho subuddhivibhave bhavye.

Sujanappasādasamvegatthāya kate mahāvamse

Pañcarājako nāma

Sattacattālīsatiṃ paricchedo.

## **Aṭṭhacattālīsatiṃ pariccheda**

### **Ekarājako**

1. Tato tassā'nujo seno, chattaṃ ussāpayi pure;  
Piyāṃ'va puttāṃ passanto, satte sabbe mahādhanā.
2. Cariyaṃ pubbarājūnaṃ, samācari yathābhattaṃ;  
Apubbampi ca vattesi, cariyaṃ dhammasamhitāṃ.
3. Bhikkhūnaṃ bhikkhūnīnañca, ñātīnaṃ dīpavāsinaṃ;  
Macchānaṃ migapakkhīnaṃ, kattabbaṃ sa samācari.
4. Mahindaṃ paratīraṃ so, gataṃ yojiyamārayi;

Evam so suvisodhesi, rajjapaccatthike'khile.

5. Mahādānaṃ pavattesi, yācakānaṃ dhanesinaṃ;  
Bhikkhūnaṃ brāhmaṇānañca, manuññaṃ rājabhojanaṃ.
6. Ahesuṃ anujātassa, mahindo kassapo tathā;  
Udayoti tayo tesu, mahindo yuvarājako.
7. Hutvā tassānuvattanto, sakkaccaṃ tamupaṭṭhahi;  
Saṅghānāmāsi rājassa, bhariyā tassa rājini.
8. Kīlanatthaṃ samuddassa, gate rājini paṭṭanaṃ;  
Udayo ādipādosso, ohīno nagare tadā.
9. Nālanāmaṃ gahetvāna, dhītaraṃ māṇilāniyā;  
Rakkhitaṃ rājarakkhāya, puḷatthinagaraṃ agā.
10. Rājā tasmiṃ akujjhitvā, sandhiṃ katvā akuppiyaṃ;  
Mahādīpādaṃ pesetvā, tosavā taṃ idhānaya.
11. Evaṃ samaggā te āsuṃ, tato paṭṭhāya khattiyā;  
Rakkhantā sāsanaṃ lokaṃ, vasimsu susamāhitā.
12. Tato kenaci kālena, paṇḍurājā mahābalo;  
Jambudīpā idhā'gamma, dīpa gaṇhitumārabhi.
13. Rājā sutvā mahāsenāṃ, pesuyittha tadantikaṃ;  
Amaccānaṃ vivādena, thaddhotāro nārādhipo.
14. Paṇḍurājā vināsento, sabbaṃ taṃ desamuttaraṃ;  
Khandhāvāraṃ nivesesi, mahātālitagāmake.
15. Vasantā damiḷā ettha, bahavo ye tahiṃ tahiṃ;  
Sabbe taṃ pakkhiyāhesuṃ, tato so balavā ahu.
16. Tattha gantā mahāsenā, rañño yujjhitumārabhi;  
Hatthikkhandhagato paṇḍu-rājāpi samupāvisi.
17. Ahu damiḷasenāsā, passanti sāmīno mukhaṃ;  
Sampattabalahussāhā, tadatthe cattajīvītā.
18. Dīpasenā tu sāmīna-mabhāvena nirussukkā;  
Yujjhanti paribhīditvā, palāyittha tato tato.
19. Otaritthamahāsenā, paṇḍurājāssa taṅkhaṇe;  
Mārasenāva gacchanti, vicuṇṇenti mahājanaṃ.
20. Rājā senāya bhinnattaṃ, sukkā sabbaṃ samādiya;  
Hatthasāraṃ puraṃ hitvā, malayābhimukho gato.
21. Tato hatthiṃ samāruyha, yuvarājā mahindako;  
Yujjhanto sakasenāya, palātattaṃ samekkhiya.
22. Ekename na sakkā ve, sabbe etehi mārituṃ;  
Etesaṃ na ca nīcānaṃ, hatthesu maraṇaṃ sukhaṃ.

23. Tasmā varam me maraṇaṃ, mayā eveti cintiya;  
Hatthikkhandhagatoyeva, chindi so sīsamattano.
24. Taṃ disvā bahavo sīse, tattha chindiṃsu sevakā;  
Taṃ disvā damiḷi senā, haṭṭhatuṭṭhā pamodisā.
25. Etaṃ sabbaṃ samekkhitvā, ādāpādo sakassapo;  
Turaṅgavaramāruya, susannaddho mahāyudho.
26. Vihāramupasankamma, abhayaṃ ekakova so;  
Tādisampi mahāsenā, ogāhetvā vidārayi.
27. Supaṇṇo viya gaṇhanto, bhūjagena salilāla ye;  
So taṃ sabbaṃ nivattesi, attānañca sugopayi.
28. Asso ekova dissittha, turaṅgāvalisannibho;  
Attano so janaṃ kañci, apassanto'nugāminaṃ.
29. Kiṃ me ekena verinaṃ, pūritena manorathaṃ;  
Kālantarehaṃ jīvanto, pūressaṃ me manorathaṃ.
30. Tasmā gantuṃva yuttanti, nimphoṭetvā mahābalaṃ;  
Nibbhayova mahāyodho, koṇḍivātamupāgami.
31. Paṇḍurājā mahāsenā, aggahesi tato puraṃ;  
Sīsaṃ taṃ yuvarājassa, paṇḍurājassa dassayūṃ.
32. So taṃ disvā ca jhāpetvā, rājūnaṃ paṇḍudesinaṃ;  
Sabbamāḷāhane kiccaṃ, tassa kātuṃ niyojayi.
33. Sabbaṃ sāraṃ harāpesi, bhaṇḍāgāramhi rājino;  
Aggaṇhittha gahettabbaṃ, vihāre nagarepi ca.
34. Pāsāde ratane sabbe, sovaṇṇaṃsatthubimbakaṃ;  
Sīlāmaya munindassa, cakkhubhūka maṇidvayaṃ.
35. Tathā sovaṇṇapaṭṭe ca, thūpārāmaṃhi cetiye;  
Suvaṇṇa paṭimāyo ca, vihāresu tahiṃ tahiṃ.
36. Sabbaṃ gahetvā nissāraṃ, laṅkādīpa makāsi so;  
Chaḍḍayittha puraṃ ramma, yakkhabhakkhita rūpakaṃ.
37. Rājā'pi rakkhaṃ datvāna, mahāmagge tahiṃ tahiṃ;  
Gaṅgādvaya mukhe vāsaṃ, kappesi parisankito.
38. Paṇḍurājā tato saddhiṃ, kātuṃ sīhaḷasāminā;  
Amacce tattha pesesi, disvā te sīhalādhipo.
39. Suṇitvā sāsanaṃ tesā, sabbaṃ taṃ sampaṭicchīya;  
Dūtānaṃ kārayitvāna, yathākāmena saṅgahaṃ.
40. Hatthidvayaṃ sadatvāna, sabbamābharaṇampi ca;  
Tassa pesesi dūteso, attanopi hitāvahe.
41. Paṇḍurājā sitaṃ sabbaṃ, disvā santuṭṭhamānaso;  
Nīyātetvāna dūtānaṃ, tadaheva mahāpuraṃ.



42. Nikkhamitvā purā gantvā, na cireneva paṭṭanam;  
Tattha āruyha nāvaṃ so, saka desa mupāgami.
43. Tato āgamma nagaram, sīlāmegho mahīpati;  
Yathāṭhāne ṭhapetvāna, dīpaṃ vasi samāhito.
44. Bhātaram dutiyaṃ katvā, udayaṃ nāma khattiyam;  
Mahādīpādaṃ tassā' dā, sogatthaṃ dakkhiṇaṃ disaṃ.
45. Sopi kho na cireneva, katvā puññaṃ yathārahaṃ;  
Rogenekena samphuṭṭho, pavitṭho maccuno mukhaṃ.
46. Kassapo ādīpādopi, pulatthinagare vasaṃ;  
Yojetvā paṇḍurājena, ahosi kira mārito.
47. Tadā kassapanāmassa, puttā āsuṃ mahārahā;  
Ādīpādassa cattāro, dhaññalakkhaṇa saññutā.
48. Yo senaṃ sabbapaṭhamo, seno nāma kumārako;  
Sūro vīro mahussāho, rājabhārakkhamo samo.
49. Rājā mahādīpādattaṃ, tassa datvā yathāvidhiṃ;  
Bhogatthaṃ dakkhiṇaṃ desaṃ, savāhana mupādisi.
50. Rohaṇādhipatissā'suṃ, puttā kittaggabodhito;  
Cattāro dhītaro tisso, dassaneyyā manoramā.
51. Tadā jeṭṭhasutaṃ tassa, mahindaṃ nāma khattiyam;  
Pitucchā mārayitvāna, desaṃ gaṇhi sasādhanam.
52. Bhātaro te tayo tasmim,  
Saṃruṭṭhā bhātu ghātane;  
Ādāya bhagīnī tisso,  
Rañño santikamāgamuṃ.
53. Rājāpi disvā tetīva, mamāyanto dayāluko;  
Sabbe devakumāreva, sukhaṃ vaḍḍhesi pemavā.
54. Tato kassapanāmaṃ so, tesam jeṭṭham narissaro;  
Desaṃ taṃ gaṇha yāhīti, datvā balamapesayi.
55. So'pi gantvāna taṃ hantvā, rohaṇaṃ kasiṇampi taṃ;  
Katvā hatthagataṃ tattha, vasittha nirupaddavo.
56. Atha so bhātaro dve'pi, senaṅca udayaṃ tathā;  
Pakkositvāna, bhājetvā, desaṃ tehi sahāvasi.
57. Rājā tā sādhu vaḍḍhetvā, vayapattāsu tīsu so;  
Rājakaññāsu dhaññāsu, devaccharasū rūpīsu.
58. Ṭhapetvā rājini ṭhāne, uparājassa dāpayi;  
Saṅghanāmaṃ mahābhogaṃ, datvā rajjasarikkhakaṃ.
59. Kaṇitṭho uparājassa, mahindo nāma bhātuko;  
Atthi sabbaguṇopeto, sabbasatthavisārado.

60. Tassā' dāsi duve rājā, rājakaññā manoharā;  
Tissavhakitta nāmañca, datvā bhogaṃ yathāruciṃ.
61. Evaṃ karonto ñātīnaṃ, saṃgahaṃ so yathārahaṃ;  
Ārādhento ca dānādi-saṅgahehi mahājanaṃ.
62. Rājā dasayi rājūnaṃ, dhammehi samupāgato;  
Samācaranto puññāni, paribhuñjittha mediniṃ.
63. Paṃsukūlika bhikkhūnaṃ, katvā' riṭṭhamhi pabbate;  
Mahābhogaṃ adārāmaṃ, nimmitaṃ viya iddhiyā.
64. Parihārañca tassadā, rājārahamaśesato;  
Ārāmike ca bahavo, dāse kammakarepi ca.
65. Pāsādaṃ sova kāresi, vihāre jetanāmake;  
Anekabhūmiṃ bhūmino, buddhabhūmigatāsayo.
66. Vaḍḍhetvā tattha kāretvā, sabba sovaṇṇayaṃ jināṃ;  
Saṅṭhapetvā mahābhogaṃ, vasāpesi ca bhikkhavo.
67. Mahādi pariveṇamhi, kāresi sumanoharaṃ;  
Pāsāda maggisaṇḍaṃḍhaṃ, tasmimyeva vihārake.
68. Katvā vīraṅkurārāmaṃ, vihāre abhayuttare;  
Mahāsaṅghika bhikkhūnaṃ, theriyānañca dāpayi.
69. Pubbārāmañca kāresi, sampanna catupaccayaṃ;  
Saddhiṃ so saṅghanāmāya, deviyāpi ca attano.
70. Mahāvihāretāyeva, saddhiṃ kāresi bhūmipo;  
Āvāsaṃ saṅghasenavhaṃ, mahābhogaṃ mahāmatī.
71. Kāretvā sabbasovaṇṇaṃ, kesadhātu karaṇḍakaṃ;  
Mahāpūjaṃ pavattesi, rajjaṃ vissajji uttamo.
72. Cetiyaṃ gīrissādā, kāṇavāpiṃ bahudayaṃ;  
Bhikkhūnaṃ dipavāsīnaṃ, dāpesi ca ticīvaraṃ.
73. Pulatthi nagare kāsi, vāpiyo thusavāpiyā;  
Senaggabodhimāvāsaṃ, gāmārāmika saññutaṃ.
74. Tasmimyeva ca kāresi, mahāpāḷiṃ subhojanaṃ;  
Mahāpāḷiñca sabbesaṃ, mahānettampi pabbate.
75. Vejjasālampi kāresi, nagarassa ca pacchime;  
Anāthānaṃ pavattesi, yāgudānaṃ sakhajjakaṃ.
76. Paṃsukūlika bhikkhūnaṃ, paccekañca mahānaṃsaṃ;  
Katvā dāpesi sakkaccaṃ, niccaṃ bhojanamuttamo.
77. Hutvā mahādipādo'yaṃ, kappūra pariveṇake;  
Uttarāḷhe ca kāresi, paricchede sanāmake.
78. Tulābhārañca pādāsī, tikkhattuṃ so mahādhane;  
Puññamaññampi so'kāsi, rājā nānappakāraṃ.

79. Saṅghanāmāpi sā devī, uttaramhi vihārake;  
Katvā mahindasenavhā-vāsaṃ vāsesi bhikkhavo.
80. Āraddho dappulavhassa, kāle rājassa dhīmabho;  
Mahādevena so āsi, rammo dappula pabbato.
81. Dārūkassapanāmena, tathā kassaparājikaṃ;  
Ubhopi te vipakate, rājā so vasamāpayi.
82. Bhaddo senāpati tassa, bhaddasenāpati'vhaṃ;  
Pariveṇampi kāresi, dāsabhogasamāyutaṃ.
83. Uttaro ca amacco'kā, vihāre abhayuttare;  
Vāsamuttarasenavhaṃ, ramma muttarapaccayaṃ.
84. Vajiro nāma tatthevā-vāsaṃ vajirasenakaṃ;  
Kāsi rakkhasanāmocā-vāsaṃ rakkhasanāmakam.
85. Tato vīsati vassesu, pulatthi nagare vasaṃ;  
Paṇḍurājakataṃ kāraṃ, saranto saradassano.
86. Dadanto viya senassa, sūrassāvasarañcaso;  
Pahāya dīpaṃ dīpo'va, mahāvāta hato gato.
87. Bhogo aniccā saha jīvitena;  
Pageva te bandhujanā sahāyā;  
Narādhīpaṃ passatha ekameva;  
Samāgataṃ maccumukhaṃ sughoraṃ.

Sujanappasādasamvegatthāya kate mahāvamse

Eka rājako nāma

Aṭṭhacattālīsatiso paricchedo.

## **Ekūnapaññāsatiso pariccheda**

### **Rājadvayadīpano**

1. Evaṃ tasmīṃ mate tassa, kātabbaṃ sādhu-kāriya;  
Mahādīpādo senavho, ādāya balavāhanaṃ.
2. Āgamma nagaraṃ rājā, ahosi dharaṇī tale;  
Ādikappamhi rājūnaṃ, dassanto cariyaṃ piya.
3. Saddho mahādhano sūro, muttacāgī nirālayo;  
Yācayogo mahābhogo, sampannabalavāhanaṃ.
4. Kittiyā'malabhūtāya, tathā tejo guṇena ca;  
Sannipātaṃva so canda-sūriyānaṃ nidassayi.
5. Asaṅkiṇṇa guṇākiṇṇo, suvicīṇṇa guṇaguṇo;  
Nīthiṇṇapāpo nibbiṇṇa-saṃsāro sāraddassano.
6. Bhariyā tassa yā āsi, saṅghātaṃ so bhiseccayi;

Mahesībhāve datvāna, parihāraṃ yathābhatam.

7. Mahindaṃ nāma sappaññaṃ, kaṇiṭṭhaṃ bhātaraṃ sakaṃ;  
Datvā dakkhiṇabhāgaṃ so, oparajje'bhiseceya.
8. Antepure'parajjhitvā, so rañña avadhārite;  
Saputtadāro vuṭṭhāya, aññaṭo malayaṃ agā.
9. Uppajjittha tadā putto, rañño saṅghāya deviyā;  
Dassento'va panādassa, kumāra rūpamattano.
10. Rājā taṃ jātamattam'va, disvā santhuṭṭhamānuso;  
Siddhatthaṃ lumbinījātam, rājā suddhodano viya.
11. Dhaññaapuññaṅguṇūpeto, ṭhapetvā dīpamekakaṃ;  
Jambudīpe'pi kasiṇe, rajjayoggoti me suto.
12. Nāmadāna dineyeva, parihārena sabbaso;  
Oparajje bhisiñcitvā, dakkhiṇaṃ desamassa'dā.
13. Yuvarājāpi malaye, vasanto'va mahīpatiṃ;  
Ārādhavā upāyena, anuññaṭo sabhātarā.
14. Nikāyattaya vā sīhi, saddhiṃ bhikkhūhi āgato;  
Disvā rājānamettheva, sandhīm'kāsi akuppiyaṃ.
15. Yā tassa yuvarājassa, bhariyā tissā nāmikā;  
Rājiniṃ sā vijāyittha, dhītaraṃ saṅghanāmikaṃ.
16. Kittināmā'parāyā ca, bhariyā sāpi kho pana;  
Vijāyi putte cattāro, tathā ekañca dhītaraṃ.
17. Tadā rājāpi cintetvā, evaṃ sati kaṇiṭṭhako;  
Nissaṅko mayi hotīti, sammā mantīhi mantiya.
18. Dhītaraṃ yuvarājassa, surūpiṃ rūpanāmikaṃ;  
Kassapassa'tta puttassa, vivāhaṃ kārayi budho.
19. Dakkhiṇaṃ desamasseva, kaṇiṭṭhassa sadāpayi;  
Rājaputtassa pādāpi, paccekaṃ bhogamattano.
20. Rajjamhi sabbaṃ tasseva, paribhogāya dāpayi;  
Kevalantu vicāresi, dīpaṃ dīpa hitāvaho.
21. Tesam saṃvāsamanvāya, ubhinnaṃ puññaṅkamminam;  
Dhaññaapuññaṅguṇūpetā, vijātā puttadhītaro.
22. Katvā sabbopahārena, dāṭhādhatu mahāmahaṃ;  
Āruyha varapāsādaṃ, ratanavhaṃ mahīpati.
23. Tadā sovaṇṇayassāpi, sambuddhassa purā ṭhitam;  
Suññaṃ piṭṭhaṃ sayam disvā, kasmā evanti saṃvadi.
24. Tato amaccā āhaṃsu, nājānāsi mahīpati;  
Mahāpitunarindassa, kāle tava narissaraṃ.

25. Paṇḍurājā idhāgama, dīpametam vināsiya;  
Sabbam sārāgataṃ dīpe, samādāya gato iti.
26. Tam sutvā lajjito rājā, sayam viya parājito;  
Tadaheva niyojesi, amacce balasaṅgahe.
27. Tadā'va kira āgañchi, paṇḍurājakumārako;  
Paribhūto sarājena, rajjattham kata nicchayo.
28. Rājā disvā'ti santuṭṭho, kattabham tassa kāriya;  
Mahātittha mupāgama, paṭṭanam sematraso.
29. Mahantam balakāyañca, tassopakaraṇāni ca;  
Anunam paṭiyādetvā, devasenamva sajjitam.
30. Paṇḍurājakumārena, saddhim senāpati sakam;  
Gantvā tam paṇḍurājānam, hantvānikamito purā.
31. Ratanam sabbamādāya, datvā rajjam imassa ca;  
Na cireneva ehīti, uyyojesi mahāyaso.
32. Sopi evam karomīti, paṭissutvā mahīpatim;  
Vinditvā balamādāya, nāmamāruya tam khaṇe.
33. Paratīram tato gantvā, samvulaḥa balavāhano;  
Vināsanto paccantam, vāresi madhuram puram.
34. Dvārāni pidahitvāna, pacchindittha gatāgataṃ;  
Tato aggim khipāpesi, gopuraṭṭāla koṭṭhake.
35. Evam sīhaḥasenāya, pavitṭhāya sakam puram;  
Sabbam vilumpamānāya, senaṅgam ghātayantiyā.
36. Paṇḍurājā nisammetam, samādāya sakam balam;  
Vegasā tam samāgama, yuddham kātuṃ samārabhi.
37. Asampuṇṇa balattā so, viddho sallena bhūpati;  
Hatthikkhandhagatoyeva, vihāya puramattano.
38. Palāyitvā gataṭhāne, jīvitam nijamessaji;  
Bhariyāva'ssa tenāsi, sampattā jīvitakkhayam.
39. Tato sīhaḥasenāsā, pavitṭhā nibbhayā puram;  
Tattha sabbam vilumpittha, devā'sirapuram yathā.
40. Senāpati tato rāja-gehe bhattam samekkhiya;  
Dīpanitamimamhā ca, tatraṭṭhañca mahāraham.
41. Sāram sabbamsamādāya, dese ca nagare ṭhitam;  
Katvā issariyam tattha, vasevattiya attano.
42. Paṇḍurāja kumāram tu, tattha rajje'bhi siñciya;  
Kāretvā parihārañca, desam tassa samappiya.
43. Yathārucim gahetvāna, hatthiasse nare'pi ca;  
Tattha tattha yathā kāmam, vasanto akuto bhayo.

44. Samudda taṭamāgama, thatvā tattha yathāsukhaṃ;  
Kīlanto viya nāvaṃ so, samāruya visārado.
45. Mahātittha mupāgama, vanditvā dharaṇī paṭiṃ;  
Taṃ sāsanaṃ nivedetvā, sāraṃ dassesi āhaṭaṃ.
46. Rājā sādḥūti vatvāna, kāretvā tassa saṅghaṃ;  
Saddhiṃ senāya āgantvā, pakatṭhāya sakaṃ puraṃ.
47. Jayapānaṃ pivitvāna, katvā vijayamaṅgalaṃ;  
Mahādhāgaṃ pavattetvā, yācakānaṃ yathā ruciṃ.
48. Sabbaṃ pākatikaṃ kāsi, sāraṃ dīpe nirālayo;  
Sovaṇṇa paṭimāyo ca, yathāṭhāne ṭhapāpayi.
49. Suññaṃ ratanapāsāde, piṭṭhaṃ pūresi satthuno;  
Kāsi rakkhapidhānena, nibbhayaṃ dharaṇītaṃ.
50. Tato paṭṭhāya dīpaṃso, arīnaṃ duppadhamasiyaṃ;  
Katvā vaḍḍhesi bhogehi, uttarādikuruṃ piya.
51. Khinnā pubbassa rājassa, kāle dīpamhi pāṇino;  
Nibbutā taṃ samāgama, ghammā viya valāhakā.
52. Tassa vīsatiṃ vasse, vihāre abhayuttare;  
Nikkhamitvā gatā hesuṃ, paṃsukūlika bhikkhavo.
53. Yuvarājā mahindo so, dhumaṛājassa satthuno;  
Kārāpayi gharaṃ rammaṃ, dassaneyyaṃ manoramaṃ.
54. Bodhigeḥaṃ karonto taṃ, disvā vaḍḍhakīno tadā;  
Vaṃsena sākhaṃ āhacca, bhijjantaṃ varabodhiyā.
55. Kintu kātabbametthāti, yuvarājaṃ nivedayaṃ;  
So taṃ taṃ mupaṃkamma, mahāpūjāya pūjīya.
56. Sace sathā, hitatthāya, sambhūto sabbapāṇinaṃ;  
Laddhuṃ puññaṃ nagghassa, gharassa karaṇeti'dha.
57. Sākhā gacchaṃ tu uddhamva, kātuṃ sakkā yathāgharaṃ;  
Evamārādhayitvāna, vanditvā saṅgharaṃ gato.
58. Tadā sākḥā dumindassa, rattiyaṃ uddhamuggami;  
Tato kammaṅgā sabbaṃ, ārocesuṃ sasāmino.
59. Yuvarājā'ti santuṭṭho, bhāturañño nivediya;  
Mahāpūjāya pūjesi, vissajjiya bahudhanaṃ.
60. Tathā mahindasenavhaṃ, pariveṇaṅga kāriya;  
Saṅghassa'dā sabhogaṃ so, puññaṃ puññaṅcācīni.
61. Adā sapariṣaṃ bhattaṃ, vatthaṃ chattaṃ upāhanaṃ;  
Tathā gamiyabhataṅga, nahānaṅga sabhattakaṃ.
62. Evaṃ khuddānu khuddāni, katvā puññaṃ so vibhū;  
Rañño tettiṃsavassamhi, yathākammamupāgami.

63. Atha rājā matetasmim, kaṇiṭṭhamudayaṃ sakamaṃ;  
Tassa ṭhāne ṭhapetvāna, sabbaṃ tasseva tassadā.
64. Tulābhārassa dānena, dīnānāthe satappayi;  
Dhammakammena sodhesi, nikāyattayamekato.
65. Soṇṇathālīsahassaṃ so, muttāhi paripūriya;  
Ṭhapetvā maṇimekekaṃ, tassopari mahārahaṃ.
66. Brāhmaṇānaṃ sahasassa, suddhe ratanabhājane;  
Bhojetvā khīrapāyāsaṃ, dāpetvā hemaṣuttakaṃ.
67. Tathā navehi vatthehi, acchādetvā yathāruciṃ;  
Santappesi mahantena, parihārena puññivā.
68. Bhikkhūnaṃ dīpavāsīnaṃ, adāsi ca ticīvaraṃ;  
Adā sabbāsamitthīnaṃ, vatthañca sumanoharaṃ.
69. Kāretvā lohapāsādaṃ, vejayantasarikkhakaṃ;  
Vaḍḍhesi paṭimaṃ tattha, suvaṇṇaghaṭakoṭṭimaṃ.
70. Sutvā uposathāgāra-bhāvaṃ sabba mahesīnaṃ;  
Tuccho yaṃ neva hotūti, vāsaṃ saṅghassa taṃ akā.
71. Bhogagāme ca tassadā, rakkhake ca niyojayi;  
Bhikkhū dvattiṃsamattāhi, vasantūti niyāmayi.
72. Gaṅgāya mariyādaṃ so, kāresi maṇimekhalaṃ;  
Toyānidhamanañcākā, maṇihīrakavāpiyā.
73. Kaṭṭhuntaṅgare ceva, kāṇavāpimca bandhayi;  
Vejjasālañca kāresi, cetiyamhi girimhi so.
74. Buddhagāmaṃvihārañca, vihāraṃ mahiyaṅgaṇaṃ;  
Kūṭatissa vihārañca, bhogagāme na vaḍḍhayi.
75. Maṅḍalassa girissā'dā, vihārassa sagāmake;  
Uttarāḷhe ca kāresi, pāsādaṃ pariveṇake.
76. Mahāsenassa buddhassa, gāmaṃ datvāna rakkhake;  
Dāsi sobbhavihāre ca, kāresi paṭimāgharaṃ.
77. Bodhisatte ca vaḍḍhesi, pāsāde maṇimekhale;  
Sīlāmayamunindassa, jīṇṇagehampi kārayi.
78. Rāja taṃ bodhisattañca, saḅharaṃ tattha sannahi;  
Ālavālaṃ dumindassa, gandhitvā kā mahāmahaṃ.
79. Likhitvā hemapaṭṭamhi, sabbaratanasuttakaṃ;  
Mahāpūjamakā tassa, abhidhammaṃ kathāpayi.
80. Ānandapaṭimaṃ netvā, puraṃ katvā padakkhiṇaṃ;  
Parittaṃ bhikkhusaṅghena, bhaṇāpetvā yathāvidhiṃ.
81. Parittodakasekena, janaṃ katvā nirāturaṃ;  
Rājā rogabhayaṃ pevaṃ, nīharittha sadesato.

82. Abhisekaṃ gahetvāna, hemavāluka cetiye;  
Anusaṃvaccharaṃ kātuṃ, taṃ cārittaṃ likhāpayi.
83. Adā māssa catūsu, uposathadinesu so;  
Catunnañca sahasānaṃ, vatthadānaṃ sabhattakaṃ.
84. Vesākhakīlaṃ kīlittha, saddhiṃ duggatakehi so;  
Annaṃ pānañca vatthañca, tesāṃ datvā yathāruciṃ.
85. Bhikkhusaṅghassa dīpamhi, niccadānaṃ pavattayi;  
Santappesi ca dānena, kapaṇaddhikavaṇibbake.
86. Tassa rañño mahesī ca, saṅghanāmā akārayi;  
Pabbataṃ saṅghasenavhaṃ, sabhogamabhayuttare.
87. Nīlacūlāmaṇiñcākā, silāmaya mahesino;  
Pūjaṃ sabbopahārehi, kāsī satthussa sabbadā.
88. Tassa senāpaticā'kā, senasenāpativhayaṃ;  
Pariveṇaṃ mahābhogaṃ, sūro tuṭṭhakanāmako.
89. Evaṃ sapaṇiso katvā, sapuññāni mahāyaso;  
Pañcatimsatime vasse, devalokamupāgami.
90. Tato tassā'nujo āsi, udayo nāma khattiyo;  
Rājā sabbappayogehi, hitesī dīpavāsīnaṃ.
91. Hutvā so sayāṃ rājā, kaṇiṭṭhaṃ sakabhātaraṃ;  
Mahādīpādaṭṭhānamhi, ṭhapi kassapanāmakaṃ.
92. Rājā cintiya ñātīnaṃ, kātabbo saṅgaho iti;  
Evaṃ kassapanāmassa, bhātuputtassa dhītaraṃ.
93. Yuvarājassa tassā'kā, bhariyaṃ senanāmikaṃ;  
Dhāresica sayāṃ rājā, aparaṃ tissasavhayaṃ.
94. Mahindassuparājassa, rājadhītāya kittiyā;  
Putto kittagabodhīti, ādipādo vibuddhiko.
95. Coro hutvā mahārañño, nikkhamitvāna rattiyaṃ;  
Eko aññātaveseṇa, samupāgammaraḥaṇaṃ.
96. Janāṃ hattagataṃ katvā, desaṃ sabbaṃ vināsiya;  
Ghātāpayittha tatraṭṭhaṃ, so taṃ mātulamattano.
97. Taṃ sutvā dharaṇīpālo, tasmim'tīva pakuppiya;  
Ānetuṃ tamupāyaṃ so, gavesanto tathā tathā.
98. Bhātuputtaṃ tamāhuya, yuvarājaṃ sakassapaṃ;  
Āmantesi mahāpuñña, sahāyo hoti me iti.
99. Kiṃ me kattabba'miccāha, paccāha dharaṇīpati;  
Putto tava mahindo so, vuddhippatto mahābalo.
100. Lābhī rohaṇadesassa, mātito pitito'pi ca;  
Sūro sabbasaho vīro, kusalo katūpāsano.



101. Saṅgāmayoggo matimā, nipuṇo nayakovido;  
Taṃ pesetvā nayissāma, pāpaṃ mātulaghātakam.
102. Taṃ sutvā vacanaṃ rañño, kassapo bhāsi sādaro;  
Deva devena vutto'haṃ, gaccheyyaṃ kintu me suto.
103. Vaṃso me pālito hoti, pasādo ca tavādhipa;  
Tasmā kālamahāpetvā, yaṃ icchasi tathā kuru.
104. Sutvā atīvasantuṭṭho, narindo tassa taṃ vaco;  
Mahanthaṃ balakāyaṃ so, sabbaso paṭiyādiya.
105. Mahatā parihārena, mahindaṃ rājapotaṃ;  
Rakkhituṃ taṃ niyojetvā, vajiraggañca nāyakam.
106. Tucchaṃ viya puraṃ katvā, sabbañca balavāhanaṃ;  
Sabbopakaraṇaṅceva, anūnaṃ tassa dāpiya.
107. Sayam tamanugacchanto, padasā'va narissaro;  
Uyyojesi mahāpuñña, gaccha rukkhāti mediniṃ.
108. Mahindo so mahindo'va, devasenā purakkhato;  
Gacchanto suvīrocittha, devāsuramahāhavaṃ.
109. Tato gantvā na cirena, guttasālamupāgami;  
Tato jānapadā sabbe, maṇḍalikā ca raṭṭhiyā.
110. Tena mātulaghātena, pāpakena upaddutā;  
Gantvā taṃ parivāresuṃ, laddho no sāmiko iti.
111. Patanto sopi kho coro, ṭhitova girimaṇḍale;  
Sabbam hatthagataṃ katvā, rājabhaṇḍaṃ mahagghiyam.
112. Hatthī asseca ādāya, gantvā malayamāruhi;  
Mahindasenā ghātentī, tassa senaṃ tahiṃ tahiṃ.
113. Padānupadamasse'va, gacchanti hatthiassake;  
Disvā malayapādamhi, gahetvā ettha so iti.
114. Tattha pāvisimaddantī, sabbaṃ malayakānanam;  
Nadīyo pallale ceva, karonti maggasādise.
115. Bālakova janaṃ disvā, sabbaṃ ratanamattano;  
Kodhābhībhūto chaḍḍesi, nadī sobbhataṭādīsu.
116. Ekakova nilīyittha, vane pabbatakandare;  
Gavesanto jano disvā, tamaggahi narādhammaṃ.
117. Tamādāya'ti tuṭṭho so, jano āgamma sajjukam;  
Mahindamupadassesī, nisinnaṃ guttasālake.
118. So taṃ disvā hasitvāna,  
Bhutto kiṃ rohaṇo''iti;  
Nāyakassa niyyātetvā,  
Vajiraggassa rājino.

119. Sayaṃ senaṃ samādāya, mahāgāmamupāgato;  
Rohaṇā dhipati hutvā, karonto lokasaṅgahaṃ.
120. Janāṃ pākatiṃ katvā, bālakena vibādhitāṃ;  
Sāsanañca yathāṭhāne, ṭhapetvā tena nāsitaṃ.
121. Puppārāme phalārāme, kārayitvā tahiṃ tahiṃ;  
Vāpiyo'pi ca gaṇhitvā, bandhāpetvā mahānadim.
122. Sabbattha sulabhaṃ katvā, saṅghassa catupaccayaṃ;  
Duṭṭhe ca paṭibāhetvā, maṅḍalike ca raṭṭhiye.
123. Core ca parisodhetvā, katvā vigatakaṅṭakaṃ;  
Tosayanto'khilaṃ lokaṃ, cāgabhogasamappito.
124. Upāsaniyo viññūhi, sevanīyo dhanatthīhi;  
Kapparukkūpamo sabba-yācakaṇaṃ hitāvaho.
125. Hitvā dubbinayaṃ dese, pubbakehi pavattitaṃ;  
Samācaranto dhammañca, vāsaṃ tattheva kappayi.
126. Ādipādaṃ gahetvāna, vajiraggo vināyako;  
Anurādhamupāgama, rājānamabhidassayi.
127. Rājāpi disvā taṃ kuddho, khippaṃ pakkipa cārake;  
Rakkhāvaraṇamassādā, vihetṭhesi ca sabbāso.
128. Adāsi ca tulābhāraṃ, tikkhattuṃ so mahāyaso;  
Thūpārāmaṃhi thūpañca, hemaṭṭena chādayi.
129. Katvā tattheva pāsādaṃ, bhikkhusaṅghaṃ nivāsiya;  
Vihāre nagare ceva, paṭisaṅkhāsi jīṇṇakaṃ.
130. Kadambanadiyā'kāsi, nijjharaṃ thirabandhanaṃ;  
Mariyādaṃ pavaḍḍhesi, vāpiyaṃ so mayettiyaṃ.
131. Tattha niddhamanaṃcā'kā, anuvassampi bhūmipo;  
Cīvaratthaṃ suvatthāni, susaṅhāni ca dāpayi.
132. Dubbhikkhe dānasālāyo, kāretvā sabbapāṇinaṃ;  
Mahādānaṃ pavattesi, mahāpāḷiñca vaḍḍhayi.
133. Dadhibhattaṃcā dāpesi, nikāyattayavāsinaṃ;  
Niccaṃ duggatabhattaṃcā, yāguñceva sakhajjakaṃ.
134. Evamādīni puññāni, katvā sovaggiyāni so;  
Ekādasahi vassehi, gato devasahabyataṃ.
135. Tassekādasavassesu, vissatṭhaṃ soṇṇameva tu;  
Ahu satahassānaṃ, tayo dasahi sammitaṃ.
136. Sudujjayaṃ paṇḍunarādhiraṃ,  
Mekoparo rohaṇamuggaduggaṃ;  
Katvā'pi ete savase narindā,  
Sayāṃ vasaṃ maccumupāgamimsu.

Sujanappasāda saṃvegathāya kate mahāvaṃse

Rājadvayadīpano nāma

Ekūnapaññāsātimo paricchedo.

## Paññāsātima pariccheda

### Dvirājakonāma

1. Tato rajje patitṭhāya, kassapo dakkhiṇaṃ disaṃ;  
Adā kassapanāmassa, yuvarājassa dhīmato.
2. Aggābhisekaṃ dāpesi, yuvarājassa dhītuyā;  
Rājakaññāya tissāya, bhariyāye'va attano.
3. Yācakānañca sippīnaṃ, āgatānaṃ tato tato;  
Dānaṃ daṇḍissaraṃ nāma, sadā dāpesi bhūpati.
4. Ādipādo mahindo so,  
Vasanto rohaṇe tadā;  
Gahetuṃ rājīnoraṭṭha-  
Mādāya balamāgato.
5. Taṃ sutvā kupito rājā, balaṃ pesesi attano;  
Yujjhitvā taṃ parājesi, mahindo so mahābhaṭo.
6. Tato rājā nivattetuṃ, pitaraṃ tassa pesayi;  
Kassapaṃ yuvarājaṃ taṃ, so gantvā puttasantikaṃ.
7. Nānādhammakathopetaṃ, vatvā yuttimanekadhā;  
Saṅghāmato nivattetvā, puttaṃ so punarāgami.
8. Ādipādo tu so pacchā, ghātetvā maṇḍalādhipe;  
Kuddhejanapade disvā, āgamāsi purantikaṃ.
9. Bhikkhusaṅgho tamānetvā, dassesi vasudhādhipaṃ;  
Datvā so dhītaṃ tassā, pesesi puna rohaṇaṃ.
10. Nīharitvāna dussīle, nikāyattayavāsīsu;  
Gāhāpesi nave bhikkhū, āvāse tattha tattha so.
11. Dvayābhisekajātena, ādipādena sununā;  
Mahāvihāre bodhimhi, paṃsuṃ vaḍḍhesi pūjayaṃ.
12. Akāsi ca nikāyesu, tīsu bimbe silāmaye;  
Sovaṇṇaye raṃsijāle, chattaṃ cūḷamaṇiṃ tathā.
13. Abhayagirivihāramhi, pāsādaṃ sakanāmakāṃ;  
Katvā tattha nivāsetvā, bhikkhu gāmamadāpayi.
14. Mahiyaṅgaṇavihārasmiṃ, gāmaṃ so cetiyassa'dā;  
Savatthaṃ paṭimābhattaṃ, sabbabhikkhūna dāpayi.
15. Thale jale ca sattānaṃ, adāsi abhayaṃ tadā;

Cārittapubbarājūnaṃ, paripālesi sabbadā.

16. Tassa senāpati seno, ilaṅgorājavaṃsajo;  
Theriyānaṃ akā'vāsaṃ; Thūpārāmassa pacchato.
17. Dhammārucikabhikkhūnaṃ, dhammārāmamakārayi;  
Tathā sāgalikānañca, kassapasenanāmakaṃ.
18. Hadayunhābhidhānaṃ so, katvā cetiyapabbate;  
Pariveṇaṃ adādhamma-rucikānañca bhikkhūnaṃ.
19. Ārāmikānaṃ bhikkhūnaṃ, ārāmesu tahiṃ tahiṃ;  
Ekamekaṃ kuṭiṃ katvā, dāpesi ca camūpati.
20. Rattamālagirismiṃ so, katvā rammaṃ taram subhaṃ;  
Kuciṃ adā sāsanassa, sāmikānaṃ tapassinaṃ.
21. Mahāvihāre kāretvā, paviveṇaṃ varam adā;  
Paṃsukūlikabhikkhūnaṃ, samuddagirināmakaṃ.
22. Vāsaṃ araññe kāretvā, attano vaṃsanāmakaṃ;  
Mahāvihāre bhikkhūnaṃ, vane nivāsataṃ adā.
23. Vihāresū ca jiṇṇesu, navakammamakārayi;  
Dāpesi aggalaṃ sabba-bhikkhūnaṃ jiṇṇacīvare.
24. Tissārāmaṃ karitvāna, bhikkhūnīnamupassayaṃ;  
Maricavaṭṭimāhābodhi, parihāre nivesayi.
25. Anurādhapure ceva, pulatthinagarepi ca;  
Upasaggaroganāsāya, vejjasālāpi kārayi.
26. Attanā katavāsanaṃ, bhogaḡāme ca dāpayi;  
Tathārāmikaḡāme ca, paṭimābharaṇaṃ so.
27. Bhesajjagehaṃ kāresi, nagare tattha tattha so;  
Paṃsukūlikabhikkhūnaṃ, bhattaṃ vatthañca dāpayi.
28. Khandhīkate amocesi, tiracchānagate bahū;  
Kapaṇānañca dāpesi, mahādānaṃ camūpati.
29. Vicittaṃ byañjanaṃ bhattaṃ, yāguṃ vividhakhajjakaṃ;  
Katvā sūkararūpañca, guḷaṃ bhikkhūnaṃ dāpayi.
30. Evāmādīni puñṇāni, katvā senāya nāyako;  
Seno kittindupādehi, sabbā obhāsai disā.
31. Tasseva ñātako katvā, nāyako rakkhasavhayo;  
Savārakamhi ḡamamhi, vihāraṃ sumanoharaṃ.
32. Mahāvihāravāsīnaṃ, sārānaṃ paṭipattiyā;  
Bhikkhūnaṃ so adā sādhu, ṭhapetvā vattamuttamaṃ.
33. Seno nāma mahālekho, mahālekhakapabbataṃ;  
Mahāvihāre kāresi, bhikkhūnaṃ vāsamuttamaṃ.

34. Coḷarājābhidhāno, ca, amacco tassa rājino;  
Pariveṇaṃ akārammaṃ, natṭhaṃ taṃ suppatiṭṭhitaṃ.
35. Rājā tīsu nikāyesu, rūpakammamanoramaṃ;  
Maṇḍapāni vicittāni, vejayanto pamāni ca.
36. Kāretvā dhātupūjāyo, katvā janamanoharā;  
Yathā kammaṃ gato ṭhatvā, vassāni dasasatta ca.
37. Dvayābhisekasañjāto, yuvarājātha kassapo;  
Āsi laddhābhiseko so, laṃkārajjekamāgate.
38. Saddho āgatamaggova, sābhiñño viya paññavā;  
Vattā so maramantiva, cāgavā dhanado viya.
39. Bahussuto dhammakathī, sabbasippavisārado;  
Yuttāyuttavicārāya, nipuṇo nayakovido.
40. Acalo indalīlo'va, ṭhito sugatasāsane;  
Parappavādivātehi, sabbehi'pi akampiyo.
41. Māyāsāṭheyyamānādi, pāpānañca agocaro;  
Guṇānaṃ ākaro sabba-ratanānaṃ vasāgaro.
42. Bhūmicando narindo so, vaṃse jātassa attano;  
Dappuḷassādīpādassa, yuvarājapadaṃ adā.
43. Rajjaṃ dasahi dhammehi, catusaṅghavatthūhi;  
Karanto paripālesi, lokaṃ nettaṃva attano.
44. So dhetvā sāsanaṃ sabbaṃ, dhammakammena satthuno;  
Gahetvā navake bhikkhū, akāsā'vāsapūraṇaṃ.
45. Duṭṭhagāmaṇirājena, kataṃ maricavaṭṭikaṃ;  
Natṭhaṃ vihāraṃ kāretvā, nānāāvāsa bhūsitāṃ.
46. Theravaṃsajabhikkhūnaṃ, adā katvā mahāmahaṃ;  
Tesaṃ pañcasatānañca, bhogagāme ca dāpayi.
47. Tattha so tusite ramme, devasaṅghapurakkhataṃ;  
Metteyyaṃ lokanāthaṃ taṃ, desentaṃ dhammamuttamaṃ.
48. Dassetto viya lokassa, vihāre sabbasajjite;  
Nisikko maṇḍape ramme, nānāratanaḥsite.
49. Nagarehi ca sabbehi, bhikkhūhi parivārīto;  
Buddhalilāya laṃkīdo, abhidhamma mabhāsai.
50. Soṇṇapaṭṭe likhāpetvā-bhidhammapiṭakaṃ tadā;  
Dhammasaṅgaṇikaṃ potthaṃ, nānāratana bhūsitāṃ.
51. Katvā nagaramajjhamhi, kāretvā hemamuttamaṃ;  
Taṃ tattha ṭhapayitvāna, parihāramadāpayi.
52. Sakkasenāpatiṭṭhānaṃ, datvā puttassa attano;  
Parihāre niyojesi, tattha taṃ dhammapotthake.

53. Anusamvaccharam rājā, puram devapurī viya;  
Vibhūsitāya senāya, sajjetvā parivārīto.
54. Devarājāva sobhanto, sabbābharaṇabhūsito;  
Hatthikhaṇḍe nisīditvā, caranto puravīthiyam.
55. Mahatā parihārena, netvā tam dhammasaṅgaham;  
Attanā kārītam rammaṃ, vihāram sabbasajjītam.
56. Tatha dhātugate ramme, nānāratanaabhūsite;  
Maṇḍape dhātupiṭhasmiṃ, paṭiṭṭhāpiya pūjayi.
57. Ganthākarapariveṇam, mahāmeghavane akā;  
Nagare vajjasālā ca, tesam gāme ca dāpayi.
58. Bhaṇḍikapariveṇaṅca, silāmeghaṅca pabbatam;  
Katvā'bhayagirismiṃ so, tesam gāmamadāpayi.
59. Jotivanavihārasmiṃ, rājā laṅkāya nāyako;  
Bhattagassa adā gāmaṃ, tathā'bhayagirimhi ca.
60. Dakkhīṇagirināmassa, vihārassa ca dāpayi;  
Gāmaṃ kataññubhāvena, rājā paramadhammiko.
61. Sakkasenāpati rammaṃ, pariveṇam sumāpiya;  
Adāsi sahaḡamehi, theriyānam sanāmikam.
62. Bhariyā vajirā tassa, tesameva adāpayi;  
Pariveṇam karitvāna, sagāmaṃ sakanāmakam.
63. Upassayam karitvāna, sā eva padalañchane;  
Bhikkhūnīnam adā thera-vaṃse sabbattha pūjite.
64. Sakkasenāpati mātā, devā'raññaka bhikkhūnam;  
Theravaṃsappadīpānam, akā'vāsam sanāmakam.
65. Sā eva paṭibimbassa, satthu maricavaṭṭiyam;  
Cūlāmaṇiṃ pādajalam, akā chattaṅca cīvaram.
66. Rājā rājālayeyeva, rājavamṣam sanāmakam;  
Akāsi pālikam nāma, pāsadam sumano haram.
67. Pūjesi rājīnī nāma, rājīno bhariyā'parā;  
Paṭṭakañcukapūjāya, hemamālika cetiyam.
68. Tassā puttosi siddhattho, nāma issariye ṭhito;  
Suto malayarājāti, rūpena makaraddhajo.
69. Rājā tasmīṃ mate katvā, sālam bhikkhunamuttamam;  
Dānavaṭṭam paṭṭhapetvā, tassa pattimadā tadā.
70. Evaṃ dhammena kārente, rajjam laṅkādiṇe tadā;  
Coḷarājena yujjhitvā, paṇḍurājā parājito.
71. Paṇṇākārāni nekāni, balam sandhāya pesayi;  
Rājālamkissaro saddhiṃ, mantetvā sacivehi so.

72. Sannayha balakāyaṃ so, sakkasenāpatiṃ sakam;  
Balassa nāyakam katvā, mahāyitthamupāgami.
73. Vijayaṃ pubbarājūnaṃ, vatvā velātaṭṭhito;  
Ussāhaṃ janayitvāna, nāvaṃ āropayī balaṃ.
74. Balakāyaṃ samādāya, sakkasenāpatiṃ tadā;  
Sukhena sāgaram tiṇṇo, paṇḍudesamupāgami.
75. Disvā balañca tañceva, paṇḍurājā sumānaso;  
Ekacchattaṃ karissāmi, jambudīpanti abravi.
76. Baladvayaṃ gahetvāna, rājā so coḷavaṃsajaṃ;  
Jetuṃ asakkuṇitvāna yuddhamujjhiya nikkhami.
77. Yujjhissāmīti gantāna, sakkasenāpatī puna;  
Nisīno upasaggena, mato pāpena paṇḍuto.
78. Laṃkissaro balassāpi, tena rogena nānasam;  
Sutvā dayālubbhāvena, senaṃ āṇāpayī tato.
79. Sakka senāpatiṭṭhānaṃ, tassa puttassa'dā tadā;  
Vaḍḍhesi tena taṃ puttaṃ, katvā senāya nāyakam.
80. Nikāyattayavāsīhi, parittaṃ nagare tadā;  
Kāretvā rogadubbuṭṭhi-bhayaṃ nāsesi jantunaṃ.
81. Sāsanassa ca lokassa, santiṃ katvā anekadhā;  
Rājā so dasame vasse, sukhena tidivaṃ gato.
82. Laṃkārajjeṃpi ṭhatvā kathitapiṭṭako sabbavijjāpadīpo,  
Vattāvādī kavī so satidhītivisado desako bhāvako ca;  
Paññāsaddhādayā vā parahitanirato lokavedīvadaññū;  
Rājindo kassapo'yaṃ viya vimalaguṇo hotulokopi sabbo.

Sujanappasādasamvegatthāya kate mahāvaṃse

Dvirājako nāma

Paññāsatimo paricchedo.

## Ekapaññāsatima pariccheda

Pañcarājako nāma

1. Yuvarājā tadā hutvā, rājā dappuḷanāmakko;  
Ṭhapesi oparajjamhi, ādipadaṃ sanāmakam.
2. Maricavaṭṭivihārassa, gāmaṃ datvā tato pure;  
Cārittaṃ pubbarājūnaṃ, rakkhitvāna mahiṃ imaṃ.
3. Abhutvā dīghakālañhi, pubbakammena attano;  
Rājā so sattame māse, pavitṭho paccuno mukham.
4. Uparājā ahurājā, dappuḷo tadanantaram;

Udayassādipādassa, yuvarājapadaṃ adā.

5. Tadā coḷabhayā paṇḍu-rājaṃ janapadaṃ sakaṃ;  
Cajitvā nāvamāruyha, mahātitthamupāgami.
6. Āṇāpetvāna taṃ rājā, disvā santuṭṭhamānaso;  
Mahābhogaṃ adā tassa, nivāsesi purā bahi.
7. Coḷarājena yujjhivā, gahetvā paṭṭanadvayaṃ;  
Paṇḍurājassa dammīti, sannaddhe laṅkarājini.
8. Kenā'pi karaṇīyena, khattiyā dīpavāsino;  
Akaṃsu viggahaṃ ghoraṃ, pāpakammaṃ paṇḍuno.
9. Paṇḍurāje'ttha vāsena, kammaṃ natthīti cintiya;  
Ṭhapetvā makuṭṭādīni, gato keraḷasantikaṃ.
10. Viggahaṃ niṭṭhite rājā, mahāmeghavane tadā;  
Mahābodhigharassā'dā, gāmaṃ nagarasantike.
11. Āvāsaṃ rakkhako nāma, tassa senāpatī akā;  
Thūpārāmasamīpamhi, iḷaṅgo rājanāmakam.
12. Kataṃ taṃ pubbarājehi, rājā so paripāliya;  
Patto dvādasamaṃ vassaṃ, yathākammamupāgami.
13. Udayo yuvarājā'si, laṃkāvāsīnamissaro;  
Senanāmādīpādaṃ so, oparajje'bhisecayi.
14. Rañño bhītā tadāmaccā, pavasiṃsu tapovanaṃ;  
Rājoparājā gantvāna, tesam sīsāni chedayuṃ.
15. Tena kammaṃ nibbinnā, yatayo tannivāsino;  
Hitvā janapadaṃ rañño, tadāgacchiṃsu rohaṇaṃ.
16. Tadā jānapadā ceva, nāgarā ca balāni ca;  
Kupitā caṇḍuvātena, sāgaro viya kampito.
17. Ratanapāsādamāruyha, vihāre abhayuttare;  
Santāsetvāna rājānaṃ, dassetvāna vibhīsikaṃ.
18. Upatthambhakamaccānaṃ, viggahassa tapovane;  
Tadā sīsāni chinditvā, kavātena nipātayuṃ.
19. Taṃ sutvā yuvarājā ca, ādīpādo ca taṃ sakhā;  
Ullaṅghitvāna pākāraṃ, sīghaṃ gacchiṃsu rohaṇaṃ.
20. Balakāyonubandhitvā, yāva kaṇhanadītaṭṭā;  
Alābhena ca nāvānaṃ, tiṇṇattā tesamāgami.
21. Rājaputtāgatā tattha, vane abhayabhedino;  
Yatīnaṃ purato tesam, nipajjitvā urena te.
22. Allavatthā'llakesā ca, paridevittha'nekaḍḍhā;  
Kandītvā rodanaṃ katvā, khamāpesuṃ tapassino.



23. Khantimettānubhāvena, tesam sāsanasāminam;  
Puññodayo ahu tesam, ubhinnaṃ dīpasāminam.
24. Yuvarājabalañceva, nikāyattayavāsino;  
Gamiṃsu tesamānetuṃ, santibhūte mahābale.
25. Rājaputtā ubho byattā, paṇḍitā paṃsukūlino;  
Yācitvā tesamādāya, agamaṃsu sakaṃ puram.
26. Bhikkhūnaṃ purato maggaṃ, rājāgantā khamāpayi;  
Ādāya te vanaṃ tesam, netvā rājagharaṃ gato.
27. Tato paṭṭhāya cāritthaṃ, pāletvā pubbarājunaṃ;  
Rājā so tatiye vasse, yathākammamupāgami.
28. Laṃkābhisekaṃ patvāna, seno so matimā tato;  
Udayaṃ ādipādaṃ taṃ, yuvarājaṃ akā sakhaṃ.
29. Kahāpaṇasahassaṃ so, duggatānaṃ uposathe;  
Hotu'posathiko datvā, yāvajīvaṃ narādhipo.
30. Paṭimā bhattavatthāni, bhikkhūnaṃ dharaṇī pati;  
Adā daṇḍissaraṃ dānaṃ, yācakānañca sippīnaṃ.
31. Ṭhāne katthaci sippīnaṃ, pāsādesu manohare;  
Kāretvā bhogagāme ca, adāpesi mahāmati.
32. Kahāpaṇasahassaṃ vā, datvā pañcasatāni vā;  
Laṅkāyaṃ jīṇṇakāvāse, navakammamakārayī.
33. Cattālīsasahassāni, abhayuttaracetiye;  
Silāpattharaṇatthāya, dāpesi ca mahīpati.
34. Mahāvāpīsu laṅkāyaṃ, jīṇṇaniddhamane akā;  
Navakammañca mariyādaṃ, thiyaṃ pāsāṇapaṃsunā.
35. Akā rājaghare rammaṃ, mālāgehaṃ mahārahaṃ;  
Ṭhapitaṃ punarājūhi, dānaṃ sammāpavattayī.
36. Kataṃ malayarājena, amaccena'gga bodhinā;  
Parivenaṃ nāgasālaṃ, disvā gāma madā tadā.
37. Katvā catuvihāresu, rūpakammāni sādhukaṃ;  
Maṇḍapāni ca rammāni, dhātupūjaṃ akā sadā.
38. Evamādīni puññāni, anekāni anekadhā;  
Katvā so navame vasse, yathākammamupāgami.
39. Laṃkābhisekaṃ patvāna, yuvarājodayo tato;  
Senanāmādipādaṃ so, oparajje' bhi secayi.
40. Niddālu majjapo āsi, rājā pāpena jantunaṃ;  
Coḷo pamattataṃ tassa, sutvā santuṭṭhamānaso.
41. Paṇḍudesātisekaṃ so, pattukā mettha pesayi;  
Makuṭādīnamatthāya, ṭhapitānaṃva paṇḍunā.

42. Tāni nādāsi so rājā, tena coḷo mahabbalo;  
Balaṃ sannayha pesesi, balakkārena gaṇhituṃ.
43. Tadā senāpati ettha, paccante kupite gato;  
Āṇāpetvāna taṃ rājā, yujjhanatthāya pesayi.
44. Hato senāpati tattha, yujjhi na raṇe mato;  
Kakūṭādīni ādāya, rājā so rohaṇaṃ agā.
45. Gantvā coḷabalaṃ tattha, alabhitvā pavesanaṃ;  
Nivattitvā sakaṃ raṭṭhaṃ, agamāsi idhatā bhayā.
46. Tato senāpatitthāne, viduraggaṃ tu nāyakaṃ;  
Thapesi rājā laṃkindo, tejavantaṃ mahāmatitṃ.
47. Paccantaṃ coḷarājassa, ghātetvā so camūpati;  
Āṇāpesi ito nītaṃ, dassetvāna vibhīsitaṃ.
48. Tato dāpesi so sabba-parikkhāraṃ mahārahaṃ;  
Paṃsukūlikabhikkhūnaṃ, sabbesaṃ dīpavāsinaṃ.
49. Mahāvihāre laṃkindo, paṭibimbassa satthuno;  
Jalantaṃ maṇiraṃsīhi, akā cūḷamaṇiṃ tadā.
50. Orodhā vidurā tassa, pādajālena pūjayi;  
Maṇīhi pajjalantehi, paṭimaṃ taṃ silāmayāṃ.
51. Jhāpitaṃ coḷarājassa, balena maṇināmakāṃ;  
Pāsādaṃ kātumāraddho, cuto vassamhi aṭṭhame.
52. Pañcete vasudhādhipā vasumahiṃ ekātapattaṅkitāṃ;  
Bhutvā nigghaṣaṅgahehi sakalaṃ lokaṃ vase vattiya;  
Yā tā maccuvasaṃ saputtavaṇitā sāmaccamittānugā;  
Icceaṃ satataṃ sarantu sujanā hātuṃ pamādaṃ maḍaṃ.

Sujanappasādasamaṃvegatthāya kate mahāvamaṃse

Pañcarājako nāma

Ekapaññāsatiṃ paricchedo.

## **Dvipaṇñāsatiṃ pariccheda**

**Tirājakonāma**

1. Tato laṅkābhisekaṃ so, patvā seno kamāgataṃ;  
Mahindassādīpādassa, yuvarājapadaṃ adā.
2. Pañño mahākavī byatto, majjhatto mittasattusu;  
Yutto dayāya mettāya, rājā so sabbadā ahu.
3. Kālaṃ devo'natikkamma, sammā dhārābhivassati;  
Raṭṭhe tasmīṃ vasantā'suṃ, sukhitā nibbhayā sadā.
4. Suttantaṃ lohapāsāde, nisinna vaṇṇayī tadā;

Nikāyattayavāsīhi, rājā so parivārito.

5. Dāṭhahātukaraṇḍaṃ so, nānāratanaabhūsitam;  
Akā catuvihāresu, dhātupūjā ca'nekadhā.
6. Parivenaṃ sitthagāmaṃ, kāretvā vutthamattanā;  
Lokaṃ puttaṃva pāletvā, tivassena divaṅgato.
7. Yuvarājā mahindo so, rājāsi tadanantaram;  
Mahāpuñño mahātejo, mahāseno mahāyaso.
8. Ekacchattaṃ akā laṅkaṃ, ghātetvā corupaddavaṃ;  
Akaṃsu tamupaṭṭhānaṃ, niccamaṇḍalanāyakaṃ.
9. Vijjamānepi laṅkāyaṃ, khattiyānaṃ narādhipo;  
Kāliṅgacakkavattissa, vaṃse jātaṃ kumārikaṃ.
10. Āṇāpetvāna taṃ agga-mahesiṃ attano akā;  
Tassā puttā duve jātā, dhītā ekā manoramā.
11. Ādīpāde akā putte, dhītaraṃ coparājiniṃ;  
Iti sīhaḷavaṃsaṅca, paṭṭhapesi sabhūpati.
12. Balakāyaṃ imaṃ desaṃ, maddanattāyā vallaḅho;  
Pesesi nāgadīpaṃ so, sutvā taṃ bhūpati idha.
13. Balaṃ datvāna senavha-rājasenāpatiṃ tadā;  
Vallaḅhassa balene'sa, yujjhituṃ tattha pesayi.
14. Gantvā senāpatī tattha, balene'tassa rājino;  
Yujjhitvā taṃ vināsetvā, gaṇhi so yuddhamaṇḍale.
15. Asakkento imaṃ jetuṃ, rājā naṃ vallaḅhādayo;  
Rājāno mittasambandhaṃ, laṃkindena akaṃsu te.
16. Icchevaṃ rājino tejo, jambudīpamavatthari;  
Paṭtharivāna laṃkāyaṃ, ullaṅghitvāna sāgaraṃ.
17. Saddhammaṃ kathāyantānaṃ, katvā sammā na muttamaṃ;  
Dhammaṃ sutvāna so rājā, pasanno buddhasāsane.
18. Rājā so sannipātetvā, paṃsukūlikabhikkhavo;  
Yācitvā attano gehaṃ, āṇāpetvāna sādhuḷkaṃ.
19. Āsanaṃ paññāpetvāna, nisīdāpiya bhojanaṃ;  
Dāpesi vipulaṃ suddhaṃ, sadā ekadine viya.
20. Anekabyañjanaṃ rājā-raññakānaṃ tapassinaṃ;  
Pesesi bhojanaṃ suddhaṃ, mahagghaṃ vipulaṃ sadā.
21. Vejjeva pesayitvāna, vilānānaṃ tapassinaṃ;  
Santikaṃ so dayāvāso, tikicchāpesi niccasso.
22. Guḷāni ghanapākāni, lasuṇānaṃ rasāni ca;  
Tambulamukhavāsaṅca, pacchabhatte adā sadā.

23. Pottesu pūrayitvāna, lasuṇaṃ maricampi ca;  
Pipphalisaṅgīverāni, guḷāni tiphalāni ca.
24. Ghatam telam madhuñcāya, pāpurattharaṇāni ca;  
Paṃsukūlikabhikkhūnaṃ, paccekam sabbadā adā.
25. Cīvarādīni sabbāni, parikkhārāni bhūpati;  
Kārāpetvāna dāpesi, bhikkhūnaṃ paṃsukulinaṃ.
26. Rājā mahāvihārasmiṃ, ekekassa hi bhikkhuno;  
Paccekam navavatthāni, cīvaratthāya dāpayi.
27. Nikāyattayavāsīnaṃ, bhikkhūnaṃ lābhavāsinaṃ;  
Tulābhāramadā dvīsu, vāresu samahīpati.
28. Rājā so nāgatebhogaṃ,  
Rājāno saṅghabhogato;  
Na gaṇhantūni pāsāṇe,  
Likhāpetvā nidhāpayi.
29. Kathāpetvāna buddhassa, saraṇāni guṇenava;  
Anāthehi ca tesaṅca, bhattavatthāni dāpayi.
30. Dānasālam karitvāna, hatthisālakabhūmiyaṃ;  
Yācakānaṃ adā dānaṃ, tesaṅca sayanāsaṇaṃ.
31. Vejjasālāsu sabbāsu, bhesajjam mañcakaṅca so;  
Corānaṃ bandhanāgāre, niccam bhattāni dāpayi.
32. Vānarānaṃ varahānaṃ, migānaṃ sunakhāna ca;  
Bhattam pūvaṅca dāpesi, dayāvāso yathicchakaṃ.
33. Rājā catuvihāresu, katvā so vīhirāsayo;  
Yathicchitena gaṇhantu, anāthā iti dāpayi.
34. Nānāpūjāhi pūjetvā, katvā maṅgalamuttamaṃ;  
Kathāpesi ca bhikkhūhi, byatthehi vinayaṃ tadā.
35. Therena dhammamittena-sitthagāmakavāsīnā;  
Pūjayitvāna kāresi, abhidhammassa vaṇṇanaṃ.
36. Dāṭhānāgā'bhidhānena, therenā'rañṇavāsīnā;  
Laṃkālamkārabhūtena, abhidhammaṃ kathāpayi.
37. Paṭṭakaṅcukapūjāhi, hemamālikacetiyaṃ;  
Naccagīthehi gandhehi, pupphehi vividhehi ca.
38. Dīpamālāhi dhūpehi, pūjayitvāna'nekadhā;  
Tassa vatthāni bhājetvā, bhikkhūnaṃ dāpayī sayam.
39. Sadā so attano rajje, uyyānesu tahiṃtahiṃ;  
Āṇāpetvāna pupphāni, pūjesi ratanattayaṃ.
40. Pāsādam candanaṃ nāma, kātuṃ maricavattiyaṃ;  
Akārambhaṅca bhikkhūnaṃ bhogagāme ca dāpayi.

41. Kesadhātuṃ nidhāpetvā, karaṇḍaṃ ratanehi so;  
Kārayitvāna pūjesi, ṭhapetvā tattha bhūpati.
42. Soṇṇarajatapaṭṭhehi, thūpārāmaṃhi cetiyaṃ;  
Chādāpetvā yathārajjāṃ, pūjāṃ kāresi bhūpati.
43. Tasmim̐ dhātughare rājā, soṇṇadvāramakārayi;  
Pajjalantaṃ sineruṃva, raṃsīhi sūriyassa so.
44. Jhāpitaṃ coḷarājassa, balena padalañchane;  
Catunnaṃ cetiyānaṃ so, ramaṇiyaṃ gharaṃ akā.
45. Jhātaṃ nagaramajjhamhi, dāṭṭhādhdhātugharaṃ akā;  
Dhammasaṅgaṇīgehañca, mahāpāḷiñca bhūpati.
46. Tambūlamaṇḍapaṃ katvā, tattha suṅkaṃ mahīpati;  
Bhikkhūnaṃ theravaṃse so, bhesajjatthāya dāpayi.
47. Upassayaṃ karitvāna, mahāmaṅgalaṇāmakāṃ;  
Theravaṃsamhi jātānaṃ, bhikkhunīnaṃ adāpayi.
48. Mātulodayarājena, āradhāṃ sādhuṇā tadā;  
Niṭṭhāpesi mahīpālo, pāsādaṃ maṇināmakāṃ.
49. Pariveṇāni cattāri, tasmim̐ jetavane tadā;  
Kārāpayiṃsu cattāro, amaccā tassa rājino.
50. Rañño kittisamādevī, kittināmā manoramā;  
Pariveṇaṃ akārāmaṃ, thūpārāmassa pacchato.
51. Sā tasmim̐ pariveṇe ca, akā kappāsagāmake;  
Cīvaracetiye ceva, tisso pokkharāṇī suci.
52. Dvādasaratanāyāmaṃ, dhajaṃ soṇṇamayañca sā;  
Pūjesi puññasambhāraṃ, hemamālika cetiye.
53. Gihīnaṃ vajjasālañca, putto tassā pureakā;  
Guṇavāsakkasenānī, bhikkhūnañca purābahi.
54. Rājā catuvihāresu, dibbapāsādasannibhe;  
Maṇḍape kārayitvāna, dhātupūjā anekadhā.
55. Vassamekamatikkamma, kārāpetvā mahīpati;  
Cārittaṃ pubbarājūnaṃ, paripālesi sādhuṅkaṃ.
56. Evamādīni puñṇāni, uḷārāni anekadhā;  
Katvā soḷasame vasse, rājā so tidivaṃ gato.
57. Jāto paṭicca taṃ rājaṃ, senā dvādasavassiko;  
Kāliṅgadeviyā putto, pattarajjo tadā ahu.
58. Udayassa kaniṭṭhassa, yuvarājapadaṃ adā;  
Pitu senāpati seno, tassa senāpati ahu.
59. Paccantaṃ balamādāya, gate senāpatimhi so;  
Mātarā saha vattantaṃ, kaṇiṭṭhaṃ tassa bhātaraṃ.

60. Mārāpetvā mahāmallaṃ, akā senāpatiṃ tadā;  
Amaccaṃ udayaṃ nāma, sakaṃ vacanakāraṃ.
61. Taṃ sutvā kupito hutvā, seno senāpati tadā;  
Balamādāya āgañchi, gaṇhissāmīti sattavo.
62. Sutvāna taṃ mahīpālo, katavantaṃ vācamattano;  
Rakkhāmi taṃ amaccanti, gato nikkhamma rohaṇaṃ.
63. Tassa māyā nivattitvā, yuvarājañca rājiniṃ;  
Ādāya kupitā tena āṇāpesi camūpatiṃ.
64. Tāya so saṅgahītova, dāmiḷe sannipātiya;  
Datvā janapadaṃ tesāṃ, puṭatthinagare vasī.
65. Yujjhituṃ tena so rājā, balaṃ pesesi rohaṇā;  
Senāpati vināsesi, sabbaṃ taṃ rājino balaṃ.
66. Damiḷā te janapadaṃ, pīletvā rakkhasā viya;  
Vilumpitvāna gaṇhanti, narānaṃ santakaṃ tadā.
67. Khittā manussā gantvāna, rohaṇaṃ rājasantikaṃ;  
Nivedesuṃ pavattiṃ taṃ, mantetvā sacīvehi so.
68. Rakkhituṃ sāsanaṃ raṭṭhaṃ, tampahāya camūpatiṃ;  
Sandhiṃ katvāna senena, puḷatthinagaraṃ agā.
69. Mahesiṃ attajaṃ katvā, pāletuṃ vaṃsamattano;  
Puttaṃ uppādayitvāna, kassapaṃ nāma uttamaṃ.
70. Vasante tattha laṃkinde, ahitā vallabhā janā;  
Alabhantā suraṃ pātu-māriyā tassa santike.
71. Majjapāne guṇaṃ vatvā, pāyesuṃ taṃ mahīpatiṃ;  
Pivītvā majjapānaṃ so, mattabyālo ahu tadā.
72. Āhārānaṃ khayaṃ patvā, cajitvā dullabhaṃ padaṃ;  
Mato so dasame vasse, taruṇoyeva bhūpati.
73. Ito viditvā khalupāpamitta-  
Vidheyabhāvaṃ parihāni hetuṃ;  
Sukhattitoyeva ida vā huraṃ vā;  
Jahantu te ghoraviṣaṃ'va bālaṃ.

Sujanappasādasamvegatthāya kate mahāvaṃseti rājako nāma

Dvipaññāsatiṃ paricchedo.

## **Tivaññāsatiṃ paccheda**

### **Laṃkāviloponāma**

1. Mahindo taṃ kaṇiṭṭho so, rājaputto tadaccaye;  
Ussāpiya setacchatta-manurādhapure vare.

2. Sena senānīnā' nīta desantarajanā kule;  
Tattha vāsamakappesi, kicchena dasavacchare.
3. Apetanīti maggassa, mudubhūtassa sabbaso;  
Uppādabhāgaṃ nādaṃsu, tassa jānapadā tadā.
4. Accantaṃ khīṇacitto so, vassamhi dasame vibhū;  
Vuttidānena nāsakkhi, saṅgahetuṃ sakaṃ balaṃ.
5. Aladdha vuttino sabbe, keraḷā sahitā tato;  
Na vuttidānaṃ no yāva, hoti mātāva bhuñjatu.
6. Iti rājagharadvāre, sāhasekarasā bhusaṃ;  
Cāpataṃ nisīdiṃsu, sannaddhachurikāyudhā.
7. Hatthasāraṃ samādāya, te vivañciya bhūpati;  
Ummaggato viniggamma, turito rohaṇaṃ agā.
8. Sīdupabbatagāmamhi, khandhavāraṃ nibandhiya;  
Bhātu jāyamma hesitte, ṭhapetvā so tahiṃ vasī.
9. Na cirasseva tassāya, matā yasamahīpati;  
Mahesitte nivesesi, sakabhātussa dhītaṃ.
10. Deviyā tāya sañjāte, sute kassapanāmake;  
Ajjhāvuttaṃ vihāyā'tha, khandhāvāraṃ mahīmati.
11. Kārayitvāna nagaraṃ, kappagallakagāmake;  
Adhipaccaṃ pavattento, rohaṇe suciraṃ vasī.
12. Tato sesesu ṭhānesu, keraḷā sīhaḷā tadā;  
Kaṇṇāṭā ca yathākāma-mādhipaccaṃ pavattayūṃ.
13. Athassa vāñijo eko, paratīraṃ idhāgato;  
Gantvā pavattiṃ laṃkāya, coḷarañño nivedayi.
14. Sotaṃ suṇitvā pesesi, laṃkāgahaṇamānaso;  
Balaṃ mahantaṃ balavā, taṃ khippaṃ laṃkamotari.
15. Paṭṭhāyo tiṇṇaṭhānamhā, viheṭṭentaṃ bahū jane;  
Anukkamena taṃ coḷa-balaṃ rohaṇamajjhagā.
16. Chattimse rājino vasse, mahesiṃ ratanāni ca;  
Makuṭaṅca kamāyātaṃ, sabbamābharaṇaṃ tathā.
17. Amūlikañcavajira-valayaṃ devadattiyāṃ;  
Acchejjacchurikaṃ chinna-paṭṭikā dhātukaṅca te.
18. Paviṭṭhaṃ vanaduggamhi, bhayātaṅca mahīpatiṃ;  
Jīvaggāhamagaṇhiṃsu, sandhilesampadassiya.
19. Mahīpālaṃ dhaṇaṃ taṅca, sabbaṃ hatthagataṃ tato;  
Pesayiṃsu lahuṃ coḷa-mahīpālassa santikaṃ.
20. Nikāyattitaye dhātu-gabbhe laṃkātale khile;  
Mahārahe suvaṇṇādi-paṭibimbe ca'nappake.

21. Bhinditvā sahasā sabbe, vihāre ca tahiṃ tahiṃ;  
Yatho johārino yakkhā, laṅkāyaṃ sāramaggahūṃ.
22. Te coḷā rājaratṭhaṃ taṃ, pulatthipurānissitā;  
Rakkhapāsāṇakaṇḍavha, ṭhānāvadhimabhuñjisūṃ.
23. Taṃ kumārakamādāya, kassapaṃ ratṭhavāsino;  
Vaḍḍhenti coḷabhayato, gopayantā susādarā.
24. Coḷarājā kumāraṃ taṃ, sutvā dvādasavassikaṃ;  
Gahaṇatthāya pesesi, mahāmacce mahābale.
25. Ūnaṃ pañcasahassena, yodhalakkhaṃ samādiya;  
Sabbam te rohaṇaṃ desaṃ, saṅkhobhesu mito tato.
26. Kittināmo'tha sacivo, makkhakudrūsavāsiko;  
Muddhanāmo tathāmacco, māragallakavāsiko.
27. Ubhopi te mahāvīrā, yuddhopāyavicakkhaṇā;  
Coḷasenaṃ vināsetu-maccantakatānicchayā.
28. Paluṭṭhagirināmamhi, ṭhāne dugge nivesiya;  
Kavā chamāsaṃ saṅgāmaṃ, haniṃsu damiḷe bahūṃ.
29. Hatāvasitṭhā coḷātā, raṇe tasmiṃ bhayadditā;  
Palāyitvā yathāpubbam, pulattipuramāvasūṃ.
30. Kumāro jayito disvā, ubho te sacive tadā;  
Haṭṭhatuṭṭho ‘‘varam tātā, gaṇhathā’’ti sa cabravī.
31. Buddho pavenigāmaṃ so, varam yācittha kittiko;  
Saṅghikaṃ gahitaṃ bhāgaṃ, vissajjetuṃ varam vari.
32. Rājaputtavarāladdha-varā'maccavarā tadā;  
Niddarā sādārā vīrā, pāde vandimṃsu tassa te.
33. Rājā dvādasavassāni, vasitvā coḷamaṇḍale;  
Aṭṭhatālīsavassamhi, mahindo so divaṃgato.
34. Pamāda dosānagatena evaṃ,  
Laddhā'pi bhogānanathirā bhavanti;  
Iccappamaṇḍaṃ hitamāsasāno,  
Niccaṃ suviññūsusamā careyya.

Sujanappasādasamvegatthāya kate mahāvamse

Laṅkāvilopo nāma

Tipaññāsatiṃ paricchedo.

## Catupaññāsatiṃ pariccheda

### Cha rājakonāma

1. Katvā vikkamma bāhū'ti, nāma bhūpālasūnuto;



Tassāṇāya pavattiṃsu, sādaraṃ sīhaḷā khilā.

2. So rājā damiḷe hantuṃ, dhanam sañciya' nekādhā;  
Saṅgahaṃ sevakānañca, kurumāno yathocitaṃ.
3. Alaṅkārakiriṭṭāni, chattasīhāsanāni ca;  
Kārayitvā' bhisekattham, sacivehā' bhiyācito.
4. Na yāva rājaratṭhassa, gahaṇam hoti tāva me;  
Chattussāpanakamma, kiṃ tenā' ti vivāriya.
5. Sataṃ narasahassānaṃ, saṅkaletvā mahabbalo;  
Saṅgāmārabba kālamhi, vātarogābhipīḷito.
6. Yujjhitaṃ samayo neti, dvādase vacchare lahuṃ;  
Upecca devanagaraṃ, gañchidevasahabyataṃ.
7. Kittināmo ca sacivo, senāpaccamadhiṭṭhito;  
Rajjatthiko dinānaṭṭha, nijāṇam sampavattayi.
8. Ghātetvā taṃ mahālāna-kittināmo mahabbalo;  
Patvā' bhisekaṃ bhuñjanto, desaṃ taṃ rohaṇavhayaṃ.
9. Saṃvaccharamhi tatiye, coḷayuddhe parājito;  
Sahatthena sakaṃ sīsaṃ, chinditvā sahasā mari.
10. Tadāpīte kirīṭṭādi-dhanasāraṃ samādiya;  
Pesesaṃ damiḷā coḷa-mahīpālassa santikaṃ.
11. Bhayā saraṭṭhaṃ hitvā' tha, duṭṭhadese vasaṃ tadā;  
Eko vikkamaṇḍūti, vissuto patthivattajo.
12. Viññātalāṅkāvuttanto, desamāgamma rohaṇam;  
Kālatitthe vasaṃ vassa-mekaṃ rajjamakārayi.
13. Rāmanvayasamubbhūto, tadāyujjha purāgato;  
Jagatī pālanāmena, vissuto bhūbhujattajo.
14. Raṇe vikkamaṇḍutaṃ, ghātāpetvā mahabbalo;  
Tato cattāri vassāni, rajjam kāresi rohaṇe.
15. Tampi coḷāraṇe hantvā, mahesiṃ dhītarā saha;  
Vittasārañca sākalaṃ, coḷaratṭhamapesayaṃ.
16. Rājā parakkamo nāma, paṇḍurājasuto tato;  
Akā vassadvayaṃ coḷā, ghātesuṃ tampi yujjhiya.
17. Ime bhusaṃ lobhabalābhibhūtā,  
Gatā asesā vivasā vināsaṃ;  
Iccevamaññāya sadā sapañño,  
Taṇhakkhayeyeva ratiṃ kareyya.

Sujanappasādasamvegatthāya kate mahāvamse

Cha rājako nāma

Catupaññāsatimo paricchedo.

## Pañcapaññāsatima pariccheda

### Rohaṇārāti vijayonāma

1. Lokanāmo camūnātho, makkhakudrūsavāsiko;  
Saccapaṭiñño dhītimā, coḷadappavighātano.
2. Abhibhūya jane patvā, rajjaṃ rohaṇamaṇḍale;  
Vasī kājaragāmaṃhi, cārittavidhikovido.
3. Ahu tadā kittināmo, rājaputto mahabbalo;  
Tassa vaṃsādisampattī, nupubbena pavuccate.
4. Suto kassapabhūpassa, māṇanāmena vissuto;  
Ādipādo ahu dhīro, sadācāravibhūsito.
5. Tassā'tha jeṭṭhako bhātā, māṇavammo mahāmati;  
Gokaṇṇakasamīpaṭṭha-nadītīre nisīdiya.
6. Katamantupacāro so, yathāvidhimasesato;  
Akkhamālaṃ gahetvāna, mantam jappitumārabhi.
7. Kumāro kira bhattage, pāturāsi savāhano;  
Sikhaṇḍi mukhatuḍena, balipaṭṭam vikhaṇḍiya.
8. Sacchiddake nāḷikera-kapāle viccunodake;  
Lūkhe jalamapassanto, japantassa mukhaṃgato.
9. Tato bhāvinim siddhi, mapekkhaṃ nayanam sakam;  
Tassopanesi, nibbhijja, sopi tam sahasāpici.
10. Kumāro tassa santuṭṭho, kumārassābhipatthitam;  
Varam padāya nabhasā, rājamāno gato tato.
11. Bhinnekanayanam disvā, sacivātam paro disum;  
Varalābham pakāsetvā, samassāsesi so jane.
12. Tato so sacivātassa, santuṭṭhārādhayimso tam;  
Anurādhapuram patvā, bhiseko kāriyo iti.
13. Attho ko mamarajjena, vikalaṅgassa sampati;  
Tapokammaṃ karissāmi, pabbajjamupagammamaṃ.
14. Kaṇiṭṭho māṇanāmo ca, laṅkārajjam kamāgataṃ;  
Pāletu iti so rajjam, sampattam sampaṭikkhipi.
15. Viññātacittasañcārā, sacivā tassa sabbathā;  
Vattumetaṃ kaṇiṭṭhassa, pesesum purise tadā.
16. Sutvā tam sīghamāgamma, passivā sakabhātaram;  
Pativā pādāmūlamhi, bahum kandiya rodiya.
17. Jeṭṭhena bhātārā saddhi-manurādhapuram gato;

Makuṭaṃ tattha dhāresi, jeṭṭhacittānuvattako.

18. Tato'bhayagiriṃ gantvā, pabbajjaṃ sakabhātuno;  
Yata yo tattha yācitha, bahumānapurassaraṃ.
19. Tato te yatayo tassa, pabbajjamupasampadaṃ;  
Akaṃsu vikalaṅgassa, sikkhāpadanirādarā.
20. Pariveṇamuttaroḷa-muḷāraṃ tassa kāriya;  
Katvā taṃ pariveṇassa, sāmikaṃ dharaṇī pati.
21. Bhikkhūnaṃ chasataṃ tattha, vidhāya tadadhīnakaṃ;  
Parihāre adā tassa, pessavagge ca pañca so.
22. Samappesi ca so nānā-sippakammavicakkaṇe;  
Jane cākā tadāyatte, so dāṭhādhatūrakkihiye.
23. Tassevādarkarā'hesuṃ, bhikkhū'bhayagiriṃhi te;  
Rājā ca lokaṃ pālesi, sammā tassānusiṭṭhiyā.
24. Janā tabbaṃsajā keci, taṃ rajjanirapekkhakā;  
Nivasīṃsu yathākāmaṃ, mahāsāmi padaṃsitā.
25. Etassa māṇavamassa, rañño dhammanayañño;  
Aggabodhikumārādi-puttanattukkamāgate.
26. Vaṃse visuddhe jātassa, bhūpālanvayamuddhani;  
Samāsoḷasakaṅkāyaṃ, sammā rajjānusāsino.
27. Mahīpassa mahindassa, duve mākuladhītaro;  
Devalā lokikā cāti, nāmato vissutā subhā.
28. Etāsu dvīsu dhītāsu, lokikā mātulattaṃ;  
Paṭicca rājatanayaṃ, subhaṃ kassapanāmaṃ.
29. Sā moggallāna lokavhe, putte dve labhi sobhane;  
Tesu jeṭṭhasuto loka-sāsanādhāraṃkovidō.
30. Mahāsāmīti paññāto, saṅghupāsanapālayo;  
Nekasāraguṇāvāso, vāsaṃ kappesi rohaṇe.
31. Dāṭhopatissa rājassa, nattā sugatasāsane;  
Pabbajjūpagato saddho, dhutavā sīlasaṃvuto.
32. Pahitatto vicittoso, pantasenāsane vasī;  
Guṇaṃ sabbattha vaṇṇesuṃ, tasmīṃ devā pasīdiya.
33. Guṇaṃ suṇitvā laṃkindo, tadā sabbattha patthaṃ;  
Upasaṅkamma taṃ natvā, kātumattānusāsanaṃ.
34. Ārādhayamanicchantāṃ, yācivāna punappunaṃ;  
Āñīya vāsavitvā taṃ, pāsāde sādhuṅkārīte.
35. Yatissarassa vasato, kattha rājāguṇappiyo;  
Tassānusiṭṭhimaggaṭṭho, lokaṃ dhammena pālayi.

36. Uddissārādhanam sammā, lamkindena kataṃ tadā;  
Selantarābhinnikkhamma, yatindo so dayānugo.
37. Yato bhikkhū samūhetvā, vāsaṃ kappesi yattha so;  
Selantarasamūho'ti, vikkhyātiṃ so tato gato.
38. Tato paṭṭhāya vāsetvā, rattiyaṃ devapalliyam;  
Devatānumataṃ bhikkhum, mūlaṭhāne ṭhapenti hi.
39. Mūlattamāvasantānaṃ, yatīnāmanusāsanaṃ;  
Lamkissarā pavattanti, pālentā lokasāsanaṃ.
40. Tassa dāṭhopatissassa, vaṃsajam rājaputtakam;  
Bodhiṃ paṭicca tabbaṃsā, buddhanāmā kumārikā.
41. Alattha lokitaṃ nāma, dhītaram varalakkhaṇam;  
Kālena sā padinnā'si, moggallānassa dhīmato.
42. Sā taṃ paṭicca kittiṅca, mittaṃ nāma kumārikam;  
Mahindaṃ rakkhitaṃ cāpi, latittha caturo pajā.
43. Ahu jeṭṭhasuto dhīro, vīro terasavassiko;  
Katahattho visesena, dhanusippamhi so tato.
44. Kathaṃ laṅkaṃ gahessāmi, dūretvā'rāti kaṇṭakam;  
Iti cintāparogāme, mūlasālavhaye vasī.
45. Eko mahābalo vīro, buddharājoti vissuto;  
Vilomavattī hutvāna, lokasenānino tadā.
46. Palāto cuṇṇasālavham, khippam janapadam taḥim;  
Kittādike jane neke, vase vattiya sabbathā.
47. Saddhiṃ bandhūhi saṅgāma-sūrehi bahukehi so;  
Malayācalapādesu, vasī duppasaho tadā.
48. Tassa'ntikamupāgama, saṃvaccharikanāyako;  
Saṅgho nāma kumārassa, sarūpaṃ sādhuvaṃ bravi.
49. Mahāsāmissa tanayo, jeṭṭho kitti sanāmako;  
Dhaññalakkhaṇasampanno, sampannamativikkamo.
50. Jambudīpepi taṃ rajjam, kattumekātapattakam;  
Samatthoti vicintepi, laṅkādīpamhi kā kathā.
51. Tassa so vacanaṃ sutvā, sevitaḥbo kumārako;  
Iti nicchiya pesesi, kumārassa'ntikam jane.
52. Suṇitvā so vaco tesam, nivattanabhayā vibhū;  
Ajānaḥam pitunnam so, vīro dhanusahāyako.
53. Gehā nikkhamma passanto, sunimittānīnekadhā;  
Agālahum sarīvagga-piṭṭhigāmaṃ mahāmati.
54. Taḥim so nivaṣam vīro, pesayitvā sasevake;  
Vipakkhādhiṭṭhitaṃ jesi, bodhivālavhagāmakam.

55. Tato'bhimānī senānī, senaṃ so tattha pesayi;  
Sā parikkhipataṃ gāmaṃ, saṅgāmāya samārabhī.
56. Kumāro tehi yujjhanto, subhaṭo paṭuvikkamo;  
Disāsu vikirīsabbe, tulaṃ caṇḍova māḷuto.
57. Cunṇasālaṃ janapadaṃ, gantvā ṭhānavidū tadā;  
Tahiṃ vasaṃ vasekāsi, sabbāṃ malayamaṇḍalaṃ.
58. Tadāpi senaṃ senindo, pesetvā asakiṃ sakaṃ;  
Abhibhūtimasakkonto, kātuṃ dummanataṃ gato.
59. Makkhakudrusavāsissa, sacipassātha kittino;  
Suto mahabbalo deva-malloti vidito tadā.
60. Sahito bandhumittehi, bahū rohaṇavāsino;  
Samādāyā'bhigantvāna, kumāraṃ passi sādaro.
61. Bandhiya churikaṃ cheko, so pannarasavassiko;  
Ādipādapadaṃ tattha, sampāpuṇi mahāyaso.
62. Tato hiraññamalaya, mupāgamma mahabbalo;  
Tahiṃ remuṇaselamhi, khandhāvāraṃ nibandhayi.
63. Tatthāpi senaṃ pesetvā, saṅgāmento camūpati;  
Aladdhaviṇṇayo chandaṃ, punayuddhe jahitato.
64. Lokanāmo camūnātho, lokaṃ hitvā sakaṃ tadā;  
Ahu vassamhi chaṭṭheso, paralokaparāyano.
65. Tadā kassapanāmeko, kesadhātukanāyako;  
Jane'bhībhūyavattesi, nījāṇaṃ rohaṇe tadā.
66. Sutvā taṃ coḷasāmanto, puḷatthinagarā tadā;  
Nikkamma yuddhasanaddho, gantvā kājaragāmakāṃ.
67. Kesādhātu tato yuddhe, bhinditvā damiḷaṃ balaṃ;  
Rakkhapāsāṇasīmāyaṃ, ṭhapetvā rakkiye jane.
68. Paṭiladdhajayuddāmo, mahāsenā purakkhato;  
Punarāgamma pāvekkhi, vīro kājaragāmakāṃ.
69. Tadādipādo sutvāna, sabbāṃ sutthīradhātuko;  
Kesadhātuṃ nighātetuṃ, balaṃ sannayhi vegasā.
70. Pavattiṃ taṃ suṇitvā so, sābhimāno bhusaṃtato;  
Samattaṃ balaṃādāya, sippatthalakamāgamā.
71. Pañcayojanaraṭṭhādi-vāsikesu bahūjane;  
Samādāya samāsanne, rājaputte sudujjaye.
72. Virattatañca so ñatvā, bahunnaṃ raṭṭhavāsinaṃ;  
Dukkaraṃ ettha yuddhanti, gato so khadirāṅgaṇiṃ.
73. Mahāsenāya bhūpāla suto soḷasavassīko;  
Khippaṃ vāpekkhi so vīta-daro kājaragāmakāṃ.

74. Chammāsamanubhotvāna, rohaṇaṃ ruṭṭhamānaso;  
Kesadhātukanāthopi, saṅgāmatthāya tatthagā.
75. Rājaputtassa senā'tha, vattenti samaraṃ kharaṃ;  
Kesadhātukanāthassa, sīsaṃ gaṇhi mahabbalā.
76. Āgamma sattarasavayaṃ kumāro;  
Sabbattha patthaṃamahāyasakittitejo;  
Sumādineka vidhiyogavisesadakkho;  
Khīṇārikaṇṭakamakā'khilarohaṇaṃ taṃ.

Sujanappasādasamvegatthāya kate mahāvamse

Rohaṇārātivijayo nāma

Pañcapaññāsatimo paricchedo.

## Chapaññāsatima pariccheda

### Anurādhapurābhigamano

1. Yuvarājapade tassa, ṭhitassā'tha nayaññuno;  
Ahū vijayabāhūti, nāmaṃ sabbattha pākaṭaṃ.
2. Mahāññaṇo nijāṇāya, tattha bheriṃ carāviya;  
Ṭhapento sacive'neke, patirūpe padantare.
3. Coḷānaṃ maddanattāya, rājaraṭṭhādhivāsinaṃ;  
Caturō caturōpāye, yo jayaṃ tattha so vasī.
4. Coḷarājā suṇitvā taṃ, puḷatthinagare ṭhitaṃ;  
Senāpatima pesesi, datvāna balavāhanaṃ.
5. Senindaṃ kājaraggāma-samīpaṃ samupāgataṃ;  
Duppasayhaṃ viditvāna, giriduggamagā tato.
6. Senindo kājaraggāmaṃ, vilumpitvāna vegasā;  
Tattha vatthumasakkonto, sadesaṃ puna rāgami.
7. Tato mahādipādo'pi, āgamma malayā lahuṃ;  
Mahatā balakāyena, sippatthalakamāvasi.
8. Rājā rāmaññavisaye, rājino santikaṃ jane;  
Pesesi bahukesāraṃ, dhanajātañca'nappakaṃ.
9. Vicittavatthakappūra-candanādīhi vatthūhi;  
Paripuṇṇā ca nāvāyo, nekātitthe samosaṭā.
10. Dhanajā tehi nekehi, karonto bhaṭasaṅgahaṃ;  
Tato tambalagāmamhi, nivasittha mahabbalo.
11. Aññamaññaviruddhattā, rājāraṭṭhādhivāsino;  
Upagamma janā sabbe, karaṃ no denti sabbaso.
12. Vipakkhācoḷarājassa, bhindantā'ṇaṃ maduddhatā;

Āyuttake vihiṃsento, yathākāmaṃ caranti ca.

13. Taṃ sutvā coḷabhūpālo, sampakopavasīkato;  
Senāṃ mahantiṃ datvāna, pesesi sacivaṃ nijaṃ.
14. Mahātitthe'vahiṇṇo so, tattha tattha bahūjane;  
Ghātento savase katvā, rājāraṭṭhādhiṃvāsino.
15. Anukkamena gantvāna, kharāṇo rohaṇaṃ tadā;  
Ajjhottari saseno sa, bhinno velovasāgaro.
16. Rañño paccatthikā hutvā, ravidevacalavhayā;  
Ubho damiḷaseninda-vasaṃ yātā mahabbalā.
17. Mahāpakkkhalopete, te passiya camūpati;  
Rohaṇaṃ sakalaṃ khippaṃ, maññittha sakahatthagamaṃ.
18. Ekādasamhi so vasse, rājā coḷābhībhūtiyā;  
Paluṭṭhapabbate duggaṃ, pavidhāya tahiṃ vasī.
19. Coḷasenā tadāselamaṃ, samantā samparikkhipi;  
Tattho'bhayesaṃ senāna-mahū bhiṃsanakaṃ raṇaṃ.
20. Rañño bhaṭā vināsetvā, sabbaṃ taṃ damiḷaṃ balaṃ;  
Palāyantaṃ mahācoḷa-sāmantañcānubandhiya.
21. Gahetvāna siraṃ tassa, gāmasmiṃ tambaviṭṭhike  
Saddhiṃ vāhanayānehi, sārabhūtadhanehi ca.
22. Tahiṃ taṃ sakalaṃ bhaṇḍaṃ, netvā rañño padassiya;  
Pulattthinagaraṃ gantuṃ, kālo iti samabravuṃ.
23. Mahīpālopi taṃ sutvā, sacivānaṃ vaco tadā;  
Mahatā balakāyena, pulattthinagaraṃ gato.
24. Pavattimetamaṃ sakalaṃ, sutvā coḷanarissaro;  
Tibbakopavasamyāto, bhūpālagahaṇatthiko.
25. Sāmaṃ khippaṃ samāgamma, vīro sāgarapaṭṭanaṃ;  
Bhiyyopi mahatiṃ senaṃ, lamkādīpamapesayī.
26. Taṃ vijāniya bhūmindō, senindaṃ pesayī sakaṃ;  
Balaṃ mahantaṃ datvāna, coḷasenāya yujjhituṃ.
27. Gacchamāno camūnātho, so'nurādhapurantike;  
Saddhiṃ damiḷasenāya, vattesi tumulaṃ raṇaṃ.
28. Patimsu tasmīṃ saṅgāme, bhūpālassa narā bahū;  
Bhiyyopi damiḷayattā, jātā taṃ raṭṭhavāsino.
29. Vihāya dharaṇīpālo, pulattthinagaraṃ tadā;  
Villikābāṇakaṃ raṭṭhaṃ, sampāpuṇiya vegasā.
30. Nihaccāmaccaḃyugalaṃ, taṃ raṭṭhādhiṭṭhitaṃ tadā;  
Tahiṃ vāsamakappesi, sabhaṭe sannipātayaṃ.

31. Attānamanubandhantaṃ, sutvā coḷacamaṃpatim;  
Gantvā vātagiriṃ nāma, samayaññū siluccayaṃ.
32. Upaccakāya selassa, tattha duggaṃ nivesiya;  
Raṇaṃ karonto temāsaṃ, damaḷe paṭibāhayi.
33. Kesadhātukanāthassa, māritassa purāraṇe;  
Bhātā kaṇiṭṭho sampatta, mahāpakkhabalo tadā.
34. Māraṇaṃ sakabhātussa, saranto ruṭṭhamānaso;  
Sakalaṃ parivattesi, guttahālakamaṇḍalaṃ.
35. Atho lamkissaro tattha, khippaṃ gantvā mahabbalo;  
Ṭhāne maccutthale nāma, khandhāvāraṃ nibandhiya.
36. Khadiraṇaṇiduggamhā, palāpetvāna taṃ raṇe;  
Ṭhānā kubulagallā ca, yujjhanto taṃ palāpayi.
37. Vihāya puttadārādi-sabbaṃ nekadhanaṃ balaṃ;  
Palāyamāno so raṭṭhaṃ, coḷāyatta magālahuṃ.
38. Tadā narissaro tata, tassa sabbaṃ samādiya;  
Gantvā tambalagāmamhi, navāṃ duggaṃ nivesiya.
39. Anukkamena gantvāna, mahānāgahulavhaye;  
Purevasī susajjento, balaṃ coḷehi yujjhituṃ.
40. Tato rājā samavhāya, sacīve dve mahabbale;  
Pesesi dikkhiṇaṃ passaṃ, vasaṃ netuṃ tahiṃ jane.
41. Sampesesi mahāmacca-yugalaṃ kakkhalaṃ vibhū;  
Coḷadappavināsāya, tato velā mahāpathe.
42. Pesitā dakkhiṇaṃ passaṃ, amaccā' me mahabbalā;  
Muhunnaruggamaduggaṃ, badaḷatthalameva ca.
43. Vāpīnagaraduggaṇca, buddhagāmakameva ca;  
Tilagullaṃ mahāgallaṃ, maṇḍagallakameva ca.
44. Anurādhapurañcāti, gahetvāna kamena te;  
Vattentā savase raṭṭhaṃ, mahātitthamupāgatā.
45. Pesitā sacivādvetu, tato velā mahāpathe;  
Vilumpantā chagāmādi-khandhāvāre tahiṃ tahiṃ.
46. Pulatthinagarāsannaṃ, kamenā' gamma pesayūṃ;  
Dūte rājantikakhippa-māgantūṃ vaṭṭatūtiha.
47. Disāsā dvīsu yānehi, sacivehi pavattitaṃ;  
Vikkamāti sayaṃ sutvā, kālaññū so mahīpahi.
48. Sīghaṃ sannayha senaṅgaṃ, samaggaṃ vidikovido;  
Ummūlanāyacoḷānaṃ, purātamaḥ' bhinikkhami.
49. Gacchaṃ gaṅgāya mahiya-ṅgaṇathūpantike vibhū;  
Senānivesaṃ kāretvā kañcīkālāṃ tahiṃ vasī.



50. Kamenāgamma ṭhānaññū, puḷatthinagarantike;  
Bandhāpesi mahāvīro, khandhāvāraṃ thiraṃ varaṃ.
51. Tattha tattha ṭhitā sūrā, colā ye kakkhalā'khilā;  
Pulatthinagare yuddhaṃ, kātuṃ sannipatiṃsu te.
52. Nikkhamma nagarā gantvā, colā bahi mahāraṇaṃ;  
Katvā parājītā bhītā, pavissa nagaraṃ sakaṃ.
53. Guttā sesapuradvārā, gopuraṭṭālanissitā;  
Mahāhavaṃ bahussāhā, pavattesuṃ bhayāvahaṃ.
54. Diyaḍḍhamāsaṃ yujjhanti, nagaraṃ tamuparundhiya;  
Sādhetuṃ nevasā'sakkhi, bhūpālassa mahācamū.
55. Mahārañño mahāvīrā, mahāsūrā mahabbalā;  
Mahābhaṭṭā mahāmānā, ravidevacalādayo.
56. Ullāṅghitvāna pākāraṃ, pavissa sahasā puraṃ;  
Khaṇena damiḷe sabbe, mūlaghaccamaghātayaṃ.
57. Evaṃ laddhajayo rājā, tadā vijayabāhuso;  
Carāpesi nijāṇāya, bheriṃ bhūrimatipure.
58. Taṃ sutvā sakasenāya, vināsaṃ colābhūpati;  
Sīhaḷā balavantoti, bhiyyo senaṃ na pāhiṇi.
59. Vīro asesanihatuddhaṭṭa colāsetṭho;  
Viññū susādhuṭṭhapitākhilarājaratṭho;  
Iṭṭhannurādhapurasetṭhamatīva haṭṭho;  
Vassamhi pañcadasame gami rājasetṭho.

Sujanappasādasamvegatthāya kate mahāvaṃse

Anurādhapurābhigamano nāma

Chappaññāsatimo paricchedo

## Sattapaññāsatima pariccheda

### Samgahakaraṇāma

1. Laṅkāraḅhāya sacive, balino yodhasammate;  
Paṭipāṭiṃ samuddissa, samantā sanniyojayi.
2. Abhisekamaṅgalatthāya, pāsādādimanekataṃ;  
Kiccaṃ sampādanīyanti, sacivaṃ sanniyojiya.
3. Vandanīye'bhivandanto, padesenekaketahiṃ;  
Netvā māsattayaṃ gañchi, pulatthinagaraṃ puna.
4. Vissuto ādimalaya-nāmena balanāyako;  
Ujupaccatthiko hutvā, mahīpālassa sabbaso.
5. Gaṅgā matthayu'pāgañchi, balaṃ sabbaṃ samādiya;

Andūti vissutaṃ manda-pañño gāmaṃ purantike.

6. Laṃkissaro tahiṃ gantvā, uddharitvā tamuddhataṃ;  
Pulattthinagaraṃ gañchi, vase vattiya taṃ balaṃ.
7. Yuvarājapadaṃyeva, sito santo likhāpayi;  
So sattarasavassāni, sappañño narasattamo.
8. Tato'nurādhanagara-mabhigamma yathāvidhiṃ;  
Anubhotvā vidhānaññū, abhisekamahussavaṃ.
9. Aṭṭhito pāpadhammesu, suṭṭhito seṭṭhakammaṃ;  
So aṭṭhārasamaṃ vassaṃ, likhāpayi susaṅṭhito.
10. Tato āgama nivasi, pulattthinagare vare;  
So sirīsaṅghabodhī'ti, nāmadheyyena vissuto.
11. Anujaṃ so vīrabāhu-moparajje nivesiya;  
Datvāna dakkhiṇaṃ desaṃ, taṃ saṅgaṇhi yathāvidhiṃ.
12. Kaṇiṭṭhassātha bhātussa, jayabāhussa bhūbhujō;  
Ādipādapadaṃ datvā, raṭṭhaṃ cā' dāsi rohaṇaṃ.
13. Ṭhānantarāni sabbesa-mamaccānaṃ yathārahaṃ;  
Datvā rajje yathāñāyaṃ, karaṃ yojesi gaṇhituṃ.
14. Cīrassaṃ parihīnaṃ so, dayāvāso mahīpati;  
Pavattesi yathādhammaṃ, ṭhitadhammo vinicchayaṃ.
15. Evaṃ samuddhaṭāneka, ripukaṇṭakasañcaye;  
Niccaṃ rajjaṃ pasāsente, laṅkaṃsammānarissare.
16. Chattaggāhakanātho ca, dhammagehakanāyako;  
Tattheva seṭṭhinātho ca, iccete bhātaro tayo.
17. Rañño virodhitā yātā, phalātā jampudīpakaṃ;  
Laṅkaṃ vīsatiṃ vasse, ekenūne samotarūṃ.
18. Te sabbe rohaṇaṃ raṭṭhaṃ, sabbāṃ malayamaṇḍalaṃ;  
Sabbāṃ dakkhiṇapassaṅca, sahasā parivattayūṃ.
19. Nīpuṇo rohaṇaṃ gantvā, tathā malayamaṇḍalaṃ;  
Nighātento bahū tattha, tattha paccatthike jane.
20. Sammāvupasametvā taṃ, ṭhapetvā sacive tahiṃ;  
Dakkhiṇo dakkhiṇaṃ desaṃ, sayaṃ gantvā mahabbalo.
21. Pesetvā samaṇībhātu-vaṃsajaṃ sacivaṃ tadā;  
Gāhetvā samareghore, vīro te sakaverino.
22. Samāropiyasūlamhi, laṅkaṃ vigatakaṇṭakaṃ;  
Kāretvāna nirātāṅkaṃ, pulatthipuramāgami.
23. Vasantī coḷavisaye, jagatipālarājini;  
Coḷahatthā pamuñcivā, saddhiṃ dhītu kumāriyā.

24. Līlavatyābhidhānāya, nāvāmāruyha vegasā;  
Laṃkāḍīpamhi otiṇṇā, passi laṃkissaraṃ tadā.
25. Sutvā vaṃsakkamaṃ tassā, so ñatvā suddhavaṃsatam;  
Līlavatiṃ mahisitte, abhisiñci narissaro.
26. Sā taṃ paṭicca rājānaṃ, mahesī dhītaraṃ labhi;  
Nāmaṃ yasodharāti'ssā, akāsi dharaṇī pati.
27. Merukandararaṭṭhena, saddhiṃ rājā sadhītaraṃ;  
Vīravammaṣṣa pādāsī, sā labhi dhītaro duve.
28. Samānanāmikā jeṭṭhā, sā mātā mahiyā ahu;  
Sugalā nāmikā āsi, tāsū dvīsu kaṇiṭṭhikā.
29. Kāliṅgadharaṇīpāla-vaṃsajaṃ cārudassanaṃ;  
Tilokasundaraṃ nāma, sukumāraṃ kumārikaṃ.
30. Kāliṅgaraṭṭhato rājā, āṇāpetvā ciraṭṭhitim;  
Nijavaṃsassa icchanto, mahesitte'bhi secayi.
31. Subhaddā ca sumittā ca, lokanāthavhayāpi ca;  
Ratanāvalī rūpavatī, itimā pañca dhītaro.
32. Puttaṃ vikkamaḃāhuñca, sā labhī dhaññalakkhaṇaṃ;  
Sampattā sā pajavuddhim, haranti rājino matam.
33. Itthāgāresu sesesu, vītā samakulaṅganā;  
Gabbho jātumahīpālaṃ, taṃ paṭicca na saṅṭhahi.
34. Athekadivasam rājā, amaccagaṇamajjhago;  
Pilokiyathibhā sabbā, dhītaro paṭipāṭiyā.
35. Dhītu navamavasesānaṃ, ṭhapetvā ratanāvalim;  
Dhaññalakkhaṇasampanna-puttassuppattisucakaṃ.
36. Lakkhaṇaṃ lakkhaṇaññū so, apassaṃ pemacegavā;  
Ratanāvalimāhūya, tassā muddhani cumbiya.
37. Tejogaṇehi cāgehi, dhiyā sūrattanena ca;  
Bhūte ca bhāvino ceva, sabbe bhūpe'tisāyino.
38. Niccaṃ laṅkaṃ nirāsaṅka-mekacchattakameva ca;  
Pavidhātuṃ samatthassa, sammāsāsanatāyino.
39. Sobhanānekavattassa, imissā kucchiessati;  
Puttassuppattiṭhānanti, muduto so samabravi.
40. Yāvantaṣṣāpikhocoḷa-mahīpālassa nekaso;  
Kulābhimānī rājā so, adatvāna kaṇṭiyasiṃ.
41. Āṇāpetvā paṇḍurājaṃ, visuddhatvayasambhavaṃ;  
Anujaṃ rājiniṃ vassa, mittavhayamadāsiso.
42. Sāmāṇabharaṇaṃ kitti, sirī meghābhidhānakaṃ;  
Sirivallabhanāmañca, janesi tanaye tayo.

43. Subhadda vīrabāhussa, sumittam jayabāhuno;  
Mahatā parihārena, pādāsi dharaṇī pati.
44. Adāsi māṇābharaṇe, dhītaram ratanāvalim;  
Lokanāthavhayaṃ kitti sirimeghassa`dāsiso.
45. Rūpatyabhidhānāya, dhītuyo paratāyahi;  
Sarīrivallabhasādā, sugalavha kumārikam.
46. Madhukaṇṇavabhīmarāja, balakkāra sanāmake;  
Mahesī bandhaverāja-putte sīhapurāgate.
47. Passitvāna pahīpālo, tadā sañjātapītiko;  
Tesaṃ pādāsi paccekam, vuttiṃ so anurūpakam.
48. Te sabbe laddhasakkāra sammānādharāṇīpatim;  
Ārādhayantā sasataṃ, nivasimsu yathāruciṃ.
49. Etesam rājaputtānam, sundarivham kaṇiṭṭhakam;  
Adā vikkamabāhussa, nijavamṣaṭhitatṭhiko.
50. Bhiyyo vikkamabāhussa, tato līlavatiṃ satim;  
Saha bhogena pādāsi, tadā bandhu hiterato.
51. Vidhāya evaṃ sajjane janindo;  
Nissesato bhogasamappito;  
Dayāparo ñātijanātamattam;  
Samācarī nītipathānurūpaṃ.

Sujanappasādasamvegatthāya kate mahāvamse

Samgahakaraṇo nāma

Sattapaññāsatimo paricchedo

## **Aṭṭhapaññāsatima pariccheda**

### **Lokasāsana samgahakaraṇo**

1. Vicinitvā kulīne so, jane sabbe samādiya;  
Sakārakkhāya yojesi, yathācāram mahīpati.
2. Uccaṃ pulatthinagare, pākāram kārayī thiram;  
Nekagopurasamyuttaṃ, yudhākammasurañjitaṃ.
3. Samantāyatavitthiṇṇa-gambhīraparikhāyutaṃ;  
Uccapatthaṇḍilopetaṃ, duppadhamṣamarātihi.
4. Upasampadakammaṣsa, gaṇapūrakabhikkhūnaṃ;  
Appahonekabhāvena, sāsanaṭhitimānaso.
5. Anuruddhanarindassa, sahāyassātha santikam;  
Rāmaññavisayaṃ dūte, pesetvā sahapābhate.
6. Tato āṇāpayitvāna, piṭakattayapārage;

So sīlādiguṇāvāse, bhikkhavo therasammate.

7. Te uḷārāhi pūjāhi, pūjayitvā narissaro;  
Pabbajjā upasampatti, kārayitvā anekaso.
8. Piṭakattayañca bahuso, kathāpetvā savannaṇaṃ;  
Laṅkāyo'sakkamānaṃ so, jotayī jinasāsaṇaṃ.
9. Putatthinagarassanto, padesasmim̐ tahiṃ tahiṃ;  
Vihāre kārayitvāna, bahuke sumanohare.
10. Bhikkhavo tattha vāsetvā, nikāyattayavāsino;  
Paccayehi uḷārehi, santappesi catūhipi.
11. Phalikatthambhakacāru-pākāraparikhāyutaṃ;  
Pañcabhūmakapāsāda-pavare no'pasobhitaṃ.
12. Samasantā vāsapantīhi, subhāhi suvirājitaṃ;  
Nirakiṇṇamasambādha varabhāsurā gopuraṃ.
13. Vihāraṃ kārayitvāna, vatthuttayaparāyano;  
Nikāyattayavāsissa, bhikkhusaṅghassa'dāsiso.
14. Saṅghassa pākavaṭṭatthaṃ, raṭṭhaṃ datvā'ḷisāraṃ;  
Sakalaṃ sannivāsīhi, nettikehi saheva so.
15. Nekasatānibhikkhūnaṃ, vāsāyitvāna tattha so;  
Satataṃ sampavattesi, uḷāraṃ catupaccayaṃ.
16. Dāṭṭhādadhātugharaṃcāru, kārayitvā mahārahaṃ;  
Dāṭṭhādhatussa niccaṃ so, mahāmahamakārayi.
17. Gaṇasaṅgaṇikā'peto, potthakaṃ dhammasaṅgaṇiṃ;  
Parivattesi sopāto, sundare dhammamandire.
18. Naccādīgandhamālādi-nekapūjampavattiya;  
Sīrena saddhāsambandho, sambuddhamabhivandati.
19. Jambudīpāgate cāga, sūro so bhuvirisūrayo;  
Tappesi dhanadānena, dāniyeneka so vibhū.
20. Saddhammakathikānaṃ so, pūjā katvāna nekasō;  
Desāpesica saddhammaṃ, sadādhammaṃguṇe rato.
21. Tikkhattūṃ so tulābhāra-dānaṃ dinesu dāpayi;  
Uposathaṃ vopavasi, suvisuddhamuposathe.
22. Adā daṇḍissaraṃ dāna-manusaṃvaccharaṃ vibhū;  
Piṭakattayaṃ likhāpetvā, bhikkhusaṅghassa dāpayi.
23. Mahagghamaṇimuttādi-ratanāni sapesiya;  
Jambudīpe mahābodhiṃ-nekakkhattuma pūjayi.
24. Kaṇṇāṭabhūmipālena, coḷaraññā ca pesitā;  
Dūtāmahantamādāya, paṇṇākāramidhāgatā.

25. Addasaṃsu mahīpālaṃ, tato so tuṭṭhamānaṃ;  
Tesaṃ ubhinnaṃ dūtānaṃ, kattabbaṃ sādhuḅkārīya.
26. Tesu ādo'va kaṇṇāṭa-dūtehi saha pesiya;  
Dūte sakīye kaṇṇāṭa-nikaṭaṃ sārāpābhate.
27. Attano visayaṃ patte, coḷo sīhaḷa dūtāke;  
Sahasā kaṇṇanāsāsu, pāpayiṃsu virūpaṭaṃ.
28. Sampattavippakārāke, idhāgantvāna rājino;  
Kathayiṃsu tadā sabbaṃ, coḷena katamattani.
29. Uddipitābhimāno so, sakalāmaccaṃajjhago;  
Avhāya dāmiḷe dūte, iti coḷassa sandisi.
30. Senaṃ vinā'va ekasmiṃ, dīpe majjhe mahaṇṇave;  
Bāhābalaṃparikkhāvā, hotuno dvandayuddhato.
31. Balaṃ sannayha sakalaṃ, rajje tuyhaṃ mamā'tha vā;  
Tavā'bhimata dosamhi, saṅgāmo vā karīyātaṃ.
32. Mayā vuttakkameneva, vattabbo vo janādhipo;  
Iti vatvāna te dūte, itthalānkāra maṇḍite.
33. Vissajjiya lahuṃcoḷa-mahīpālāssa santikaṃ;  
Tato senāṅgamādāya, anurādha puraṃ gami.
34. Mattikāvāṭatitthe ca, mahātitthe ca pesayī;  
Coḷaraṭṭhaṃ'va gantvāna, yujjhitaṃ dve camūpati.
35. Sajjantesu camūpesu, nāvāpātheyyakāni ca;  
Yuddhatthāya balaṃ coḷa-raṭṭhapesanakāraṇā.
36. Tadā tiṃsatime vasse, veḷakkārasanāmakā;  
Balakāyā tahiṃgantu-manicchantā virodhino.
37. Māretvāna ubho senā-nāthe mattagajāviya;  
Samantato vilumpiṃsu, pulatthipuramuddhatā.
38. Puttehi tīhi sahitaṃ, rājino ca kaṇṇiyasiṃ;  
Gaṇitvā sahasā rāja-pāsādaṃ cāpi jhāpayuṃ.
39. Rājā nikkamma khippaṃ so, gantvā dakkhiṇapassakaṃ;  
Sele vātagirivhasmiṃ, sāraṃ bhaṇḍaṃ ṭhapāpiya.
40. Vīrabāhuparājena, sīhavikkamasālinā;  
Mahatā ca baloghena, samantā parivārīto.
41. Pulatthipuramāgama, vattento dāruṇaṃ raṇaṃ;  
Palāpesi khaṇeneva, balakāye samāgate.
42. Māritāna camūpāna-matṭhisāṅghāṭadhiṭṭhitaṃ;  
Parikkhipitvā citakaṃ, veribhūte balādhipe.
43. Bandhayitvāna khāṇumhi, pacchā bāhaṃ subandhanaṃ;  
Parito vipphuraṇtīhi, aggijālāhi jhāpayi.

44. Ghātetvā tattha mānītaṃ, gāmāni dharaṇīpati;  
Akāsi laṅkāvasudhaṃ, sabbathā vītakaṇṭakaṃ.
45. Yujjhitaṃ saha coḷena, rājā attakatāvadhīṃ;  
Anatikkamma so pañca-cattālīsamhi vacchare.
46. Sannaddhaṃ balamādāya, gantvā sāgarapaṭṭanaṃ;  
Tassābhigamaṃ passaṃ, kañcīkālāṃ tahiṃ vasāṃ.
47. Anāgatattā coḷassa, tassa dūte vissajjiya;  
Punāgantvā vasīrājā, pulatthinagare ciraṃ.
48. Mahāheḷi sareharu, mahādattikanāmikā;  
Kaṭunnarūpaṇḍavāpī, kallagallika nāmikā.
49. Eraṇḍegallavāpī ca, dīghavatthukavāpikā;  
Maṇḍavāṭakavāpī, ca, kittaggabodhipabbatā.
50. Valāhassa mahādāru, gallakumbhīlasobbhakā;  
Pattapāsāṇavāpī ca, vāpī ca kāṇanāmikā.
51. Etā caññā ca so chinna-mariyādā vāpiyo bahū;  
Bandhāpesi sadādīna-satte baddha hitāsayo.
52. Bhūmino kandarā-gaṅgā-nadīsu ca tahiṃ tahiṃ;  
Subhikkhaṃ kārayī raṭṭhaṃ, bandhetvā'varaṇāni so.
53. Vihārā'bhayacāritta-bhediniṃ mahisaṃsaka;  
Parihāre sabbasocchijja-gāhayitvā galamhi taṃ.
54. Purambhā bahi kāretvā, mahāsaṅghaṃ khamāpiya;  
Pakāsesi ca lokassa, saṅghagāravamattano.
56. Mahāgāme nikāyānaṃ, titaye coḷanāsīte;  
Dhātugabbhe ca bandhesi, thūpārāmadvaye'pi ca.
57. Mātuyā'lāhaṇaṭhāne, tatheva pitunopi ca;  
Akā pañca mahāvāse, tathā budalaviṭṭhiyaṃ.
58. Paṇḍavāpī ca pāṭhīno, rakkhacetiyaṃ pabbato;  
Tatheva maṇḍalagiri-madhutthalavihārako.
59. Uruvelavhaya deva-nagare ca vihārako;  
Mahiyaṅgaṇavihāro ca, sītalaggāmaleṇakaṃ.
60. Jambukolavihāro ca, tatheva girikaṇḍako;  
Kurundiyaṇavihāro ca, jambukolakaleṇakaṃ.
61. Bhallātakavihāro ca, tatheva paragāmaṃ;  
Kāsagallavhaya canda-girivhaya vihārako.
62. Velagāmaṇavihāro ca, mahāsenavhagāmaṃ;  
Vihāro cā'nurādhamhi, pure bodhigharaṃ tathā.
63. Icevamādayoneke, vihāre ca bahū vibhū;  
Paṭisaṅkharijjṇe so, gāme cā'dā viṣuṃ viṣuṃ.

64. Samantakūṭa selatthaṃ, munindapadalañjanaṃ;  
Paṇamatthāya gacchantā, manussā duggamañjase.
65. Sabbe mā kilamantū'ti, dānavaṭṭāya dāpayi;  
Sālikkhattādisampannaṃ, gilīmalayanāmakam.
66. Kadalīgāmamagge ca, hūvaraḷañjase tathā;  
Gāme datvāna paccekam, sālāyo cāpi kārayi.
67. Anāgate taṃ bhūpālā, mā gaṇhantū'ti lekhiya;  
Akkharāni silāthambhe, patiṭṭhāpesi bhūmipo.
68. Gāmaṃ antaraviṭṭhiṅca, tathā saṅghāṭagāmakam;  
Sirimaṇḍagalārāmaṅca, adāso lābhavāsinam.
69. Vanajīvakabhikkhūna-madā so catupaccaye;  
Bandhūnampi ca so tesam, bhogagāme padāpayi.
70. Pāvāraggikapallāni, vividhe osadhepi ca;  
Sīte utumhi bahuso, bhikkhusaṅghassa dāpayi.
71. Adā sabbaparikkhāre, parikkhāre tathāttha so;  
Nekavāresu sakkaccam, bhikkhusaṅghassa buddhimā.
72. Saṅghassa pākavaṭṭatthaṃ, bhikkhūnaṃ lābhavāsinam;  
Veyyāvaccakarāmaṅca, pūjetum cetiyādikam.
73. Padinnā pubbarājūhi, ye gāmā rohaṇe bahū;  
Tepi sabbe anūne so, yathāpubbam ṭhapesi ca.
74. Adāsi piṭhasappīna-musabhe balino bahi;  
Bhattam cā'dāsi so kāka soṇādīnam dayāparo.
75. Adāsinekatā veyya-kārakānam mahākavī;  
Saddhiṃ pavenīgāmehi, vittaṭṭamanappakam.
76. Rājāmaccādiputtānam, siloke racite suṇam;  
Yathānurūpam pādāsi, dhanam tesam kavissaro.
77. Andhānam paṅgulāmaṅca, gāme cā'dā visum visum;  
Nānādevakulāmaṅca, dīnam pubbam na hāpayi.
78. Patti vo so kulitthīna-manāthānam yathāraham;  
Vidhavanamadāgāme, bhattaacchādanāni ca.
79. Rājā sīhaḷakā veyya-karaṇe so mahāpati;  
Aggo sīhaḷakāveyya-kārakānamahosi ca.
80. Subhe baddhādarō baddha guṇavhaya vihārake;  
Bandhesi uparājā so, cetiyam coḷanāsitam.
81. Muttacāgī tato tassa, vihārapavarassa so;  
Datvā gāmavare niccam, pūjāyo sampavattayi.
82. Sova tassa vihārassa, upacāraavanantike;  
Bandhāpesi mahāvāpiṃ, thīrībhūtamahodakam.





Sabbam hatthagatam katvā, vāhanañca gajādikaṃ.

7. Sakalam balamādāya, pulatthinagarā tadā;  
Khippam taṃ vikkamabhujam, gaṇhisāmā'ti nikkhamuṃ.
8. Sutvā pavattiṃ sakalam, imam vikkamabāhuso;  
Tā tassantimasakkāram, vidhātuṃ handano labhiṃ.
9. Idāni khippam gantvāna, pulatthinagaram tahiṃ,  
Tā tassāḷāhanaṭṭhāna dassane neva so aham.
10. Sokabhāram vinodessaṃ, mama ceto gataṃ iti;  
Katadaḷha vavatthāno, viniggamma tato purā.
11. Pulatthipuramāgacchaṃ, ādipādo'ti sāsaso;  
Sattaṭṭhasatasāṅkhena, balena parivārito.
12. Antarālapatheyeva, guttahālakamaṇḍale;  
Gāme pana samukkavhe, disvā senaṅgamāgataṃ.
13. Mahantaṃ yuddhasannaddham, ekavīro bhayātiko;  
Yujjhivā te palāpesi, khaṇeneva disodisaṃ.
14. Tayo te bhātaro tattha, sampattāva jayā tato;  
Abhimānuddhatā khippam, annayha balavāhanaṃ.
15. Ādipādakajambūti, vissutamhi padesake;  
Saṅgāmesuṃ parājesi, bhiyyo yujjhitha so tayo.
16. Tatiyam kaṭagāmasmiṃ, kāḷavāpyam catutthakaṃ;  
Pañcamaṃ uddhaṭadvāre, chaṭṭhamso paṅkavelake.
17. Tehi yuddham karitvāna, gahītavijayo sadā;  
Pulatthipuramāgañci, sahāmacca pariḷḷano.
18. Sacintitakkameneva, passivāḷāhanaṃ pitu;  
Vidūritamahāseko, laddhassāso purevasaṃ.
19. Dukkhe sahāya bhūtāna-mattano so yathārahaṃ;  
Amaccānamadā sabba-bhoge ṭhānantare hi so.
20. Bhaṭānañcāpi sabbesaṃ, sahāyātānamattano;  
Anurūpamadā vuttiṃ, saraṃ dukkhasahāyataṃ.
21. Māṇābharaṇabhūpopi, saddhiṃ sesehi bhātūhi;  
Karitvā rohanaṃ passaṃ, rohanañca sahatthagaṃ.
22. Tato kittisirīmeghe, sadvādasasahassakaṃ;  
Raṭṭham datvāna vasituṃ, tahiṃyeva samādisi.
23. Āṇatto bhātarākitti-sirīmegho janādhipo;  
Gantvā vasi puretattha, mahānāgahulavhaye.
24. Sirīvallabhanāmassa, kumārassāpi cādisi;  
Desamaṭṭhasahassavhaṃ, datvāna vasituṃ tahiṃ.

25. Tatheva sopi gantvāna, uddhanadvāranāmakam;  
Gāmaṃ katvā rājadāniṃ, vasanto anusāsitaṃ.
26. Sayañca sahasenāya, gantvā dakkhiṇapassakam;  
Vīrabāhūti paññāto, puñkhagāmaṃ samāvasi.
27. Mātā ca tiṇṇaṃ bhātūnaṃ, jayabāhu ca bhūmipo;  
Nivasimṣu tadā kitti-sirimeghassa santike.
28. Tato saṃvacchare'tīte, te māṇabharaṇādayo;  
Tenattani kataṃ yuddhe, sabbaṃ vikkamabāhunā.
29. Durārohaṃ mahantaṃ taṃ, parājayatarābhavaṃ;  
Anussarantabahuso, abhimānasamunnatā.
30. Muddhābhisittarājūna-mekākīrājaratthakam;  
Vināyamabhisekena, kathaṃ nāmānubhossati.
31. Iti issā parattañca, yātā saṅgayhasāvake;  
Bhiyyo sambhūyasaṅgāma-karaṇatthāya nikkhamuṃ.
32. Sutvā tamatthaṃ dūtehi, so vikkamabhujopi ca;  
Agā tesamva visayaṃ, mahāsenāpurakkhato.
33. Dese dakkhiṇake bodhi-senapabbatagāmake;  
Yujjhivā te parājesi, tayo vikkamabāhuso.
34. Ripavo dāni me sabbe, ummūlessāmahaṃ iti;  
Palāyante nubandhittha, padānupadikaṃ'va te.
35. Te ca duggaṃ palāyimṣu, pañcayojanaratthake;  
Khippaṃ pāvekkhi kalyāṇiṃ, so'pi te gahaṇatthiko.
36. Vīro ariyadesiyo, vīradevoti pākaṭo;  
Paḷandīpissaro eko, bhūsaṃ sahasiko tadā.
37. Saddhiṃ sūrehi yodhehi, mahātittamhi otari;  
Kātuṃ hatthagahaṃ sakkā, laṃkādīpanti cintiya.
38. So vikkamabhujō sutvā, pavattiṃ bhūbhujō tadā;  
Yāvatā nātra laṃkāyaṃ, laddhogāho bhavissati.
39. Tāva ummūlanīyoti, kalyāṇimhā viniggato;  
Mahātittamhi mannāra-nāmakaṃ gāmakaṃ gato.
40. Katvāna vīradevo'pi, saṅgāmaṃ tena rājinā;  
Anīkaṅgādayo rāja-putte dve bhātaropi ca.
41. Senādhināyakañceva, kittināmappakāsitaṃ;  
Ghātetvā sahasā vīra-sammate ca bahūjane.
42. Gāhetvā jīvaggāhaṃso, rakkhakañca camūpatiṃ;  
Sabalaṃ taṃ parājetvā, anubandhi padāpadaṃ.
43. Palāyamāno so bhīto, āgantvāna nijaṃ puram;  
Hatthasāraṃ samādāya, koṭṭhasāraṃ gato lahuṃ.

44. Pacchato pacchato vīra-devo tamanubandhiya;  
Āgantvāna purevāsaṃ, katipāhaṃ vidhāyaso.
45. Gaṇhituṃ vikkamabhujāṃ, tattheva turitaṃ agā;  
Pesayitvā sakaṃ sopi, mahantaṃ sakalaṃ balaṃ.
46. Yujjhāpetvāna ghātetvā, gāme antaraviṭṭhike;  
Mahākaddamaduggamhi, vīradevaṃ mahabbalo.
47. Abhisekaṃ vināyeva, pulatthi nagare vasaṃ;  
Akāsi rājaraṭṭhassa, pasāsanavidhiṃ vibhū.
48. Apanīyaraṇe chandaṃ, bhātaropi tayo tato;  
Āvasiṃsu yathāpubbhaṃ, gantvā raṭṭhaṃ sakaṃ sakaṃ.
49. Caturopi mahīpālā, yatamānā ciraṃ tahiṃ;  
Ekacchattaṅkitaṃ kātuṃ, neva sakkhiṃsu sabbaso.
50. Anisammakāribhāvena, kulīne parihāpayuṃ;  
Ṭhapesuñca mahantatte, hīne sābhimate jane.
51. Vaḍḍhitaṃnekadhā sammā, raññā vijayabāhunā;  
Sāsanañca tathālokaṃ, hāpayiṃsu subuddhino.
52. Kulīnānaṃ manussāna-mabhāvepi ca tādise;  
Dose vittaṃ tadāyattaṃ, pasayhāvahariṃsu ca.
53. Piḷetuṃ sakalaṃ loka-muddharantādhikaṃ baliṃ;  
Ucchūva ucchuyantete, khīṇako sādhanesino.
54. Uddharitvāna buddhādi-santake bhogagāmake;  
So vikkamabhujō rājā, sevakesu samappayī.
55. Pulatthinagare neka-vihāre dhātumaṇḍite;  
Sova desantarīyānaṃ, bhaṭānaṃ vasituṃ adā.
56. Saddhehi pattadhātussa, dāṭhādhatuvarassa ca;  
Pūjanatthāya dinnāni, maṇimuttādikāni ca.
57. Candanāgarukappuraṃ, suvaṇṇādīmayā bahū;  
Paṭimāyo ca acchiḷḷa, yathākāmaṃ vayaṃ nayī.
58. Sāsanassa ca lokassa, kriyamānamupaddavaṃ;  
Passantā bahuso tasmīṃ, tadā nibbannaṃānasā.
59. Aṭṭhamūlavihāresu, yatayo garusammata;  
Paṃsukūlikabhikkhū ca, koṭṭhāsadvayanissitā.
60. Evaṃ titthiyatulyānaṃ, sāsanopaddavaṃ bahuṃ;  
Karontānaṃ sakā sambhā-payātaṃ pavaraṃ iti.
61. Dāṭhādhatuvaram patta-dhātumādāya rohaṇaṃ;  
Gantvā vāsamakappesuṃ, phāsuṭhāne tahiṃ tahiṃ.
62. Tatheva phāsuṭhānesu, vippakiṇṇā tahiṃ tahiṃ;  
Te kulīnā nilīnā'va, hutvā vāsamakappayūṃ.

63. Pakkhadvayamahīpāla-gayhāsīmā suṭhāpitā;  
Sāmantā aññamaññehi, karonto bahuso raṇaṃ.
64. Susamiddhesu nekesu, gāmesu nigamesu ca;  
Aggiṃ dentā taḷāke ca, chindantā jalapūrite.
65. Nāsantā sabbathā sabba-mātikāvaraṇāni ca;  
Chindantā nāḷikerādi, so pakāre ca bhūruhe.
66. Yathā porāṇakaggāma-ṭhānantipi na ñāyate;  
Vināsesuṃ tathā raṭṭhaṃ, aññamaññavirodhino.
67. Te ca bhūmi patīgāma-vilopaṃ patthamosanaṃ;  
Kārentā nijacārehi, ācaruṃ lokupaddavaṃ.
68. Kulīnānaṃ manussānaṃ, dāsakammakarāpi ca;  
Sasāmino'ti vattantā, nissāṅkā vītabhītikā.
69. Hutvā yudhīyā rājūnaṃ, abbhantarapavattino;  
Balavantatarā jātā, laddhaṭṭhānantarā tadā.
70. Janā samantakūṭādi-nekadugganivāsino;  
Adentā bhūmipālānaṃ, pubbapaṭṭhapitaṃ karaṃ.
71. Rājāṇamagaṇentā te, gatā dāmarikattanaṃ;  
Sakaṃ sakaṃ'va visaya-māvasiṃsu samuddhatā.
72. Anatto nicitā nāma, parivattanti sabbatā;  
Iti vattabba taṃyeva, yātaṃ laṅkātaṃ tadā.
73. Evaṃ gāmakabhojakā viya bhusaṃtejo vihīnā sadā;  
Accantaṃ byasanāti sattahadayā rājābhīmānujjhitā.
74. Niccaṃ attaparattasiddhividhurāsaṅgā vihīnāsayā;  
Sabbe te vihariṃsu bhūmipatayo cārittamaggātigā.

Sujanappasādasamvegatthāya kate mahāvaṃse

Caturājacariyaniddeso nāma

Ekūnasatṭhimo paricchedo.

## Satṭhima pariccheda

### Kumārodayo

1. Rohaṇe nivasitthā'va, jayabāhumahīpati;  
Mittāvāhā rājini ceva, tadā kālamakaṃsu te.
2. Sirīvallabhajāyā'tha, janesi sugalā duve;  
Māṇabharaṇakaṃ puttaṃ, puttiṃ līlavatimpi ca.
3. Māṇabharaṇabhūpāla-devī'pi ratanāvalī;  
Mittaṃ pabhāvatiñcāpi, alabhī dhītarō duve.

4. Passantassa ubho tāyo, dhītarō vīrabāhuno;  
Tadā mahādīpādassa, evaṃ āsi vitakkitaṃ.
5. Lokābhisammate sabba-bhūpālanvayamuddhani;  
Visuddhe somavaṃsamhi, abhijātā mayāṃ pana.
6. Pihanīyatarākārā, sabbasattisamunnatā;  
Nānāvijjāsu nipuṇā, hatthiassādisukkhama.
7. Tathā pekākinā ve'te, tayo vikkamabāhunā;  
Parājayāṃ paribhavaṃ, pāpitā bahuso raṇe.
8. Sūnuno susamatthassa, visodhetu mimaṃ malaṃ;  
Na dissate pātubhāvo, aho no appapuññatā.
9. Janavādakiliṭṭhena, rājattenāpi kiṃ mama;  
Idāni visayāsaṅgaṃ, hitvā kalyāṇakammasu.
10. Appamattassa satataṃ, netabbā vāsarā'iti;  
Nīyātetvā amaccānaṃ, sabbaṃ rajjavīcāraṇaṃ.
11. Tahim satta'tṭhamāsāñhi, vasaṃ rattiyamekadā;  
Devarājaghareseyyaṃ, kappesi sīlasaṃyato.
12. Tato paccūsakālamhi, devaputtaṃ mahiddhikaṃ;  
Vicittavattābharaṇaṃ, gandhamālāvibhūsitāṃ.
13. Uḷaratararūpena, dehobhāsenā attano;  
Obhāsentaṃ asesā'sā, sūriyañca na bhuggataṃ.
14. Vadantaṃ supine evaṃ, adakkhi daraṇīpati;  
Pasīdassu mahābhāga, pitobhava mahipati.
15. Dhaññalakkhaṇasampanno, icchitattassasādhako;  
Vinīto lokakuhara-byāpītejo parakkamo.
16. Āṇabalayasokitti-bhāsuro sagguṇākaro;  
Lokasāsanasaṃvuddhi-karo puttavaro tava.
17. Labbhīssate mahārāja, na cirasseva sampati;  
Puttadārādhivutthaṃ taṃ, puraṃ khippaṃ payāhīti.
18. Pabujjhivāna sañjāta-pītivegotha rattiyā;  
Vibhātāya tatoponkha-gāmaṃ gañchinaruttamo.
19. Yathā diṭṭhappakāraṇaṃ, kathesi supinaṃ subhaṃ;  
Mahesī pamukhānaṃ so, amaccānaṃ mahīpati.
20. Saddhiṃ mahesiyā tattha, patthento puttamuttamaṃ;  
Cintonto dānasīlādīṃ, subhaṃ nānappakāraṇaṃ.
21. Athekadivasamkāle, paccūse supine pana;  
Sabbalakkhaṇasampannaṃ, sabbasetāṃ manoharaṃ.
22. Dantīpotavaraṃ dantaṃ, kaṇṇe gaṇiyapemato;  
Pavisantamivattānaṃ, seyyāgabbhaṃ mahesiyā.

23. Sampassiya pabujjhivā, uṭṭhāya sayanāvarā;  
Sañjātapītipāmojja-vegapīṇitamānaso.
24. Tāyaṃ velāyamedāsu-seyyāgabbhaṃ mahesiyā;  
Pavissasupinaṃ tassā, yathādiṭṭhaṃ pakāsayī.
25. Ahampi tādisaṃ hatthi-potakaṃ sayanaṃ mama;  
Padakkhiṇaṃ karitvāna, ṭhitaṃ soṇḍe samādiya.
26. Ākaḍḍhitvāna sayanaṃ, samāropiya pemato;  
Āliṅgiṃ supinamhīti, devī cāpi tamabravī.
27. Ubho te aññamaññassa, diṭṭhamevaṃ pakāsiya;  
Uṭṭhāpesuṃ pahaṭṭhāva, vītaniddāruṇaṃ tadā.
28. Tato pāto upaṭṭhātu, mupayātaṃ purohitaṃ;  
Nemittake ca pucchiṃsu, sunitvā te pamoditā.
29. Na cirasseva puttassa, dhaññalakkhaṇasālino;  
Uppattiyā avassaṃ'va, bhavaṃtabbanti kittayuṃ.
30. Taṃ suṇitvā amaccā ca, tathā nagaravāsino;  
Avindiṃsu janindo ca, sabbepīti mahussavaṃ.
31. Tato paṭṭhāya sotthānaṃ, patthayaṃ patthivobhusaṃ;  
Bhikkhusaṅghena bahuso, bhaṇāpesi parittakaṃ.
32. Maṇimuttādikaṃ cittaṃ, mahagghamanuvāsaraṃ;  
Pariccaji dānamukhe, yācakānamanekaso.
33. Purohitādivippehi, vedavedaṅgaviññūhi;  
Vattāpesi ca homādi-vidhānaṃ sotthi sammataṃ.
34. Suvinaṭṭhe vihāre ca, dhātugabbhe ca vāpiyo;  
Jiṇṇā ca paṭisaṅkhattuṃ, yojayī rājakappike.
35. Dinaṃ nayante kalyāṇa-kammene'vaṃ narissare;  
Na ciraṃ saṅṭhahi gabbha-varo kucchimhi deviyā.
36. Tatovagamma taṃ haṭṭha-pahaṭṭho so narissaro;  
Mahantaṃ deviyā gabbha-parihāramadāpayi.
37. Paripakkagabbhā devī, kamena janayīsukaṃ;  
Samaye bhaddanakkhatta-muhuttenabhilakkhite.
38. Suppasannā asesā ca, disāyo taṃkhaṇe ahu;  
Samīraṇe ca vāsīṃsu, sugandhimudusītālā.
39. Dantīnaṃ koñcanādena, hayānaṃ hesitena ca;  
Rājāṅgaṇaṃ tadājātaṃ, mahākolāhalā kūlaṃ.
40. Accherātisaye evaṃ, pātubhūte anekadhā;  
Disvā taṃ vimhayappatto, māṇabharaṇabhūpati.
41. Sutvā nijassa puttassa, tadā sañjātasāsaṇaṃ;  
Amatenābhisittova, pītipuṇṇamanoratho.

42. Mocāpetvā tadā kārā-ghare baddhe bahūjane;  
Dānaṃ uḷāraṃ samaṇa-brāhmaṇānaṃ padāpayi.
43. Amaccapamukhā cāpi, janāpuranivāsino;  
Kadalītorañādīhi, rājadhānī manekadhā.
44. Alaṅkaritvā sakalaṃ, sumaṇḍitapasādhitā;  
Chaṇaṃ mahantaṃ vattesaṃ, katipāhaṃ manoramaṃ.
45. Vede vuttavidhānena, jātakammādikāṃ vidhiṃ;  
Sabbāṃ samāpayitvāna, kumārassa'vanīpati.
46. Purohitādayo vippe, tato lakkhaṇapāṭhake;  
Āṇāpetvāna sakkāra-sammānavidhipubbakaṃ.
47. Niyojesi kumārassa, lakkhaṇānaṃ paṭiggahe;  
Sādhakaṃ sakalaṃ tassa, yatthapādādīlakkhaṇaṃ.
48. Upadhāriya mahāmacca-gaṇamajjhagatassa te;  
Rājino deviyā cāpi, pakāsesuṃ pamoditā.
49. Laṅkādiṇaṃ ṭhapetvāna, jambudīpatalampi ca;  
Ekacchattaṅkitāṃ katvā-nubhottuṃ nipuṇo iti.
50. Te santappiya bhogehi, bhiyyo pucchittha sādaraṃ;  
Sandissamānaṃ yaṃkiñci, ariṭṭhaṃ atthi natthī'ti.
51. Dīghāyuko kumāro'yaṃ, kiñci paññāyate vata;  
Janakāriṭṭhayogo'ti, te mahīpatino'bravuṃ.
52. Tassārijanasammaddi-patāpabhujayo gato;  
So parakkamabāhū'ti, anvatthanāmamaggahī.
53. Kaṇṇave dhamahañceva, annupāsanamaṅgalaṃ;  
Kārāpiya vidhānaññū, yathāvidhimasesato.
54. Rañño vikkamabāhussa, saputtuppattisāsaṇaṃ;  
Vattuṃ sadūte pesesi, pulatthinagaraṃ tadā.
55. Tehiso bhāgineyyassa, mahābhāgattanampi ca;  
Janakāriṭṭhayogañca, sutvā vikkamabāhuso.
56. Dhaññaṃ vijayarājādi-rājamālāya nāyakaṃ;  
Maṇiṃva bhāsuraṃ mayhaṃ, bhāgineyyaṃ janesiso.
57. Hāni yākācisatataṃ, yathā tassa na hessati;  
Tathā mamantikeyeva, kumāro ettha vaḍḍhataṃ.
58. Aladdhaṃ labbituṃ lābhaṃ, laddhañca parirakkhituṃ;  
Sabbathā na samatthoyaṃ, putto gajabāhu mama.
59. Sūrabhāvādiyutto'pi, mahindavhaparosuto;  
Nihīno mātugottena, na rajjassa raho mama.
60. Ṭhitassa vikkajātena, nekaso sañcitena me;  
Rajjassa bhāgineyyo'va, kāmaṃ bhāgī bhavissati.



61. Itipesesi dūte so, ānetuṃ taṃ kumāraṃ;  
Kumārā bharaṇaṃ datvā, sesaṃ sārāñcupāyaṇaṃ.
62. Sabbhaṃ dūtamukhā sutvā, vīrabāhu mahīpati;  
Tassettaṃ vacanaṃ yuttaṃ, vuttaṃ mehita buddhiyā.
63. Tathāpi ca nijāriṭṭha-paṭikāratthamīdisaṃ;  
Orasaṃ puttaraṇaṃ, pesetuṃ nā'nurūpakaṃ.
64. Kiñca tattha kumāramhi, nīte vikkama bāhuno;  
Pakkho laddhamahāvāha-balo viya hutāsano.
65. Accunnatena mahatā, tejasā sañjalissati;  
Hānireva vatamhākaṃ, mahatī hessate bhusaṃ.
66. Iti hatthe gatānaṃ so, dūtānaṃ thanayaṃ sakaṃ;  
Apesetvā visajjesi, pasādiya manena so.
67. Saputtadārehi samaggavāsaṃ,  
Narādinātho nivasāṃ tahiṃso;  
Tibbena phuṭṭho mahatāgadena,  
Rajjena saddhiṃ vijahittha desaṃ.

Sujanappasādasamve gathāya kate mahāvamse

Kumārodayo nāma

Saṭṭhimo paricchedo.

## Ekasaṭṭhima pariccheda

### Saṅkhatthalipurābhigamaṇo

1. Sutvā dve bhātaro aññe, jeṭṭhasso paratiṃsadā;  
Khippaṃ saraṭṭhā āgamma, kāresuṃ antimaṃ vidhiṃ.
2. Atha kittisirimegho, raṭṭhaṃ jeṭṭhassa bhātuno;  
Attādhiṇaṃ karitvāna, āmantiya kaṇiṭṭhakaṃ.
3. Datvā raṭṭhadvayaṃ aññaṃ, vatthuṃ tattheva ādisi;  
So'pi jeṭṭhassa bhātussa, vacanaṃ sampaṭicchiya.
4. Samādāya kumārañca, deviñca ratanāvaliṃ;  
Dhītarō dve ca gantāna, mahā nāmahulaṃ puraṃ.
5. Samaggā nivasāṃ tattha, kumārassa sikhāmahāṃ;  
Kāretvā parihārena, vaḍḍhesi mahatā sadā.
6. Tato so deviyā jeṭṭhaṃ-dhītaraṃ mittanāmikaṃ;  
Dātukāmo saputtassa, sahāmaccehi mantayi.
7. Kāliṅganvayasambhūtā, pāyenakhalu bhūmipā;  
Sāmibhāvaṃ gatā asmiṃ, laṅkādhīpamhī bhūyaso.
8. Kāliṅgagotta sambhūta, gajabāhussa dātave;

Gūḷarūpena devī'yam, yadi peseyya dhītarām.

9. Bhiyyo vivāhasambaddho, balavā so bhavissati;  
Mayhaṃ eso nirālambo, putto hehīti sabbathā.
10. Tasmā me sunūno esā, dātuṃ yuttā kumārikā;  
Evaṃ sati vatamhākaṃ, vaḍḍhiye'va siyā 'iti'.
11. Devīpi sutvā taṃ sabba-mādiccānvaya maṇḍanā;  
Sabbathā tamanicchanti, idamāha mahīpatiṃ.
12. Ghātetvā sakale yakkhe, kumāro vijayavhayo;  
Laṃkāḍīpamimaṃ'kāsi, manussāvāsakaṃ sadā.
13. Tato pabhuti amhākaṃ, ghaṭesuṃ vijayanvayaṃ;  
Kāliṅgavaṃsajeheva, sambandhaṃ katva pubbakaṃ.
14. Aññabhūpāla sambandho, sutapubbo pinatthino;  
Somavaṃsa samumbhūte, ṭhapetvā dharaṇissare.
15. Tuyhaṃ jātoti amhākaṃ, sambandho so kathaṃ siyā;  
Ariyanvaya sambhūta, kumārena sahāmunā.
16. Evaṃ so deviyā tāya, nekasō vārayantiyā;  
Pasayhasaka putthassa, taṃ kumārimadāpayi.
17. So anekaguṇodāra- bhariyānugato tato;  
Rañjayanto jane sabbe, janakasantike vasi.
18. Ekavīsatiṃ vassāni, rajjaṃ vikkama bāhuso;  
Anubhotvā yathākammaṃ, kāyabhedā gato paraṃ.
19. Tato gajabhujo ṭhitaṃ, sampannabalavāhanaṃ;  
Rajjaṃ hatthagataṃ katvā, pulattinagare vasī.
20. Tato kittisirīmegha, sirīvallabha bhūmipā;  
Vuttanta metaṃ viññāya, evaṃ samanucintayūṃ.
21. Tassa vikkama bāhussa, vuddhabhāvena nekadhā;  
Mūlarajjādhipaccaṃ taṃ, ammaṃ nindākaraṃ na hi.
22. Tadatthajassa bālassa, mūlarajjaṃ pasāsano;  
Upekkhaṇaṃ panamhākaṃ, nevānucchavikaṃ vata.
23. Te soyāva sarajjamhi, baddhamūlo bhavissati;  
Pasayha tāva taṃ rajjaṃ, vaṭṭati gaṇhituṃ iti.
24. Velakkāra balaṃ sabbhaṃ, bhindimsu dhana dānato;  
Ṭhapetvā sevake keci, tassabbhantarike tadā.
25. Gajabāhu mahīpāle, virattā raṭṭhavāsino;  
Ubhinnaṃ rājūnaṃ dūte, pesayūṃ nekasō tato.
26. Rajjaṃ sādhetvā dassāma, ekībhūtā mayaṃ pana;  
Upatthambhakabhāvo'va, kātabbo kevalaṃ iti.

27. Tato dve bhātukā senaṃ, sakaṃ sannayha vegasā;  
Ubhato mukhato tassa, raṭṭhamajjhamupāgamuṃ.
28. Pahiṇimsu ca te dūte, tato gajabohuvhayo;  
Bhūmipālo nijāmacce, sannipātiya mantayi.
29. Veḷakkārabalaṃ sabba-mujupaccattikaṃ ahu;  
Rājāno dve ca no raṭṭhaṃ, saṅgāmatthamupāgatā.
30. Paṭhamaṃ tesu pakkhassa, ekassa balino bhusaṃ;  
Mukhabhaṅge kate khippaṃ, tato aññe susādhiyā.
31. Iti nicchiya senaṅgaṃ, sabbamādāya attano;  
Sirivallabharājābhi-mukhaṃ yuddhā'yupāgami.
32. Sirivallabharājāpi, saṅgāma mahibhiṃsanaṃ;  
Pāto paṭṭhāya sāyanha-kālaṃ yāva pavattayaṃ.
33. Asakkuṇanto'bhibhavaṃ, vidhātuṃ tassa kañcipi;  
Tatova so nivattitvā, sakaṃ raṭṭhaṃ gato lahuṃ.
34. Gajabāhussagokaṇṇa-sacivena parājito;  
Agā raṭṭhaṃ sakaṃ kitti-sirimegho'pi bhūpati.
35. Gajabāhunarindopi, saṅgāme tamhi kiñcipi;  
Parihānimasampatto, punā'gamma purantikaṃ.
36. Balanāthe viniggayha, sāparādhe bahū balī;  
Raṭṭhaṃ vūpasametvāna, pāvekkhi nagaraṃ sakaṃ.
37. Raṭṭhe sake sakeyeva, tato pabhūti bhūmipā;  
Aññoññamitte sambandhaṃ, vidhāya vihariṃsu te.
38. Tato parakkamabhujō, dharaṇī pālanandano;  
Medhāvīnekasippesu, sikkhamāno susādhukaṃ.
39. Vicārakkhamapaññattā, kiccā kiccesu nekasō;  
Accuḷārāsayaṭṭā ca, mahābhāgattanena ca.
40. Attano mātubhaginī, sahavāsa sukhamhi ca;  
Alaggamānasoneka, balākīlārasesu ca.
41. Sūrabhāvādisaṃyuttā, rājaputtā tu mādisā;  
Paccante īdise dese, kathaṃ nāma vasissare.
42. Jātadesaṅca me dāni, yuvarājapabhogiyāṃ;  
Gamiṣāmīti niggañchi, tamhā parijanatthito.
43. Kamena santikaṃ saṅkha-nāyakatthalisaññino;  
Gāmassāgā ahiṃ kitti-sirimegho nisamma taṃ.
44. Abhāvā rajja dāyāda-samānassa'trajassa me;  
Ekākī'hanti yo citta-santāpo santataṃ gato.
45. Jeṭṭhaṃva bhātaraṃ mayhaṃ, taṃ dehapaṭibimbakaṃ;  
Daṭṭhuṃ me sattataṃ puññaṃ, mahantamuditaṃtica.

46. Pāmujjavegavasago, nagaraṃ taṃ manoharaṃ;  
Alaṅkāraṃ payitvāna, toraṇādīhi nekadhā.
47. Gantvā paṭipathaṃyeva, baloghaparivārito;  
Narindo tithinakkhatta-visese subhasammate.
48. Anaññasādhāraṇataṃ, sampattehi guṇehi ca;  
Lakkhaṇehi ca sabbehi, kalyāṇeyi susaṃyutaṃ.
49. Disvā kumāraṃ santuṭṭho, āliṅgitvāna pematō;  
Ure katvāna cumbitvā, matthakamhi punappaṇaṃ.
50. Janassa balato tassa, passato locanehi so;  
Santosa assudhārāyo, vassāpento nirantaraṃ.
51. Manuññameka māruya, vāhanaṃ saha sūnuna;  
Bherini dena pūrento, disā dasa samantato.
52. Pavisitvā puraṃ tattha, alaṅkāre manorame;  
Dassayanto saputtassa, pāvīsi rājamandiraṃ.
53. Laddhā tato kañcukī-supakāra,  
Vagādineke paricārake so;  
Nānāguṇā rādhitamānasassa,  
Vasīsakāse pituno sukkena.

Sujanappasādasamvegatthāya kate mahāvamse

Saṅkhatthalipurābhigamaṇo nāma

Ekasaṭṭhimo paricchedo.

## **Dvisaṭṭhimapariccheda**

### **Paramaṇḍalābhigamaṇo**

1. Attaṇābhimatassā'su, jātadesassa pattiyā;  
Sampunṇamanasaṅkappo, dussaṅkapavivajjito.
2. Vajirūpamorupaññā, balena gurusantike;  
Lahaṃ bahuñca gaṇhanto, sippajātamaneka kaṃ.
3. Jināgamesu nekesu, koṭillā dīsu nītisu;  
Saddasatthe ca kāveyye, sanighaṇḍuka keṭubhe.
4. Naccagītesu satthesu, hatthisippādikesu ca;  
Dhanu khaggādinekesu, satthesu ca visesato.
5. Pārappatto vinītatto, pitu rañño samācari;  
Adhippāyānukulaṃ'va, sadā bhattipurassaro.
6. Tadā sadā darācāra-guṇārādhitamānaso;  
Piyena viya mittena, tena saddhiṃ mahīpati.
7. Uyyānajalakīḷādi-sukhaṃ nānappakāraṃ;

Anubhotvā sadesasmiṃ, sañcaranto tahiṃ tahiṃ.

8. Ekadāsankhasenādhi-patinā dalhabhattinā;  
Saraṭṭhasīmā rakkhāya, yo jitena balīyasā.
9. Ajjhāvutthassa ca balattha-linamassa ca santikaṃ;  
Gāmasā' gañchi sutvāna, tamatthaṃ dhajinīpati.
10. Gāmaṃ taṃ sādhukaṃ sajjū, sajjāpetvā saputtakaṃ;  
Paccuggantvā mahīpālaṃ, paṇamitvā ṭhito tadā.
11. Pitā putto ubho tassa, sambhāsiya piyaṃ vaco;  
Nekadhā' rādhitā tena, taṃ gāmaṃ samupāgagum.
12. Tahiṃ katicī bhūpālo, vāsare vītināmiya;  
Senāpatiṃ samāhūya, idaṃ vacanaṃ mabravi.
13. Putto me dānivayasi, ṭhito' panayanārahe;  
Tassopanayanaṃ kātum, mahopakaraṇaṃ lahum.
14. Sajjetabbanti taṃ sutvā, sopi senādhināyako;  
Sabbupakaraṇaṃ khippaṃ, maṅgalatthaṃ susajjayi.
15. Sugandha dīpapupphādi-vatthūhi divasattayaṃ;  
Pubbakāraṃ karitvāna, mahantaṃ ratanattaye.
16. Vedikācāradakkhehi, dvijehi puthuvīpati;  
Sampabhāvānu rūpaṃva, maṅgalaṃ taṃ samāpiya.
17. Parakkamakumārena, tena saddhiṃ samārabhi;  
Vasantakīlaṃ mahatiṃ, sāmacco kīlītuṃ tadā.
18. Rājā kitti sirīmegho-rohaṇe vasato tadā;  
Sirīvallabhanāmassa, sabhātu maraṇampi ca.
19. Māṇabharaṇanāmassa, rajjalābhañca deviyā;  
Mittāya paṭilābhañca, sirīvallabhasūno no.
20. Rohaṇāgatadūtehi, suṇitvā sakabhātuno;  
Kālakriyāya sañjāta-sokavegaṃ sudussahaṃ.
21. Mittāyanayuppatti pavattiṃ savaṇena taṃ;  
Vineyya virato tamhā, vasantasamayussavā.
22. Nivattetvāna tattheva, senāniṃ saṅkhanāmakam;  
Puttena saha so saṅkha-tthali nāmaṃ puraṃ gami.
23. Parakkamakumārena, tena saddhiṃ tahiṃ sukhaṃ;  
Vasato tassa bhūpassa, vassamekamatikkami.
24. Māṇabharaṇabhūpassa, devī cāpi pabhāvati;  
Labhittha dutiyā kitti-sirī meghavhayaṃ sutam.
25. Suṇitvā tañca so amhaṃ, vaṃso jāto mahā'iti;  
Ahu kittisirīmegho, tadā attamano bhusaṃ.

26. Lamkāḍīpopabhogeka-hetunā mahatā satā;  
Asādhāraṇabhūbhena, codito puññakammunā.
27. Kumāro so'tha pitarā, piyamitte viyattani;  
Kariyamānaṃ sasnehaṃ, mahantaṃ co'palālanam.
28. Sacivānamanekesaṃ, bhayabhattī purassaram;  
Kriyamānamupaṭṭhānaṃ, na maññanto tiṇāyapi.
29. Lamkāḍīpamimaṃ sabba mekacchatto pasobhitam;  
Khippaṃ kāretukāmo so, sayam itī vicintayi.
30. Kesa akkhaka gīvaṭṭhi-dāṭhā pattāna meva ca;  
Padacetya mahābodhi-sākhānañcāpi satthuno.
31. Caturāsītisahassānaṃ, dhammakkhandhāna meva ca;  
Sammāsambuddhakappānaṃ, ādhāratā ca niccaso.
32. Ākaratā ca nekesaṃ, maṇimuttādivatthūnaṃ;  
Sammatoṇi viṣiṭṭhoti, dīponāti mahā ayaṃ.
33. Tayo me pitaro bhūpā, mātulopi ca sabbathā;  
Ekacchattena vattetu, masamatthā vibhajjī'maṃ.
34. Bhuñjantā ettakeneva, katakiccā mayaṃ itī;  
Maññantā vigatacchandā'bhisekamhi kulocite.
35. Raṭṭhesake sakeyeva, isseraṃ sampavattayaṃ;  
Kasikammādikam gāma-bhojakā viya nissitā.
36. Tesu kittisiri meghaṃ, petteyyaṃ me ṭhapetva te;  
Agamaṃsu yathākammaṃ, sesā bhūpatayo tayo.
37. Maccānaṃ paramaṃ āyu, vate'dāni parittakam;  
Bālāyuvāno vuddhā ca, ime sattā'nupubbaso.
38. Pāpuṇissanti maraṇa-mīti'yaṃ niyamopi ca;  
Na heva asmim lokasmim, saṃvijjati kadācīpi.
39. Tasmā sarīrake asmim, bhaṅgure sāravajjite;  
Hiṭite sāradaṣṣīhi, apekkhaṃ hitvā sabbathā.
40. Pihaniye yasodehe, ciraṭṭhāyimhi sabbadā;  
Amhādisēhi kattaḅbo, rājaputtehi ādaro.
41. Ummaggajātakādīsu, cārittañcāpi bhūmisu;  
Vihitaṃ bodhisattena, vīrabhāvādinissitaṃ.
42. Rāmāyaṇabhāratādi-lokiyāsu kathāsupi;  
Rāmassa vikkamañceva, tassa rāvaṇaghātino.
43. Duyodhanādirājāno, hantvāyuddhe pavattitaṃ;  
Vikkamāti sayañceva, pañcannaṃ paṇḍusūnūnaṃ.
44. Itihāsakathāyañca, devāsuraṇe purā;  
Dussantādīmahīpehi, katañca caritabbhūtaṃ.

45. Ummūlitavato tassa, nandavaṃsanarissare;  
Cārakkadvijaseṭṭhassa, sutvā buddhibalampi ca.
46. Sabbā netāni lokamhi, yāvajjadivasā bhuvī;  
Tesaṃ asannidhānepī, suppasiddhiṃ gatāni hi.
47. Suladdhaṃ jīvitam tesaṃ, asādhāraṇamīdisaṃ;  
Caritātisayaṃ kattuṃ, samatthā honti ye bhuvī.
48. Jāyitvā khattavaṃsamhi, khattavīravarodhitam;  
Yadihaṃ na karissāmi, moghā me jāti hessati.
49. Tesamabbhadhikā kāla-sampadāyeva kevalam;  
Mayā te adhikā kintu, paññādīhīti cintiya.
50. Piturājā ca me'dāni, pacchime vayasitṭhito;  
Yadidaṃ pettikaṃ rajjaṃ, mama hatthagatabbhava.
51. Rājalakkhiva so peta-cetaso me pamādato;  
Yathicchitañce na bhava, mahatī jāni me bhusaṃ.
52. Ettheva nivasanto'haṃ, carāpiya sake vare;  
Paramaṇḍalavuttantaṃ, jāneyyaṃ yadi tattano.
53. Randhaṃ paccatthikānantu, pakāsetuṃ rathātathaṃ;  
Adhippāyānurūpaṃ me, samatthā vā na vācarā.
54. Ye keci'dha janā santi, sabbe te mama sammukhā;  
Balīyattaṃ'va sattūnaṃ, kathayanti anekaso.
55. Paccekaraṭṭhasāmīhi, pitubhūpehi tihipi;  
Ekībhūya karitvāna, sattakkhattuṃ mahāhavaṃ.
56. Sādhetuṃ dukkaraṃ raṭṭhaṃ, bhavate kākinā kathaṃ;  
Sisunā gaṇhituṃ sakkā, khuddarajjo pabhoginā.
57. Sukaraṃ mūlabhūtassa, tassa rajjassa sādhanam;  
Iti duccintaṃtaṃ tuyhaṃ, dūre tabbamidaṃ'iti.
58. Kaṇṇe tatthasalākāyo, pavesentā'va nekasō;  
Mahantattaṃ kathente'vaṃ, bahudhā paramaṇḍale.
59. Ajānanaṃ yathābhūtaṃ, vadantānaṃ kubuddhinam;  
Sabbametaṃ vaco jātu, saddhātappaṃ siyā na hi.
60. Lesenekena gantvāna, khippaṃ'va paramaṇḍalam;  
Sarūpaṃ tattha ussāmi, ahameveti cintayi.
61. Yadi me pītubhūpālo, viññāyetaṃ vitakkitam;  
Abhijātassa puttassa, vaṃsajotikarassa me.
62. Gatassa satthu visaya-manatthopi siyā iti;  
Anukampādhiyā mayhaṃ, gamaṇam vārayissati.
63. Manorathassa saṃsiddhi, sabbathā mena hessati;  
Tasmā nigūlarūpena, gamaṇam bhaddakaṃ iti.

64. Laddhāna rattiyama thekadinam̐ khaṇaññū,  
So tādisaṃ khaṇamakhīṇatarorūpāyo;  
Jānāti no sakapitāgamanam̐ tathātaṃ,  
Gehā`bhinikkhamitathā caturo kumāro.

Sujanappasādasam̐vegatthāya kate mahāvam̐se

Paramaṇḍalābhigamano nāma

Dvisaṭṭhimo paricchedo.

## Tisaṭṭhima pariccheda

### Senāpativadhō

1. Nijāyudhadutiyassa, nikkhamantassa tassa hi;  
Taṃ khaṇam̐ purato ko`pi, saṅkhasaddo samuggato.
2. Tato nekanimittaññū, kumāro taṃ suṇi tva so;  
Nippahjissati saṅkappo, khippam̐ yeveti modavā.
3. Tattha tattha niyuttānam̐, rakkhakānamajānatam̐;  
Nikkhamitvā purāvīta-bhayo siḥaparakkamo.
4. Vegena maggam̐ gantvāna, pañcagāvutamattakam̐;  
Badalatthalagāmassa, padesenāti dūrake.
5. Gāma mekamupāgañci, piliṃ vatthūti saññitam̐;  
Janānam̐ sannipātāya, nijānam̐ so katāvadhī.
6. Nijāgamanato pubbam̐, paṭimagge nisīditum̐;  
Paṭiladdhaniyogānam̐, yeci devāgate tadā.
7. Tahim̐ ṭhite so passivā, ettakā kinu āgatā;  
Iti pucchi kumārotha, tepi taṃ ida mabravum̐.
8. Lokappavattim̐ sakalam̐, jānantenāpi sāminā;  
Kimeva muccate maccu-bhayam̐ kesam̐ na vijjati.
9. Bālātānugato sāmi, ṭhito vayasi īdise;  
Ajjāpi hi mukhe tuyham̐, khīragandho pavāyati.
10. Na hevatthi visum̐ vitta-jātam̐ saṅgahitam̐ tava;  
Tadaññā copakaraṇa-sāmaggī neva vijjate.
11. Ciramparicitattehi, dalham̐ sārulaḥhattiḥi;  
Vinā`mhehi visum̐ kevā`nugantāro janātuvam̐.
12. Kiñcāgatānamamhākam̐, pitā tuyham̐ narissaro;  
Kāressati idam̐ nāma, sabbathā neva ñāyate.
13. Amhākamantarāmagge, saṅkho nāma camūpati;  
Mahabbalo mahāvīro, rajjasīmam̐ tamāvasam̐.
14. Paccatthite ṭhapetvaññe, ete katipayā mayam̐;



Aññaṃaññaṃhi niyata-māsaṅkī hadayā bhusaṃ.

15. Aruṇuggamavelā ca, samāsannatarādhunā;  
Iti bhītiṃ pakāsesuṃ, paccekaṃ hadayassitaṃ.
16. Nisamma tesam vacanaṃ, vidhāya madhuraṃ sitaṃ;  
Vītasāṅko kumāro so, mukhāne'saṃ vilokiya.
17. Caritvāpi mayā saddhi-mete'ho kālamettakaṃ;  
Na jāniṃsu mamaṃ sabbe, yesaṃhi bhayamidisaṃ.
18. Iti vatvā bhayaṃ tesam, vinodetu mupaṭṭhitaṃ;  
Sīhanādaṃ tadā'kāsi, mahantaṃ sīhavikkamo.
19. Tiṭṭhantu mānusā sabbe, mayi hatthagatāyudhe;  
Sakko devānamindopi, kupito kiṃ karissati.
20. Bāloti maṃ cintaya taṃ, jātā vo kumatīdisī;  
Parikkhīyati te jāṇā, navayo'ti na kiṃ sutamaṃ.
21. Ajjeva kātumekena, kammunā cintitena me;  
Sadesapara desaṭṭhā, bhayaḥhattī yathāmayi.
22. Karissanti yathā vedaṃ, bhayaṃ tumhe jahissatha;  
Tathā rattiyametāya, vibhātāmaya khaṇena me.
23. Unnate dassayissāmi, buddhi sāhasavikkame;  
Anudhāvati maṃ tāta, setehi yadi vo bhayaṃ.
24. Purato hotha tumhehi, vatvā te gahitāyudho;  
Sāhasekaraso vīro, tamhā nikkhamma gāmato.
25. Udayā'calasīsaṭṭhaṃ, jetumādiccamaṇḍalaṃ;  
Aparaṃ ravi bimbaṃva, pacchimā sā mukhoditaṃ.
26. Tejasā pasarantena, janānaṃ pavikāsayam;  
Netambujavanaṃ pāto, badalatthalimāgami.
27. Jaghasaṅkhassarenā'tha, senā nātho pabujjhiya;  
Saṅjātasambhamo ñatvā, rājaputtamupāgataṃ.
28. Saddhiṃ balena mahatā, padhuggammakatādarō;  
Paṇāmamucitaṃ kattu-mānato vasudhātale.
29. Amhākamesajīvanto, kiṃ nāmatthaṃ karissati;  
Māretabbo'dhuneveti, passante samukhaṃ bhaṭe.
30. Nevā'diṭṭhāparādhassa, maraṇaṃ puriso citaṃ;  
Vadho virodhe sakkā'ti, iṅgitena nivāriya.
31. Senāpatissa so hatthaṃ, gahetvā sīhasannibho;  
Bhāsanto madhuraṃ vācaṃ, tassevā'gañchi mandiraṃ.
32. Athassa gamanaṃ rañño, bhavitabbamajānatā;  
Sarūpaṃ yāva jānāmi, tāvassete sahāgatā.

33. Yathā na sahitā honti, ʘhapetabbā visuṃ visuṃ;  
Kumāro'va mamāgāre, vasatū'ti vicintiya.
34. Tathā senāpati katvā, vañcetum taṃ mahāmatim;  
Dassetvā'ti thīsakkāraṃ, rañño dūte sa pesayi.
35. Kumāro'tha viditvāna, tena taṃ vañcanaṃ kataṃ;  
Kattabbametthā'katvāha, mudāsīno bhava yadi.
36. Icchitatthassa nipphatti, na me jātu bhavissati;  
Ayaṃ tāvā'dhunāvassaṃ, māretabboti cintiya.
37. Sahāgataṃ payojetvā, ghātāpayi camūpatim;  
Hato senādhinātho'ti, mahantaṃ khubhitaṃ ahu.
38. Senānāthabhaṭo eko, sutvā senāpatim hataṃ;  
Māraṇaṃ sāmīno mayhaṃ, kiṃ nimittamīti bravi.
39. Nettim sapāṇi sahasā, kumāraṃ ʘhitamekakaṃ;  
Abhidāvi sasāmissa, paricattattajīvino.
40. Kumārassa mukhaṃ disvā, vedhamāno bhayena so;  
Pure ʘhātumasakkonto, pādāmūle tato sayi.
41. Gaṇhathe'tantivacanā-kumārassa puretaraṃ;  
Tasseveko sahacaro, bhaṭametaṃ vighātayi.
42. Niyogaṃ me vinā tena, kataṃ kammaṃ na yujjati;  
Iti daṇḍanametassa, kārāpesiyathocitaṃ.
43. Atha taṃ kālayambhūta-saṅkhobhamatibhiṃsanam;  
Bhamukkipanamattena, rājaputto samaṃ nayi.
44. Vīro yasodharadhano dhitimā kumāro;  
Vīropakāracaturo varakittisāro;  
Senindasañcitamanappadhanaṃ bhaṭānaṃ;  
Sabbam visajjayi yathāruciya gahetum.

Sujanappasādasamvegatthāya kate mahāvamse

Senāpativadho nāma

Tisaṭṭhimo paricchedo.